


UTL AT DOWNSVIEW



D RANGE BAY SHLF POS ITEM C
39 09 30 20 10 001 2

DC

Ahmet Mithat

37


Zeyl-i Ka'inat


A35

1875


PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY





Digitized by the Internet Archive
in 2010 with funding from
University of Toronto



صفحه	فرانسه تاريخك فهرستی
۲	فرانسه اوليكاسنك اجمال احوال جغرافياسی
۹	فرانسه تاريخك تقسیمات اساسیه سی
	✽ برنجی باب ✽
۱۳	فرانسه نك مبدئندن مرو و نیرینه خاندانك
	ختم حكومتلرینه قدر
	(برنجی فصل)
۱۳	فرانسه نك بدايت احوالی ذكرنده در
۳۰	(بند مخصوص) فرانقلر
	(ایکنجی فصل)
۳۸	قلو و ينك وفاتنه قدر مرو و نیرینه نلرك حكومتی
	(اوچنجی فصل)
۵۳	فرانسه نك پرنسلر میاننده انقسامی
۵۸	(بند مخصوص) پارس حكومتی
۵۹	(بند مخصوص) اورلیان حكومتی
۶۳	(بند مخصوص) مس حكومتی
۶۵	(بند مخصوص) صواصون حكومتی
	✽ ایکنجی باب ✽
۸۶	قارلو و نیرینه خاندانك مدت حكومتلری

۸۶ (بند مخصوص) شارل مارتل

۱۰۵ و ۱۰۶ (بند مخصوص) شارلمان

✽ اوچنجی باب ✽

۱۲۹ قاپه سیدن خاندانك مدت حكومتلری

(برنجی فصل)

۱۲۹ قاپه سیدن خاندانك بردوزی به حكومتلری

(فصل ثانی)

۱۷۰ والوا خاندانك حكومتلری

۱۸۱ (بند مخصوص) ژان دارق . قاریلرك

صاحبقرانی

(فصل ثالث)

۱۹۱ اورلیان خاندانك حكومتی

(در دنجی فصل)

۲۰۷ بوربون خاندانك مدت حكومتلری

✽ باب رابع ✽

۲۴۸ فرانسهك احوال اخیر دسی

(برنجی فصل)

۲۴۸ اعلان تنظیمات

(ایکنجی فصل)

۲۵۴ دیرکنوار حکومتی

(فصل ثالث)

۲۶۳ قونسولا حکومتی

(دردنجی فصل)

۲۶۹ ایمپراطورلق

(بشنجی فصل)

۲۸۹ اون سکرینجی لوئینک زمان حکومتی

(التنجی فصل)

۲۹۳ اوننجی شارلک حکومتی

(یدنجی فصل)

۲۹۵ لوبی قلیب زمان حکومتی

(سکرینجی فصل)

۳۰۱ ایکنجی جمهوریتک مدت دوامی

(طقوزنجی فصل)

۳۰۵ ایکنجی ایمپراطورلق

(اوننجی فصل)

۳۱۴ فرانسه ده اوچنجی وشمیدیکی جمهوریت

۳۱۸ افاده عمومی

Ahmet Mithat

❖ قرق انبار علاوہ سی ❖

Zeyl-i

﴿ تاریخ کوزی ﴾

Kā'ināt

(ذیل کائنات)

فرانسہ

صاحبی


محمد جودت

ایک دفعہ اولہرق


باب عالی جادہ سندھ قرق انبار مطبعہ سندھ پاشا سندھ

استان نول

۱۲۹۲



24



— فرانسه —

1015436

DC
37

A35

1875

کاشاندرده انخدا یتش اولدیغیز اصول وجهله فرانسه
اولکاسنک احوال تاریخیه سنی ذکر و حکایه
باشلامز دن مقدم احوال جغرافییه سی حقنده خلاصه
بعض معلومات اعطا اید، جکز . انجق فرانسه
اولکاسنک احوال تاریخیه سی مثلاً احوال جغرافییه سی
دخی دفعاتله انقلابه اوغرامش اولدیغندن بز بوراده
حال حاضر یی حکایه اید، جک ایسه کده ینه او اراق
جغرافیای قدیمه سنه دایر دخی بعض ایضاحات
اعطانی ضروری کورنمشد.

اولکاسنک احوال

MAY 06 1971

فرانسه اولکاسنک
UNIVERSITY OF TORONTO

اولوب انجق موقعی ۴۲ درجه ۲۰ دقیقه دن ۵۱ درجه
 ۵ دقیقه عرض شمالی به قدر ممتد اوله رق حالبو که
 اورو پاده شماله بوندن دها یقین اولیکار بولندیغندن
 جمهور جغرافیون عنندنه فرانسه دول وسطادن
 عد اولمش و غرب طرفندن بدأ ایله اورو پاخریطه سی
 اوزرنده انک اوّل فرانسه نصاف بولدیکندن
 اولکای مذکور دول غربیه نک برنجیسی اتخاذا
 ایدیشدر .

اولکای مذکور شمال غربی جهتدن مانش دکزی
 و غرب طرفندن بحر محیط اطلاسینک غاسقونیا
 کورفزی و جنوب جهتدن آق دکز ایله محاط و قره
 جهته کلنجده شمال طرفندن بلجیقا و پروسیا و بعض
 حکومات المانیا و شرق طرفندن المانیا واسویجره
 و ایتالیا و جنوب طرفندن دخی اسپانیا ایله هم
 حدوددر . انکله اولکاسی فرانسه نک الیقین
 قونشوسی اولوب آراده یالکز پاده قاله دنیلان و شمال
 دکز یله مانش دکزی اراسنده بولنان بر بوغاز حد
 فاصل دوشمشدر .

فرانسه بی محیط اولان دکرلک سواحلی اولدقچه
متحد و منتظم بولندیغی جهنله سائر بعض سواحلی کی
اول قدر کورفرز و جسم لیمانلردن محرومجه در .
شمال جهتدن مانش دکرلی سه بن کورفرزینی تشکیلی
ایدرسه ده بو کورفرز آچیق برشی اولدیغندن ایچنده
کیلر بارینه من . فقط مذکور کورفرزه منصب
اولان سن نهری منصبده کوزل برلیمان تشکیلی
ایدر . مذکور کورفرزک جنوب غربی سمتده
بره سن مالو کورفرزی واردرکه اودخی آچیق برشی
اولوب دروننده سن میشله و سن بریو قویلی
بردرجه به قدر لیان انخازینه صالحدرل . بونک دخی
غرب جهتده بره سل قویو واردرکه اعلا لیماندر .
بونک جنوب طرفند، کائن دوآرنه قویو ده کیش
بر کورفرز جاکدر . فرانسه نک جهت غربیه سنی
بویلی بویته احاطه اینش اولان غاسقونیا کورفرزی
کندیسنه بحر فرانسه نامی ویرنش اولاسندن دخی
اکلاشیله جنی وجهله بک بیوک و آچیق برشی اولوب
مع مافیه بوکورفرزده آتیده ذکر اولنه حق غارون

اولوار نهرلر ينك منصبى ومور بيان وويلان وسأره
 ليمانلرى . وجود در . آق دكز طرفنده دخى مارسيلىا
 و طولون ليمانلرى فرانسه نك اك مشهور ليمانلرنددر .
 اشبو كورفزله و ليمانلره كوچك بيوك برطاقم انهار
 و دره لر دو كولمكده اولوب انجق فرانسه نك اك جسم
 انهارى درت نهر در كه برنجيسى رون نهرى اولوب
 اولكانك وسط شرفيسندن جنوبه طوغرى جريانه
 آق دكزه منصب اولور . ايكنجيسى غارون نهرى
 اولوب اولكانك جنوب جهتدن بدأ ايله شمال غربى به
 طوغرى جريان ايدر ك غاسقونيا كورفز بنده دو كولور .
 اوچنجيسى لوار نهر ايدر كه اولكانك وسط شرقى
 طرفلرندن غرب جهته طوغرى كله رك اطلاس
 دكز ينه قار يشور . در دنجيسى سن نهرى اولوب
 كذلك اولكانك وسط شرفيسندن كله رك غرب
 طرفندن مانش دكز ينه منصب اولور .

يونهرلك جلاسى سبرسفائنه قابلدورلر . بوندى مقدم
 دن نهريله موز نهر ينك برر جهتي دخى فرانسه
 انهارندن عد اولور ايديسه ده ۱۸۷۱ سنده سنده

فرانسه ایله المانیا اراسنده ظهور ایدن محاربه
اوزرینه الزاس ولورن ایالتلری المانیایه انتقال ایتسیله
بونهرلر دخی مذکور ایالتلر ایله برابر المانیایه الحاق
ایلمشلدردر . ینه سیر سفاینه قاپار اولدیغی حالده
ایکنجی درجه ده عدد اولمان انهار ایسه بحر مانسه
منصب اولان صوم واورون و بحر اطلاسه آقان ویلن
وغاسقونیا کورفزینه قاریشان شاراند و دور دنیا
و آدور و آق دکره قاریشان اود و هرولد و دارنهرلر ایله
بعض انهار جسمیه قاریشان یون و مارن و آرپهن
ولو و تارن و اینر و دورانس و ساره در .

باخت و ص بونهرلرک غایت جسم و مصنع جد و لار
واسطه سیله برطنقی یکدیگرینه الصاق ایدلمش
اولدیغندن فرانسه ایچنده نهر دن نهره بر بیوک
مراسله طریق واردر .

فرانسه نک اورته لری بیوک طاغلردن خایدر . جنوب
جهتده اسپانیا ایله فرانسه اراسنده حد فاصل
اولان پیره نه طاغلری بیوک برسلسله جبال اولدیغی کبی
شرق حدودی اوزرلرنده ژورا و آلپ طاغلری دخی

جبال جسمه دن معدود در . شمال شرقی طرفنده کائنه
 ووسر طاغلری ایکنجی درجه جبالدن معدود اولور .
 فرانسه سواحلنده انکلتزه واسوج قدر جزایر
 یوقدر . اطلاس دکرینک تشکیل ایلدیکی غاسقونیا
 کورفرزنده برقاج جزایر صغیره بولنوب یالکزان آق دکرده
 کائن قورس بقیه اطه سی اولدقچہ جسم براطه در .

ایشته حدود و سینوری و جغرافیای طبیعی
 شویله مختصراً ذکر اولنان فرانسه اولکاسنک شمال
 غربیدن جنوب شرقیه طوغری طولی ۱۰۶۴ کیلو
 مترو و بونس بتله عرضی دخی ۹۲۴ کیلو مترو در که
 عندالحساب بزم روم ایلی اولکاسی قدر انجق اوله
 بیلور . لیکن نفوسی برروایت کوره اوتوز الی میلیونه
 تقرب ایدر که اوروپای عثمانی نفوسندن ایکی قات
 زیاده دیمکدر .

فرانسه نک پای تختی سن نهری اوزرنده و اولکانک
 شمال غربیسنده واقع پارس شهریدر . بوندن
 صکره شمال شرقی جهتنده واقع مس شهریه
 پارسک جهت جنوبیسنده و اولکانک وسط شمال

غریب هستند و لواری نهری اوزرنده واقع اورلایان
و آنک دخی جهت جنوبی و اولیگانک وسط غریب هستند
واقع آنفولم و رونی نهری اوزرنده و قطعه نیک وسط
شرقی هستند کائن ایون شهرلی فرانسه تاریخچه
اک زیاده اهمیت الان شهرلدر .

اولکای مذکورده ساکن اولان فرانسه ملتک پک
قدیم تاریخله روایتجه پک آزمربده سائر ملتله
قاریشقلغی واریسهده البوم اوستریا و ممالک عثمانیهده
اولدیغی کی فرانسهده ملیت و قومیت اخلاقلری
اولیهرق جمله سی ملت واحده دن عبارتدر . ملتجه
ودولجه طائش اولان آیین قاتولیک آییندر . لکن
برخیلی پروتستان و بر مقدار یهودی دخی سربستهجه
اجرای آیین ایدرلر .

اوروپا قطعه سی ایچنده اولان ممالکندن بشقه
فرانسه نیک قطعات ساردهده دخی مستملکاتی واریسهده
انلر عائد اولدقلری قطعه لده ذکر اولنده جقددر .
لکن قورسیقه جزیره سی اوروپا جزایرندن معدود .

اولمغه بوقاروده تعین اولنان فرانسه حدودی ایچنده
داخلدر .

﴿ فرانسه تارینخک تقسیمات اساسیه سی ﴾

تارینخ یازان بر محررک الک زیاده صعوبت چکدیکی شی
تارینخک ابواب و فصولی تقسیم قضیه سیدر .
فرانسه تارینخی ایسه ابواب و فصولی تقسیم
خصوصنده محرری الک زیاده اتعاب ایدن توارینخک
برنجیس سیدر .

عالمده تارینخی الک چوق یازاش ملت فرانسهز ملتی
اولوب نظرگاه مطالعه مزده بولنان توارینخک جمله سی
تقسیم ابواب و فصولده بر بسته جهت التزام
ایلدیکنه و حالبوکه هیچ بریسی بزم کائناتمزک بوندن
مقدم سبقت ایدن جلدلرنده التزام ایلدیکمز صورت
تقسیمه توافق اتمامکده بولنمش اولدیغنه بناء بز فرانسه
تارینخک صورت تقسیمی دخی اولیکی جلدلره تطبیق
ایتمکه مجبوریت کوردک . بویابده روسیه تارینخندن
زیاده مشکلات چککه جکمز درکار ایسه ده اصل مقصد

فصول و ابوابی وقوعاتك انقطاعاً به حاصل اولان
مفصلار دن آبوروب تقسیم ایتك اولدیغنه کورد چکیلان
مشکلاتی کوزه الدیرمق لازم کلیور .

ایمدی وقوعات مشهوده سنه نظراً فرانسه تاریخی
اساساً درت باب به تقسیم ایتك لازم کلیور . برنجی
باب فرانسه نك مبدئین یعنی تاریخی اطالاعی
یتدیکی رزمادن بدأ ایله ۷۵۲ تاریخده مر و ونیرین
خاندانك ختام مدته قدر اولان وقوعاتی جاء عدد .
ایکنجی باب تاریخ مذکور دن بدأ ایله ۹۸۷ تاریخده
ختامه ایرن قارلو ونیرین خاندانك ختام مدته
قدر سبقت ایدن وقوعاتی شاملدر . اوچنجی باب
تاریخ مذکور دن بدأ ایله ۱۷۹۳ سنه سنده فرانسه ده
تنظیمات اعلان اولدیغی زمانه قدر قاپه سینه
خاندانك مدت حکومتلرینی بیان ایدر . دردیجی
باب ایسه ۱۷۹۳ سنه سندن زمانه کلنجه به قدر
فرانسه نك کورمش اولدیغی انقلاباتی متضمندر .

بالاده ذکر اولنان ابواب اربعه دن برنجیسی اوچ
فصله تقسیم ایلدك . برنجی فصله فرانسه نك

بدایت احوالی ذکر ایدہ جکز کہ میلارک ۴۲۷
 سنہ سنہ مرو و نیر بہن خاندانک تشکلنہ
 قدر وقوعبولان حالاتی کو ستر . ایکنجی
 فصلدہ تاریخ مذکورن بدأ ایلہ قلووینک تاریخ وفاتی
 اولان ۵۱۱ سنہ سنہ قدر گذران ایدن خصوصاتی
 ذکر ایدہ جکز . اوچنجی فصل فرانسہ نک متعدد
 پرنسپر اندہ صورت انقسامنی حکایہ ایدر کہ برنجی
 بابک نہایتہ یعنی ۷۵۲ تاریخندہ قدر وارر .

ایکنجی بابی فصل اوزرینہ تقسیم اقتضا ایتوب
 اوچنجی بابی درت فصلہ تقسیم ایلدک . برنجی فصل
 قاپہ سبہن خاندانک بدایت تشکلندن ۱۳۲۸ تاریخندہ
 قدر بردوزی بہ ضرورت حکومتلرینی حکایہ ایدر .
 ایکنجی فصل تاریخ مذکورده و او خاندانک دخی
 حکومتلرینی ۱۴۹۸ تاریخندہ قدر گذران ایدن
 حالاتی کو ستر .

اوچنجی فصل تاریخ مذکورن باشلا یوب ۱۵۸۹
 تاریخندہ قدر اورلیان خاندانک دوام حکومتنی حکایہ
 ایدر .

دردنجی فصل ایسہ تاریخ مذکورہ بوربون
شعبہ سنٹ حکومت وضع بد ایسہ یلہ بابک نہایتند
یعنی ۱۷۹۳ تاریخ قدر پوشہ بد نک دوام حکومتی
بیان ایدر .

دردنجی بابی اون فصلہ تقسیم ایتک لازم کلور .
یرنجی فصل فرانسه نک اعلان تنظیمات ایدیشنی حاویدر
عن ۱۷۹۳ الی ۱۷۹۵ ایکنجی فصل «دیرکنوار» دینلان
ادارہ نک صورت وضع ودوامی متضمندر عن ۱۷۹۵ الی
۱۷۹۹ اوچنجی فصل «قونسول» دینلان اداره بی
حکایہ ایدر عن ۱۷۹۹ الی ۱۸۰۴ دردنجی فصل بیوک
ناپولیونک ایمپراطور لغنی حاویدر عن ۱۸۰۴ الی
۱۸۱۵ بشنجی فصل اون سکرنجی اوژینک زماننی بیان
ایدر عن ۱۸۱۵ الی ۱۸۲۴ التنجی فصل اوننجی
شالک زماننی حاویدر عن ۱۸۲۴ الی ۱۸۳۰ بدنجی
فصل او بی فلیک مدت حکومتدن بحث ایدر عن
۱۸۳۰ الی ۱۸۴۸ سکرنجی فصل فرانسه دہ ایکنجی
جمهوریتک اعلانی متضمندر . عن ۱۸۴۸ الی
۱۸۵۲ . طقوزنجی فصل فرانسه دہ ایکنجی
ایمپراطور لغنک مدتی بیان ایدر عن ۱۸۵۲ الی ۱۸۷۰

اونجی فصل فرانسه ده اوچنجی آجهور بئك
اعلانيله شمدي به قدر دوام ایدن احوالی مبنيدر .
عن ۱۸۷۰ الى ۰۰۰۰

ايسته فرانسه تاريخك تقسيمات اساسيه سي شوندي
عبارت اولوب انجق ده ايرطالم احوال فوق العاده
ارايه كبريك تقسيماني نو عا اخلال اتمك لازم كلش
ايسه ده احوال مذكوره آيرجه بنسد مخصوصلر ايله
تفريق اولنده رق بو تقسيمات محافظه قلمشدر .

برنجی باب

فرانسه نك ميدشدين مروونيريه زخاندانك ختام
حكومتلرينه قدر عن ۰۰۰ الى ۷۵۲

- برنجی فصل -

﴿فرانسه نك بدايت احوالی ذكرنده در﴾

عن سنه ۰۰۰ الى سنه ۴۲۷

تفصيل - فرانسه نك تاريخ قديم اسانده اسمي « غول »

ممالکی دیه ذکر اولنور . اش-بو غول ممالکی وقتبله
بر طبق قوام و قبائل میانده تقسیم اولمش-یدی که
عددلری اوچ در تیوزی تجاوز ایدر ایدی . انج-ق
یونلر اساساً اوچ قومیتنه منقسم ایدیلر .

بو اوچ قومیتدن برنجیسنه «سلت» یا خود «غال»
دیلور که ملت مر قومه عن اصل آسیانی و سغنی
اهالیسندن اولوب کیم ییلور میلاددن نه قدر اوت
یونانستانک برنجی اهلایسی یوننان «پلاسش»
واورو پای شرقی به منتشر اولان «سلاو» قومی
کی یونلر دخی اورو پای ایچنه هجرت ایتش و کیده کیده
قطعه نك نامتهای غربنه قدر کیتشدر .

غال و سلت اسملری لفظ مشترك اولیوب آسیادن کلان
مهاجرین مذکور نك اصل اسملری «سلت» و ایچلرندن
یسطا نك اسمی «غال» اولسی مضموندر .

هر نه ایسه بو طائفه فرانسه نك منتهای حدود غربیسنه
کلدیکی زمان قارشو طرفده بریتانیا جزیره سنی کوروب
اورایه دخی مهاجر کوندرش و تایلر لاندایه قدر واروب
یرلشمشدر که بو خاله کوره انکلتر نك دخی برنجی
اهالیسی یونلر دیمکدر .

(انگلتره ص ۱۵ امر) حتی اليوم انگلتره دغال
ممالیکی دیه یاد اوانسان مملکتک اسمی بونلردن قالش
اولسی بدیدر . زیرا لسانلردن بیله بر خلی لغات
و کلمات ایوم اهالی مذکوره عندنده مستعملدر .

بوقار و ده ذکر اولنان اوچ قومیتدن ایکنجیمی «ایبره»
یاخود «باسکی» اولوب سلت طائفه سی کلمبکی
زمان بونلری غول ممالیکی ایچنه منتشر اولمش بولدیله
تدقیقات تاریخیه ایله اکلشایدیغه کوره ملت مر قومه
ذاتاً افریقایی شمالی خلقندن اوله رق اوللا سبتیه
بوغازینی مرور ایله اسپانیایه و بعده پیره نه طاعترینی
عبور ایله فرانسه قطع سسنگ جنوب طرفلرینه
یایلشدر .

اقوام نشه دن اوچنجیمی «باش» یاخود «کیریس»
دینلان خلق اولوب بونلر ضمه کرده دن «هو» نام
رئیسلرینک سوقیله رن نهرینی کچدرک غول ممالکتک
شمال طرفلرینه منتشر اولدیله که ایوم بلجیقانک
اوروپا لولر لساننده «باش» دینلان خاقی بونلرک
ایققادیدر .

بواو چ قومك و بونلرك دخی منقسم اولدقلری قبائلك
اشبومهاجرنلری اویله صورت منتظمده وقوعبولش
برشی دکلدر . دائماً یكدیكریله محاربیه ایده ایده
یایلاشلردر که بومحارببات مدیده و متتابعه حقهده تازیخچه
معلومات مفقود دکل فقط آزدر .

فنبکه اهالی مشهوره سی صنایع بحریده اولان
قوتلری جهتله آق دکرک اکثر محللارینی تجارت
طریقيله سیر و سیاحت ایدرک بعده مهاجرلرینی دخی
دخی ارسال ایلدکاری صروده بونلردن بر فرقه آق
دکره دوکولان اوار نهری منصبی جوارینه کلهرک
ایچرولر طوغری یایلوب کیمدر .

انلردن بشقه اسکی یونان ملیتیه منسوب ردوس
خلق دخی کلوب مارسیلیا شهرینی بنا ایلدیلر .
سلت ایله بلر خلقی هر نه قدر عن اصل آیری آیری
برر قومیتیه منسوب ایلدیلر بونلرک عادات و اخلاق
و قیافتلری همان یكدیكری نك عینی دیک اولدیغندن
اهالی متجاوره بویکی ملتی بر بندن فرق اینمیرک
ایکیسینی بر عدا ایدرلر ایدی . یونانلور و رومالور

ایسه غول ممالک کند، بولمان خلقک هیچ صنفی دیگر ندن
 آرمه برق هپسنی بر طائورلر ایدی . زیرا اهالی
 مذکورہ نک شجاعت و بہادرایی ہب بر مقیاسہ
 اولدیغندن رومالور نظر ندہ «غول» دیمک شجاعت
 و جنگاوری معناسنی مبین بر لفظ کبی تاقی اولور ایدی .
 حتی رومانک خیالات شاعرانہ بہ وجود و یرن بعض
 ادبایی دیرلر ایدی کہ «غال طائفسی یا الکز بنی
 بشرہ قارشو محار بہ دکل عالم بالایہ قارشودخی جنگہ
 یلتورلر . اسن روزکارہ اوق اتارلر . کورلیان
 یلوطنرہ طاش اتارلر . جوشقن نہرلرہ قلیج چکرلر»
 اهالی مر قومہ غایت قہرمان مشرب و فطز یادہ سیلہ
 حلیم اولوب بر کوی اہالیسی یکدیگریلہ قرنداش کبی
 یکینور و ایچلرندن بر بسی بر کونہ ظلم کورہ جنگ
 اولسہ انک انتقامنی المی ایچون جملہ سی اتفاق
 ایدر ایدی . آحاد ناسک بر قسمی صفائی کسوب
 و بر قسمی الابلدیکنہ اوزاتر و زادکان طاقی طراش
 اولور و بیقلرینی تادوداقلرینی او تجمہ بہ قدر اوزاتر
 ایدی .

سفر دلی بر قورد و یا کوپک در یسندن عبارت اولوب
 یدکاری همان یالکز اته منحصر ایدی . اتک ال
 یاغلی بارچه لر بنی ال بهادر قهرمانلره تقدیم ایتک
 عادت ایدی که سفرده ایکی بهادر بوانه جق اولسه
 بویله اکرامک موجب اوله جغی شرفی بر برینه ترک
 ایده میهرک نهایت قانلری بهاسنه صاتون المغه قدر
 واردقلری صحایف توار یخده مندر جدر .

خانه لرینه بر مسافر کلدیکی زمان سائر بار بار ملت لری
 بونلر دخی بر ضرر ایتماکدن بشقه مسافری حسن
 قبول و اطعام ایدرلر ایدی . انجق مسافر یمک
 یمه دکن صکره حال خاطر صور میوب طعامدن صکره
 نزهلی اولدیغی ونه ایچون کلدیکی نزهیه کیده جکلی
 صورارلر ایدی . بو حال شاید کلان مسافر دشمن
 ایسه یمک یمه دن براقوب کیتماک ایچون اولدیغی
 ظن اولنور .

غوللر او قدر دعوالی آدم لردر که اکثر ضیافتلرده
 اوتیه کی بزوی کندیلر یمک مدح و ثنای حقنه
 نقطه لر ایراد ایتدکاری صره ده دیگر طرفندن

اعتراض وقرع بولور ایسه بو حال دن طولای اوقدر
شدتلی غوغا ز ظهور ایدر ایدی که ذاتاً کندیلری
اولومی هیجه صاید قلزندن بر برینک جاننه قدر
قصد ایدر لر ایدی .

کندیلرینک الوانه پک زیاده مر اقلری اولوب
رنکا رنک البسه کیمک عندلر نده اک بیوک عظمت
صایله رق هر کس اوموزلر نده کی آپوتلرک انواع
الوانی درجه سنده مقنخر اولور ایدی .

استعمال ایلدکلری قالقانلر اصحابنک بوی قدر
اوزون اولق شرط ایدی . هر کس قالقاننک تزیینی یوانده
اولانجه همتی صرف ایدر ایدی . چونکه قالقانلر
بالک الت مدافعه اولمیه رق بر نوع سوس وزینندن
معدود اولمغله هیچ بروقتنه اللرندن دوشمز ایدی .
باشلرینه کبدکلری مغفرلر سائر ملتلرک جله سندن
کوزل ایدی . بعضلر مغفرلری اوزرینه بویوزکی
سیوریلر یاپار و بعضلری قوش و سائر حیوانات
رسملری نقش ایدر ایدی که بو حال الما نیاده حالا
موجوددر . محار به لر نده و یا خود صید و شکار لر نده

ایری بورولری آجی آجی چالمق عادتلرندن ایدی .
 بعضلری جنکده زره کیرلر ایدیسه ده اغلی زره کیمکی
 قورققلغه حل ایدرک عیب کوررلر ایدی . بونلرک
 قلیچلری غایت اکللی یوزلی وایکی ال ایله استعمال اولنور
 اسپادونلردر .

غالبلارینه کوشدن ودها زنکیملری آلتوندن
 کمر صارارلر و سلاخلرینی بوکملره آصارلر ایدی .
 قوللاندقلری اسلحه ایچنده اسکی عجملرک کورز
 دیدکلری تیموردن معمول تیکنلی طوپوز دخی وار
 ایدی .

محاربات واقعه ده سائر بعض ملتلر کی بونلردخی
 ایکی آت قوشولی برنوع جنک عربهلری استعمال ایدرلر
 ایدی که هر عربده بر عربه جی و بر جنکجی بوانور
 و جنکاور هر نوع اسلحه بی عربه ایچندن استعمال
 ایدر ایدی . یالکز قلیجه طورایمق لازم کلور ایهسه
 عربده دن اینوب اوزمان ده مطلقا هجوم صورتی
 کوسترلر ایدی . عربان بدویه کی اثنای محاربه ده
 الک دلاور اولان میدانده چیقوب قارشو طرفدن از

دعوت ايتك عادتى غوللرده دخی وار در كه دشمنى
 تخریص ايتك ايجون اللهه كى اسلحه بى صاللايوب
 اوينا تقي وشد تلى نعره لر آتقى بورور چالق جهله
 عاداتن ايدى . تمام قارشوسنه برقهрман چيقديغى
 زمان عربلر كى « بن فلان اوغلى فلانم » ديه تا
 اجداندن بدأ ايله كنديسنه كلجه قارشوسنده كى
 حصمى كنديسنى تحقير ايدرك اوصورتله محارب بهيه
 قويولورل غالب مغلوبك باشنى كسوب خانه سنك
 برطرفنه آصار واكر مقتول معتبر بر آدم ايسه باشنى
 الى نهيه صاقلار و مقتولك فاملياسى ايجون باشى
 دشمن اللهه براقق پك عيب اولديغندن درجه قوتنه
 كوره آغرلغجه آتونه قدر و يروب مطلقا باشى قورتارر
 ايدى .

قابيلر قوجه نخبانده غايت سربت ايديلر .
 هر كيمى ايسه تزل ايسه اكا واررل ايدى . انجق
 چوجقلر تا سلاح استعمال ايد بيلك زمانه قدر
 باباريله برابر طشره چيقامزلر ايدى . بر كيمه وفات
 ايلديكى زمان انساندن بشقه سو كيميسى اوله رق آت سلاح

هرنه سی وار ایسه برلکده دفن ایدرل ایدی .
 برزمان اشیای مذکور بی آتسه یالقی معتاد ایکن
 صکره بو عادت ترک اولمشدر . متوفانک اقرباسی برر
 مکتوب یازوب جنازه ایله برابر دفن ایدرل و متوفانک
 بونلری اوقویه جغنی اعتقاد ایلرل ایدی .

غال ملتی مقدملری رعد و برق و روزگار و جوشقن
 دره لره و طشمش کول و الح صل قوت طبیعتیه پرستش
 ایدرلر ایکن موخرأ درویدلر بونلره ارباب متخیله یه
 دخی عبادت ایتکی اوکرتدیلر . جنک وجدال رینه
 (هوس) و صنایع و تجارت رینه (توتاس) دینلور
 ایدی . درویدلرک سائر احوالی انکله تار یخنده
 (صحیفه ۱۸) یازلمشدر . او صحیفه به مراجعت
 اولنور ایسه غال ملتک اصول حکومتی حقنده ده معلومات
 الله بیلور . زیرا درویدلرک غول ممالککننده کی
 حکومتلری بریتانیاده کی حکومتلرینک عینی اولوب
 شوقدر وارکه میلاددن اوچ عصر مقدمنه طوغری
 صاحب نفوذ وارباب استقلال زادکان یعنی قراللر
 درویدلر قدر کسب نفوذ ایتش اولدقلرندن بونلره

تابع اولیان درویدك حكم و تأثیر نفوذی آزمائش
ایدی .

ملل قدیمه ایچنده غال خلقی قدر جنکاورلکده
شهرت المش هیچ برملت اولیوب بونلر قسملرینی
قلیچلرنده ارایه رق آله و پیره نه طاغلرینی آشوب
اسپانیا وایتالیا طرفلرینه متعدد هجوملر کوستمشلردر
بالکز بوقدرده دکل . بونلردن بعض قبیله لر طونه
سواحله یونانستانه و تا اناطولی یه قدر غالبانه
آقینلر ایتدیلر . حتی میلادك ۳۹۰ سنه
مقدمنده بونلر روما اوزرینه دخی هجوم ایدرك او پای
تخت عظیمی زیر وزیر ایتدیلر که روما لور بوزل
مغلوبیتی انجیق برعصر ضکره اوزلرندن آته ییلدیلر .
دولا بللا نام روما قونسولی برفرقه روما عسکری
سوقیله غول ممالکندن ستون قومنك ایچنه کیروب
خانه لرینی یاقدی ماللرینی یغما ایتدی ارککلرینی
اولدوردی قاریلرینی چوجقلرینی اسیر ایدوب
صائدی حاصلی مملکتی یرله یکسان ایتمینجه چیغمدی .
روما لورك غلبه سی بالکز بونکله ده قالدی . میلادك

۲۲۵ سنه مقدمند فاللرك اللى بيك نفر قدر براردوسى
روما پيشگاهنده تاروما راواوب ايجلرندن اون بيك قدرى
انجق عودت ايدە بيلديلر . ايشته بوصورتله باش
كوستن محاربات شديدە ومديدە دوام ايلديكى مدت
رومالور ديكر طرفدن اسپانيا و آفريقان برچوق
مملكه لرى زيرادارلرينه المش بولمغله قرەدن اسپانيايە
قدر برطريق مر اسله آچق ايجون ماز سلياده بولان
يونانلور ايله اتفاق ايدرك پيدري غول ممالكك
جنوب طرفلرينى استيلا ايتديلر و بركره بوصورتله
طرناق طاقدقدن صكره يواش يواش شماله طوغرى
ايلروله مكدن كيرو طورمديلر .

غال وزومن كى ايكي جنكاور ملت ارا سنده اويله
عصر لجه دوام ايدن محارباتك تفصيلاتيله برر برر
ذكرى اولبايدە قوجه بر كتاب مخصوص يازمغه محتاج
اولوب حالبوكه تفصيلات مذكوره ك مطالعه سندن
او قدر لذت دخی النهمز . شو قدر ديهلم كه محاربات
مذكوره يه تا ميلادك ۵۰ سنه مقدمندە قيصر روم
بختام ويرمش و روما جمهورينك اوروپاي شمالي يه

طوغری انکلتربیه قدر فتوحاتی اثناسند غول ممالیکی
دخی رومانک برایتی حکمنده قالمشدر .

قیصر روم غول ممالیکی تحت اطاعنده طوته بیملک
ایچون تمامیه قح ایدوب بتورنجده قدر اولجه ضبط
اولئان محللر اهالیسنندن عصیان ایدرک سلاحه ال
صالدیرمش اولئرلرک اللربنی کسمک کبی پک چوق
مرحتسزلیکله ایتداریلمش ایدبسه ده ملت مر قومه نک
برکله تمامی اطاعتنی کورد کدن صکره هر دز او مظالمی
ترک ایدرک ولایات والویه نک حکومتی نه غوللره تودیع
ایلدی . ارتق هیچ برعادتلرینه هیچ بر نظاملرینه
مداخله ایتیموب یالکز سنوی فرق ملیون سسترس
یعنی یدی ملیون سکز یوز بیک فرائق قدر برور کوی
مقطوعی اخذ و تحصیل ایله اکتفا ایلر ایدی .

غوللرک نه قدر قهرمان اولدقلربنی طانیدق . بونلر
یراز صکره قیصرک شجاعت وقهرمانیسنی بکنوب
کندیسنه عرض خلوص و صداقت ایلدیلر .
قیصر ایسه اوله بر قهرمان ملنک وعد ایلدیکی
صداقته اعتماد ایدرک الک زیاده اعتماد شایان اردوسنی

بونلردن تشکیل ایلدی . قیصر دن صکره اوکوست
 غال ممالککنده بعض اجرا آت وتنظیماته باشلادی .
 از جمله اقوام موجوده نك عصبیت قومیه سنی اخلاص
 ایتک ایچون ایالتلرینی اولای بر خیر ایدرک بعده یکیدن
 بالتفریق بوضورتله برقاج قومی بر برینه قانش اولدی .
 اک چوق یرلرک اسملرینی دکشیدردی . بوتبدلات
 اوزرینه غول ممالکی درت بیوک ایالت والتش سنجاغه
 منقسم اولدی .

بواجرا آتدن بشقه غوللری روم ااخلاق ومدنیته
 صوقق ایچون برچوق روما فاملیارینی اورایه سوق
 ایلدی . بونلرک خلقله حسن آمیزش ایتلری جله
 مجبوریتلرندن ایدی . بوضورتله غول خلقی روما
 تربیه سنی بیاغی اکتساب ایلدیلر . روما اصولجه
 مکتبلر آچدیلر . انلرک صنایعنی اوکرنیدیلر . فاملیاجه
 تربیه لرینی دخی رومایه تقلید ایلدیلر . غوللرکی
 جنکاور بر خلقک مطلقا کار کذار اوله جغنی دخی تعریفه
 محتاج اولوب بونلر بر کره مشاق ومصائب حربیه دن
 قورتنقدن صکره ارتق زراعت وچوبانلغه و بعض

صنایع نفیسه‌یه او قدر صالد بر دیر که اول صورتله
 قازاند قلمری ثروتک مال غنیمت کی حاسد و طمعکار لری
 اولدیغندن خیرینی کور مشلر و نمون قالمش لرایدی .
 نتیجه کلام غول ممالککنک بتون بتون روماملتنه
 انقلابی ایچون یالکز درویدلرک بعض اعتراضات
 خفیفه سندن بشقه بر مانع قالماش و انجق درویدلر
 خلقه اسکی استقلال حالرینی اخطارله بو استقلالک
 ینه استردادینی ترویج ایتدکنده بولنش اولدیغندن
 او کوست مر قوملرک قوتنی قرمغه قویاً عزم ایلدی .
 قلود درویدلرک ایدنلری اعدام ایله تخویف ایدر
 ایدی . بو صورتله قوتلرینه خیلی خلل کلدیکی
 کی پیدر پی انتشاره باشلایان خرسیتیانق آیینی مذهب
 قدیمک بتون بتون ازاله سنه همت ایدر ایدی .
 میلاد عیسایک ایکنجی عصرنده ایدی که خرسیتیانلق
 آیینی الیه طاغلرینی آشمش ایدی . غول ممالککنده
 برنجی کایسالیون ممالککنده تأسیس ایلادی و شهر
 مذکور خرسیتیانلغک سائر محله ره دخی انتشار ینه
 مرکز اولدی .

خرستیانلق غول ممالک کند بزم از میر شهر نندن انتقال
 ایلمشدر . انجق بریاندن درویدلرک تشویقات
 وترغیباتی و دیگر طرفدن رومابت پرستلرینک اعتراضی
 مناسبتیلله هرکس خرستیانلغک علیهنه قیام ایتمکله
 اریاب دینی زیاده سیه زحمت چکرلر ایدی . سکسان
 قدر پاپاسلردن بعضیسنک روماده ارسلانلر پنجه سنه
 آتلمسی و برطانیکنک دخی جلالدر الله تسابیم اولنمسی
 واقعا پک مدھش برشی ایدیسه ده سائر آحاد ناسدن
 دوکولان قانلر یاننده بو پاپاسلرک قانی قطره بیلله
 قاله من . بونکله برابر انتشاری منع ایدیلان برشیکنک
 مطلقاً و حتی ده قولا ی انتشار ایده جکی قاعده
 کلیمسی بو حالده دخی حکمنی اجرا ایلدی . چونکه
 خرستیانلر نه قدر موافقه تصادق ایدرلر ایدیسه
 او قدرده منتشر اولورلر ایدی .

مؤخرأ خرستیانلق قوت بولوب ده زوما دخی
 خرستیانلغده معاونت ایتمکله باشلامسیه هر طرفدن
 درویدلر اوزرینه هجوم ورنده دروید بولور ایسه
 اعدام ایدلر دیکندن خرستیانلر کره کی کبی راحت

و حضـ و رده قالدیلر و درویدلر سـ س چبقار امامغه
باشلادیلر . غول ممالکینک بورا حتی بر عصر مدت
قدر دوام ایلمدی . انجق رومالورله یـتون بتون
قایناشـوب الک بیوک مأـوریتله قدر نائل اولدقدن
صکره داخـلی و ملی بعض محاربـه لـظهـ وور ایلمکـه
باشلادیغی مثلاً و جرمانیا طرفلرندن جرمن بارباروی
و نورماندیالور دخی غـول ممالکینی تعجیزه ایتـدار
ایلملر ایلمدی .

بوحالده تعجیز دید یکمزشی سنه دن سنه یه ارتار ایدی .
 آرته آرته محاربه رنکارینی اندی . هله روماولرک اخلاق
 دکشوبده اداره امورده تکامل اتمکسه الشدقین
 صکره ارتق مظالم وتعدیات آرتدچق آرتار و بودخی
 نفرت عامه بی وداخلی اختلاللری قوتلندیرد کجه
 قوتلندیر ایدی . ایشته بوحال کیده کیده کرک رومانک
 کرک غوللرک قوتلرینی هیجه قدر ایندیرمش اولغله
 انجام کارشمال باربارلری غول مالکینی دکل حتی
 رومایی دخی زیر وزیر اتمکده هیچ بر صعوبت
 کورمانشلدردی

ایمدی برمنوال محرر غول و روما مملکتی از عاج ایدہ ایدہ
 نہایت ضبط و تقسیمہ قویمش اولان قبائل شمالیہ
 ارا سندنہ «فرانق» نامندہ برقبیلہ غول ممالکی اوزرنده
 فرانسہ دولتنی تشکیل ایلشد کہ آئندہ کی بند مخصوص
 مذکور فرانقلرک کیفیت ظہور و فتوحاتی بیان
 ایدہ جکدر .

﴿بہ بند مخصوص﴾

«فرانقلر»

غول ممالکی درت عصر مدت روما تحکمی التندہ قالمش
 ایسہ دہ بومدنک یا نکز ایکی عصری اغز طادیلہ کچوب
 دیگر ایکی عصری عادتار زالتلہ حرور ایلشیدی .
 چونکہ رومادہ ظلم و تعدی چوغالہرق و باخصوص
 رؤسا و وکلانک طبیعتلرینہ سفاهت کلہ رک معیشت
 سفیانہ لری ایچون محتاج اولدقلری ایچہ بی خلقدن جبر
 و زورلہ تحصیل ایلدکلری حالہ خلقلک ترقی زراعت
 و صناعتلرینہ اصلا ہمت ایتیدرک و قبائل و ملل
 متجاورہ ایلہ جریان ایدن معاملہ تجاریہ لرنده تبعہ بی

قطعاً جایه ایلمیه رك خلق دخی دقر وفاقه یه دوشمش
ایدی . شمال بار بارلری و با خصوص جرمن طائفه سی
غول ایچنه طوغری هجوم ایلدکلی حالده اواسکی
جنکاور غولاردت عصر دنبری چققیلداکله چو بانلغه
قویوله رق ارتق قهرمانلخی اونوتمش بولندقلری جهته
دشمنه مقابله یه چیقمه من و دوات ایسه لزومی قدر عسکر
بسله مك ایچون خزینه سنده قوت کوره میه رك حتی
اوتیه بروه سوق عسکرله بعض اشقیایی بیلده دفع ایده من
اولدی .

رومایی بر منوال محرر بیزار ایدن جرمن طائفه سی
میلاد عیسادن ایکی بچق عصر قدر مقدمنده رن
نهرینك ساحل یسارنده برلشملر ایدبسه ده غولارك
وروما لورك شجاعت و مهارت حریبه لری باقی اولدیغی
مدت سسلزینی چیقارامیوب اوتورمشلر ایدی .
بو جرمنلر ایکی بیوك هیئت منفقه یه منقسم ایدیلر .
برنجیسی سوئه و جنسنه منسوب اوله رق جنوب طرفلرینه
منتشر اولان خلق اولوب بولره شمال اسانجه (آلمان)
دینلشدركه (مر دلر) دیمكدر . ایکنجیسی شمال جهته

منتشر اولان صالدين وسبقامبر و بر وقت و شروسق
وقات قبيله لر ينك هيئت متفقہ سی اولوب بونلر دخی
«وؤخرأ» (فرانق) نامی الدیلر که (قهرمان) معناسنه دره
انجق غوللر و روملر ایش-بو «المان» و «فرانق»
ناملرینی پک چوق صکره ایشیده بیلدیلر . حتی
بوناملری روما کتابلرنده میلادک ایکیوز فرق برنجی
سنه سنه قدر کیسه کورما مشدر .

جرمن طائفه سی هر طرفه آقینلر ایتش ایسه ده
فرانقلرک مهاجماتی یانکر غول ممالکنه منحصر قالمشدر .
میلادک ۲۵۶ تاریخنده بونلردن بر فرقه غول ممالکنی
آشوب اسپانیایی هر ج و مرج ایلد کدن صکره افریقایه
دخی مرور ایدرک چوللر ایچنده غایب اولوب کیتدیله .
۲۷۷ سنه سنده دخی بر فرقه طونه نهری اوززندن
قره دکره ساحلنه قدر کیدوب اوراده رلشمشیدی .
لیکن بونلر اوراد، کلنه میهرک تدارک ایلد کلری کوچک
کوچک کملر ایله استانبول بوغازندن کچوب بونانستان
واناطولی و افریقا سواحلی غارت و یغما ایلد کدن
صکره اسپانیایو غول ممالکنک دخی بر چوق برلرینی اورارق

قراقینه زن نهری کنسارینه و همشهر یلرینک یانته
کلدیله .

روما ایمپراطورلغینک حال ضعفی و مال سائرتهک ایسه
کندیله قدر قوت و شجاعتی اولدیغی و باخصوص غاله
طائفه سنک بتون بتون قورقاق اولدیغی حقنه اوزمانه
قدر فرانقلرک اول قدر معلوماتی یوق ایکن عودت
ایدن سالف الذکر فرانقلر بویابده ارقداشلرینه معلوماته
مقنعه کتوردیله . بوقدر اسفار بعیدهیه موفق اولان
بر قومک پک یقین یلرینه درجه لره قدر تسلط ایده جکری
تفصیله محتاج دکدر . فرانق طائفه سی غوللار ایله
نه قدر شدتلی جنک ایتکمه ایسه لر جوارلرنده بولنان
اقوام ایله اوقدر شدتلی حسن امتزاج واختلاط ایدرلر
ایدی که بو حال ایله ده ۳۵۸ سنه میلادیه سنده
فرانقلردن برفرقه یواش یواش رن نهرینک صول
طرفنه کچوب حسن اختلاط ثمره سیله موز نهرینه قدر
یایلاشلر ایدی .

بوللر انتشارده هیچ مقاومت کورماش دکدر .
انجق مقاومت کوسترلر یالکز روما اردولری اولوب

فرا نقلر بونلره بالمقابله رجعتہ مجبور ایلد کدن صکره
ارتق اہالیء موجودہ ایلہ اختلاط و اتفاق ایدرلر ایدی .
مع هذا غوللردن فرانقلره اتفاق و صداقت ایچون اقرار
و یرمش اولانلرموؤخرأعہدلرینی بوزارلر ایسہ درجہ سز
عقوباتہ دوچا اولدقلرندن خلق بونلر ایلہ اتفاقدن
ہم ممنون و ہم دہ مجبور ایدیلر . بناء علیہ بالتدریج
ایلرولیسہ رک و قوتلری دخی آرتہرق رومالور حس
ایدہ مدکلری حالہ بیاغی انلرک قوتیلہ توازن ایدہ جک
بر قوت پیدا ایلدیلر .

میلادک ۴۰۶ سنہ سنہ طوغری فرانقلرک غول
ممالکی ایچنہ ہجوملری بیودجکہ بیودی . رادا کسر
نام بار بار رئیسک ایکوز بیک جنسکی ایلہ ایتالیا
طرفلرینی غارت ایلدیکی صرہدہ سوئہ والن و واندال
اقوامی دخی رن طرفلرندن ایلرولر ایدی .

بوارالق فرانق طائفہ سی اشبو شمال مہاجینہ
قارشو طور مغہ قالقیشوب واندالاردن یکرمی بیک قدرینی
قلیچدن کچوردیلر . انجق مر قوملرک منفقلری دخی
یتشککہ فرانقلر می ورلرینہ ممانعتہ مقتدر اولہ میہرق

یار بارل غول ممالکنی چکنه دکدن صکره اسپانیاه
 طوغری آقین ایتمش لایدی . واندالارک ارقه سندن
 بورغوند دنیلان طائفه دخی هجومه باشلادی
 زوماولر بونلره اصلا مقاومت ایده میه چکرینی درک
 ایتمکله اوزمان روما ایمپراطوری بولسان هونوریوس
 جینوه کولندن رن نهرینه قدر اراضی وسیعه بی
 بورغوندلرک ایتمکله مجبور اولدی . ایالتی اطرفلرینه
 ایتمش بولسان ویزیغوتلرک رئیس اولان الاریس
 هونوریوسک همشیره سی سیدی بی ازدواج ایتمش
 اولدیغندن کویا بار بارلری منع ایده چک واسپانیایی
 روما حسابنه فتح ایدی ویره چک ایدی . لکن کندیسنی
 یارسلون شهرنده سو قصدله اعدام ایتمش اولدقلرندن
 یزینه کچن واللیا نام رئیس فتوحات مذکورہ بی کندی
 حسابنه اجرا ایدرک ۴۱۹ سنه میلادیه سنده اوار
 فھرینه قدر غول ممالکنی کاملاً فتح ایلدی . بو حسابہ
 کوره غول ممالکنک بتون بتون روماولر اندن چیقمش
 اولسنه هیچ برشی قالماشیدی .
 یار بارلر بوصورتله غول ممالکنه کیروب ده روماولر

بتون بتون اظهار ضعف و فتور ایلد کدن صکره فرائق
 طائفه سی ارتق بوقارغه شالقه برکلاه دخی کندیلری
 قایم لازم کلدیکنی کوروش اولدقلرندن بونلردن
 سالین نام قبيله ۴۲۸ سنه سنده قلو و بون نام
 رئیس لرینک ریاستلری التنده اوله رق قیام و خروج
 ایلدیلر که ۴۲۸ تاریخنده تورنه و عامبه طرفلرینی
 استیلا ایتشلردر. رومالور ساریاربارلردن زیاده فرانقلره
 اهمیت و یردک بولدقلرینی قتل ایدرلر ایدی . یئنه
 علیه انلردخی زرده بر رومالویه راست کلورلر ایسته
 قتل ایده ایده صوم ایالتنه قدر ایلروله دیلر .
 ایسته فرانسنز ملتنک اساسی بوتاریخده مومی الیه
 قلو و بونک همی سایه سنده قورولمشدر . واقعاً بعض
 مورخنر فرانسنز ملتنک واضع اساسی اولق اوزره
 فارامون نام ذاتی تعین ایدرلر ایسته ده بونک وجودی
 موهم اولدیغی ظن اولور . زیرا فرانسنز
 ابتدایی تاریخندن صورت صحیحده معلومات و یرن
 قره غوارده طور مومی الیهک سمنی قاله الما مشدر .
 فرائق طائفه سی هسن نام محله، رومالورلی منکوب

ایدرك موقع حرب به برلنكده کوتوردكلى عربهلر دأرأ
 مادار دیزوب رومالورلى اورادن پك بعید قیاسیله
 قلوویونك همشیره سنی تزوج ایدن بررئیسك ازدواج
 جمعیتی اجرا ایدرلر ایدی . (چونكه انلر عربلرکی
 قادیلرینی دخی موقع حرب به برلنكده کوتورلر ایدی) .
 حریفلر وحشیانه لغاتله طاعلری ایکنلر دكلى
 و باربارجه سنه رقصلر ایلر لرلى صارصد قلىر اشناده
 آند تبوس نام روماجسنزلى برفرقه كافیه ایلر بغته
 هجوم ایدرك جمعیتی تارومار ایلدی . جنزل مومی
 الیهك هجومی او قدر شدتلى ایدی كه فرانقلر ایچون
 سلاحده صارمغه وقت قالمیدی . حتی کلینی بیله
 قورتاره میوب كافه مهمات حربده لر یله برابر ترك ایلدیلر
 یووقعه اوزرینه قلوویون چوق یشایه میوب وفات
 ایلدیسه ده فرانق طائفه سی ایچون قوردیغی اساس
 سنیت سنارس اولیوبینه باقی قالمیدی . زیرافرانسه ده
 حروونیرنه خاندانه اسمنی یادکار ایدی برلقش اولان
 حرووه در حال زمام اداره بی الهالارق بومغلوبیتك قات
 قات آجیسنی چبقار مشدر كه کیفیت اشاعیده ایکنجی
 فصلده بیان اولنه جقدن .

- ایکنجی فصل -

قلوویونک وفاتنه قدر مر وونیریه نلرک حکومتی

عن ۴۲۷ الی ۵۱۱

تفصیل - فرہدہ کرنام مورخہک قولنجہ یوقاروکی
بند مخصوصدہ اسمی سبقت ایدن قلوویونک زوجہ سی
برکون نھر کنارندہ یقانونر ایکن بروحشی جانور اوزرینہ
ہجوملہ بیاغی برارکک کی معاملہ زوجیدنی اجرا یتمسیلہ
اندن مرووہ حاصل اولمشدر . انجیق بوروایتک
خرافات قدیمہ دن اولدیغنه کیم شبہ ایدر . حتی
اجرا اولنان تدقیقاتہ کورہ مرووہ قلوویونک اوغلی
ایدوکنی بیله رد ایدیورلر .

قلوویونک زمانندہ فرانقلر میانندہ ہیج برانتظام
اولیوب مومی الیہ عادتتا بونلرک سرکرده سی کی برشی
ایدی . مرووہ ایسہ بدرجہدیہ قدر نظام وانتظام
ویروب حتی بوسببہ منیدر کہ اولاد واحفادینک ارثا
جالس صندالیء حکومت اولملرینی فرانقلر قبول ایلدیلر
یوقاروکی بند مخصوصدہ بیان ایلدیککی وجہلہ

فرانقلر دو کون محاربہ سنده پریشان اولوبده قلوو یون
دخی وفات ایلمدیکی زمانا کر رومالور ایله ای دیلان
محاربہده دوام ایداش اوله ایدی احتمال که فرانسلرک
مومی الیه قلوو یون همتیله قونلش اولان اساس
علیتلری مندرس اولور ایدی . انجق مر ووه عتلا یلق
ایدوب امر محاربہده مسامحه کوستردی .

بوارالق هون طائفه سی بر بارقه بلاکی شرق
ظرفندن ظهور و بتون مانعه لری اقتحام و عبور ایدرک
غریبه طوغری یایلش بولند قلرندن (روسیه ص
۳۶ مر) غایت ضعه دوچار اولش بولسان روما
ایمپراطور لغنی ترتر تتریمکه باشلادقلری کی کرک غول
کرک المانیا طرفلرنده اساس حکومتلرینی هنوز قورمه
باشلایان اقوام دخی خوفه دوشوب اولجه بر برینک
دشمنی ایکن بو کره جملہ سی هونلر علیهنه اتفاق
ایلدیلر .

ذیرکن هونلرک رئیس آتیلا بشیوز بیک کشیدن
حرکب معیتی خلقیله رن نهری اوزرینه طوغری چکرکه
کی بورویوب کادی ونهری دخی کچوب اورلیانه

طرفلرینه قدر ایلروله دی . بونک اوزرینده (روسیه
ص ۴۰ مر) روما عساکرله فرانقلر وسائر اقوام
منجاوره بالانشاد مقابله اولیه برهجوم کوسه تردیلرکه
آتیلا عساکرینک ربعی قدرینی یره سرروب بوحال
جهانگیر مومی الیه حیرت و یرمکله ایتالیا طرفنه
طوغری چکدی کیتدی .

هونلرک شو انهنز مننده جمله دن زیاده فرانقلرک همتی
کورلمش و بونلر میاننده دخی بالذات مرووه نک شجاعت
و بساتی تحسین ایدلمشیدی . بناء علیه فرانقلر
شوهیتلری سایه سننده اقوام سائره میاننده نه قدر امتیاز
قازاندیلر ایسه مرووه دخی فرانقلر میاننده اوقدر
صیت و شهرت قازانوب قراللق کبی و بلکه دهامستقل
ودهامستبد بر موقعه کلمی و حتی اولاد و اخفادینه
دخی حق حکومت قازاندرمسی بوندن نشأت ایلشدر .
مومی الیه مرووه نک دهاسائر اجرا آتی اولوق
طبیعی ایسه ده انلر یوقاروکی موفقیتمدن صکره تاریخ
نظرنده شایان قید و تحریر کورلماشدر . بالکز اول
قهرمانک ۴۵۸ سنه میلادیه سننده وفات ایلدیکی
بخاکر اولنور .

حر ووه نك وفاتندن صكره يرينه اوغلى شيلدر بق كچدى .
 شيلدر بق غايت جنكاور بر آدم ايديسه ده شهوتنه
 غايت مائل اولديغندن فرانقلرك قاريلر ينى قزلر ينى
 باشند چيقارمغه باشلامسيله هر كس كنديسندن نفرت
 ايتمش ودها صكره لرى عليهنه قيساله مومى اليه
 تورننه قدر قاچرمش ايلديلر .

مومى اليه فرار ايدرك مملكتنده قالان كينوماندا نام
 صديقنه كنديسنك ينه عودتى اسبابنى استحصاله
 چالشمى خصوصنى توصيه ايدوب دوستى مومى اليه
 دخى بر آتوني اورته سندن كسهرك ياريسى شيلدر يقه
 ويرمش و ياريسى دخى كندى ياننده اليه قويه رق هر نه
 زمان بو يارم آتوني كوند رسه اوزمان مملكتنه عودت
 ايتمى قراله توصيه ايلشيدى .

شيلدر بق تورننه قرال بولنان بازن نام ذاتك
 زوجه سنى باشند چيقاروب اكلتمكده اولسون اوته
 طرفده فرانقلر اچيد يوس نام روما جنزلى دعوت
 و اكا اطاعت ايلديلر .

شيلدر بقك دوستى كينوماندا يسه فرانقلر

ایچنده اسکی قرالارینه مطیع قالان برفاچ کشی ایله
 باش باشه ویره رک فرانقلری ینه شیلدریق طرفنه
 جلب ایتکه چالیشدی ایسه ده فرانقلر جواب رد
 ویرماملکه برابر اجیدیوسه اطاعتدن واز کچم یوب
 انکله برابر و بز بقوتلره قارشو محارباته دخی کیتدی لر .
 نهایت ۴۶۴ سنه سنده اجیدیوس وفات ایتمکه
 اوزمان فرانقلر اسکی قرالاری شیلدریق توجیه
 کوسه ترد کلرندن کینوماند معهود یارم آلتونی قراله
 کوندرمش و شیلدریق دخی وطنه عودت یلشیدی .
 غره غوارده طور نام مورخ قدیم دیر که شیلدریق
 مملکته کلر کدن صکره قورنژده معارفه پیدا ایتمش
 اولدیغی قرالیه بازینا دخی کلدی شیلدریق
 نه ایچون کلر یکنی مز بوره یه صور دقده « سنک شجاعت
 و کفایتک بنی حیران ایلدی . بونک ایچون کلدم .
 اگر دکرلرک اوتنه طرفنده بیله سندن شجیع سندن
 بهادر آدم اولدیغنی خبر آلمش اولسه ایدم اورایه قدر
 کیدر ایدم » جوابی ویردی . قرال مز بوره ایله
 ازدواج ایدرک اوچ نفر قزی و براوغلی اولدی که اوغلی

قلووی نامبله کندیسنه خلف اولمشدر .

روما غرب ایمپراطورلغی انقراضندن صکره سالف
الذکر اجیدیوسک اوغلی سییغاریوش غول ممالکننده
باباسنک تحت اداره سنده قالمش اولان یرلرده کندی
حکومتی اعلان ایلمش ایدیه ده شیلدریق بوکا اول
قدر اهمیت و یرمیوب آخر عمرنده جرمن اقوامنه منسوب
اولدقلربی حالده فرانقلرک غول ممالکنجه نائل
اوله کلدکلری مغفریاته رقابت ایدن المانلرک برونی
قرمق فرض اولمشیدی .

مومی الیه شیلدریق ۴۸۱ سنه سنده وفات ایلدیکی
زمان اوغلی قلووی اون بش یاشنده بر دلی قانلی
اولدیغی حانده مقام قرالی به کچدی که کویا طبیعت
مصلحت فراتق قومنی کرچکدن بریوک ملت و بر
منتظم دولت حانده وویق ایچون قلووی کبی بر مقتدری
اوله کج یاشده موقع حکومته کتوردی .

قلووی فرانسه مقام ریاستنه کچدیکی زمان
قارشوسنده طوره بیله جک یالکز بور کینیون قومیه
و یز یقوتلر وار ایدی که بونلردن بور کینیون قومی

غونديوت و غودجه ذیل نام رئیس لرینک قومانداسی
 التندہ اولارقلری حالدہ لوار نه یله هله وتی و دورانس
 اراسندہ اولان اراضی بی ووز بقوتلر دخی ایکنجی
 الاربس نام قرال لرینک اداره سی التندہ اوله رق
 فرانسه نك جهت جنوبندہ کائن اکیتن ایالتله اسپانیایه
 طوغری پیره نه طاغلرینک اوتہ طرفنه قدر محملاری
 استیلا ایتمش لرایدی . قلووینک تحت اداره و اطاعتندہ
 یولسان فرانقلر یالکز سالیهن دنیلان قبیله اولوب
 حالوکه غول ممالکنه کیره بیتک ایچون یولی اوزرنده
 کندیسنه مطیع اولمیان دیگر بعض فراتیق قبله لری وار
 ایدی . قلووی قوت موجوده سی یوللری ازمکه صرف
 ایتمکدن زیاده انلرک قوتی دخی کندی قوتنه ضم ایتک
 طریقنی اهم کورمش اولدیغندن بنیا کرو قارار ايس
 و سیره بر نام سر کرده لری تلطیف ايله دائره
 اطاعتنه الدقدن صکره بر بیوک اردو ايله غول ممالکنه
 کیرمشدر . الک اولقا شوسنه کلان قوت روما لورک
 یالکز بر لفظدن عبارت قالمش اولان صواصون ایالتی
 اولوب فرانقلر ایالت مذکور بی محافظه ایدن قوه

موجوده بی بالسهوله بوزارق صواصونه صاحب اولدیلم
 كرك اشبو صواصون مظفری و كرك سائر بعض
 موفقیه لراوزرینه هنوز یکر می یکر می بر یاشنه واران
 قلووینك شان و شهرتی آرمش وجوارده بولنان قبائل
 مستغله بیانغی اندیشه به دوشمشدر . بناء علیه
 رؤسای محلیه دن و رومالوشمش اولان غالموردن
 اوره لیان نام کسنه قلووی به تأیید تنساب ایچون
 یور کینونلرك قرالی بولنان سالف الذکر غوندیوتك
 برادر زاده سی قلوویلد نام قری قلووی به المق ایچون
 وساطت ایلدی .

مومی ایها قلوویلد شلبر بو نام قرالك قری اولوب
 عمجه سی مر قوم غوندیوت باباسنی قتل ایلدیکی زمان
 بتون خاندانی خلقنی قلیچدن کچوردیکی اشتهاده کندوسیه
 والده سنی وایکی فرنداشنی قتلدن عفو ایدرك حبس
 ایش فقط قلوویلدك درکار اولان حسن وجهانه
 حرمة کندی سراینده بسیه مکده بولمشمیدی .
 اوزمانلر خرستیان آیدنی هنوز لایقیله غول ممالکی ایچنه
 منتشر اولامش بولندیغندن عمجه سی وحتی باباسی

دخی آیین قدیمه طایف قلمی حالده مجرد والده سندن
 الدیغی تلقین اوزرینه قلو تیلد خرس تیالقی آیینی محافظه
 ایدر ایدی . اوره لیان قلووی طرف سندن سفارته
 قلو تیلدی طلب ایلد کده فرانقلرک قرالی کبی بار بار
 بر حریفه قزویرمک جسارت اولنور برشی دکل
 ایدبسه ده کندی اوز قرداشنک جاننه قیمش اولان
 غوندپوت برادر زاده سنک بر بار بارک پنجه قهرنده
 پاره لیمسندن اندیش سنک اولیه جغی درکار اولدیغندن
 شاید فرانقلرک هجوم سندن تحافظه برمدار اولوز
 خولایا سیه قلو تیلدی قلووینک یدینه تسلیم ایلد کده
 تردد ایلدی .

فرانقلر غول خلقی کبی دروید آییننه تابع اولی سوب
 اودن مذهبنه ذاهب ایدیلر (دایمارقه ص ۷ امر)
 بناء علیه قلو تیلد قلووی به وارمق ایچون یالکز کندی
 آییننه ایلشلام سنی شرط قوی عقله اکتفا ایلدی .
 قلو تیلد کنج کوزل ظریف نازک سوبعلی برقر
 اولوب قلووی هر نه قدر قباظالم بار بار برشی ایدبسه ده
 عز بوره کبی بر نازک قرک قدر و قیمتنی بلیه جک قدر

احق اولديغندن خلاف مأمول اوله رق زوجه سسته
 او قدر حرمت و رعایت کوسه تردی که شمیدیکی زمان
 ظرافت و مدینه بیه بر قوجه نك قار یسنه بو قدر مساعد
 طور انسی تصوره اولسه من . حتی قلو تیلد ایلاک
 چوجغنی طوغور دیغنی زمان خرسه تیان آیینجه و افتر
 ایتدیرد که بار بار قوجه سنک قهرندن خوف ایتک
 شویله طور سون مفتخرانه بیان کیفیت ایلشیدی .
 بو چوجق معمر اوله میسوب تیز و قتده وفات ایتکله
 قلووی اوزمان اعتراض ایدوب « اشته سنک طانیدیغک
 اللهه امانت ایلدیگک چوجق بویله وفات ایدر بنم
 طایدیغم اللهه طامش اولسه ک اولادیکی محافظه ایدر
 ایدی ، دیمش و قلو تیلد دخی بلا پروا « اگر سنده
 بنم طایدیغم اللهه طامش اولسه ک اولادیکی محافظه
 ایدر ایدی سکا اولان بغضندن ناشی اوغلیکی اولدوردی ،
 جوابنی ویرمشدیر . یالکز بو مناسبت دکل دهاسا ایز
 مناسبتله دخی قوجه سنی یواش یواش خرسه تیانلغده دعوت
 ایتکه باشلامشیدی .

قلووی یواش یواش خرسه تیانلغی فنا کورمز

اولدی . انک دخی بر دین اوله بیلسی احتمالی تسلیم
ایدر ایدی . نهایت الماسانلرایله زواییق نام محله
آچیلان محاربده فراتقلر عددجه پک آز بولمغله فنا
حالده صیقلدقلری زمان قلووی « ای قلویتیلدک الاهی
اکرینی بو محاربده غالب چیقارر ایسک اودانی ترک
ایدرک سنی قبول ایدرم » دیمش و نصلسه الماسانلر
منهزم اوله رق غلبه فرانسزلرده قالمشدر . بوخیر
قلویتیلده واصل اولجاء قوجه سی غالبانه عودت ایدر
ایکن رهمی نامنده بر پاپاس ایله کنندیسینی استقباله
چیقارق قوجه سننن عهدده وفا ایتمکی طلب ایلدی
واودخی عسکره « عسکر ! بزم شمعی به قدر طاپدیغمز
اللهک نه قوتی وار نه قدرتی . کرک اودن کرک عونہ سی
فانی ایمشالر . بزه بو محاربہ بی قازاندیران ره مینک
اللهیدر که باقیدر . سزده بخله برابر باقی بی فانی به
ترجیح ایدرم بسکز ؟ » دیدکده بار بارلر « اوت بزدہ
ره مینک و قلویتیلدک الاهی قبول ایدرز » دیه
خرستیانیلخی قبول ایلدیلر که میلادک ۴۹۶ سنندسی
ایدی .

قلووينك خرستيانلغی قبول ايديشی حتمنده پاك
 خیرلی اولدی . زیرا غول ممالکی ایچنده و بار بار لر
 میانده نه قدر خرستیان وار ایسه کندی طرفنه میل
 ایلدیلر . بوا یسه مجرد خرستیانلغی قبول ایدیشندن
 طولانی پاپاسلرک حسن توجهنی قازانمش اولمق
 سایه سنده حاصل اولمش بر نعمتدر . حتی مومی الیه
 و یزیغوتلرک اوزرینه حرکت ایدیه کی زمان روما
 شرق ایچراطوری طرفندن کندیسنه « اوکوست »
 و « قونسول » و « طریق » غوانلری دخی و برلشدرد .
 ایشته بر منوال محرر توجه عمومی کندی لهنده اولدیغی
 حالده فلسووی بر منتظم اردو الیه حرکت واک اول
 زوجه سنک عجمه سی غوند بوقی مغلوب و پریشان
 ایلد کدن صکره غول اهل یسنی دخی اطاعتی التئه الوب
 عموماً و یزیغوتلر اوزرینه یورودی . بو محاربده
 روما لور دخی فرانقلره معاون اولدقلری کی پاپاس
 گروهی دائماً خلقی امر محاربده فرانقلره معاون
 اولغه تشویق ایدیلر ایدی . محاربته مذکورده
 قلووینک ایراد ایش اولدیغی بر نطق اوزرینه فرانقلر
 للهک عنایتله و یزیغوتلری اورته دن قالدیروب بتون

غول ممالکی ضبط واسمی « فراتق ممالکی » یعنی
 « فرانسه » وضع اتمک عزم قو یسنده ایدیلر ایشته
 بویله بر عزم عمومی ایله میلادک ۵۰۰ سنه سندن
 ۵۰ سنه سنه قدر ویز بغوتلری پراکنده و پریشان
 ایدوب یالکز آق دکز سوا حلتدن عبارت بولنان ایپ
 اینجه اوب اوزون بردیلدن ماعداد رن نهرندن
 تاپیره نه طاغلرینه قدر بتون غول ممالکی فراتق
 ممالکی اولدی .

اشبومظفریت جسیه اوزرینه قلووی پارس
 شهر بنی پای تحت انخاز ایدرک اورایه چکلدی
 وانذن صکره استیلا ایلدیکی محلاری اطاعتی التمه
 ضبط ایده بیلنک یولنی ارامقله مشغول اولدی .
 غریبی شونده در که مغلوب اولان خلقه هیچ بر ضرری
 طوق نمیه بینه کندی عونو ورفقاسنت حکومته
 مداخله و اشتراکندن قورتلخی استقلالنک مدار اعظمی
 ییلکله رن نهر بنی مرور ایدر ایکن اتفاق ایش
 اولدیخی یوقاروده بیان اولنان سیرتدبرایله اوغلی
 قلودریس وینه متفقین مذکوره دن قاراریس ورینا کر
 و برادری ریکرومان و سیاغریوس نام رؤسای قتل

کوندروب اورادہ دوسہ تلغہ وقفہ داراغہ دائرہ بر مقاولہ
امضاسہندن صکرہ مملکتہ کوندروسی بیوک برعالی
جنابلق صابیلہ بیلور .

تفصیلی اشاعیکی بند مخصوصہ کوریلہ جیکی
وجہلہ سیرہ برتک دیگر قرنداشی اولوب صواصون
قرالی بولنان شیلپر بق فرہ دغوند نام بر فاحشہ قاریسی
اوزرینہ تاهل ایش اولدیغی غالس وینتی نام زوجہ سنی
ینہ فاحشہ مذکورہ نک اجباریلہ اعدام ایتدیرمش
و حال بو کہ معدومہ مز بورہ سیرہ برتک بالذبزی بولنش
اولدیغندن کندی زوجہ سنک یعنی معدومہ نک
قرنداشنک اجباریلہ سیرہ برت برادری علیہ
محاربہ یہ قیام ایشیدیدی . انجق فاحشہ مز بورہ
فرہ دغوندک مکرینہ نہایت اولدیغندن مس اہالیسنی
بالتحریک ۵۷۵ سنہ سندنہ بیچارہ سیرہ برتی اعدام
ایتدیرمشدر .

مومی الہک اعدامندن صکرہ ینہ فرہ دغوندک
حیلہ سیلہ اوغلی شیلدہ برت زندانہ آتلمش ایدیسہ دہ اوسترازی
دوقہ لرندن بریسی کندیسنی قورتاروب اورلیان قرالی

غونترانك جایه سی آتیه و برمش و اول صورتله چو جغك
مس قرالنی اعلان اولمشدر که اوزمان هنوز بش
باشنه انجق وارمشیدی .

باباسنك قاتلی دیمك اولان شیلپر بق حالا محاربه ده
دوام ایده طورسون اورلیان قرالی غونتران کندی
ایکی اولادینك وفات ایتسی اوزرینه شیلده برقی کندیسنه
اولاد وولی عهد ایتکه قرار ویرمشیدی . بوارالق
نصلسه چو جغك و کلا و امناسی عدو جانی بولنسان
شیلپر بق ایله عقد اتفاق ایتشیدیسه لرده مومی البهك
وقوع وفاتندن صکره شیلده برت خزینه سنی یغما و پای
تحتی بولنان پارس اوزرینه هجوم ایلدی . فقط
برکونه موفقیته مظهر اوله میهرق بعده ینه غونتران ایله
برلشوب حتی غونترانك وقوع وفاتی اوزرینه یوقاروده دخی
دینلیدیکی وجهله اورلیان ایالتی دخی کندی اداره سی
الته المشیدی . انجق بعض مورخلرک قولنه کوره
کندی والدسی و فقط الك طوغری روایت کوره ینه
سالف الذ کفره دغوند فاحشه سی طرفدن تسمیم ایله
۵۹۵ سنه سند: وفاتی وقوع بولشدر .

سبزہ برتک و فائیدن صکرہ ترک ایلدی یکی ایکی اوغلندن
 ته اوده اصل کندی مملکتی دیمک اولان مس و تیه ری
 متوفی غونتراندن قالمه اورلیان طرفنه قرال اولمشیدی .
 لیکن ینه فره دغوند فاحشه سنک انتریقده لی
 چوجقلری برلنده راحت براندی . خنزیرک مکر
 وحیله سی انتری دخی ارایه قاینادی که تفصیل کیفیت
 اشاغیکی بند مخصوصده کوریلور .

❖ بند مخصوص ❖

❖ صواصون حکوتی ❖

قلوتروفات ایدرایکن درت نفر اولاندن شیلریقک
 مؤخرأ چکیلان قرعه ده حصه سنه صواصون ایالتی
 دوشمکله اورایه قرال اولمشیدی . هر قوم غایت سغیه
 پر آدم اولوب وقتنی دائماً فاحشه لایله پکوررایدی .
 شدیغی فاحشه لری میانده فره دغوند نام قاری حسن
 وجالجه نادر الامثال اولدیغی کی وفرت زکا و درایتی
 دخی مسلم ایلدیسده طبعده اولان دنات اقتضایه

قوه مفکره سنی جان طیانز جنایتلر یولنده کچور مشدره
 مز بوره راز مدت صکره قراله ملازمت ایله حربی
 عادتا تحت قهر تغلبه الارق امر ونهینه منقاد ایلمش
 اولدیغندن سرای قرالینک فحشیات ورذالتی آفاقی
 طوتمشیدی . مس قرالی سیره برت حد ذاتنده اوصلی
 عقلای بر آدم اولمغله عصمت وعفته بنام اولان
 ویزیغوت قرالینک قزی برونهود ایله عقد ازدواج
 ایتدیکی زمان اطراف وا کنافده حسن صیتی برقاندها
 ارتدیغنه شیلپر یق عادتا حسد ایدرک کنیدیسی دخی
 انظار ناسده تزکیه نفسه مدار اولمق ایچون قرال مومی
 الیهک دیگر قزی بولتان غالس وینتی بی طلب ایلدی .
 باباسی ویرما مکه چالشدی . انجق ارایه دامادی
 سیره برتک دخی رجاسی کیردک بیچاره قزی اوسقیفه
 عقد ایلدیله .

غره غوارده طور نام مورخک روایتنه کوره شیلپر یق
 پرنسس مومی الیهابی الدیغی زمان سراینده فره
 دعو ندن ماعدا برقاچ قاریسی دها واریدی . لکن
 فره دعوند جله دن زیاده قراله تغلب ایتمش اولدیغی

جهتله ارادن بر از وقت مرورندن صکره قرالی پرنسیدن
 صوغودارق تحقیر ابتدیرمکه باشلادی .
 بیچاره پرنس کندیسنی تحقیردن محافظه ایچون
 یاباسنک ملککننه چکلمک ایسته میشیدی . لکن قوجه سی
 بدخوی قزک بو عزیمتدن غضبناک اوله رق بیچاره بی
 اعدام ابتدیدی .

قرنداشلر میانده ذاتاً اوتنه دنیبری منافسه جریان
 ایتمکه اولدیغی وباخصوص پرنس مومی البهانک
 شیلپر بقیه ویرلمسندنه سیره برت توسط ایلش ایدوکی
 جهتله پرنسک اعدامی کیفیتی منافسه واقعه بی بر
 قاتدها تشدید ایلشیدی . مس قرالی سیره برت جله دن
 زیاده بر غضب و شدتله شیلپر بقدن اخذ ثاره قیام
 ایلدی که طول مدت محاربه لردن وختی دفعاتله
 سیره برتک غلبه و مظفریتندن صکره مسئله نهایت یته
 سیره برتک اعدامنه منجر اولمشدر .

مرقوم شیلپر یقنک مر ووه اسمنده بر اوغلی وار
 ایدی . عجبه سی سیره برت قتل ایدلدکن صکره
 زوجیه سی برونهوتی بو چو چق تزوج ایلدی . فاحشه

فره دغوند بوندن طولانی دخی دلگیر اوله رق قوجه سنی
اوغلی علیله ده تشویق ایتکله بیچاره چوجق
باباسنک انندن یقایی قورتارمه جغنی اکلادون صکره
کندی کندیسنی اعدام ایشدر .

فره دغوندک شیلپریق اوزرنده کی تحکیمی اودرجه یه
وارمشییدی که کندیسندن بشقه دیگر زوجهلردن
حاصل اولان چوجقلربنک جله سنی اعدام ایتکی
قراله امر ایلدیکی زمان قرال یالکره اولادلر می نصل
قیابیلهم ، دیه بیلرک فقط مزبورنک اجباریله ینه
ایستدیکنی یاغغه مجبور اولمشدر .

ایشته بویله برقارینک سوقیله ایتدینکی فنالق
قالمدیخی حالده اجرای مظالم ایدرایکن بر کون پارس
جوارنده بر محله صیدوشکاره کیدوب اقشام عودتنده
حیوانندن اینزایکن جانی یانمش بر بیچاره قرالی ایکی
یرندن بچاق ایله یاردلیوب قتل ایتمشدر که تاریخ ۵۸۴
سنه میلادی سی ایدی .

مورخلر بوسوء قصدک مورنده اختلاف ایلدیلم
بعضلر لاتدریس نامنده برحریف ایله ماجرای فحشیاتی

میدانہ چیمش اولان فرہ دغوندک کندی باشی
 قورتارق ایچون قرانک باشی کسدرمش اولدیغنی
 روایت ایدرلر . بعضلر ایسه مظلومه همشیره سیله
 قوجه سنک ثاری برونه و دطر قندن بویولده الديرلدیغنی
 درمیان ایدرلر . هر نه ایسه مقتول مر قوم کیمسه نک
 سومدیکی رقر بختلی اولغله اول صورتله اعدام ایدیلشی
 کیمسه نک تأسفنی موجب اولماشدر .

کندیسندن صکره فرہ دغوندن متولد درت آیلق
 براوغلی ایکنجی قلوثر نامی ووالده سنک وصایتله
 قرال ایدلدی . بو اراق اورلیسان قرالی غونتران
 هنوز بر حیات اولغله مزبور فرہ دغوند ابله دشمنی
 بولان سالف الذکر برونه و دک بوقازوده دخی حکایه
 ایدیلان منافسه لر بنه میدان بر اقدیرق اسایش واستراحتی
 محافظه ایلر ایدی . ۵۹۳۰ سنده سنده غونترانک وقوع
 وفاتی اوزرینه منافسه مذکور بنه باش کوسترمش
 وبرونه و دک اوغلی شیلده برتک تداودو بر و تهری نام
 اوغلاری دخی ایشه قاریشه رق هله فرہ دغوند کبردکن
 صکره اوغلانک حالی زیاده سیله یمانشمش و مملکتندن

وحکومتند دکل حتی حیانتند ببله امیدى قالماش
 ایدی . فصله ۶۱۳ سنه سنده شیلده برت زاده لک
 وقوع وفاتی اوزرینه مر قوم قلوتر تکرار کندیسنى
 طوپلایوب حتی بیچاره برونهودى دخی پنجه قهرینه
 کچوره رک نیجه کافر عذابلریله اعدام ایتدیرمشدر .
 قلوتر زمانک برمنوال محز برمنافسه محارب سندن
 بشقه وقوعات تاریخ نظرند لایقوله تدقیق ایدلماش
 اولدیغندن اولماید بزدخی معلومات لایقه و یردمیر
 یالکزم قومک کندیسنه مطع و منفاد اولان قبالدن
 بعض اهایى بی ۶۱۷ سنه سنده لومبارد بالورل ترک
 و تسلیمه مجبوریت کوردیکی صحایف توارینده
 مندرجدر .

۶۲۳ سنه میلادیه سنده مر قوم قلوتر اوغلی
 داغوبری حکومته مشترک ایلش ویالات موجوده دن
 اوسترازی بی کندیسنه اعطا ایتشیدی . انجق جوجفک
 هنوز نجر به سرالکته مبنی ساقسونی بالور فرانسه
 اولکاسنه تعرض ایتکه باشلامش اولمقدن ناشی قلوتر
 بالذات ساقسونی بالور اوزرینه واروب طرد و تنکیله

موفق اولدی .

قلو ترك تاريخ وفاتی ۶۲۸ سنه سیدر که عند الحساب
مر قوم بش سنه نوستری واون التي سنه دخی ضوا
صون قرالغنی ایتمش دیمکدر . وفاتندن صکره اوسترازی
قرالی بولنان اوغلی داغو برت درحال نوستری قرالغنی
اعلان ایتمش ایدیه ده اکیتن اهلایسی دائماً فرانکلردن
آیرلق ومستقل قالمق سودا سنده بولند قلرندن داغو برتک
برادری قاریب قی دعوتله انک قرالغنی اعلان ایتمشلردر .
داغو برت بعض دوراندیشانه مطالعاتله اکیتمک
یو حرکتیه آچیقیدن آچیغه اعتراض ایتمدی .
قاریب غایت ضعیف برپرس اولدیغندن نه زمان
اولسه اکا غلبه ایده جکنی ییلدیکی جهته بالکرا و طرفلرک
روحی مثابه سنده بولنان برودولف نام ذاتی ازاله ایله
اکتفا ایلدی . اندن صکره بشقه بر تشبیه حاجت
قالمیه رق تیز وقنده قاروبرت وفات ایتمکله متوفانک
یرینی طوته جق اولان ایکنجی شیایر بقی قتل ایدرک اکیتمی
دخی قبضه تصرفنه بالادخال بوصورتله عموم فرانسه یی
اداره واحده السنده برایشدیرمش اولدی .

فرانسه ممالکی قلووینک اولادی میاننده تقسیم
ایلدیکنندن یعنی ۵۱۱ سنه سنه نبری فرانسه ده زادگان
ومتخیران طاقی پاپاسلرک نفوذی مجرد قراللرک سوء
حال و اداره جاهلانله لری سایه سنده آرته آرته اودرجه بی
بولمشیدی که اگر بر پرنس بونلره بیون انکرایسه مقامنده
غل طوته میه جق حاله کشیدی . بناء علیه داغوبرت
اول امر ده ارباب نفوزک سر آمدی په پین نام ذاتی
پارسه یعنی کنندی نزدینه چاغروب اوراده محافظه سنه
دقت ایلدی . مس شهرینک باش پاپاسی ارنول نام
صاحب نفوذی دخی ووسر طاغلری ایچنده برمناسره
تقی ایلدی . بعده ممالکنک هر طرفنی سیاحتله پاپاسلرک
واصحاب نفوزک نفوذ و اعتبارلرینی کسر ایتمک
باشلادی . داغوبرت سائر مر وونیرینه قرالری کی
شهوات نفسانیه زیاده سیله مائل بر آدم اولوب
اوچ زوجه سی وانلردن ماعدلر چوق دخی او طه لقلری
وارایدی . فره دکر نام مورخ دیر که او طه لقلرینک
عدی او قدر چوق ایلدی که اگر اسملرینی یازارق
صایاجق اولسنهم تاریخی یالکز انلرک اسملرینی

یازمقله طولدیرمق لازم کلور ،

داغوبرتک زیر اداره سنده تجمیع ایدن ممالک پیرنه
طاغلرندن بدأ ایله الب نهرینه و بحر محیط اطلاسیدن
المانیایا ایچنده کائن بوهیمایله مجارستان حدودینه وارر
ایدی . اوزمانلر فرانسه بر طاقم کار بانلر ایله یونانستان
وسائر ممالک شرقیده تجارت ایدر ایدی .

یونلردن بر کاربانی اوزمان طونه طرفلرنده ساکن
وند نام قبیله اورمش اولسایله داغوبرت لومبارد
والمان و اوسترازی جنکاورلرینی اشبوعاصیلر اوزرینه
سوق ایلدی . انجیق کیدن عسکر منهزماً عودت
ایلدیکی کبی ۶۳۱ سنه سنده وندلردن بر بیوک فرقه
جرمانیایا ایچنه هجومله تاراجه باشلادی .

ینه سنه مر قومده ده بلغارقبائلندن طقوز بیک
قدر جنکاور چواقلریله چوجقلریله خصمهای بولنان
آوارلردن قاچوب فرانسهیه انجما ایتمش و داغوبرت
یونلری باویرالوره مسافر ویره رک هر برینی بر خانهیه
یرلشدیرمشیدی . ارادن التی آی کچر کچمز داغوبرتک
بو قدر غلبه لک مسافرلردن جانی صقلدیغی کبی شاید

بونلری تعقیب ایچون آوارلر دخی کلور قورقوسیه
غومنی بر کیجه ده قتل ایتمکی باو برالور دامر ایدرک
انلر دخی حکم امری ایغا ایتمشلددر که دنیاده بو قدر
ایچقلاق هیچ بر ملت تاریختک هیچ بر صحیفه سنده
کورلماشدر .

وند اقوامی بر کره جرمانیا ایچنه کیرد کدن صکره
قولایقله اعاده اولنه مدی . حتی ایرتسی سنه
همشهر یلزدن برچوق جنسکاورى دها جلب ودعوتله
اولکنندن زیاده نهب وغارته قویولمش اولدقلرندن
داغورت بودفعه مس پدشکاهنده بر قوه کلیه تدارک
ایدرک وندلر اوزرینه هجوم ایلدی . بو هجومده
دشمنی براز کیرولمش ایدی . بعده بردهامر ورلرینه
ممانعت خصوصنی ساقسونیا اولره حواله وبوخدمتلرینه
بدل سنوی اعطا ایتمکده اولدقلری بشیوزرأس
اینک ویرکوی عفو ایدرک کلوب عیش وعشرتله
مشغول اولدی .

طالبوکه وندلرینه مهاجمه لنده دوام ایلدیلر .
ساقسونیا اولر بحق ممانعت ومقاومتدن اغماض ایتمکلی

کبی اوسترازی و سائر رؤسای دخی داغوبرت
 اقدمجه کندی نفوذ لرینی قرمش اولسی مناسبتله حتی
 نوستری و بورغون طرفلرنده مومی البه ایتش اولدقلری
 معاونندن بيله پشیمانلق کوسستردکاری جهته بوکره
 وندلره قارشو انلر دخی کوشه کلک کوسستردیلر .
 داغوبرت بو حالک سببینی اوسترازی سر آمدانندن
 استفسار ایلشیدی . انلر دخی وقوع حالی آچقدن
 آچیغه بیان ایتمکدن چکنیوب استقلال اداره غیرتنده
 بولندقلرینی درمیان ایتلربله اوغلی سیره برتی اوسترازی
 قرالی عنوانيله مسه اعزام ایلدی که اندر صکره اوسترازی
 عسکری وندلری طرد و تنکیلده قصور ایتدیلر .
 سیره برندن صکره داغوبرت قلووی اسمنده براوغلی
 دها دنبا به نکش وان دخی کندی معینده نوستری
 قراللی حاکمده اسخندام ایتمکه صاقلامشیدی .
 مدت عمرنده ایتدیکی فضایحه مؤخرأ اعمال حسنه
 ايله قارشو کلک ایچون داغوبرت برچوق اراضی فی
 کلیساره وقف ایتت و پاپاس گروهی خنده التفاله
 معامله یلک کبی بعض حرکاته مباشرتله

پاپاسلر میانده ایکن وفائی وقوع بولدی .
 قرال مر قومک وفاتندن صکره بر روایت چیقدی که
 تحف اولمستدنناشی بوراده ذکر مناسب کورلدی .
 شویله که :

کندیسی بذایت حکومتند، پاپاس طائفه سینه
 پک زیاده ادا وجفا ایتش و نفوذلرینی قرمش اولدیغی
 کی اواخر عمرنده دخی بولره رعایت و خصوصیه عزیز
 طانتش اولان برقاچنه پک زیاده حرمت ایلیش اولدیغندن
 وفاتندن صکره درونلرند، هنوز کین و غیظی موجود
 اولان پاپاسلر قرالک طوغریجه جهنمه کوتورلدیکنی
 رؤیاده کوردکلری کی لطفی کورنلر دخی طوغریجه
 جته کوتورلدیکنی کورمشلر و ایچلرنده بی طرف بولان
 ستر و مبولی نام پاپاس ایسه متوفایی درت زبانی در
 زنجیر ایدرک جهنمه کوتوررلر ایکن حقلرنده حرمت
 و رعایتی سبقت ایتش اولان عزیزلر کندیسنی زبانیلر
 اندن قورتاروب جته کوتورمش اولدقلرینی کورمشدر
 حتی بورؤیابی عینیه مزارینک طاشسینه حک ایتش
 اولدقلرندن الیوم نظاره خند، بخش اولمده ایتش .

داغوبرتک وفاتندن صکره بوک اوغلی کاکان
 اوسترازی قرالغنده قالوب کوچک اوغلی قلووی هنوز
 درت یاشنده بولندیخی حالده بعض مر دوپاله لک
 وصایتی آلتنده باباسی مقامنه قائم اولدی . اوائل
 حکومتی مر دوپاله لک بربری علیهنده کی منافسه لریله
 حرورایدوب اون یدی سنه قدر زماندن عبارت بولنان
 اواخر حکومتده دخی برکونه حرکت سیاستکارانه سی
 کور یله یدی .

مومی البهک شایان ذکر وتحریر اجرا آتی وارایسه
 بریسی اوزمانه قدر فرانسه یچنده بولنان سیم وزر
 قراللک وسائر سرآمدانک منارلرینی تزیینه صرف
 واسراف ایدلمش وینه علیه خلیفه مسکونکات یوزندن
 ضرورت عارض اولمش بولندندن یغندن ذکر اولنان
 منارلرده آتون وکوشه متعلق نه قدر تزیینت وار
 ایسه جمله سنی ضبط ایله فقرایه توزیع ایتسی
 قضیه سیدر . برده اوزمانه قدر فرانسه ده
 عربیه بنک یالکز قراجه لرمخصوص اولدیخی حالده
 قرالک دخی عربیه بنسی ایکنجی قلووی زماننده
 وقوع بولدی .

قلوی آخر حکومتده قردادشی و اوسـترازی
قرالی سـیرتـه برتک و قوع وفاتی اوز رینه ینه تکمیل
فرانسه بی براداره التـه آلمش یعنی اوسـترازی طرفی
کندی ممالک موجوده سنه الحاق ایلمش ایسه ده
کند بسنک دخی عمری وفا ایتیوب ایکی آی صکره
یعنی ۶۵۵ سنه سنده و قوع وفاتیه طالعنک
شو یاورا کنندن استفاده به وقت بوله مامشدر .

قلووی وفات ایلدیکی زمان اوچ اوغل ترک ایشیدی
پرسنک اسمی قلوتر اولوب اوچنجی قلوتر عنوانیه
پایاسنک یرینه نوستی قرالی و دیگر شیلده ریق
اولوب ایکنجی شیلده ریق عنوانیه عجبـه سی
سیرتـه برت یرینه اوسـترازی حکمداری نصب اولندی
اوچنجی اوغلی تیه ری ایسه هنوز بشیکده ایدی .
اشبو ایکی قرالدن بیوکی دیمک اولان قلوتر انجق
درت بش یاشنده برچو جق اولوب شیلده ریق اندن
دها کوچک اولمغله هر ایکسی مر دو پاله یعنی سرای
• ستشاری بولنان برطاقم ارباب نفوذک الارنده بازیچه
عرض قالدی . قلوتر اون درت سنه حکومت

سورذیکی حالده قید و تحریره شایان هیچ برشیئه
موفق اوله مامشدر . مومی الیهک ۶۷۰ تاریخنده
هنوز اون طقوز یاشنده ایکن وقوع وفاتیه برینه
کندیسنک وصیسی کی بر مقامده بولمان مردو پالاهسی
ابروان متوفانک **ک**وچک قزنداشی تیه ری بی نصب
ایتمکه قالقشیدی و بو عزمی سلا حله دخی نأید
ایلدیسه ده اوتیه طرفدن شیلده ریق نوسترازی نیک
سائر اعیانی انواع وعد و وعید ایله کندی طرفته
جلب ایتمش اولدیغندن بونلرک عسکری شیلده ریق
قرال طایمش و بونک اوزرینه شیلده ریق نوسترازی به
کله رک بیچاره تیه ری بی برمناسترده حبسه فرانسه بی
ید واحد اداره سی آلتده جمع ایلمشیدی . انجق
ارادن براز وقت مرورنده نوستری سرآمدانه اولجه
ویرمش اولدیغی وعدی فراموشله اعیانی اینجتمکه
و پاپاسلرک نفوذینی قرمغه باشلامش اولدیغندن
اولباده ویریلان نصیحتلری دخی قبول ایتمدیکی جهتله
برکون صید و شکاره چقیشنی خلاف کیرانی فرصت عد
ایدرک سوء قصدله اعدام ایلدیلرکه تاریخ دخی

۶۷۳ سنه سی ایدی . حتی ار باب مخالفت قرال مومی الیهک
 حامله زوجه سیله چو جقلرینی دخی اعدام ایدوب یالکن
 بریسی مناسه ترک برینه قاچش و تمام قرق اوچ سنه
 اوراده امرار اوقاتله تا ۷۱۵ تارینخنده ایکنجی
 شیلریق عنوانیله میدان چیمشدر که کیفیت اشاعیده
 محل مخصوصنده ذکر اولنه جقدر .

متوفی قلووینک اوچنجی اوغلی تیه رینک برادری
 اوچنجی قلووینک وفات ایلدکن صکره مردوپاله ابروان
 واسطه سیله نوسهتری تحتہ اجلاس ایدلدیکی حانده
 ایکنجی شیلده ربق طرفندن برمناسه حبس ایدلدیکی
 یوقاروده بیان اولمشیدی ۶۷۳ تارینخنده شیلده ربق
 زوجه سنی اولادیه برابر قتل ایلدکن صکره ابروان
 مومی الیه تهری بی درحال نوسترازی قرالغنه اقعاد
 ایاسدی و ۶۸۰ تارینخنده اوسترازی سرآمدانه
 دخی غلبه ایدرک بوکره عوم فرانسه تیه رینک
 اداره سی التمه برلشدی . لیکن اوسترازی سرآمدانی
 مؤخرأ بتکرار ابروانه غلبه ایدرک ایکنجی سیره برتک
 اوغلی داغوبرتی ایکنجی داغوبرت عنوانیله ۶۷۴

تاریخنده اوستازی به قرال نصب ایتدیلر . حالبوکه
 یالکز بونکله دخی قالدیلر . مؤخرأ اوستازی
 سرآمدانی کلوب نوستازی سرآمدانی مغلوب
 ومقهور ایتکله قره بختلی دیمکه سزا اولان تیه رینگ
 اندن صکره ۶۹۱ سنه سنه قدر دوام ایدن حکومتی
 یالکز برنامدن عبارت برایشلرایدی . فقط یوموفقیته
 قرال داغو برتک موفقیتی ظن اولناملیدر . بلکه
 هر دو باله لک موفقیتی ایدی که بونلر نهایت ۶۷۹
 سنه سنه کندی متبوعلری داغو برتی دخی اعدام
 ایلدیلر .

اوزمانلر فرانسه ده حکم حکومت یالکز هر دو
 باله لک لنده اولدیغندن ساف الذ کر ایکی قرالک
 یالکز برلفظندن عبارت بولشان حکومتلری کی ۶۹۰
 تاریخنده مقام حکومته کچن اوچنجی قلووی دخی
 ۶۹۵ سنه سنه قدر طادنا بوستان قورقولغی کی بر صورتله
 اجرای حکومت ایلدی وتاریخ مذکورده وقوع
 وفاتنده یعنی آخر عمرده ایسه هنوز اون درت یاشنده
 برچو جقی ایدی ! هله متوفاک بر بنه کچن

قرنداشی اوچنجی شیلده برت حکومتیه همان ال
اوزانه مامش کبی بر حالده بولنوب ۷۱۱ سنه سنده
وقوع وفاتنه قدر فرانسه قطع سنک تمامی حکومتی
په پین هر یستال نام مر دو پاله نک النده ابدی .

برمنوال محری بوستان فورقولغندن عبارت بولنان
حکمدارلق ۷۱۱ تاریخینده موقع حکومتیه کچن
اوچنجی داغوبرت زماننده بوستان فورقولغی
حالندن ده چیقاراق عادتاً چوجق اویونجاغنه
یکرشمیدی . زیرا مر قوم داغوبرت کندیسى اون
درت یاشنده بر چوجق ایکن سالف الذ کر په پین
هریستال نام مغلب هنوز اون الی یاشنده بولنان
اوغلی ته اودالی قرال جنابلری معینه مستشار اتخاذ
ایلیشیدی ! مشهور مونتسکیو دیر که « اوزمان بر ظل
ایچون بزوهمی مستشار اتخاذ ایدیلر » یعنی یوقدن
بر قراله یوقدن بر مستشار خاص ویردیلر .

فرانسه نک بر خیلی زمانلردنبری چواق چوجقدن
عبارت قرالر النده قالمی نظام وانتظامنی اخلاص
ایتمکله خلق یلنده کفت وکولر چوغالمش اینسه ده

یوحال اوصلى عقلاى بر قراله تابع اولمخى كنديلرى
 ايچون موجب مضرت بيله رك فائده و منفعتلرىنى بر
 طلق چواق چوجغى قرال عنوانيله كنديلرينه تابع
 ايتكمده آرايان و بولان مرد و بالدرلنا ايتنه الو برمد يكدن
 يوتلدن دى رن فروا نام ذات اوچنجى داغو برتك
 وقتندن صكره بر منستره چكينه رك فرق يبلدنبرى
 پاپاسلر عالمنده بشادبغى يوقاروده بيسان اولنان دانيال
 نام ذاتى يكنجى شاپريق عنوانيله كتوردى ۷۱۵
 سنه سنده صندالىء حكومه اقعاد ايلدى كدرن فروانك
 يوحالدى مرادى چواق چوجغه تابع اولمخى ايسته ميان
 خلقه آق صفالى بر قرال كوستمك ايدى .

انجق شاپريق صفالى دكر ماده اغارتانلر كى
 كيرو دار حكومتدن بتون بتون بى خبر اولمغله اودى
 رن فروانك النده بر آلت غرض اولدى . تفصيل
 احوالى اشاغيده ايكنجى بابده مرور ايدى جك اولان
 شارل مارتل بو قرال زماننده خروج و قيام ايلش
 و اگرچه رن فروا قرال جنابلىنى زور ايله شارل مارتله
 قارشو محاربه يه سوق ايتش ايسه ده بر ايش بجره ميوب

محاربه بی دخی یوزینه کوزینه بولاشدیرمش
ابدی .

نهایت بقاسی دخی شارل مارتلک انده دوشوب عا- تا
قرال خیانتدن دخی مایوس اولدیسه ده شارل مارتل
تصمیماتی بتون بتون موقع اجرایه قویق ایچون وقت
وزمانک ده ابراز مساعده سنی بکلمدیکندن یالکز لفظاً
حکومت ایتک و برایشه قارشماق اوزره شایر یقک
قفاسندکی تاجی ینه کندیسنه بخش ایلدی که تاج
مذکورک بر پاپاس قانیباغی قدر اهمیتی قالدیخی حالده
۷۲۰ سنه میلادی سنه قدر باشنده کزیردی کتدی .

مر قوم شیلیر یقک مدت حکومتده شارل مارتل
عادتاً بحق فرانسه قرالی ایش قدر نفوذ واسه قلال
پیدا ایلشیدی . انجق مر قومک وفاتنده ینه کندی
نامه اعلان حکومت انیموب نوستری طرفندن اجرای
عدالت ایدر ابدی . بناء علیه ۷۲۰ تاریشنده اوچنجی
داغو برتک اوغلی دردنجی تیهری بی حکومته کچوروب
۷۳۷ سنه سنه قدرده اوبلالی فرانسه تاجی انک باشنده
قاندی .

۷۳۷ تاریخچه دردمچی تیدری وفات ایلدیکی
 زمان شارل مارتل ارتق فرانسینی شومرو و ونیرین
 اولادینک انندن قورتارمق عزمه دوشدی . انجق
 اوزمان قرال عنوانی خلق بینده ضعف و قوتور معناسیله
 تلقی ایلدیکندن عنوان مذکور کندی شانه لایق
 کورمدیکی کبی اوغلاری قارلومان و به پینی بی دخی بوسوه
 شهرتله مشهور ایتمک ایسته میه رک بش سنه مدت قدر
 یعنی ۷۳۷ سنه سندن ۷۵۲ سنه سند قدر فرانسه
 تاجی قرالسز و فرانسه قرالاری دیمک اولان شارل مارتل
 اوغلاری تاجسز قالدی .

بعض توار یخده ۷۴۲ تاریخدن ۷۵۲ تاریخه
 قدر اوچجی شیلدر یق نامیله بر قرانک دهها اجرای
 حکومت ایلدیکنی یازمشلردر . توار یخک بر طابق
 دخی بوروایتی رداید . انجق بو خبیرک صدق
 و کذبنی محاکمه ایتمک ایچون تکشیر سواده حاجت
 یوقدر . زبرامر قوم اولوجهله لفظاً حکومت ایتمش
 ایسه بیله حکماً ایتمش دیمکدر .

- ایکنجی باب -

﴿ قارلو و نیرینه ن خاندانك مدت حكومتلری ﴾

عن ۷۵۲ الی ۹۸۷

اش-بو ایکنجی باب فصل اوزرینه تقسیم قبول
ایتمیوب بعض مباحث مخصوصه سی بند مخصوصه
تفریق قلمشدر .

قارلو و نیرینه ن خاندانن فرانسه قرالی عنوانیله
حكومت ایدن برنجی قرال په پین له رهف ایسه ده
خاندان عدكورك اصل واضعی شارل مارتل بولمغله
اول امرده مومی ایجهك ترجمه حالی مختصر اولسون
برینه مخصوص صورتسه درج ایتك لازم كلور .

﴿ بند مخصوص ﴾

﴿ شارل مارتل ﴾

مومی الیه شارل مارتل اوچنجی ش-بلده برت
زماننده فرانسه ده مردو پاله بولندان واسمی بوقاروده
برنجی بابك اوچنجی فصلده سبت په پین ایدن هرستالك

صاحبان ۶۸۹ سنه سنده مهد شهوده
 باعشدر . باباسی فرانسه ده مردوپاله عنوانيله
 عادتا مستقل اجرای حکومت ایدن بر ذات اولغله شارل
 مارتل تمام یکرمی درت یاشنده ایکن باباسنک وقوع
 وفاتنده اولانجه نفوذی کندیسنه انتقال ایلدی .
 باباسنک برنجی زوجده سی بولنان پلغترود ايله اراری
 بوزوله رق مز بوره نصلسه شارل مارتلی قولونیا ده
 زندانه آتدیرمش ایدیسده نوستری خلقی برقارینک
 کیفی ایچون شارل مارتل کبی بر آدمک زندانده قالمسی
 تجویز ایده میدرک رن فروانام ذاتی مردوپاله انتخاب
 ایلدی لیرکده بو انتخاب شارل مارتلک ۷۱۵ تاریخنده
 محبسدن قورتلمسی موجب اولدی .

لکن رن فروانک شارلی قورتارمسی کندیسنه
 محبتندن و یا خود انکله اتفقندن نشأت ایتمه برشی
 دکل ایدی . نوستری خلقنک شارل مارتلی زنداندن
 قورتارمسی مر قومی مردوپاله انتخاب ایتمکده توقف
 ایتمش اولدیغی جهنله کرک انک انتخابی و کرک شارلک
 خلاصی حکم ضروری ایدی . بناء علیه شارل مارتل

جیسے بدن چیتار چیتن بر چوق بندگان و طرف کبرانی
 اطرافنی الدیلر . رن فروا بو کیفیت بدن خبر دار
 اولجہ یہ قدر شارل مارتل در حال بر اردو تدارک
 ایدرک نفوذ و قوتی . اثر بنی اور تہ یہ قوی دی . رن فروا
 دخی بعض دوقدر ایلہ بالا اتفاق شارل مارتلک اوزرینہ
 یورومش و اول امر دہ غلبہ دخی ایلیش ایدیسده شارل
 مارتلینہ کندیسنی طویلایوب نوسستری عسکرینی
 همان کاملاً قایم بدن کچوردی و اورادہ اعلان استقلال
 ایلدی .

رن فروا بر طرفدہ داغوبرتک اوغلی تیدرینک
 حکومتنی قبول ایدرک ایکنجی شیلیرینی مناسرتدن
 چیتاروب قرال ایتمکله مشغول اولسون . شارل مارتل
 دخی قلوتر نام پرنس طرفنی الترام ایدرک بو دفعہ
 دخی او وسیلہ ایلہ محاربہ دہ دوام کوسستردی .
 ۷۱۷ سہندسی مارتک یکرمنجی کونی شارل مارتل
 ہارہ زایس نام محلدہ بیوک بر غلبہ یہ نائل اولہرق
 رن فرواتک اردوسنی براکنده و پریشان ایلدی
 و بو غلبہ اوزرینہ بتون نوسستری کندیسنہ تابع

اولدی . کوردیکی مغلویت اوزرینه رن فرواينه
 یاس کتور مامش ایدی . آکیتن دوقه لرله
 بالاتفاق شارل مارتلک اوزرینه تکرار قیام ایلشیدی .
 یواشلاده شارل مارتل رن نهری بویه یالیش اولان
 ساقسونبالورک دفع و تبعیدله مشغول اولوب انلره
 غلبه ایلش اولدیغندن نشوؤ غالبیتله سکران اولان
 عسکری بالاستمحاب کلوب رن فروایی دخی بتکرار
 یوزدی که یو محاربه ۷۱۹ تارینخنده وصواصون
 نهری قرینده وقوعبولغله حماسنی اورادن اوار
 نهرینه قدر تعقیب ایلش واورلیان وتورن طرفلرینک
 النی اوستونه کتورمشدر .

غیرتنی کوتدیکی یعنی کندی اجرا آتنده بوستان
 قورقوالخی اتخاذا ایلدیکی قلوتر بو تارینخده وفات
 ایتسی اوزرینه ارتق فرانسه دن مروونیریه ن
 خاندانک وجودینی قالدیرمغی تصمیم ایلش ایدیه ده
 بعض سر آمدانک کفت و کوسندن حذر ایدرک
 بودفعه لک دخی اولجه کندی علیه نه رن فروا ایله
 برابر حرکت ایتش اولان ایکنجی شیلپریتی لطف اقرال

قبول ایدرک انک نامنه اجرای حکومت ایلشدر .
 بو حال اوزرینه ارتق رن فروا یرندن قلدا نه میه رق
 ۷۲۰ تاریخده دوقهلق رتبه سیله آنر طرفنه
 چکلدی و ۷۳۱ سنه سنده وقوع وفاته قدر
 اوراده اقامت ایلدی .

شارل مارتل ۷۲۵ تاریخده المانی طرفلرینه
 بر هجوم دها ایدرک ساقسونیا اشقیاسنی طونه
 نهرینک اوته طرفنه قدر سوردی و باویرا طرفلرینه
 قدر اراضی بی کاملاً ضبط و استیلا ایلدی .
 بومحاربه دن عودتله فرانسه به کیردیکی زمان
 ساقسونیا اولرینه فرانسه بی تجرزه باشلامغله بتکرار
 المانییه کیرمسی لازم کلش ایدیسده جنوب طرفندن
 دها زولی بر قوت کندیسنی او طرفه جلب ایلشیدی .
 شویله که :

اکیتن هالیسی دأما بر اداره مستقله آلتده
 یشامق سوداسنده بولندقلری کپی بر زماندن برو
 فرانسه حکومتک چواق چو حق الینه کچمش اولسندن
 بتون بتون دایکیر اوله رق ۷۳۱ تاریخده فرانسه به

یعنی شارل مارتله قارشو و اعلان عصیان ایلدیلر .
اکین عسکری لوار اوزرینه طوغری یورو مشلرایدی .
شارل مارتل بونلری اورادن پوسکورتکله انلر دخی
کلوب اوزمان اسپانیا ایچروسنده شمشه پاش
اولان و سیف صارملری بتون اوروپانک کوزلرینی
قاشدیرمقدده بولنان اهل اسلام ایله اتفاق ایدرک
فرانسه ایچروسنه بتکرار هجوم ایلدیلر . عبدالرحمن
نام قهرمان اسلام ایله اکیتمولردن مرکب اردونک
سر عسکری اووب پر یغورد و کرس و پواتو طرفلری
چالقه یه رق دأما شمله طوغری ایلرول ایدی . عسکر
اسلام کترهم الله تعالی الی آخر الایام او قدر قهرمانلق
او قدر جلادت کوستردیلر که فرنک طائفه سی حیرته
قالدیلر . بونر ه نکی کوی و قصبه بی اسپانیا ایدرلر
ایدی . دوییه فرانقرک یکدیگری علیهنده روا
کور دکلی کی قتل عام و یا خود نهب اموالی اصلا
روا کورمیه رک حتی متغیلملری بولنان اکین عسکری
عادت ظالمانه زی وجهله قتل عام ایسته دکلی حالده
انلری دخی منعله هر کسه هیچ بر زمانده کورم دکلی

امنیت و حریتی بخش ایلد کفرندن اهل اسلامک
 حسن صیت و شهرتی تا پارس ناحیهلر بندقدر عکس
 ایلمسی . حتی نواحی مذکورده خلقندن بر چوق
 و رائق قبیلهلری کلوب و کالی اوله رق اردوی
 اسلامده خدمت ابدلر و ایچلرندن بر طاقی دین
 اسلامی قبول ایلد کفری حائده شاید ناس یئینده کراهه
 قبول ایتدیرلدی معنای ویرلسون دیه اردوده بولنان
 علماینه کندی دینلری اوزره مستقیم قالملری حقنده
 قصیحت و یردکجه . آمان بونلر نه تحف آدملر ایتمش
 اسلامده بونلری زورله دینلرینه صوقد قلملری روایت
 اولمیشور اما بالعکس کیمسه بی قبول ایتیمورلر ، دیه دین
 اسلام حقنده دخی حسن نظرلری آرتدجه آرتار
 ایدی .

انجق اکین دوقه سی لشکر اسلامک بر کره
 اسلامده ایتدیکی محارک بردها قورتارلمسی ممکن
 اوله بیه جغنی نفرس ایتمش و شارل مارتل دخی بر قایج دفعه
 ایدیلان محارباتده اسلامک کوسه تردیکی فداکارانه
 و مهارت حربیه به نظرأ بونلره غلبه ممکن اولمیشی

کس دیرمش اولدیغندن اولجه بونلر بر بر نك دشمنی
ایکن بو کره دوست اوله رق ایکنی بر لیکده اهل اسلام
اوزرینه هجوم ایلدیلر . غریبی شونده که خلقک اهل
اسلام حقنده حسن توجهی بر کمال اولغله فرانسه
حکومتک مظلومندن بزار اولنلر اهل اسلام رعیتی
آلتده یشامق دکل بلکه حربت اسلامیه شرفندن
مستفید اولمق ایچون اردوی اسلامه صداقت ایتمکدن
آیرلیه رق ینه متفقاً کرک شارل مارتل کرک اکیتن
دوقوستی اوزرینه جنکه کیدرلر ایدی .

اهل اسلامک طوطدیغی مساک عادلانه و کوستردیگی
حرکات دایرانه یه باقلدقجه بونلرک بر شورش دائمی
ایچنده بولنان فرانسه بی برباد ایددجکری حکم اولنور
ایدی . زیر شارل مارتل اردوسنی نه قدر بیولنور
ایسه بیوتسون اسلام ایچون تکرار انداسدن استمداده
حاجت اولمیبوب فوج فوج کلان فرنک کولایلیری
ایله قوت اسلامیدخی دائماً دشمنک قوتیله توازن
ایدر ایدی . بناء علیه شارل مارتل اسلام علیه
عشقه بر و تایلله غایبه بوله میوب بر چوق مناسبترلی

و کلیسائی آتشه یا قه رق خلقه • ایسته بونلری
 سزك دوست بیلدیککز عربلر یا قدی سز انلرك
 سمدیکی مساعداتنه الدن بور سکز اما یارین مملکتنه
 تمامیه صاحب اولور ایسه سزی دخی اسپانبوللر
 کی مسلمان ایدرلر • دیه جهله ناسی اسلام علیهنه
 قشویق ایلمکه باشلا ی .

شارل مارتل اردوسنك اسلام اوزرینه غلبه سی
 پواتیه ایالتنه و قلسن نه ری سوا حلقده وقوع بولدی .
 نقس پواتیه شهرندن پارسك اراسی الی قوناق مسافه
 ایوب حالبوکه حکومت اسلامیه نك نفوذی ده
 اورته لره قدر سرایت ابتش اولسی طبیعی بولندیغندن
 شومقیاس ایله فرانسه ایچنده نفوذ اسلامیه نك نه قدر
 منتشر اولمش ایدوکی مقایسه اوانه بیلور • پواتیه
 محاربیه سنده ایسه اهل اسلامك کوس ستردیکی
 قهرمانلق و فداکارلق وصفه صیغار درجده ده دکل
 ایدی • برارالق غلبه و مظفریت اسلام طرفنده
 قالدیغی حالده اردوی اسلامده بولنان فرنك طائفه سنك
 دونكك کوس سترمسی مغلوبیتك سبب محضی

اولشدر . سردار بولنان عبدالرحمن فدای جان
 اینجهمیه قدر چالشدی . بومحاربده شارلک فوق
 العاده جسارتی کورملکله کندیسند (مارتل) باخود
 (مارتو) اقبی ویرادی که «چکج» معناسنده در .

اهل اسلام یالکز بر مغلوبیت اوزرینه فرانسه دن
 اللربنی چکدیلر . ۷۳۷ تاریخنده بر هجوم دها
 ایدرک اکرچه، ینه مغلوب اولدیلر ایسدهده پیره نه
 طاغلبینی اوتیه کیموب تارون نهر ینه قدر ممالکی
 محافظده ینه ثبات کوسستردیلر . بونک اوزرینه
 فرانقلر لومباردیالور ایله اتفاق ایدرک غایت جسم
 براردو ایله تکرار اهل اسلام ازرینه هجوم ایلدیلر که
 بومحاربده سرعسکر بولنان عمرشهر اولمغله اردوی
 اسلام کندیلرینک بش مثلی دشمنه سرعسکر سز
 دخی غلبه ایتممکن اولدیغنی کوروب پیره نه طاغلبینی
 مرور ایتکه مجبور اولشدر .

حاصل کلام شارلمارتل عادتا زمانک بیوک
 ناپولیونی اولوب هانکی محاربیه کیتش ایسه غالبانه
 عودت ایلدیکندن دردنچی تیه ری وفات ایلدیکی

زمان ارتق فرانسه بی کندی حسابنه اداره اید بیله جکئی
 کس دیروب او وجهله اداره به باشلادی . کندیس
 قرال عنوانی آلمدیغی جهنله بعض دوستلری « جام
 سزی نه عنوانله یاد ایدلم » دید کلرنده « شارل
 مارتل اسمیله یاد ایدیکز » دیش و « خیر قرال فلان
 کبی بر عنوان ایست » دید کلرنده « او یله ایسه
 فرانسه دوقه سی دیکز » جوابی ویردیکی مشهور
 اوزمان پاپا بوننان او چنجی غره غوار لومباردیا لوزک
 پاپا بق نمالکننه مها جتندن بیزار اولمغله شارل
 مارتلدن لدی الاستمداد مومی الیه معاوندن کیره
 طور ماغله پاپا دخی کندیسنه مکافاتاً « فرانسه قرال
 وکیل » عنوانی ویریشیدی .

ایشته بوصورتله شارل مارتل قرال عنوانی حائز
 اولمدیغی حالده ایمپراطور لردن دهامستقل ودها شانلی
 اوله رق ۷۴۱ سنه سنه قدر حکم سیوروب سنه
 هر قومه ده آخر بر حایه مبتلا اولمغله سرآمدان ورشای
 ملتی چاغراق اوسستیزی ایله المانیا طرفلرینی برنجی
 اوغلی قارلومانه ونوستری ایله بورغون وسایر اراضی

غریبه و جنوبیه کوچک اوغلی په پین له برهغه اعطا
وایکنجی قاریسندن حاصل اولان دیگر اوغلی غریفونه
دخی بعض اراضی تملیک ایدرک سینه مر قومه تشرین
اولنک یکر می ایکنجی کونی جانی پنجه عزرائیله تسلیم
ایلدی .

شارل مارتلاک یوقاروده بیان اولنان اوچ اوغلندن
ماعدای برطاق اوطه لقلردن درت اوغلی دهها دنیایه
ککش ایدیسه ده انلری حکومتدن حصه دارایتمدیکی
جهتله هر بری پاپاسلغه سلوک ایدرک قالمش لردر .

(انتهای بند مخصوص)

یوقاروکی بند مخصوصده کوسه تلمدیکی وجهله
شارل مارتل فرانسه ده قارلونیثین خاندان قرالیسنی
قورمش ایدیسه ده وقت وزمانی قرال عنوانک اخذ
واستحصالنه موافق کورم دیکندن اکسیکی یالکز بر
(قرال) عنوانی ایدی . پدرلری کبی اوغلاری
دخی بر زمانه قدر قرال عنوانی آلدیلر .

اگر سالف الذکر اوچ قرنداشت بریسی اوکی
یرادر اولمامش اولسه ایدی . بونلرک اولدچنه بر زمانه

قدر متفقاً تعیش ایدہ جکاری ظن اولنور ایدی •
 انجق اوکی برادرک حکومتی دیگر ایکسی چکده میدرک
 بالاتفاق واردیلر غریفونک النده بوننان اراضی بی دخی
 ضبط ایلدیلر •

اوستازی قرالی بوننان قارلومان پک زیاده صفی
 القلب حکیم مشرب بر ادم ایدی • اوزمانه قدر
 فرانسه حکومتی بر ایکی قرن داش میانده تقسیمه
 قونلدیغی حالده هیچ بریسی آغز طادیلہ حکومت
 ایدہ مامش اولدقلرینی نظر دقتہ الوب دائماً حکومتدن
 نفرت کوستر ایدی •

لیکن بوحال مهم امور جمهوری حسن اداره ده
 اولان عجزندن نشأت ایتمامشدر • چونکہ قرن داشی
 پھینلہ برحق ایلہ بالاتفاق و بالدفعات ساقسونیالور
 وسائرہ اوزرینہ محاربہ یه کیتش و غلباتہ دخی نائل
 اولشیدی •

۷۴۷ سنہ سنده ایدی کہ بر کون برادر یلہ بالملاقات
 بن حکم و حکومتدن هیچ برانت الامیورم • زیرا
 دفعہ اتلہ کورلادی کہ فرانسه بزم کبی اوز قرن داشلر

اراسندہ تقسیمہ قونلدیغی حالده هیچ ریزی راحت
 حضور کوره میهرک انجام کار فرزنداش قونداشک
 جائنه قدر قصد ایلدی . بن ایسه بر قاج کونلک
 زینت دنیا ایچون بونجه آلام و شقاوتی بر در او اختیار
 ایدمه میه جکم . ایستنه سوکیلی زوجه مده وفات
 ایتدی . ایلدی اوستیزی طرفی ده سنک اولسون
 چوجقلمی ده سکا مات ایتدم . بن ارتق کیده ب
 جناب حقه عبادت ایتکی قوردم ، ديه حکومتدن
 بالاسنه قارومایه عزیمت ایلدی .

بعض مورخلر دیر که قارلومانک بو استعفا سی بر
 طایقمز ورلرک کندیسیمله قونداشی اراسندہ بر چوق
 انتربقه لرچی بر مکده قالقشمیلرندن نشأت ایلددر . واقعا
 صکره دن بو روایتی تصدیق ایدمه جک بر وقعده
 وقوعبولدی . شوکه مومی ایسه قارلومان روماده
 پاپا جنابلرندن انابه الارق صورافت طاعتنده بر مناستره
 چکلمش اولدیغی حالده ارباب تزویر اوراده دخی
 کندیسنک یقاسنی پراقیه رق قونداشی عایینه تشویقه
 یاشلامغله اورادن دخی قاقوب قاسن نام مناستره چکلمک

مجبور اولمشدر . بعض مورخلر روایت ایدرلر که
قارلومان ذکر اولنان مناسرتده هر گونه چله بی اتمام
ایتمش وعادتاً قاز چوبانلغنه وارنجدهیه قدر تکلیف
اولنان خدمتلی قبول واجرا ایلشدر .

بوزمانه قدر په پین داخلی بعض اختلاللری
باصدربوب فرانسه نك هر طرفنده اسایشی اكمال ایتمش
اولدیغندن کنديسنی بویله کنیش بر السکاده مستقل
کورنجه ارتق هیچ برشیدن خوفی قالمیهرق اولجه
املاکنی انندن المش اولدیغی قرن داشی غربقونی
اوزمانده بی محبوس اولدیغی محبوسدن چیقاروب سیرایه
المشیدی .

غربقون واقعا قرداشنك التفاتی کوردرك ممنون
قالیدسده اولکی حتمسزلغی اوزرینه اخذئار غیرتندن
بردلرلو واز کچمه دیرك یر سنه دن صکره په بیدن ممنون
اولمیان طرفی بالاستیجساب ساقسونیا لورک ایچنه
کیرمش اوراده انلری دخی آیاقلندیرارق قرداشی علیه
محاربه په قیام ایلشیدی . مومی الیه وندوفریسون
قبیلله دخی عقد اتفاق ایتمش ایدیسده په پین برقود

کلیه ایله کلوب کندیسنی هر محاربه ده رجعت مجبور
 آیده آیده نهایت غریفون باو بر طرفنه چکیلوب اورانک
 دو قدسی اودیلون وفات ایتش بولمغله زوجہ سیله
 سوزی پشیر درک اودیلونک یرینه کین و هنوز صبی
 یولنان تاسیلونه وصی انتخاب اولمشدر . بو مناسبتله
 غریفون فرانسه علیهنه المانلر ایله دخی اتفاق ایتش
 اولدی . لیکن هیچ بر تدبیر په پدینک حرکتی تغیر
 آیده میوب انجام کار غریفون قرنداشیله عقد مصالحه
 مجبور اولدی .

بو مصالحه اوزرینه غریفون فرانسه دن الی
 چکهرک صالح و آسایش ایکی سنه قدر بردوام اولمشدر .
 په پین ارتق افکار عمومیه الی کنیدی لهنده کماله
 موافق کورمکه قرال عنوانی الملق و باباسی نامنه
 نسبتله خاندانه (قارلویزیه) عنوانی و یرمک
 عزمنه دوشدیکندن بریاندن پاپاس کروهنی و بر
 طرفدن ملت ایچنده سوزی کچنلری طرفنه جلبله و نهایت
 شرق یعنی استانبول ایمپراطور اغنک محاربه سندن برکونه
 استفاده آیده مامکه یاشلامش اولان پاپایی دخی عزمنی

اجرایه موافق کورمکله ۷۵۲ سنه سی مارتک برنجی
کونی قرال عنوانی اعلان ایلدی .

یونک اوزرینه قرال په پین دند-اپاش کروهنی
وسرامدان ملتی الدهه طوتوب اگرچه بو حال مؤخرأ
فرانسه در بکارتک زیاده سیله قوت کسب ایتسنه
بادی اولدیسه ده کندی زمانی ایچون پک بیوک
استفاده بی استلزام ایلدی .

قرالغنی اعلان ایلدیکی اثناده لومباردیا اهالیسی
پاپا جنابلرینک حکومت جسم نیه سنی بیزار اینمکده
ایدیلر . په پین پاپانک عنایند-ه تشکراً الیا طاغلرینی
مرور ایله دشمنی طرد ایلدی . انجق کندیسی
فرانسه یه عودت ایتمکله برابر دشمنینه آیاقلانمش
اولسیله بودفعه دخی پاپا جنابلری کندیسنه رومانک
خامیسی صفتی ویردی که بوصفت اوزمانه قدریالکن
شرق ایمپراطورلینه مخصوص اولدیغی جهته کرک
مات و کرک قرال ارتق بوصفته نصل تشکر ایده جکلرینی
بیله میهرک کلیتی اردو ایله کلوب دشمنی بردها پاپایی
تعجیر ایده میه جک ضرورته طرد و تبعید وانلردن

الدقلری ممالکی روما کلیسا سنده بخش و تملیک ایلدیلا ری
یو حال ۷۵۵ سنه سنده وقوع بولمشد .

شارل مارتل زمانده فرانسه نك جنوب غریبی
استیلا ایتمش اولان اهل اسلام هر نه قدر مغلوب
اولمش ای دیسه ده ینه اکیتن ایالتك جنوب طرفیله رون
نهرینه قدر سیتیمانی ایالتی عادتاً مارسلیا نواحیسنه
وارنجه هب اهل اسلام النده قالمشیدی . یعنی شارل
مارتل غایتی اهل اسلامك پارسه طوغری تعرضنی منع
ایده بلمشیدی . بو کره به پین فرانسه نك شمال و شرق
طرفلرینی خوارجك تعرضندن محافظه ایلدیکی صره ده
جنوب جهتلرینی دخی اهل اسلامك لندن قوتارمغه
چالیشوب انجق بو موفقیتیه سائر ایشلر کی قولایجه
نائل اوله میدرق سنه نرجه غوغا ایدوب قان دوکد کدن
صکره یالکز سیتیمانی ایالتنی کوچ حال ایله قورتاره
بلمشد .

چونکه اهالی حکومت اسلامی دن ممنون و متشکر
اولمغه ینه کندی همجنس لری نك تعرضی مقامنده
طوتهرق اسلام ایله برابر مدافعه ده قانلرینی فدا

ایدرلر ایدی .

حاصل کلام ۷۶۸ سنه سنه قدر به پین کاه
 رومانی محافظه کاه فرانسه بی دشمنلردن مدافعه یولاند
 ایاغنی اوزنکیدن چیتارمیوب نهایت سنه مذکوره ده
 کندیسینی نه بر محاربه یه دعوت ایچون کلش اولان
 پایا س-فیرلی ارتق ترک دغدغه حکومتله راحت
 دوش-کنه سر ییش بولدیلر که تشرین اولک یکر می
 اوچنجی کونی ایدی . به پین قبل الوفات فرانسه بی
 شارل وقارلومان نام ایکی اولادی میسانده تقسیم
 ایشل ایدیسده کندیسینی باباسی شارل مارتاک
 وصیتی طومبوب قرنداشلرینک حقوقنی غصب ایتیش
 اولدیغنی جهتله کندی وصیتی دخی تمامی تمامه
 قبول اولنماشدر .

مع هذا قارلومان ايله شارل برارالق پدرلرینک
 وصیتی موجبجه تعیین اولندقلری محلله قرال نصب
 اولندیلر . انجق اکتین اهالیسی نه استقلال اداره
 دعواسنه قیام ایلدکلرندن ایکی قرنداشلرک بالاتفاق
 عصاة اوزرینه حرکتلری لازم کلدی . اگر ایکی

قرند ائله اتف - اقلرینی بوزمامش اوله یدیلر عصاته
 بالسهوله غلبه ممکن ایدی . لیکن فرانسه لر بوارالق
 بر بیوک طولاب چو یرمک قرار یله قارلومانی قرنداشندن
 آرمش اولدقلرند ن محاربه یوکی یالکز شارل
 اوزرند قالدی .

قارلومانک عمری وفا یتیموب هنوز یکرمی یاشنده
 ایکن ۷۷۱ سنه سنده وفات ایلشیدی . وفاتی
 عقیبند قرنداشی شارل بغنه اوسسترازییه هجوم
 وقارلومانک زوجه سیله چوجقلرینی طرد وتبعید ایدرک
 فرانسه نك عمومته صاحب اولدی .

شارل مؤخرأ شارلمان عنواننی الارق اول قدر
 فتوحاته مظهر اولمشدر که قراللق عنواننی ایمپراطورلغه
 قدر وارد یرمش وعادتا ملغاروما غرب ایمپراطورلغه
 معادل بر بیوک غرب ایمپراطورلغی قورمش وبو کیفیت
 ایسه احوال فوق العاده دن بولمش اولدیغندن آریجه
 بر بند مخصوصه ذکر ایدمک لازم کلشدر .

﴿ بند مخصوص ﴾

﴿ شارلمان ﴾

شارل عنوانك (شارلمان) صورتنه انقلابی
 مومی الیهك موفقیات فوق العاده سی اوزرینه اوروپاچه
 عادت اولدیغی وجهله کندیسنه « بیوک » عنوانی
 ویرلدیکی زمان وقوع بولمیشدر که بیوک معناسنه اولان
 (مانیوس) کلمه سی کندی اسمیکه بالترکب فرانسیز
 تلفظنه نقل ایدیلجه (شارلمان) دیه قرائت اونور.
 قرداشی قارلومانك وفاتی اوزینه زوجه سی
 وچو جقلربله رؤس اادن برقاج نفرک ایتالیاطرفلربله
 النجا یتیم اولدقلربنی شارلمان وسیله اتخ ذایدرك
 ایتالیایا اوزرینه هجوم وبتون لومباردیای فتح ایله
 عانتا بر فرانسیز ایالتی اولیق اوزره فرانسیزیه ربط
 والحاق ایلمش و کندیسنه افکار جه انکیترانه سی
 حسبیه برقاج محل قرالغنهک بردن کندی اسمنه یاد
 اولغسی اخص آمالی بولندیغنه دن اومباردیای فتوحاتی
 سنه سی اولان ۷۷۴ سنه سندن صکره کندیسنه
 (اوستازی ونوستری قرالی واکتین وسائر دوقه سی

ولومباردیانتك قرالی فاتحی (عنوانی و پر دیر مشدر .
 شارلمانك مدت عمرنده الكزیاده مشغول اولدیغی
 محاربات المانیا محارباتی اولوب بونك مبدئی
 شوصورتله دركه ۷۷۲ سنه سنده ساقسونیاالور
 بر مجلس عمومی عقدیله بعض خصوصیات مهمه بی
 مذاکره ایتدکلی صروده اوزمانلر جرمانیا طرفلر بی
 حکم انجیل شریفه دعوت ایتدکده بونمان سن جرمن
 ایون نام ذاتی تختیر ایتدیله مومی الیه پایابه شکایت
 و پیادخی شارلمانه عرض کیفیت ایلشیدی . شارلمان
 لومباردیایی قح ایلدکن صکره اتك باشی شمال
 طرفه چووروب ۷۷۵ سنه سندن صکره ساقسونیاالور
 ایله محاربیه قوبولدی . ساقسونیاالور ایله شارلمانك
 بویله اوزون اوزادی به محاربهلر ایتدسنه . مؤخرأ
 بعض املار ده انضمام ایلدی . ازجمله
 ساقسونیاالوری خرسیتیان دینه صوقق و عموم
 جرمانیایی فرانسه یه مالیکانه ایتك دخی آمالی
 جمله سنه کیرمشیدی . لکن اوتوز سنه قدر دوام
 ایلن شو محاربده شارلمانك امیددی وجهله بر نتیجه

قازانلق شو یله طورسون حتی فرانسه نك شمال
 طرفلرنده طاش طاش اوزرنده قانماق درجه سنده
 خرابلق کورلشدرد . (دانیارقده ص ۲۶ مراجعت)
 رباندن شمال محاربانی دوام ایده طورسون دیگر
 طرفدن شارل مارتل و پپین له برفك باشلامش
 اولدقلری اهل اسلام محارباته دخی ال اوزاتدی .
 ۷۷۸ سنه سندن صکره اسپانیا طرفلرینه کچوب
 خرستیان کتابلرنده (سارراسن) دنیلان اندلس
 اهل اسلامیه محاربیه باشلادی . بانیء محارباته
 اهل اسلام برفچ دفعه مغلوب اولمیشدی . انجق
 رون سونام محنده عربلر شارلمان اردوسنك ارقه
 طرفنی الود اولاد مداری اوزرینه شدتلی برهجوم
 ویرنجء اردوجه پریشانلق کلوب فرانسرلك هریری
 برطرفه جان آتمشدر . شارلمانك اسپانیادان اله
 کچوردیکی مملک بالکزن غاصقونیا دوقه لغندن عبارتدر که
 یوایاتک فر نسیه کچمسی اندلسده اسلام حکومتک
 هیچ برضررینی مستوجب اولماشدر .
 ۷۹۶ سنه سنده شارلمان اقدحده آسیا طرفندن

کچوب المانیایه قدر اوروپایی استیلا ایتش اولان اقوام
تاتاریه دن آوارلری بوزمش و بومو فقیهت اوزرینه
المانیا طرفلری تاشمیدی روسیه حدودینه قدر هیه
شارلمانک زیر حکمنه کیرمش اولدیغندن ۸۰۰ سنه
میلادیه سنه ایدی که پاپا جنابارینک علیهنه تشکل
ایدن بفرقه بی تربیه ایتت ایچون روماده بولندیغی
اشناده میلاد مسیح یورطوسنده سن پیه کلیسا سنده
ایکن اوزمان پاپا بولان اوچنجی لهون شرق
ایمپراطورلرینه مخصوص اولان تاجی غرب ایمپراطوری
تاجی نامیه له انه الوب شارلمانک باشنه قویدی
وحاضر بولان پاپا ساروسر آمدان ملت دشان
وشرف شارمانه اولسون شارمانه که فرانسرک
قرالی ویزم ایمپراطورمن وعموم خرسیتیانلغک حامیسی
اولوب مسیحک و کیلی لندن تاج ایمپراطوری بی توج
نیشدر، نداسیله آلفشلادیلر، ایشته تاریخ مذکور دن
صکره شارلمان غرب ایمپراطورلغک شانیه اوروپانک
الک بیوک حکمداری اولدی
شارلمانک غرب ایمپراطورلغی دأرهمی داخلنه

ادخال ایلدیکی ممالک غرب جهتدن اطلاس ذکرسی
وجنوب طرفندن اسپانیاده واقع ارنهوی و بحر سفید
وایتالیاده واقع وواتورن وشرق طرفندن قارپاج
و شمال طرفندن بحر باطریق بحر شمال ایله محاط و محدود
ایدی که شمیدی فرانسه بلجیقا هولاندا پروسیا اوستریا
و عموماً المانیا واسویچره ایله ایتالیا نیک اوچ ربحی
واسپانیانیک شمال طرفی واوروپای عثمانیدر بوسنه
و خرواستان هپ بوحدردک داخلند، ایدی .

شارلمانه بیوکک عنوانی ویرن شی یالکز برمنوال
محرر محاربات جهانگیرانه وصاحبقرانه سی دکدر .
اوزوپا ایچننده ترقیات مدنیته نیک انتشارینه ایتدیکی
خدمت دخی بو عنوانی کندیسنه ویردیرن اسبابک
برنجیلرندندر . اوزمانه قدر اوروپاده فن و قلم صاحبلری
عادتاً حقارت معامله سندن بیلک قورتیلک من ایدی .
مومی الیه بونلرک جله سنی فرانسه به دعوت وحقارنده
رعایت لازمه به همت ایدرک سراینک بردآره سنی بونلره
حصر ایلک اوراسنی اک مکمل آقادمیاهالنه قویدی
و کندیبسی ایسه بو آقادمیانک اک کوچک اعضاخی

مصرفه قناعت ایلدی .

هر طرفه مکتبلر کسادیله صرف ونخو و حساب
و علم ادیان تدریس اولنور و مؤخرأ (علم انسانیت)
نامیه بر علم دخی نشر ایدیلور ایدی که بو علم ملنلر
میاننده کی اختلافاتی بر طرف ایدرک بنی بشرک هب
قرنداش کی اولدقلر بنی اثبات ایلر ایدی . مومی
الیهک صنایعه و یردیکی اهمیت دخی بونستنده اولوب
حتی اوزمانلره قدر فرانسه ده کمجیلاک یوق نزله سنده
ایکن ترقیات صنایع سایه سنده صنایع بحر به دخی
درجه مطلوبه یه واردیرلش و یکیدن بر چوق ایمانلر
حقر و ترسانلر کشاد ایدلشدر . هله زراعت
و یردیکی اهمیتی هیچ برشیئه و یرمیوب راست کلدیکی
چقنجیلر ایله سوزه کیریشور و کچن سنه نقدر تخم اکدیکی
و بوسنه نه قدر ضم ایلدیکی حقنده معلومات آلور
ایدی .

شارلمانک و یردیکی امر و قویدیغی قانونلر کندی
زمانه نسبتله پک سرستانه حریت پرورانه در .
بونلرک مطالعه لرندن معلوم اوله جغی وجهله کندیبی
استیلای عالم ایچون جنک ایتش صایلیوب بلکه

اصلاح احوال ام ایچون قلیجه صارلش اولدیغی
اکلاشیلور .

زماننده هرشی مفقود و معدوم اولدیغندن
اگر شارلمان مطبعه و صنایع جسمیه سائردهك موجود
اولدیغی برزمانده گلش اوله ایدی عالمی صحیحاً
بردها بوزولیه حق قدر اصلاح ایده بیه چکی درکار
ایدی .

۸۱۳ تار یخنده اوغلی اوئی بی حکومه تشریک
ایدرک اندن برسنه صکره وفانی وقوع بولمشدر .
کندی وفاتندن یعنی دوست و دوشمنک بللی اوله جغی
زمانک حملونندن صکره شارلمان حقنده یازیلان برفاچ
رساله کندی حقنده هیچ برقصور و قباحت بوله میوب
یالکز هوس شهوانیه سنی براز تعیب ایدن بولمشدر .
بو تعیبی ایدن ایسه ریشوراهی و تن نام ذات اولوب
شارلمان حقنده تصویر ایلدیکی بررؤیاده کند یستی
بر عذاب محلنده کوردرک تعجب ایلدم . محافظه سته
مأ مور اولان زبانیدن سببی سؤال ایتدی که مددی که
بو ذات احوال عالمی اصلاح ایچون ایتدیکی حسن
خدمتدن طولایی یک چوق مکافات اخرویه نائل

اوله جق ایسه ده شهوتی اجباریله ایتدیکی فناقلردن
طولایی کورمسی لازم کلان جزایی کورمک ایچون بوراده
بکلیور »

« واقعاً از باینک دیدیکی کبی ارادن براز وقت صکره
قارتال کبی بر قوش کلوب پنجه سیله شارلمانک آلت
شهوایسنی قو باردی آتدی و وجودینک سائر محللاری
تقدیس ایلدی » دیمشدر .

(انتهای بند مخصوص)

شارلمانک نکاحلی اولملری قبول اولنان چند نفر
زوجه لردن یکرمی قدر اوغلاری قالمشیدی . واقعا
نکاحلی اولدقلری قبول اولنمیان زوجه لردن ده ابر طاقم
اولادی قالمشده تاریخده انلرک نامی اونودلمشدر .
یکرمی نفر ورثه سندن یالکز کندیسنک ولی عهد
اتخاذ ایلدیکی لونی پدرندن صکره فرانسه قرانی
وغرب امپراطوری نامنی آلدی .

فرانسه حکمدار خاندانلرینک داخلأ قادینلر
میاننده جریان ایدن نیجه انتر بقدر اوزرینه فرانسه
تاریخنک برجهتک عاداتا رومان و حکایه طرزینی

آلمسی شارلمانك وفاتندن بدأ ايله وقوعبولش
اولوب يكي ايمپراطورلوي همش يزلرندن پك چوغنك
يرچوق عاشقلىرىنى طرد و تسكيل و برطالقي دخی قتل
واعدام ايلشدر كه بوكي وقايعلك دهاغريبلري ايلروده
كوريله جكي جهنله بوراده اهميتجه انلر درجه سند
وا راميان اوفاق تفك شيلرك ذكرى مناسب كورلما مشدر
له دبوز لقبيله ملقب اولان لويى اوتوز بش ياشنده
اولديغى حالده مقام ايمپراطورى به كچمش وحتى دها
پذيرينك صاعلمغنده اكيئن قرالى ايكن پك اعلا اداره
مملكته موفق اولش ايديسه ده يكرميدن منجاوز ملل
واقوام مختالفه به حكومت ايده بيلك شارلمان قدر
براقندار فوق العاده به متوقف اولديغى جهنله غرب
ايمپراطورلغى اهميتى مقابلنده لويى له دبوز پك اهميتسى
برايمپراطور قالمشدر .

شارلمانك قوردديغى ايمپراطورلغده برنوع شهنشاهلق
دنيله بيلور . زيرا اوتوده بريده يند كندى طرفندن
نصب اولنان واغلبى كندى خاندانه منسوب اولان
قرالار حكيم ايدرك كنديسى مملكته هيئت عموميه سند

تظارت ایدر ایدی . ایدی بومهم مقام اوبی به
 انتقال ایدنجه الاول شارلمانک طورنی او اوب ایتالیا
 طرفلرینک قرالی بوننان برنار ۸۱۸ تاریخده ایمپراطور
 علیهنه سلاحده صارملغله لوتی برنجی شدتی برنار علیهنده
 کوسستروب بیچاره بی اخذو کر قتلہ کوزرینه میل
 چکد برمش و بوعدنبله برنار وفات ایشدر که شارلماندن
 کورلمیان یویله بر بارباراق اثری خلقک نفرتنی موجب
 و خلقک نفرتی ایسه لوتینک فوق الغایه تلاشی مستوجب
 اولغله ایمپراطور جنابلری ۸۲۲ سند سنده آیتینی نام
 محله خلق مواجهه سنده توبه و استغفار مجبور
 اولمش و ایسته بو استغفار قضیه سی ایمپراطورک ضعفی
 هر کسه اشراب دکل عادت اثبات ایشدر . ایمپراطورک
 ضعفی بو صورتله میدانہ چقد قدن صکره بو یوزدن
 کوره جکی بلادخی دیگر بر جهندن باش کوستدی .
 شویله که :

مقدما اوچ نفر اولاندن به پین اسمنده اولانه اکتین
 ولوتی نامنده اولانه باویرا ووتر اسمنده اولانه دخی ایتالیا
 قرالقلرینی توجیه ایشیدی . حالو که باو اوچ چوجق

لوتر تاشارلمان زمانده کی کبی کندیزی شهنشاه
اوله رق دیگر قرداشلری وسائر قرالار ودره بکری
کندی معینده بولمسنی وعموما قوه عسکریه کندی
امریله حرکت ایتمنی ادعا ایدرک بودعوا دیگر
قرداشلرینه موافق کلدی . بناء علیه ک اول کندی
اوز قرداشی لوئی محاربه یه آغاز ایدوب بعده اوکی
قرداشی اولان شارل له شوف دخی لوئی ایله بالاتفاق
لوتر اوزرینه حرکت ایتمکله ۸۴۱ تاریخنده یعنی
یابازینک وفاتیدن برسنه صکره اوچ قرداش قوندنای
نام محمله او یله بر محاربه یه طو تشدیله که بو محاربه ده
تمام قرق بیسک نفر فرانسه مقتول اولمش وشو حاله
شمال طرفلرندن فرانسه یه دئما کوزدیکن نورماندیالور
ایچون فرانسه بی بیله دکاری کبی از مکمه مساعده
کوستمشدن

نورماندیالورک تعزنی مسئله سی صکره حل
ایدیله جک برشی اولغله اوچ قرداشلر اول امرده کندی
قوزلرینی پای ایتمکله مشغول اولدیله . برارالق
شارلمانک ممالک موجوده سی اوچیه تقسیم ایدرک

ہریری پر پارچہ سنہ صاحب اولش وایمپراطور اوراق
 عنوانی سنہ اوترده قالمش ایدی کہ بو نام ایله برابر
 بورغونیا وایتالیا وفرانسہ نك مؤخرأ لورن نامیلہ بنام
 اولان شمال شرقیسی دخی کندیسنه کچمشییدی .
 انجق قرن دشاشر میانده منازعه و مجادله بردر او بظرف
 اوله میدرق ۸۵۸ سنه سنده شارل له شوف کندی
 طرف کیرانی و سپاهندن آیر یله رق بورغونیا طرفنه قاچش
 ولوتر ایسه ممالک موجوده سنی اوچ نفر اولادی میانده
 بالتقسیم ایتالیا قرالغنه نصب ایدیکی لوئی نام
 اوغلند ایمپراطور اوراق عنوانی دخی ترکله کندیسنی ده ۸۵۵
 تاریخنده صوک کونارینی جناب حقہ عبادتله کچورمک
 ایچون بر مناستر، چکلمکه مجبور اولمشیدی .

فرانسہ نك اور اورانه قیر قبرانه دیمک اولان او یله بر
 عصرنده ایکی قرالک بردن اورته دن چکلمسی اصلاح
 احوال ایچون ببولک برفرست عد اولنه جق جالاتدن
 ایسه ده شمال طرفندن نورماندیالور تانفس پارس
 شهرینه قدر هر طرفی محافظه دن عاری کوره رکلوب
 چاپول ایتیمکه مشغول وجنوب طرفندن دخی اهل

ویردیلر . هله ۸۸۲ تاربخنده اوچنجی اوی
دخی وفات ایتمکله قارومان فرانسده تک باشنه قرال
قالارق نیجه زمانه نبری منازع فیه اولوب بونجه قانلر
دو کولمسته سبب اولان فرانسه ینه بدو احد التنه
کیرمش اولدی . قارلوماتک نه عقل واستعدادده
برآدم اولدیغنی محکمه ایدیک قدر نه مدت حکومتی
اوزامش نه ده اول قدر استقلال کورلمشدر .
کنسیدینی هر طرفدن پاپاسلر و دره بکری احاطه
ایدیک بشقه ایشه باقبوب یالکز شو محاربه داخله یی
برطرف ایتمکله سوق ایدرلر ایدی . بشق علیه ایکی
سنه تمتد اولان مدت حکومتنده اورن طرفلر نه ینه
اعلان استقلال ایتمکله چایشان هوغ نام ذالته غالبانه
محاربه ایتمدیکی کی فرانسه تک شمال جهتلرینی
غارت ایدن نورماند یانولره قارشو دخی کوزل مقابله لر
کوستروب باخصوص جنوب طرفلر نه اهل اسلامک
معاونتیه عادتایکی بر حکومت تشکیلنه چایشان
بوسون نام ذاته دخی پک لایقلی ممانعت کوستمشدر .
انجق ۸۸۵ سنه سنده صید و شکاره چیتوب بریبانی

جانوز اوزرینه هجوم ایتکله جانورک طعمه دندانی
اولشدر .

مومی الیهک وفاتندن صکره فرانسه ده فوت
حکومت ایکنجی لوئیک بعد الوفات تولد ایدن شارله
سمیل نام اوغلنه کلش ایسه ده مومی الیه هنوز حال
طفه ولیتده بولمق حسبيله صندالیء حکومته انتخاب
اولورسه شاید بلا اوزرینه بلا اولق اوزره مصائب
وغوائل موجودیه ضمیمه برده وصیلرک وسارارباب
نفاقک انترغله رینه دوچار اولنه جفی مطالعه سی
عرب امپراطوری عنوانی ارثا محافظه ایتکده یوانان
شارله غروبی فرانسه قرالغنه دعوته لزوم
کوستدی .

مومی الیه شارله غروغرب امپراطولغیه برابرالمانیایا
وایتالیا و فرانسه نیک جهات شرقیه سنی اداره سی
الته المش برپرس اولدیغندن فرانسه نیک شمالا
نورماندیاشقیاسی وجنوباً اهل اسلامک تعرضاتندن
بی زار اولدیغی برزمانده کندیسندن خدمت بکلنور
ایدی . مکر مرقوم فرانسه یه انتخاب اولدیغی

زمان خدمت یرینه خیانت ایتمکی فراراشد یرمش .
شویله که :

اوزمان فرانسه بی انک زیاده تهدید ایدنلر
نورماندیا اقوامی اولوب حتی شارل له غرودعوت
اولدینگی زمان بونلردن عساکر وفیره کلوب نفس
پارس شهرینی محاصره الته المشرایدی . پارس
شهری یوقاروده اسمی سبقت ایدن روبرله فورک
اولاندن اولوب پارس قونتی بولنان اودنام دلاورک
همتله محاصره ایدن اشقیایه کمالله مقاومت ایتمکده
ایدیسه ده شارل له غرود کلدیگی زمان بالکن مقاومت
دکل بلکه اعدایی رجعتنه مجبور ایده جکری امیدله
خلق متسلی اولدیله . اوایسه کاور کلز محاربه
دکل باله کس دشمن ایله مصالحه ایلدی . واقعا
مصالحه دخی اوزمان فرانسه ایچون برخدمت عدا
اولنه بیلورایدی . انجی شارل له غرود دشمنه برچوق
تضعینات حربیه ویرمک و غایانه قلمه الدینگی برچوق
آغر شرایط ایله طولدیردینگی عهد نامه بی دخی
امضا ایتمک کی عادتا فرانسه بی نورماندیا لولره
خرج کذار ایدرجه سینه خیانتلره تصدی ایتمکله

هر کس مر قومدن تنفر ایلدی . هله ۸۸۷ تار یخنده
عزل ایدملکه فرانسه بو دوست کورینور دشمندن
یقاسنی قورتاره بیلدی .

بوتار یخده فرانسه صندالی حکومتک اصل وارثی
ینه سالف الذکر شارل له سمیل ایلدی . انجق هر طرف
حدودینک آچیق اولدیغی و باخصوص پارسه
و پارسدن اشاغیره قدر شمال طرفلرینک نورماندیالو
استیلاسی اتنده بولندیغی بر زمانده شارل له سمیل کی
برچو جغی حکومته کچورمک او یامیه جغی وطن و منتنی
سون بالجه سر آمدان میننده تذکر ایدلمش و او اراق
پارس قونتی سالف الذکر اود نورماندیالوره قارشو
بر بولک غلبه یه نائل اوله رق اشقیای مر قومده بی دفع
و تبعید امر نده قابلیتینی کوسستمش اولغله روسا
و سر آمدان بالاتفاق قونت مومی الیهی مقام حکومته
دعوت ایلدیلر .

مومی الیه اود اولانجه همتی یانکز نورماند
یالولک دفعنه صرف ایدرک موفق دخی اولور ایکن
شارل له سمیل بر طقم منافقارک و مفسدلرک اغواسیلر

اودی طرد و تنکیل و کندی حقوقی استیفا دعوا سته
 قیام ایتمکله اودبوکره نورماند یالوری براقوب شارل له
 سمیل ایله محاربه یه مجبور اولدی . بریسی حقوق
 ارشیه سنه و دیگری خلقک قبول و انتخابنه مغرور اولان
 شوایکی مدعینک محاربه لری فرانسه بی بتکرارک فنا
 برحاله قویمغه یاقلاشدیر مشیدی . هله ۸۹۲
 تاریخنده سرآمدان ملت برارابه کلوب « حکومت
 منازعه سیله قوه حریته مزنی اسراف ایده جک زمان
 دکادر خارجی اعدا یه مرام اکلامغه چالیشهلم »
 دیه طرفینی بارشدیروب شارل له سمیلی دخی حکومته
 تشریک ایلدیلر .

شارل غایت ضعیف القلب برقرال اولوب زمان
 رشدنده دخی فرانسه بی اداره ایده بیله جک اقتداری
 حائز اولمادیغی کورلدی . انجق ۸۹۸ تاریخنده قدر
 اودک انضمام همبیله تعرضات خارجییه بنه بدرجه یه
 قدر منع اولنورایدی . شارلک اصل قدرت سزلکی
 مومی الیه اودک وفاتیدن ضکره کورلدی . نورماند
 یالور مهاجمات شدیدله لریله فرانسه بی عاداتا تهلیکه ده

براقديلر . قرال ايسه بونلری بالمقابله تنكيل ايده جك
 يرده رئيسلرينه كندی قزینی اعطا و تزویج ایلدی که
 بوصورتله نوعاً انلری دخی حکومته تشریک ایتمش
 اولدی .

خلق یواز دو اجدن طولایی قرال دن کماله نفرت
 ایتدیله . باخصوص تاریخ ازدواج اولان ۹۱۱
 سنه سنن ۹۲۲ سنه سنه قدر نورماندیا لورک فرانسه
 ایچنده بیاغی غالبانه حرکت وظلمانه مشوارلری هر کسی
 دلکیر ایتیکله هر کس متوفی اودک برادری رو برک باشنه
 ظو پلانوب قرال عایه نه شدتلی بر اختلال چیقاردیلر .
 بو اختلال بر سنه ممتدا ولدی . لیکن نورماندیا لور قرالک
 طرفنی الترام ایتیکله شارل له سمیل کال ضعفیله برابر و بری
 مغلوب ایدرک قفاسنی کسمکه موفق اولدی . فرانسزلر
 اختلالدن ینه یوزچو یرمدیلر . بو کره دخی رو برک
 اوغلی قومانداسیله حرکت ایدرک قراله غلبه چالغله
 قرال جان قور تارمق ایچون نورماندیا دوقه سی هر برک
 یانه انجا ایلدی فقط مومی الیه دوقه متوفی رو برک
 قتلندن طولایی قرالی اخذ ایدرک پرون حصارینه
 حبس ایتدی .

بو عصیانده ارباب اختلاله قوماندایدن ذات
 روبك اوغلی هوغ اولوب فرانسه غیرتنی کوردنلر انك
 باشنه جمع اولمشلر ایدیسده شارلله سیملك دخی
 برچ-وق طرفدارانی اولدیغی کی نورماندیالولر دخی
 انك طرفنی التزام ایملشلایدی . حتی اوزمانلر انكلترده
 بولنان نورماندیالولر دخی فرانسه ده کی نورماندیالولر
 غیرتنی کودهرك شارلله سیملك اوغلی لوبی دووتمری
 انكلتریه آشیروب اوراده محافظه ایدرنلر ایدی . بینه
 علیه بودفعه ظهور ایدن محاربه داخلیه اولکیلرندن
 دهها شدتلی اولوب بریاندن نورماندیالولر یاردمیه
 انكلتره دن عودت ایدن لوئی دووتمرك قرالغی اعلان
 اولنور (عن ۹۳۶ الی ۹۵۴) و دیگر طرفدن ینه
 روبله فورك اخفادنن هوغ قاپت فرانسه بی خرابیه
 ایدن محاربات داخلیه ایله مهاجرات خارجیه دن
 قورتارمق ایچون عموم فرانسه بی کندی ادارسی
 الله المغه چالیشور ایدی که شواختلافات و منازعات
 اراسنده آقان قانلر حده حسابیه صیغدی رلق ممکن دکلدرم
 نهایت هوغ قاپت املنه موفق اوله رق وطن و ماتنی

کندی کندینه باترمق کبی بر بیسوک تهلکه دن
قورتامشدرکه کیفیت اشاغیده اوچنجی بایده بیان
اولمه جقدر .

اوچنجی باب

﴿ قاپه سیهن خاندانک مدت حکومتلری ﴾

عن ۹۸۷ الی ۱۷۹۳

برنجی فصل

﴿ قاپه سیهن خاندانک بردوزی یه حکومتلری ﴾

عن ۹۸۷ الی ۱۳۲۸

تفصیل - شارلمانک وفاتندن صکره فرانسه ده
قالورلونیتریهن پرنسسلرینک نه حاله کیرمش اولدقلری
یوقاروده باب ثانینک نهایتلرنده ذکر اولمشدر . انجق
اوراده ویریلان معلومات عرب صاچی کبی قارمه
قاریشق اولان وقوعات تاریخیه نک خلاصه خلاصه سی
اولوب یوقسه حقیقت امر معلومات مذکوره مطالعه -
ستدن حاصل اوله جق فکرک احاطه ایده میه جکی قدر
یرباد ایدی . جنوب طرفندن اهل اسلام گاه غالب

گاه مغلوب اوله رق انجق نتیجه مهاجماتده تاتواوس
 شهرینه قدر ایلروله یوب بر قوی ال طاعلرینی اشارق
 ایتالیا طرفلرینه مرور ایلش و دیگر قوی دخی بعض
 محار قباله چارخه لشمق ایچون المانیانک ایچرو
 طرفلرینه طوغری ایلروله یوب کیمش ایدی . لکن
 شمال طرفندن نورماندیا اقوامی عربلری رحله اندیرر
 ایدی . زیرا عربلرک موردی اندلس اولق جهته
 براز اوزاقچه ایدسه ده نورماندیا لولرک وطنلری درت
 آدیم ایلروده اولغله مهاجماتک آردینی آراسنی کسمه رک
 فرانسه بی بوکالتمش ایدیلر . رویره فورنام پارس
 قونتی نورماندیا لولر علیه نه قلیجینی چکدیکه کوندنبری
 فرانسه بی عادتاً کندی مملکتی کی محافظه یه باشلا یوب
 اولادندن اودورو پرور اول وهوغ دخی بابارینک
 اثرینه اقتفادن کیر و طور مدیلر . بونلر فرانسه ده عادتاً
 قراللق ایشلر و فرانسه نک بتون بتون از یلوب کیمشه
 قارشو طور مشلردر . لکن خاندانلری رسماً قرال
 خاندانی طاعتیوب کویا ضرورت زمانیه نک الجاسی کی
 یز یولیه اوله رق خالق انتخاب و بیعتیه حکومت

ایدرلرایدی . ذوات مومی "یهمک مدت حکومتلرنده
اسکی قارلونیثین خانداندن دخی شارل له سمیل
ولوی دوترمر ولور ولوی له فنیان نام پرنسیر حکومت
ایلدیلر . انجق بونلرک ۹۸۷ تاریخنه قدر دوام ایدن
مدت حکومتلری حکمایوق منزله سند . اولوب یالکیز
وینه هر حالده رو برله فور اولادینک مساعده سی
سایه سنده قارلونیثین خاندانک بقای حکومت
لقضیه سنی محافظه ایدرلرایدی .

وقوعات تاریخیه سنی ذکر ایچون بوبابی کشاد
ایلدیکمز قاپه سیه ن خاندانک برنجی قرالی هوغ قاپت
عد اولمشدر که اخقادی کندی لقبه نسبتله قاپه سیه ن
قسمیه قلمشدر . بو خاندانک کشادی ایسه اوتهدنبری
پدر وجدلرینک محافظه وطن اوغورنده فداکارانه
سبقت ایدن خدمتلرینه مکافاتاً ۹۸۷ سنه سنده بالعموم
رؤسای ملتک انتخاب متفقانه لریله وقوع بولاشدر .
اوزمان فرانسه ایچنده براز قارلونیثین بولاشخی بولنان
پرنسیر طرف طرف اعلان استقلال ایتمش بولندقلری
بجهتله هوغ قاپت بونلری اداره واحده ایتنده جمع

ایتمکی در عهده ایلدیسده شاید ملت کندیسندن
صکره ینه قارلونیث بهن پرنسلیرینه انتفات ایدرمطالعده سیله
اول باول اوغلی رو بری یالکز ولی عهد دکل بلکه
کندی صاعغهنده قرال ثانی اتخاذا یتمکی قرار شد یر ارق
یو قرارینی ملت دخی قبول ایتمکله جلوسندن برسته
صکره اوغلی مومی الیهی قاپه سیهن خاندان قرالینک
ایکنجی قرالی رو بر ثانی عنوانیله تخت حکومتها اجلاس
ایلدی .

ایمدی اش-بو ایکی قرال اول باول فرانسه نك
جانب شمال شرقیسنده بر مستقل قراللق صورتیله تشکل
ایدن لورن حکومتك قرالی بولشان شارلك کارینی
انعام ایتمکله قرار ویردیله . زیرا کندیلرینك اصل
شهرتی فرانسه نك شمال طرفلرنده اولوب یوشهرت ایله
نورن طرفلرینی پك قولای ضبط الته الایله جکری
کبی مومی الیه شارل قارلونیث بهن خاندانبه منسوب
اولدیغی جهتله ارادن وجودی قالفارایسه کندی
خاندانلرینی دخی تقویه ایتمش اوله جقه-لری بدیهی
ایلدی . بوموفقیت کندیلرینه میسر اولدی . لیکن

تفصیلی بوراده: یهوده تسکثیر سوادى موجب اوله جق آ
 اوزون اوزادى به انتريغه لر اراستنده شارل برخيان
 تاروايه دوچار ايدلدى كه قاپه سين خاندانك يانيسى
 بولنان هوغ جنابلرى بوندن طولاني بيوجك برطعن
 البته بگردى :

هوغ ۹۶۶ سنه سنه قدر بر حیات اوله رق بومدت
 طرفنده فرانسه نك شمال طرفلرینی خيلجه ضبط
 البته المش ونورمانديا اشقياسنه دخی مرام اكلانش
 ايدى :

اندن صكره اوغلى رورثانى يالـكـز قالارق
 اودخی پدرينك اثرينه اقتفا ايتش ايديسه ده يقين
 اقرباسندن برت نام پرنسس ايله عقد ازواج ايدرك
 بو ايسه شريعت عيسويه به مغاير كورليكله اوزمان
 پايا بولنان ذات كنديسى آفوروز ايتش وحالبـوكـه
 او عصر لرده فرانسه ده تعصب كالمده اولوب آفوروزلى
 بولنان آدم نظر خلقـدهـ ملـعون وعادنا نجس عد
 اولمقده بولمش اولديغـدنـ هر كس قرالـدنـ نفرت
 ايدرك حتى ايكي اوشاغندن ماعدا دأره سى خلقى دخی

ترك خدمت ایتش لر ایدی .

مورخلر شمدی بزه عرب کله جک صورتله حکامه

ایدرلر که اوزمان روبرکیمک ایدیکی قابلر و صوابچدیکی
قد حیلروالسه و سائر هر نه بی که استعمال ایتش ایه قیریلش

ویا قلمش ایدی . چونکه بونلری کند بئسندن بشقه

هر کیم السه الورا یسه آفوروز نجسندن اکادخی

بولاشمی معتقد ایدی . لیکن آفوروز قطعی اولیوب

مشروط بولمغله قرال مزبوره برنی ترك ایدرک

قونستانس نام دیگر بر پرنسله عقد ازواج ایتشی

اوزرینه لوٹ ملعتدن تطهر ایتش صابیلدی .

قرال مومی السه ارباب سیف و قلمدن بولمغله

اگر پاپا جنابلری مجرد بر تعصب نالایقندن طولای

خلق قرالدن تنفیر ایتماش اولسه ایدی روبرک برخیلی

ایش کوره جکی درکار ایدی . انجق آفوروزدن

طولای ناموسنه طاری اولان لکه بی غیرله مکمه مدار

اولق ایچون بیچاره آدشکن بقیه حکومتی هر طرفه

کلیسالر مناسرتلر یادی رقی و پاپاسلره اراضی و املاک وقف

ایتمک کی ملکجه فائده سی اولیان ایشلره اسراف

ایلدی .

روبر دخی پدري کي خلق کندی خاندانی
حقنه کی فکرندن لایقيله امین دکل ایدی . بناء
عليه اوغلی هانری بی دها کندی حیائنده ایکن قرال
ثانی نصب ایتدییره رک ۱۰۳۱ تاریخنده وفاتی وقوعوبو
لدیغی زمان مومی الیه هانری برنجی هانری عنوانیه
صندالی حکومته جلوس ایلدی .

فرانسه ده چند سته دنبری کورلمکده بولسان
راحت وحضور خلقه باتارق هانری نک جلوسیه برابر
اورته لاقینه بر کره قارشیدی . بو کره فساد هانری نک
والده سی قونستانس باشندن قویمشیدی . شویله که
من بوره قونستانس غایت حیلله و خدعه صاحبی
برقادیی اولوب هانری نک جز بزه سنی کندی ایستدیکی کبی
حرکاته مانع کورمسیله دیکراوغلی روبری حکومته
اجلاس ایچون شاه پانیا قونتی اود وفلاندر قونتی
بودوینی کندی طرفته جلب ایتمش و مر قوملر ایه
روبر ایچون دکل بلکه یالکن قونستانسک نازک خاطری
ایچون سلاحه صارملشرایدی . روبر بر تاج حکومت
ایچون یسه بونجه قانلر دو کولمکی موافق حقانیت

یوله میهرق امنیت و آسایش عمومیك محافظه سی ایچون
 یوایشدن فراغت ایلدنی والدہ سندہك چوق رجا ایلدی .
 رجاسی قائده ویرمیدیکی کی نورماندیا دوقه سی دخی
 کندی طرفنی بالالترام مطلقا محاز به بی ترویج ایندکله
 آچیلان محاربه ده هازی اوچ دفعه بیوک غلبه یه مظهر
 اوله رق خصمانی آمانه دوشوردی . واقعاً بحالده
 هازی ایچون اللرینی قانه بولاشد برقی بولی وار ایلدی .
 انجق بردها بویله حرکات ناجایبه جسارت ایتمه لری یمینله
 والدہ و برادرینی جزا دکل لنتفتنه مظهر ایلدی . حتی
 التفاتك دخی مافوقی اولق اوزره قرنه اشنه نورماندیا
 طرفلرینی دوقه لقی صورتیله اداره ایتك ایچون بخش
 ایلشیدی .

اوزمانه کوره فرانسه ده برقرال طرفندن بودرجه
 معامله لطف و نوازش کورلماش اولدیغی حالده
 والدہ سی قونستانس بوندن متشکر قالا جق برده بالعکس
 تشدید شدت ایدرك شامپانیا قونتنك اوغلاری ایتدن
 و تیبود نام اصل زاده لری انواع و عدد لفریب ایلله طرفنه
 جلب و ۱۰۳۷ سنه سنده کندی اقامت ایتکده
 یواندیغی سن شهرینی بونلره تسلیم ایلدی . هازی

والده سنده نه برطاقم نصح و پند ایلد بسنده هیچ
برفأده سنی کوره مدیکندن نور ماندیا دوقده سی کیلیومی
ارباب عصیان اوزرینه س-وق ایدرک وقوعبولان
محاربده کیلیوم غالب کلکله اشقیا پراکنده و پریشان
قراره مجبور اولدی .

قرال ایچون ایتدیکی شو حسن خدمت اوزرینه
کیلیومک خلق بیننده شهرتی آرتارق نور ماندیا
طرفلرنده قوتنی یوما فی-وما مز داد ایدر ایدی .
بو حالک قرال جنابلرینک نظر اهیتمنی جلب ایتمسی
غریبدر . چونکه کیلیومک هیچ برکونه افکار
شقاوتکارانه سی اولدیغی حالده مجرد مقدما قرال
علیهنه عصیان ایدن یودوینک مؤخرأ قراه انشته
دخی اولق حسبیه کیلیوم علیهنه قرالی تشویق
ایتمس-یله قرال دخی بر فرقه عسکری مستحجاب کیلیوم
اوزرینه حرکت ایلدی « الحق یعلو ولا یعلی علیه »
حکمی بوراده تمامیه میدانه چیقدی . قرال ۱۰۵۴
تاریخنده مورتمر نام محمله اوپله بر مغلوبینه دوچار
اولدی که اگر نور ماندیا دوقده سی غالبینه برابر قرال دن

استغفار قصور ائیمه رك محارب به سنده دوام ایتش اوله
ایدی دهها فنا حالر ظهور ایده جکی درکار ایدی -
برکت و یرسون که طرفینک احبسا و دوستانی ارایه
کیردیلر .

هانری والدسی طرفندن ایقاع ایدیلان فناقلره
اوغرامامش اولسه ایدی مملکتسه ایلجه خدمت
ایده بیلور ایدی . بر مملکتسه داخلی قاریش قلفلر
حدوثی بانکزار باب شورشه قوت و یرمکدن بشقه
برشبی انتاج ائیمه جکی قاعده سیله هانری زمانده دره
بککرنک تزید قوت ایتلرندن بشقه برشی کورلمدی .
قرال مومی الیه وفاتندن صکره چند سینه مقدم
یدرلرندن کوردیکی اصول اوزره بیوک اوغلی فلیبی
برنجی فلیب نامیهله قرال ثانی انتخاب و نصب
ایتدیرمشیدی .

۱۰۶۰ تاریخنده وقوع وفاتیه مومی الیه فلیب
صندالی حکومتده بانکزار قالمش ایدیه ده کندیسی
هنوز سکزیاشنده برچوجق اولدیغندن فلاندرقونتی
بودوون وصى نصب اولندی . بودوونک ۱۰۶۷

تار بخنده وقوع وفانی قرالک تمام سن بلوغه مصادف
 اولوب کنج قرال ایلاک اثر موفقیتی کوسترمک ایچوت
 بودو وینک منحل قالان قونتلغنه سلاح قوتیلله نائل
 اولوق دعواسنه قالقشان ایکی نفر اوغلی اراسنه قایچله
 کیرمکه قالقشمشیدی . انجیق آتلیشورایکن صپالارالانور
 حکمنجه قوتلری شوکتلری برکال اولان ایکی قرنداش
 اراسنده قرال ضعیفک اراسنه آرقالمشیدی .

اندن صکره نورماندیا دوقه سی کیلیومک بریتانیای
 دوقه سی اوزرینه تعرضنی دخی منعه قانقشیدی .
 فقط بودفعه اولدقجه موفقیت کوره بیله رک دول
 شهرینی کیایومدن استخلاص ایلدی . فقط
 بوموفقیت قرالک کمال قوتندن نشأت ایتمشیدی .
 بلکه نورماندیا دوقه سی کیلیومک انکلتزه تاجنی تختی
 کنده ضبط ایتک مرند درکار اولان مشغولیتندن
 ایلرو کلمشیدی . (انکلتزه ص ۱۰۳ مر) .
 زیرا کندیسنده برقوت اوله ایدی انکلتزه ساقسونیالو
 خاندن قرالینک ختام مدتله احوال داخله سنک
 عادتاً برنورماندیا دوقه سنک مملکتی استیلا ایتسنه

مقاومت کو سترمید جنگ قدر مشوش اولدیغی بر زمانده
یوموقیت عظیمه بی کیلومه بر اقد رقی کند یسی قازانغه
موفق او اور ایدی .

قرال مومی الیه برت نام زوجہ سنی بوشاہ رقی
بر تارد نام بر قادی الیه عقد ازدواج ایلدی کندن طولای
پایا طرفندن آفوروز انوب اون سنده مدت آفوروز
آکنده قالمس۔ الیه اهلیدن بر طاقم فرقه لر بو آفوروزلی
قرالک حکومتدن قور تلیق ایچون عصیانہ دخی مجاسرت
ایلدی لر .

تفصیلی مصر و اناطولی تاریخنده کور یله جکی
وجهله بوزمانلر اوروپانک هر طرفنه خرس۔ تیانلق
آیدنی انتشاردن قطع نظر حتی یکی غیرت خرس۔ تیانیہ
ایله قدس شریف طرفلر بنی ایادیء اسلامدن نزاع
ایتمک ایچون پاپاسلر طرف طرف خاقی اهل صلیب
محرارہ سنده دعوت ایدر لر ایدی .

اوروپا پر نسلرندن بر طبقی بو محاربهء دینیده فدای
جان و مالی کوزه آلدیر ارق شان و شرف قازاندیلر .
قلب دخی آفوروز بلا سنی بر طرف ایلد کدن صکره

حسن توجه عمومی بی تکرار جلب ایتک ایچون
 اهل صلیب محاربه سینه هوس ابتدیه سده او یله
 بر محاربه مقدسه به کندی سنی قارشیدیرمد قلیزندن
 مأیوس قالمشدر .

قایه سیمن قرالارینک جمله سنده کور یله کلدیکی
 وجهله قلیب دخی ۱۱۰۸ تاریخنده اوغلی او بی له
 غرو بی قرال ثانی انتخاب و نصب ایتدیردی . بوانتحایک
 اوززندن ایکی سینه مر ورله برابر کندی سی وفات
 ایتدیکله اوغلی مومی الیه لو بی صندالیء حکومته مستقلاً
 جلوس ایلدی . لو یینک اوائل حکومتی وادیء
 استقلاله آفاق آثان بعضی سر آمدانی اطاعتی آتته
 المقله مرور ایلدی . انجق تفصیل کیفیت انکلتزه
 تاریخنده سبقت ایلدیکي وجهله نورماندیا دوقه سی
 کیلیوم انکلتزه صندالیء حکومتی قهرراً و جباً له رق
 انکلتزه نورماندیا لو خاندان قرالی سنی تأسیس ایلدکن
 صکره اولادندن اولوب قرنداشی روبرک نویت
 حکومتی غصباً انکلتزه قرال لغنه جلوس ایدن هائری الیه
 روبر میاند، نورماندیا دوقه لغندن طولایی بر معارضه

چیقمش و نورماندیا دوقه‌لخی فرانسه ممالکنندن
 بولمغله بونی انکلتره قرالی خاندانندن قورنارمق فرانسه
 ایچون مسئلزم کورلمش اولدیغندن اوزمان فرانسه
 قرالی بولسان سالف الذکر لویی له غروینه بودعوا
 اوزرینه هاترینک حبسنده وفات ایدن روبرک اوغلی
 کیلیومی التزام ایدرک نورماندیایی کیلیوم حسابنه
 استحصال ایتک املیه ۱۱۱۳ تاریخنده انکلتره دولتنه
 اعلان حرب ایلدی (انکلتره ص ۱۱۱ مراجعت)
 یومخاریه ۱۱۲۰ سنه سنه قدر دوام اتمش ايسه ده
 اوقدر شدت کسب ایتیب اراقده برچار یشمقدن عبارت
 قالور ایدی . نتیجه محاریه ده غلبه انکلتره طرفنده
 قالوب لویی له غرونک املی حاصل اوله مامشدر .
 لویی له غرونک مدت حکومتنده اک زیاده مدحه
 شایان اولان موفقیتی فرانسه ده قومون اصولانی وضع
 ایتسیدر .

شویله که :

درون مملکتده دوام ایدن محاریات داخلیه اوزرینه
 قونتلرک دوقلرک و سائر عنوانلری حائر بولسان دره

بكارينك قوتلري آرتە آرتە بر درجه يە كەشيدى كه قرال
بولان ذات بونلرك الله او بونجق مشابه سند، قالدېغى
كې خلق دىخى بونلرك رعبى دكل عادتاً اسارتى الله
كېر مشيدى . اوزمانلر فرانسه ده ايالت سنجاق قضاكى
تقسيمات بوقايدى . هر طرف بر دره بكنك مالكانه سى
اولديغندن انك چققلكى صاييلور ايدى . لوبى
« قومون » ناميله فرانسه يى بر چوق ناحيه لره
آيردى . هر ناحيه نك اهل بسىنى حر طانيوب دره
بكنك مالكانه سى زعامتدن عبارت قالدى .

واقعاً دره بكارى بواجرا آتلك عليه نه قيام ايلديلر
انجق شو حاله كوره حرىت عموميه حاميسى صفتنى
اتخاذ ايدن لوبى عموم فرانسه يى كندى سيله متفق
بولديغندن هر عصيان ايدن دره بكنى ينه كندى
رعاياسنه اورديرارق تربيه سندن كېر و قالمز ايدى .
ايشته بوصورتله درون مملكته زور يا قوتنى قېروب
حكومت قرايه نك قوت و نفوذىنى آرتدردى .

قاپه سىدن خاندانك معتادى اولديغى وجهه له
لوبى له غرو دىخى فليب نام بيوك اوغلانى ۱۱۳۱

تاریخنده ولی عهدك انضماميله قرال ثانی انتخاب
ایتدیرمشیدی . انجق چوجنگ عمری وفا ایتمدیکندن
وقوع وفاتی مناسبتيله ایکنجی اوغلی کنج لوئی بی انک
یرینه قرال ثانی نصب ایتدیردی . بو کنج لوئی اکیتن
دوقه سی کیلیومک قزی اله اونور ایله ازدواج ایدرک
اوزمانه قدر دوقه لاق صورتيله فرانسه دن آیری
وعادتا مستقلاً اداره ایدلمکده بولسان اسکیتنی
یرابطه قویه ایله فرانسه ده ربط ایدن ذاتدرکه
بریاندی رسم زفانی اجرا اولور ایکن اوته طرفده دخی
باباسنک جنازه آلابی ترتیب ایدلمشدر .

باباسنک تاریخ وفاتی اولان ۱۱۳۷ تاریخنده
کنج اوبی صندالی حکومتیه مستقلاً جلوس ایلدی .
کنج لوئی انک زیاده اهمیت ویردیکی شی پدری کی
دره بکری انک قوتلرینی قیرمق ونفوذ حکومتی یالکز
مقام قرالی به حصر ایتک اولدیغیدن شو حال بالعموم
دره بکری نه ایتسز حلقانه دوچار ایلشمیدی .
قرالک محافظه استقلال تام مقصدینه مبنیدرکه بورژ
ایالتی دسپوطلخی منحل اولدیغی زمان طرف قرالیدن

انتخاب اولنان دسپوطی رومارکز حکومت روحانیه سی
قبول ایتدیرک بیه رولا شاتر نام دسپوطی تعیین واعزام
ایتمی اوزرینه لوی مر قومی رد ایلش و مر قوم دخی
حقوق مأموره سنی محافظه ایچون شامپانیادوقده سنه انجا
ایدیرک او ایسه چند سنه دنبری قرالیرک کسرا بتدکاری
در بکلی نفوذینک اکانده مدار اولق ایچون وتیری نام
حصار متینه قمانه رق قراله مقاومت حاضرا نش اولغله
لوی بفرقه عسکر به ابله کلوب وتیری بی محاصره و احراق
یالار ایتمکله دروننده بوانان بیک اوچوز نفر اختیار کنج
چولق چوجق جایر جایر آتشره یاشدر .

بوفضیحه جسمه پایا طرفندن لوی بی بر آفوروزی
دعوت ایلشیدی . انجق بعض متوسطلر ارایه کیروب
۱۱۴۴ تار یخنده افوروزی کیرویه الدیر دیلر وار تکاب
ایلدیکی کناه کیردن تطهره مدار اولق ایچون لوی بی
اهل اسلام اوزرینه محاربه صلیبه سوق ایلدیله .
۱۱۴۵ تار یخنده لوی بر جسمه اردو ایله صلیب
محاربه سنه عزیمت ایلدی . انطسا کیه طرفلرنده
بعض محارباته کیریشوب شام شربی دخی محاصره

آلتنه الدی ایسه ده ناطولی طرفلرنده بر بیوک مغلو بیتنه
دوچار اوله رق اردوسنک یاریدن زیاده سنی شمشیر
مسلیمه قیردردی و ۱۱۴۹ تاریخنده مغلو بافرانسیه
عودت ایلدی .

کندیسنک مدت غیبو بتند، زوجده سی اله اونور
عبدالله اسمنده بر عرب اسیری ایله مرجکی فرونه
ویرمشیدی . بعض روایتده کوره مر قوم عبدالله
اسیر اولیوب اله اونور ده ها اکیتن طرفنده ایکن
عبدالله حسن و جالنه عاشق اوله رق عبدالله دخی
اله اونورک بزم خاصنه دخول ایچون کوله اولمقدن
یشقه طریق بوله مبرق کندیسنی کندی اختیار یله
اله اونوره صائدیمش واله اونور فرانسیه کلین کیتدیکی
زمان دخی برلکده کیتشدر . بونلرک ماجرای عشق
وهواسی قرالک سمع اطلاعنه ایصال ایدیلهرک ۱۱۵۲
تاریخنده کنج لوبی اله اونوری بوشاشدر .

من بوره اله اونور کنج لوبی به واردیغی زمان
باباسی کوین دوقه لغنی کندیسنه جهازه مقابله ترک
واهدا ایشیدی . امدی بویله بر جهازالده اولسنی

مناسبتیه اله اونور لو ییدن بوشانور بوشانمز اوزمانلر
 انکلتیه صدالیء حکومتیه انتخاب اولمش اولان ایکنجی
 هانریه وارمش ومومی الیه ایکنجی هانری ذاتاً آنزو
 نام فرانسه خاندانیدن کله اولسیه (انکلتیه سن ۱۱۶م)
 فرانسه طرفندن برچوق محاربه صاحب اولدیغی کبی
 اله اونورک مستملکاتی دخی بوکا انضمام ایدمجه
 فرانسه نیک برثت قدریری انکلتیه الحاق ایتش
 اولدی . کنج اوبی ذاتاً اله اونور کبی سوزی محبتی
 وعیش وعشرت یوانده اولان برزوجده بی خصمی یوانان
 انکلتیه قرانک اغوش شوق و طربنده کورنجه نه قدر
 متأثر اولمق لازم ایسه فرانسه هیئت دولتی دخی
 یویله مملکتک برثائی قدریرک انتقالات ارثیه ومناسبت
 صهریه ابله انکلتیه کچمسنی پک مضر کوردکلرندن
 محاکم مذکورده انکلتیه دن قورتارمق ایچون اوزون
 اوزادی به محاربه له باشلادیلر که کنج لوبی ۱۱۸۰
 تاریخنده وبومحاربهء مدیده اوزرنده وفات ایلدی .
 برینه کچن اوغلی ایکنجی فلیپ اول امرده فلاندر
 قونتی و بورغونیا دوقه سی کبی نفوذلرینی ارتدیرمش

اولان متغلبه ایله محار به ایدرک انلری بر درجه دیه قدر
 صندیردقدن صکره فرانسه اراضیسندن انکلتره مستملکاتی
 صورتنه کیریش اولان برلری قورتاریق ایچون باباسی
 لویینک انکلتره قرالی هازری علیهنه آچیش اولدیغی
 محار به ده دخی دوام ایدرک ایچجه غلبه لر نائل اولدی .
 هازرینک وفاتبله ۱۱۸۹ تار یخنده ارغلی ریشار
 کوردایون انکلتره صندالی حکومتنه قعود ایلدیکی
 زمان فلیپ اوکوست انکله اتفاق ایلمش و اوته دنبری
 دوام ایدن محارباتی تعطیل ایدرک اهل اسلام اوزرینه
 سوق اولندجق اوچنجی هیئت صلیبیه بی تشکیله
 باشلامش ایدی . ریشار انکلتره طرفنده خلق
 صویوب صوغانه دوندردیکی کی (انکلتره ص ۱۳۶ مر)
 فلیپ دخی فرانسه طرفنده یهودیلرک اموال و املاکنی
 زورله غصب ایدرک تدارک ایلدیکی اردوی مستحجاب
 اراضی مقدسه به عزیمت ایلدی . اوراده رفیق
 ریشار ایله ارالری بوز یلوب مر قومدن آریله رق
 فلیپ عکا محاصره سنده یراز اراز اهلیت ایلدکدن
 صکره فرانسه به کادی وریشار دخی عوت ایتمسبله برابر

فرانسسه ايله انكلتره ارا سنده كي اسكي محاربه ينه باش
كوستردى .

ريشارك مدت حياتنده فليب ايتديكي محاربه زدن
يك چوق برشى قازاندى . ۱۱۹۹ تاريخنده ريشار
وفات ايلد كدن صكره يرينه كچن ژان سانتر ايله دخی
محاربه ده دوام ايدرك غالبيت ومغلوبيت ايكي طرف
مياننده صالانور طوررايدى . بوارالق انكلتره قرالنك
يكنى اولوب بعض تشبشات وحركات عصياننده
بولنان آرتورى فليب حمايه سي الته الارق مرقوم
برسوء قصده وفات ايلديكي زمان فليب انكلتره قرالنى
تهمت قتل ايله اتهام ايلش و ۱۲۰۳ تاريخنده لاجل
الحاكم ژان سانترى دعوت ايلشيدي . ژان سانتر
يودعوتنه بالطبع اجابت ايتماكله فليب كرك فرانسسه
وكرك انكلتره طرفنده ژانك غيرتنى كودمكده بولنان
كبار رؤسايه . سز حالاييله برقاتلك غيرتنى كودوب
كیده جكميسكن ؟ اوروپا ايچنده نامكرى حيدوداغه مى
چيقاره جقميسكن ؟ ديه برچوق سوزلر سويليدرك اغلبنى
كندى طرفنده چكد كدن وبوصورتله انكلتره قوتنى

ترقیسنه خدمتی ارباب معارفه حسن توجهده بوله رق
دار المعارف اعضاسنی حمایه مخصوصه سی السنه آلمش
وهر برینه برچوق امتیازل ویرمش ایدی . اسکی
عسکرک آز بچی برشی اوزرینه عصیانده قدر وارملرینی
عسکرک شعارینه مغایر کوردرک ربود تعبیر اولنان
برصنف عسکری ایجاد ایشدر که قازاندیغی محاربه لری
همان مجرد بو عسکرک اطاعت وهمتی سایه سنده
قازانمشدر . الك بیوک مر اقی خارجدن درین مملکتده
اقچه صوقق اولدیغنه بناء تجارتیه فوق العاده وسعت
و بروب محصولات صناعیه وزراعیه ک فضلہ سنی
ممالک متجاوزیه سوق ایدنلردن کرکچ و سائرجه
برچوق معافیتلری دریغ ایتمز ایدی . پارسه ایلاک
دفعه اوله رق قالدیرم دوشه یان فلیبدر . حتی اطرافنه
کوزل براسنحکام دخی بنا ایشیدی . الحاصل
مومی الیه فرانسه نک معدود قرالارندن اولوب حتی
زوجہ سنی بوشایه رق آنیسی اسمنده برقاری الیه ازدواج
ایلدیکی ایچون پاپا طرفندن آفوروز ایلدیکی حالده
مجرد خلعتک توجه تامی ثمره سیله آفوروزک دخی

بر ضرری اولماسددر . ۱۲۲۳ تاریخنده وفاتی
وقوعبولمقله بر بنداوغلی اوئی سکرنجی اوئی عنوانیه
جالس صندالی حکومت اولدی .

سکرنجی اوئی دها پدربنک صاغلغنده انکلتزده
قرال ژان سانتز علیهنده محاربه ایدن بیوکلر طرفندن
دعوت اولمش وحتی برارالق قراللیغی دخی اعلان
ایدلشیدی . (انکلتز ص ۱۳۹ مر) . انجق
یوارالق ژان سانتز وفاتی وقوعبوله رق فلیب دخی
ژانک اوغلی بولان هاتربنک حقوق ارثیه سنی وقایه
کندی اوغلی کیرو فرانسه به چاغرمش وانکلتزینی
ینه وارث حقیقیسنه ترک ایلشدر .

لوئی مهارت حربیه صاحبی بر قرال اولدی .
مهارت حربیه نیک برقراله عائد اولان اک بیوک قسمی
کنندیسنی عسکره سودبرمک اولدیغنه کوره لوئی بوکا
دخی موفق اولشیدی .

زیرا عای برماده دن طولانی پدرب کی بودخی
پاپا طرفندن افوروزاندیغی حالده عسکرینه کنندیسندن
یوز چورمیوب حالا انکلتز استملای آلتنده قالان

درد ابائی دخی قهرأ و جبرأ فور نار مشدر که بو محار به ده
اول امر ده مغلو بیته دو چار اولدیغی حالده صکره
غلبه ایتسی عسکر ینک اطاعت و محبتدن بشقه برشی
ایله خصوصاً کله من .

قرال مومی الیه زمانده فرانسه نیک داخلنده
بولوب قراله اطاعت ایتیان زور بار معدود ایدی .
لوئی بونلری دخی تأدیبسن کیرو طورمدی . انجق
لانکدوق شهرینی محاصره ایله دروننه تحصن ایتش
اولان لانکدوق دره بکنی بحق تربیه تدارکنده ایکن
۱۲۲۶ سنه سنده ایدی که فجئة وفاتی وقوع بولدی .
قرال مومی الیه ک وفاتی امرنده شاپانیا قونتی تبوت
قرالی زهرله نیک کبی بر سوء ظن التنده قالمشدر .

سکرنجی لوئینک وفاتندن صکره اوغلی طقوزنجی
اوئی هنوز اون یاشنده اولدیغی حالده والدیسی
بلانش ده قاستیک وصایتی التنده قاهره مقام حکومت
ایقاع ایلدی .

قرالیه بلانش غایت ادیب و عقیف و اداره
حکومته بحق مقدر برقادین اولوب اوغلی ایلرود

نام و شان صاحبی بر قرال اولوق ایچون تربیه ایلشدیر .
 اوغلی تاپین رشده واصل اولمجه یه قدر بلانش غایت
 صلحیره رانه اداره اموره موفق اولدی . مومی الیهابه
 وقتک متوری و قرال لوئی یه دخی زمانک تلماقی
 دیمک بانوجوه شایان و بجا در . ۱۲۳۶ تاریخنده
 رشدی اعلان اولدیغی زمان کنج قرال ینه
 والدس نک سؤقیله اک اول فرانسه ده عدالت
 نه دیمک اولدیغی کوسترمشدر . زیرا او زمانه قدر
 ممالک مذکورده عدل و حقیت کیسه نک معلومی
 اولیوب هر کس کندی کیفه کوره حرکت ایدر ایدی .
 لوئی دینا و قانوناً بر جنایت مثبت سسی اولیان هیچ
 کیسه نک قیلنه بیله طوقنه میه جغنی اعلان ایدرک
 بو اعلانی ایسه اجرا آتیله تأیید ایلر ایدی .
 زور بازو سنده مغرور ابریکناهی ناحق یه اذعاج
 ایدیری ذعاج قتل ایدنلری سیاست و فصاصاً قتل
 ایدر ایدی . دوائر حکومتک هر شعبه سنجه او قدر
 تصرفه رعایت ایلدی که اولجه مضایقه مالیه دن
 شکایت ایدن فرانسه ارتق ابرادینی مصارفندن قات

قات فضله بولغه باشلا دی .

قرال مومی الیهک بو حسن خدمتی عموم ملت
شکرتیدله تلتی ایلد کیری حانده بهض زور بار کندی
نفوذلرینک قیرلسندن طولایی دلکیر اولش و حتی مارش
قونتی بولان ذات انکلتزه قرالی اوچنجی هانری ایله
یالاتحاد علناً عصیان دخی ایلش ایسه دهه « بارعیت
صلح کن و زجنت خصم - ایمن نشین * » زانکه
شاهنشاه عادل رعیت اشکر است ، مضمونجه
مرحال تدارک ایلدی بکی جسم اردو ایله و اروب ۱۲۴۲
تاریخنده تایلبرغ و سنت نام محلا رده دشمنه لایق بوله
غلبه ایلشدر . بولغیه اوزرینه انکلتزه نک التماس بوله
اکابش سنه مدت متار کد و یرمش و مارسن قونتنک دخالتی
اوزرینه انک دخی قباحتی عفو ایدرک خاکپاینه یوز
سورمک ایچون حضورینه کلدیکی زمان « سنک
کبی سلاحتنه اعتمادی اولنلر وطنک سلامتته خدمت
ایتمک لازم ایکن وطنک زیاننه چالشمق عیبر بردها
بوعیبی قبول ایتمایسک » دیه اک بیوک بر حکمداره
لایق اولان بولده معامله ایلشدر .

۱۲۴۴ تاریخده قرال مووی الیه غایت شدتلی
 برخسته لکه دوچار اولدیغندن اندن رها بواور
 اینده اراضی مقدسه کی دوب اهل اسلام الیه
 محاربه ایتمکی نذر ایلمشیدی .
 بناء علیه ۱۲۴۸ تاریخده براردو عسکر الیه
 مصره کیدوب برسنده صکره دمیاطی قمع ایتش
 و ۱۲۵۰ تاریخده دخی منصوره اوزرینه غلبه
 ایلمشدر . لکن جناب حق بومحاربه عظیمه
 نصرتی اهل اسلام طرفنه ویرمش اولدیغندن
 اراضی مقدسه بی تخلصه کیدن اوروپا حکمدارلری
 طرف طرف مغلوب اولدقلری صره ده لوئی دخی ایکی
 نفر برادر الیه برابر یقایی اهل اسلام الله ویرمش و شمدیکی
 اچقه حساب الیه یدی میلیون قدر فرائق جزای نقدی
 وپرد کدن و دمیاط شهرینی ترک ایلاد کدن صکره حریتی
 قورتاره بیلشدر . مصردن دخی فلسطین طرفلرینه
 کچدرك درت سنه دهها کشت و کذار ایلادی .
 انجیق فرانسه ده یرینه وکیل براقش اولدیغی والد سنک
 وقوع وفاتی اوزرینه وطنده عودتله بنه اصلاح احوال
 ملک وملت بذل همت ایلادی .

۱۲۷۰ تاریخچہ مومی الیہ ایکنجی دفعہ اولہرق
 محاربہ صایبہ ایچون تونس طرفہ عزیمت ایلدی .
 انجیق اورادہ اردوسنی غایت شدتلی بروبا استیلا
 ایدرک کندیس دخی بوعلتہ مبتلا اولدیغی حالہ
 قرانسه به غودت ایتسیله برابر وفات ایلشدر .
 روما کلیسائی لوئی بی تقدیس ایدرک سن لویی
 نامیله عزیزلر زمرہ سنہ الحاق ایلشدر . زیرا
 اوروپا ایچندہ لویی قدر عالی بی طرف منفعتسز هیچ
 بر حکمدار دها کلامشدر . اوروپا حکمدارلری بیلہ
 اک بیولک اک مهم مادہ لردن طولابی آئی حکم اتخاند
 و ویردیکی حکمی غرض وغوضدن عاری اولدیغی
 ایچون مطلقا قبول ایدرلر ایدی . پدری فلیب
 انکلترہ مستملکاتی حکمنہ کیرمش اولان بعض فرانسه
 اراضیسنی استرداد ایلدیکی اثنادہ انکلتریه عائد اولان
 برلردن دخی بر مقدارینی ضبط ایلشیدی . سن لویی
 بویله درت بش مملکتک بغیر حق استملاک ایچونینه
 بر محاربہ به سبب کوسترہ رک قان دوکتک روا
 اولدیغنی نظر دقتسه الارق فضلہ النان برلری بنده

انكازيه اعاده اياشدر . هله اوقدر عابد اوقدر
 ديندار ايدى كه روماده ذات مسيحيك وكالاتى نامنى
 احراز ايدن پاپارلك هيچ بريسي انك قدر كرچكـدن
 خرسـتيان دكل ايدى . هرسته اغستوست يكرمى
 بشنجى كوني سن اوئيئك يورطيسى طوتياور .

سن اوئيئك حسن اداره ترقى پرورانه سى سايه سنده
 اوغلى فليب له هاردي دنيلان اوچنجى فليب ۱۲۷۰
 تار بنخنده مقام پدريه جلوس ايلديكى زمان فرانسه يى
 اولدق اوليكى ضعفلرى دفع ايتش وقوت وشوكتى
 يرينه كتورمش بولدى . حين جلوسـنده موجود
 اولان انك مشكل مسئله پدريك باشلامش اولديغى
 تونس محاربه سى ايدى . بومحاربه دن فرانسه
 ايچون ماده هيچ بر منفعت اوليـوب خرسـتيانلغـه
 خدمت كى بر منفعت معنويه وار ايديسده ماديـاتك
 معنوياته ترجيحى بر مسلك حكمايه كوره لازم اولديغدن
 فليب در حال تونس ايله عقد مصالحه اياشدر .

فرانسـهـنك همان اوچ ر بعنه مساوى يرلى
 انتقالات ارثيه دن طولايى يواش يواش طوغريدن

طوغری به خاندان قرالی به مالکانه اولمش بولغله
 فلیک فرانسه اوزرنده کی حکومت عمومیه سنه یالکز
 فوقس قونتی روژ، براعتراض ایتک ومومی الیهی قرالی
 طانیماق ایسته دی . بناء علیه فلیب بر قوؤ کافیه
 ایله واروب حکومت عمومیه سنی فوقسه دخی
 طانیدردی . بووقعه دن بشقه فرانسه ده فلیب
 علیه حرکت اولماش دیکدر . بنا برین فلیب
 قوتنی دأما آرتدیره آرتدیره عادتا فرانسز ملتک
 اوروپا ایچنده حاکمیتنی دخی اعلانه جسارت ایتکه
 باشلامسدر . ناوار قرالی هانری وفات ایلدیکی
 زمان خلق متوفانک کریمه سنی قرالیه اوله رق قبول
 ایتماکه قالمش لر ایدی . فلیب مز بوردی کنندی
 اوغلی فلیبه تزویج ایتکی تصمیم ایلدیکی جهته
 ۱۲۷۴ تاریخنده ناوار مسئله سنه قوؤ حربه ایله
 مداخله ایدرک قرالیه نک حقوق ارثیه سنی محافظه
 ایلدی . بوندن بشقه اسپانیا نارینخنده ایضاحاتی
 اعطا اولانه جغی وجهله سردا برنس لرینی قاستیل
 تخت کچورمک ایچون اراغون قرالی اوچنجی پیره

دخی اعلان حرب ایلمشیدی .

۱۲۸۲ سنه سنده حد و حسابیه صیغیه جق

ویانکار لفرایله الن و ژیرون نام محلاری ضبط ایلمش

ایدیسه ده املنه بالنگلیه نائل اوله میهرق بو سـفرده

دوچار اولدیغی خسته لك اوزرینه ۱۲۸۵ تار یخنده

وفاتی وقوع بولشدر .

ارتأ مقام حکومته یکن اوغلی دردنجی قلیب

اسمه انیا محارب اتنده دوام ایدرک پدرینک املنی بعد

الوفات اولسون استحصال ایلمک ایستدیسه ده بوایشک

ممکنسز اولدیغی تعین ایتمکله ۱۲۹۱ تار یخنده

آراغون قرالی ایله عقد مصالحهیه لزوم کوردی .

بو تار یخنده انکلتزه ده برنجی ادوار حکومت

ایتمکده اولوب مومی ایسه (انکلتزه ص ۱۴۵ مر)

فوق العاده حسن اداره سی ثمره سـبله انکلتزه یی

خیلیدن خیلی قوتلندیرد کدن صکره چونکه کندیبی

آثر و خاندانه منسوب اولمق و خاندان مر قومک

اصلی فرانسز اولوب فرانسه طرفنده مالک اولدیغی

محلار دخی ژان سانتر زمانده آثر و خاندانک لندن

الشمس بولمق حسبيله بويرلى تکرار انکلتزه حسابنه
استرداد ایتک ایچون فلاندر قونتی اولوب اوتهدنبری
فرانسه یه قارشو محاربه لردن خالی اولیه کلان خاندانله
اتفاق ایتش و بریوک اردوایله فرانسه اوزرینه
هجوم ایلشدر .

یوقازوکی تفصیلاتدن مستبان اولش اوله جنی
وجهله اوزمان فرانسه نك دخی قوتی برکال اولغله
دردنجی قلیب فورم وقومین و بورژوا فلاندر
قونته غلبه ایدرك (انکلتزه ص ۱۴۹ مر) اوته
طرفدن اسقوجیا لوری دخی انکلتزه قرالی علیهنه
تشویق ایتمکله ادوارد مملکتته رجعته مجبور اولش
واسقوجیا لوری تریبه ایدوبده فرانسه اوزرینه
تکرار یوروپه چکی زمان یند تشویق ایلدیکندن
یو طریق حیلله اینه ادوارد محاربه دن عاجز قاله رق نهایت
۱۲۹۹ تار یخنده عقد متار که به مجبور اولمشدر که
یومتار که ادواردك اوغلی دیگر ادواردی فرانسه
قرالک قزینه نشانلامق صورتیله برقا قندها قوتلندیرلشدر
شومسئله ده ینه فرانسه کارلی چقیدی . زیرا

فلاندر قوتلغنی بحق فرانسه یه ادخال ایلدی .
 بوعصر اورو پاده خرسه تیابلغ کماله قوت
 بوله رق تعصب دیندنک دخی فوق الحد ارتدیغی
 بعصر اولغله پاپا بولنان ذات وحی پاپاسلر بیله
 بر قرالی تا قدس شریفه قدر حربه سوق ایتک
 درجه سنده نفوذ پیدا ایتش لریدی . ایدی پاپا
 بولنان سکرنجی بونفاج بونفوزی بدرجه ده آرتدیرمق
 و عادتاً بتون قرالری کندی نفوزی التیه الارق
 جله سی اوزرینه شهنشاه اولق عزمنه دوشیدی .
 اوروپا قرالردن بعضی لرینی نفوزی التیه جلب
 ایلدیه ده فرانسه قرالی دردنچی فایبی جلب ممکن
 اوله مدی . شومسئله فرانسه ایچون او قدر تهلیکه لر
 حاضر لامشیدی که عادتاً پاپا طرفداری بولنان عموم
 دواتلرک فایب اوزرینه حرکت ایتسنه رمق قالمشیدی .
 پاپا جنابلری (بول) تعبیر اولنور اعتنامه لر ایله فرانسه
 قرانی آفاروز ابتد کدن بشقه فرانسه نک دخی عادتاً
 قدس شریف اراضی سی اهل اسلام دن استرداد ایتک
 قیلندن اوله رق برخاندان ملعوندن استردادینی دیندار

خرس-تیا نره -واله ایلش ایدی . دردنجی قلیب
 بولری آتسه یاقاراق جنزل وسردارلرینی جمع ایله
 » پاپا جنابلری حضرت مسیح وکیلی اولدیغنی
 قبول ایدرک . فقط قیصر رومکده وکیلی اولدیغنی
 بیلورز . اوروپایی نفوذ جسمانیسی آتسه المق
 ایستبور . بز ممانعت ایتدی کمزدن طولانی آفایوزلی
 اولدق . پاپایی عموم اوروپا قرالی انتخاب ایدرک
 ایسه کز مختار سکر . انجق انی پاپا طانیوب کندی
 وطنک استقلانی محافظه ایدرک ایسه کز بوماده دن
 طولایی بزم اوزر بزمه سوق اولنه حق عسکری مقدس
 عسکر دکل عادتاً بر مغلب عسکری نظر بله کوردرک
 مقاومت سوز ویرمیسکر » دینجه جله سی بالانفاق
 وطنک استقلال نامنی محافظه یولنده جان ویره جکلرینی
 قراله تأمین ایلدیلر .

بوخبر پاپایه واصل اولنجه پاپا دردنجی قلیبک
 عادتاً کفرینی اعلان ایدرک شه وکافر دن فصل انتقام
 الله جغنی مذاکره ایچون (قونس-یل) تعبیر اولنان
 مجلس عمومی روحانی بی دعوت ایلدی که هر طرفدن

پاپاسلر و حتی بعض فرالربيله رومايه کيدرك عقد
مشورت ايلديلر .

بناء عليه فليب دخی پاپانك بو حركته قارشو اك
زياده شدت كوسترن جنراللردن مرتب براردوبى ايتاليا
طرفنه سوق ايدرك پاپا عسكرىنى تضييق ايتدير مكه
باشلادی .

بوقار بشلق اراسنده بونیفایچ وفات ایلدی کی
برینه کلوب ایکی سنده قدر پاپالیق ایدن اون برنجی
یتوا دخی وفات انمش اولمغله دردنجی فلیپ فرانسر
پاپاسلردن قلامان نام ذاتی اوایغون شهرنده پاپا
نصب واقامه ایلدی . بو ذك معرفتيله بونیفایچك
كندی علیهنه ویرمش اولدیغی حکم لغتی رد ایتدیر مكه
چالشدی . هله ۱۳۱۴ سنه سنده وقوع وفاتيله
یونجه دغدغه دن قورتلدی کیتدی .

اگر شو پاپا مسئله سیله انكلكره ماده سی چیقماش
اولسه ایدی فلیپ فرانسه نك ترقیاته برچوق خدمت
ایده بیلور ایدی . انجق بوايکی مسئله ترقیاته خدمت
ایتمکی مانع اولدیغی کی دولتک احتیاجنی دخی

آرتدیردینجی جهته مسکوکاتک عیارینی بوزمغه قدر
مجبور اولمش و بومناسبتله خلق بدنده (قلین فلیم)
دیه شهرت المشر .

خزیننه نك دفع احتیجی چون یهودیلرک اموالنی
یغما ایتمک و بیوک بیوک رتیه لری هر راست کلانه
صانق دخی انده کورلمشدر . مع هذا ینه غیرتلی
بر حکمدار ایتمش . چونکه او عصرده پاپا بولسان
ذاتک رضاسی خلافتیه حرکت ایتمش هر یکیکدک کاری
دکلدر .

دردنجی فلیمک و فائیدن صکره بریننه کجه جـک
اولان اوغلی اونجی لوی ناوارده بولمقی حسبیه
او کلجه به قدر عجمه سی بولسان شارلده واولا
صندالی حکومتده قائم مقامق ایلمشدر . پدرینک وفاتی
اوزینه نفوذینی غیب ایتمش اولان بعض دره بکری
عصیان وادیسنه سلوک ایلدیکی صره ده فلاندر قونتی
دخی فلیم طرفندن ضبط اولمان مالکانه سنی استردادده
قیام ایلمشیدی . اونجی لوی ضعیفچه بر حکمدار
اولغله کوچ حال ایله فلاندر قونتی رد ایده بیلوب

یوقسه سائر دره بکلیه تجدید نفوذ ایدر مامکه
موفق اوله مدی .

اوزمان فرانسه ده مضائقه مالیه برکال ایدی .
بناء علیه لویی فلاندر علیه آچدیغی محاربه نیک بیله
مصارفنی تسویه ایتمک ایچون خلق ویرکولر ایله
پی زار ایلدی . اراضی به مالک اولغنه فقدان حریتی
مانع اولوب دواته دیروده اسیر کبی چالیشان و سرف
دنیلان آدمک حریت تامه سنی اقیچه مقابلنده
صاتون المریینی مجبوریت تحت قوبیدی . برابرسی که
مدت حکومتی چوق سورمیوب ۱۳۱۶ تاریخده وفاتی
وقوع بولغله علیه حاضران عصیان پنجه سندن
بقایی قورتاروب پنجه عزرائیله تسلیم ایلدی .

قرال مر قومک وفاتندن صکره ژان نامنده براوغلی
تولد ایدرک همان چوجغک قونداغنی صندالی قرانی
اوزرینه قویتمش لر ایدی . برقاچ کون صکره وفات
ایتمکله دردنجی فلیک دیکر اوغلی بشنجی فلیک ذاتاً
ولد متوفایه وصیلق ایتمک ایچون دعوت ایدلمش
یولند یغندن انک قرالغی اعلان اولندی .

بوزمانه قدر فرانسه ده قادینلرک حکومتی منوع
ایلدی . انجیق بر فرقه بوموعیتی قبول ایتیه رک
اولنجی اویدنک قزی ژان ده ناواری قرا ایچیه نصب
ایتمک فالفشیدیلر . فقط رؤسای عسکریه قانون
قدیمی بوزمق بر ملت ایچون پریشانلغی مستلزم اوله جغی
جهنله مطلقا قرالک ارکک اولسی و بهمه حال بشنجی
فلیک انتخاب اولمسی امرنده اصرار ایلدکلرندن
یونلره غلبه ممکن اوله مدی .

بشنجی فلیب وقت و حالک و باخصوص احوال
خزیننه نک محاربه ایتمک مساعد اولمدیغنی و فرانسه نک
اشداحتیاجله اصلاحات داخلیه به محتاج بولندیغنی درک
ایدرک ۱۳۲۲ سنه قدر دوام ایدن مدت حکومتنده
یالکز اصلاح احوال داخلیه به حصر همت ایلدی
ایسه ده یاپدیغنی شیلر او قدر مهم دکلدر .

بشنجی فلیبک برینسه کلان قرنداشی دردنجی
شارل سلفنک کویا اصلاحات امرنده بذل ابتدیکی
همتله برابر فرانسه بی پک ضعیف بر حالده بولدی .
جال بو که ضعفنی قوته تبدیل ایچون اسباب لازمه یه

تثبت اید بچك پرده نو عا انتقام داعیه سنه دوشوب
 وقتيله فرانسه خزینه سنی صومیش اولان یرلی واجبی
 صرافلری مؤاخذ، و سوء حالاته مس چیقارماش
 اولان وکلایی معاتب ایلدی .

مومی البهك اولاد ذکوری اولماق حسـبـیلـه
 برارکک اولاد ایچون متعدد زوجدر الدی ایسه ده
 ینه فائده و یرمدی . بریادن فرانسه نت ضعیفی کالده
 ایکن دیگر طرفدن انکلتزه قرالی نورماندیا دوقه لغندن
 طولابی کندیسنه بیون اکبور دیه شدتلی محاربه لره
 قیام ایدرک حالبو که انکلیزلر اوجیه فرانسه نک
 کندیلری علیه نه فورمش اولدقلری تدبیری بو کره
 فرانسه علیه نه قوللانق ایچون غاسقونیا اهالیسنی
 عصیان نشویق ایتدکلرندن فرانسه بو یوزدن دخی
 بیوک برصدمه کوردی .

نهایت ۱۳۲۸ تاریخنده دردنجی شارل وفات
 ایلدیکی زمان اولاد ذکوری اولماق مناسـبـیلـه تاج
 حکومت مقدا دردنجی فلیپ ناواردن کلنجه به قدر
 فرانسه ده قائم قالمق ایتمش اولان و مومی الیه دردنجی

فلیک عمیسی بولنان شارلده والوانک اوغلی فلیب ده
والوایه کیدریشدر که بومئسبته قاپه سیهن خاندانی
عنوانک حکمی نهایته ایروب بعدازان والوا خاندانی
عنوانی دوران سورمکه باشلامش و بناء علیه خاندان
مذکور احوالک درجی ایچون اشاغیکی فصل ثانی بی
کشاد ایتمک لازم گمشدر .

❦ فصل ثانی ❦

❦ والوا خاندانک حکومتلری ❦

عن ۱۳۲۸ الی ۱۲۹۸

تفصیل - قاپه سیهن خاندانی عنوانک والوا
خاندانی عنوانته منقلب اولمسی قاپه سیهن « سلاله »
سنک بتون بتون انقطاعی دیمک دکلدر . سلاله ینه
قاپه سیهن سلاله می اولوب بوس سلاله اش-بو اوچنجی
بابک نهایتنه قدر بلا انقطاع دوام یتمشدر که
باب مذکورک فصللارنده ایراد ایدیلان خاندانلر اسامیسی
سلاله مذکوره نک شعبه لری دیمکدر .

والوا خاندانک برنجی حکمداری فلیب ده والوا

یوقاروده برنجی فصلده اسمی سبقت ایدن شارل ده
والوانك اوغلیدر كه شارل ده والوا دخی طوغریدن
طوغری به قاپه سین عنوانیه حكومت ایدن اوچنجی
فلیك اوغلیدر . حالبو كه اوزمان انكلتره قرالی
بولنان اوچنجی ادواردك والدهسی ایزابل (انكلتره
ص ۱۵۶) مراجعتله دخی معلوم اوله جنی وجهله
اكر فرانسه ده قادین حكمدارلك حكومتی جائز اولسه
ایدی فرانسه صدائی حكومتله فلیب ده والوان
دها البق و احق ایدی . چونكه فلیب اوچنجی
فلیك اوغلی اولوب ایزابل ایسه اوچنجی فلیب
دها یقین اولق اوزره دردنجی فلیك قزی ایدی .
بنابرین انكلتره قرالی اوچنجی ادوارد اكر فرانسه
قانونه قادینلك حرای حكومت ایتلمی بوغیسه
برقادینت حدودی ارثیهسی اوغلنه انتقال ایده بیلور یا
بو حاله كوره فرانسه قرالغی بكالا یقدر دیه امله
دوشمنیدی . اول امر ده فلیب ده والوا بودعوایه
اهمیت و برمیوب اوزمانلر فرانسه یه مطیع اولوب
بواطاعتدن طولابی تبعهسی طرفیندن خلع و دفع

ایدیلان فلاندر دوقدسی لوی بی ینہ برینہ اقعہ
ایچون فلاندر سرآمدان رؤسای عسکر بہ سی اوزر ینہ
مخار بہ یہ کیندی وقاسل نام محلدہ غلبہ کلبہ بہ نائل
اولہرق ۱۳۲۸ نارینخندہ لوی بی مقامہ اقعہ
ایلدی .

فلیبدہ والوا بوطرفدہ بوکبی ایشلر ایلہ مشغول
اولہ طورسون اوتہ طرفدہ ینہ فرانسدنک آرتوا نام
دوقہ لغندن طرد ودفع ایدلش بولسان روبرت نام
ذات انکلتہ طرفہ جان آتارق قرال اوچنجی ادواردہ
مر اجعتلہ « بن دوقہ لغندن طرد اولندم . بوندن
طولابی فرانسدہ قرالہ عرض شکوا ایدہ حکم . لکن
فلیبدہ والوایی فرانسدہ قرالی طانیم . سزی طانورم .
والدہ کز فرانسدہ یہ ارثا صاحبدر . بو حقوق ایسہ
سزہ اتغال ایتمہ درہم فرانسدہ قرالی بولنق حسبیلہ
فرانسدہ دہ کی تخنکری بغیر حق ضبط ایدن فلیبدن
حقکری المایسکز ہم دہ فرانسدہ قرالی اولق حسبیلہ
بنم کی بر مظلومک حقنی احقاق ایتمایسکز « مقاماتیلہ
اگر فرانسدہ سوق عسکر ایدر ایسہ چونکہ شوارالق

فرانسه نك قوتى مفقود، اولديغى جهته له موفقيت
ممکن اوله جفته ادواردی تأمین ایلش ایدی .

ایشته بوتامینات اوزرینه ادوارد ۱۳۳۸ تاریخده
فرانسه به اعلان حرب ایشدر که بو محاربه یوز سنه دن
عجیاز متمد اولغله تواریخ عمومیه لسانده (محاربه
صد سنه) ديه بنام اولشدر .

محاربه مذکور نك بوراده ذکر ایده جگیز مبادیسی
فرانسه ایچون پك زیاده ضرری موجب اولدی .
زیرا (انکلتز ص ۱۵۸ مر) انکلتزه قرالی ذاتاً
فرانسه قرالندن دلیکیر بولنان فلاندر اهلایسی ایله
المانیا ایمپراطوری لوبی ده باویری دخی اتفاق داخلنه
الهرق « فرانسه قرالی » عنوانیله انکلتزه دن قاقوب
فرانسه به یکمیش و فلنک و ایچ قاطر فلرینه عسکر
دو کهرک فرانسه نك شمال جهنلرینی اوروب قرقه
باشلامش اولسی اوزرینه اگرچه فلیب دخی مقابله دن
کیروطور مامش ایدیه ده فرانسه نك درکار اولان
ضعفته مبنی غلبه ممکن اوله میوب ۱۳۴۰ سنه سنده
ایکی سنه ایچون متار که عقد ایدلدی . لیکن آتش

حرب بنه مشتعل اوله فی هله قردسی نام محله ۱۳۴۶
 تاریخنده ادواردک قازاندیغی غلبه اوزرینه فرانسه بتون
 بتون پریشان اولق درجه سنه کلدی . بونک اوزرینه
 قلبک التماسنه مبنی الی سنه ایچون بر مدت متار که
 عقد اولندی و بومتار که مکفاتی اولق اوزره
 پاده قاله دبلان بوغاز ایله قاله شهر ی انکلتزه به
 ویرلدی .

قلب ده والوا اشبو مدت متار که ایچنده یعنی
 ۱۳۵۰ تاریخنده وفات ایلشیدی . برینه کچن اوغلی
 ژان ثانی قارشوسنده انکلتزه کبی قوی الشو که
 بر دوات کورمکه برابر فرانسه بی کرک خزینه جه و کرک
 قوه حریه جه او قدر ضعیف بولمشیدی که عادتاً
 یوضعهله حرب ایتمک دخی ممکن اوله میه جق ایدی .
 هله خلقت عدم خوشنودییی درجه کاند ایدی .
 چونکه قلب مصارف حریه به مدار اولق ایچون
 حوایج عمومیه دن اولان طوزه قدر غایت آخر
 ویرکوز وضع ایلشیدی . بودرجه ضعیف اوزرینه
 یرده داخل خلقتک عادتاً عصیانی باش کوسه ترمش

اولد غندن انکلتزه قرالی اوچنجی ادوار بوکره دخی
 اوغلی پرنس نواری ۱۳۵۵ تاریخنده عظیم براردو
 ایله فرانسه یه کوندروب هر طرفی هرج و مرج
 ایتدیردی و حتی پواتیه طرفلرند، وقوعبولان برمحاربده
 فرانسز بتون بتون تارومار اولهرق قرالای ژان دخی
 انکلیز الینه دوشدی که تاریخ ۱۳۵۶ در . قرال
 لوندر به ده نقل اولهرق حبسه آتاش ایدی . بونک
 اوزرینه فرانسه طرفنده اوغلی شارل قائم مقاملق
 ایتکه قاقشیدی ایه ده ناوار قرالی بوانان شارل وده
 پارس اوزرینه هج-وم ایدرک داخل دخی برچوق
 اختلالر چیقمنله دکولان قانلر حد و حسابیه صیغمه جق
 درجه یه واردی .

ایشته بودرجه مجبور یتر اوزرینه ژان سنوی
 مقطوع برخراج یرمک اوزره انکلتزه نک خرج کذاراغی
 قبول و برچوق ایالنلری انکلتزه تسلیم ایتک شرطیله
 حبسیدن چیقدی وقونت دانژینام اوغانی کندی
 یزینه رهن براقهرق ۱۳۶۰ تاریخنده فرانسه یه
 عودت ایدیه یلمدی .

ژانک تاریخ نظرند، المستحسن برحالی شودر که اوغلی
 بر مدت انکله ده رهن قالد قدن صکره فرار ایتمکله ژان
 بر محاربی بی دها منع وعهده وفا ایتمش اولقی ایچون
 قالقوب بالذات انکله به کیتدی ورضاسیله قرالک
 حبسنه کیردی . بوحر کندن کندیسنی منع ایچون
 کیتامسنی توصیه ایدنله «عهده کیم وفا ایتمز ایسه
 ایتمسون قراللا ایتملیدر» دیدیکی مشهوردر . بیچاره قرال
 ۱۳۶۴ تاریخنده اوندرده اسیر اولدیغی حالده
 وفات ایلمشدر .

منوفای مومی الیه اوندرده محبوس ایکن یرینه
 قائم مقاملق ایتمش اولان اوغلی شارل بوکره بشنجی
 شارل عنوانیله مقام پدره جلوس ایلمشیدی . بوذات
 «عاقل» لقبیله بحق ملقب اولمشدر . زیر اول
 امرده خلقی ازوب بتورن ویرکولری فلانلری منع
 وارباب مزیت واقنداری حایه الیه داخلأ مملکتته
 نظام ویردکدن صکره انکله الیه دردست بولسان
 محارباته الک جری وجس-ورجنز لارینی سوق ایدرک
 برقاج دفعه غلباته نائل اولمش وانکلیز لاندیه بولسان

همالكندن برچو غنى استرداد ايلشدر . حتى انگليز
اسپانيانى دخی تحريك ايدرك فاستيل قرالى پيهري
فرانسه يه قارشو محاربه يه سوق ايتشلايدى . شارل
يونى دخی لزومى وجهله تأديب ايلديكى كېينه
انگليز ايله متفق بولنان ناوار قرالنك دخی حقندن
ككشدر .

عافل شارلك فرانسه ايچون وضع ايلديكى بعض
نظامات پك كوزل شيلدر . ليكن انگليزك تغلبى
يك زياده اولغله فرانسه يى يتون بتون تورنارمق ممكن
اوله ميو ب ۱۳۸۰ تاريخنده وفاتى وقوع بولديغى
زمان بوردو قاله وشر بروغ كې بعض ايانلر حالا
انگليز لاند ايدى . ايسته فرانسه شويله برفنا حالده
وملكتى بتون بتون استيلايه قدر مقتدر اولان انگليز
كې بردشمن دخی حالا مملكتهك ايچنده ايكن عاقل
شارلك اوغلى شارل سادس هنوز اون ايكن ياشنده
برچوجق ايكن مقام حكومهت كچى كې بوده فرانسه
ايچون بشقه جه برطاق مشغوليتلى موجب اولدى
شويله كه :

کندی عیجه لری اولوب فرانسه قرالغنه جان
 آتآن و بویله برکوچک اقبال ایچون وطنک دشمنی دیمک
 اولان انگلیزله دخی مختار بدن خالی قالمیان آنزو
 و بورغونیا و بری و بوربون دوقسه لری بوکره
 صندالیء حکومتده برچوجق بولمیشی فرصت انخاد
 ایدرک جملة برلکده عصیان ایلدکری کبی کوبا
 فرانسه یه هر بری آری آری صاحب اولمشجه سنده
 برده یکدیگری علیهنه قیام ایلدکلرندن ذتاً بیچاره
 اولان فرانسه بی برقاندها چاردهسز بر اقدینر . دیرکن
 روئن شهری دخی عصیان ایلدی . هله پارس
 برحاله کلدی که درون پای نموده بر طاق اشقیاء علناً
 قتل نفوس و نهب امواله قدر متجاسر اولورلایدی
 کنج قرال جملة دن مقدم شمال طرفلرنجه ده
 اوته دنبری عصیان اوزره بولنان فلانتری تأدییه
 لزیم کوره رک ۱۳۸۲ تاریخنده روزیق نام محله
 اشقیای مذکوره اوزرینه بر غلبه یه نائل اولدی .
 بعده ۱۳۹۲ تاریخنده اوته دنبری حیدودرله متفق
 اولوب اخیراً دخی قلیسون نام بر حیدوده یتساقلق

ایتمش اولان بریتانیا دوقه سی اوزرینه جنکه کیمکه
قالقشمش ایدی . حیف که یولده برشدتلی صبحاغه
راست کلوب نصلسه صبحاغک تاثیرتیه بیچاره کنج
قرال اذغانی غیب ایدرک بدلا کی برشی اولدی
قالدی که فرانسه بچون الک بیوک چار سرنک
یواولدی .

قرالک اختلال دماغندن صکره ذاتاً حبریا منله
چ. تلامقه بولن ان عمجه لری وصیلک خدمته
موشه رق حالبو که بونلر ذاتاً بر بر یله محارب بولندقلری
جهتله محاربه داخلیلرینه برقاندها قوت و یردیله
قرالک قرنداشی بولن ان اورلیان دوقه سی عمجه سی
بولن ان بورغونیا دوقه سی طرفندن سوء قصدله اعدام
ایدلی (۱۴۰۷) و بعده ینه بونک افسه ایدله
یتون فرانسه ایکی قسمه آیریلوب بر طرفه آرمانیاق
دینلدی که اورلیان دوقه سی طرفنی الیترام ایدرل
ایدی و دیگر طرفه بورکینیون دنبله رک انلر دخی
بورغونیا دوقه سنک اقبالی ایچون قان دوکرایدی .
فرانسه ایچنده کی شواحوالک مذکرتیه قدر صا رصه جفی

ارباب مطاعه چه موازنه ابدیه جنگ برشی اولوب
 بزاوموازنه ایله برابر اوته طرفه انکلیز لر کی بر مقتدر
 دشمنک ده فرانسه ایچنده موجود اولدقلرینی اخطار
 ایدرز .

یوانیکلیز لر فرانسه ایچنده سرزده ظهور اولان
 احوال مسروده بی دأما کوزدن آیرمدقلری کی نهایت
 قرالک دوچار اولدیغی حال دخی منضم اولنجی انکلیزه
 قرالی بشجی هاری غایت جسم براردو ایله ینه
 فرانسه اوزرینه یورودی ۱۴۱۵ تار یخنده آنه نیقور
 نام محله فرانسه قوتنی بتون بتون قراق ونورماندیا
 ایالتی دخی کاملاً ضبط ایدرک فرانسه خاندانلردن
 برچوغی دخی کندیسنه موافق بولمغله ۱۴۲۱
 تار یخنده کلری پارسده کندیسنک فرانسه قرالغی
 اعلان ایلدی .

بووقعه فجعه اوزرینه التجی شارل بتون بتون
 قرالغدن عزل ایلدلمشیدی . کندی حکمندقلان
 بر مقدار حق یرک حکمداری صاییلوب حتی ۱۴۲۲
 تار یخنده وقوع وفاتیدن صکره اوغلی بدنجی شارل

دخی فرانسه دنك جنوب طرفلرنده بنه قرال عنوانيله
مقام حكومت كېسى .

حساب اينديله جك اولسه انكليز لر مملكتي بويله
كاملاً استيلا ايتمش اولدقلري كېي الك بيوك فرانسه
رؤسايي دخی كندی طرفلر يني التزام ايتمش اولدقلرندن
يدنجي لويي ايچون فرانسه بي قورتار مق محال ايدي .
لكن هر دورك بهض احوال حارق اعاده سي اولديغي
كېي فرانسه نيككي دخی مشهوره ژان دارق نام قزدر .
اشبو ژان دارق تاريخت كرچكدن حارق اعاده
اشخاصندن اولغله احوالني روجه آني آريجه بريند
مخصوص بله ايراد ايتكده نديم صحيح كوردك :

﴿ بند مخصوص ﴾

﴿ ژان دارق . قاريك صاحبقراني ﴾

يدنجي شارل فرانسه دنك جنوب طرفلرنده اعلان
حكومت ايلد كدن صكره مملكتي اجنبيلر انسه بولنق
كېي بررزالت ايچنده بشامقندن ايسه اولمكي فقط
بوش بوشه اوليوب هيج اواز ايسه بنه تخلص وطن

او غورنده اولمکی کوزه الديرارق تدارك ايدمه بلمش
اولديغی جزوی برارد وایله انکلیز لوزرینه حرکت
ایلمش ایدی . لواری نهری اوزرنده انکلیز لوزرینه بعض
کوچک فرقه لرینی امروپ مغلوب ایلمد کجه غیرتی
آرتمش و غیرتی ارتد کجه قوه عسکریه سی چوغالمش
اولدیغندن غیرتی بیباغی بیولتمش اولدیغی برزمانده
دائرهمنه بر بچاره قز کلوب « فرانسه بی انکلیز لوزریندن
قورنارمغه من عند الله مأمورم » دیکجه ماینجیلر
فلانلر بچاره نیک جتنه حکم ایدرک کند بیسی طرف
ایلمش ایدی .

حالبو که قز دعواسیندن دوغوب دوت بش
دفعه دفع ایلمد کدن صکره شارلک حضورینه چیقمغه
موفق اولدی و دعواسنی اوراده دخی تکرار ایلمدی .
بو قز هنوز اون سکر یاشنده برشی اولوب ۱۶۱۰
تاریخ میلادی سنده رومری نام محمله برفقیر کویلوونک
صایندن انیش و ژان دارق تسمیه اولمغه بولنمشیدی .
روایتنه کوره بر کجه رؤیاسینه حضرت مرعی
کوروب طرف مشارایم دن فرانسه بی شخیصه مأمور
اولمش ایلمش .

قرال شارل بوبله بر مسکین قزدن بوقدر بیوک
 پردعوایی ایشیدنجه حیرت: قالوب قزهرنه قدر اردوسنک
 قومانداسنی کندیسنه ویرمسنی تکلیفده اصرار
 ایش ایدیسده شارل برنجر به اولق اوزره ژنه بالکن
 بیش اوز نفر عسکرو پروپ انکلیز لراوزرینه صالدیردی .
 حالبوکه بوقدر حقارتله کوندریلان ژان دارق
 هوجه برانکلیز طاوورینی بوزمق کی برغالبیتله کلنجه
 بوقرک کرچکدن حضرت مریم طرفندن فرانسه بی
 تخیلصه مأمور اولدیغنه اردوجه امنیت کلهرک
 بر بیوجک فرقه به قوماندان نصب ایدلدی .

اوزمان شارل سابعک النده بولنن مواقعک الک
 مهممی اورلیان اولوب انکلیزلر بر بیوک اردو ایله انی
 دخی تحت محاصره به المشملرایدی که اورلیان الدن
 کیتدکن صکره ارتق فرانسه زقرالی ایچون فرانسه ده
 ظور میوب باشنی الهرق بر طرفه قاچ قدن بشته چاره
 قالمامشیدی . ایددی ژان دارقک مأموریت
 معنویه سی بالعموم نفراته وارنجه به قدر هر کسی نهوره
 گتورمش اولدیغندن میلادک ۱۴۲۹ سنه سن مایسنک

یونان انکلیزل اوزرینه بورویوب دشمنی ینه بوزدی
ایسه ده نصلسه بقابی انکلیزل الله ویرمش و حالو که
انکلیزل طرفدن بیچاره نك سحر بازخی حکم ایدلمش
اولدیغدن ۱۴۳۱ سنه سی مایسنك اوتوزنجی کونی
بیچاره قزغز روئن شهرنده دیری دیری اتش-لره
یا قلمشدر .

بوقزك عفت واسنقامتنه دیانت و تقواسنه و علی
الخصوص الكجری وجس-ور برار ککدن زیاده سلاح
شورلغه و جسارتنه سوز اولیوب بعده وفاتهامیلیاسی
اعضاسنه اصازادلك رتبه سی ویرلدی و منسوب
اولدیغی کوی کافه تکالیف میریه دن مستثنا و تلمدی .
کندیسنك قورتارمش اولدیغی اورلیان شهرنده دخی
کندی نانه بر پوك علامت رکز ایدلدی .

(انتهای بند مخصوص)

ژان دارق بیچاره سندن صکره قرال ژان دارقه
ویرلمش اولان وعد معنوی حالا فرانسه اردوسی
حقنه باقیدر دیه عسکرینی ته-وره کتوره رک
محراباته باندوام ۱۴۳۶ تاریخه قدر پارسی دخی

ضبط ایله بتون فرانسه بی انکلیز الزدن قورتارمش
ویالکز یادقاله بوغازی طرفنده واقع قاله شهری انکلیز
الده قالمشدر .

بو قدر غلبات ومظفریات اوزرینه بیچاره قرال
کندی اوغلی اوله جق اون برنجی لوئی به یارانهمامش
وچاپقین رفاچ دفعه باباسنی تسمیمه قالمش اولدیغندن
زوالمی قرال قورقوسندن برشی بمده بمده ۱۷۶۱
تاریخنده آچلغندن وفات ایلشدر .

فرانسه بی یکیدن احیا ایدن اشویدنجی شارل
اولوب یوسیده مینیدر که تاریخ اکا (غاب) عنوانی
ویرمش ویالکز براز شهوت پرست اولوب آتیش
سورل نام برقاری به علاقه ایتش اولسندن بشقه هیچ
بر قصورینی بوله مامشدر .

بو غاب قرالک اوغلی اون برنجی لوئی باباسنه
سوء قصد ایدیشندن دخی اکلاشلش اوله جق اوزره
یک غدار وستمکار چاقوب ویرکولی حددن
افزون ضم ایلدکن بشقه کندیسندن ذره قدر
خوشنودسزلق کوسدن مملکتلری آتیشه یاقق

واها ایسنی قتل عام ایتمک کی غدارانه حرکت کرده دخی
 بولور ایدی . رمس و آرزو شهرری مر قومک
 الکیزیده غدیرینی کورمش اولان برلر دندر .
 فرانسه کی هنوز بر قوتلی دشمن الندن قورتمش
 اولان مملکت حقنده بومعامله نه قدر فنا ایسه مملکتی
 قورتمش و حتی بر قاندها ترقیاتنی دخی در عهده
 ایلمش اولان و کلابی کاملاً طرد ایدرک برلر بنه بر
 فلان مقوله سی آدمار نصب یتمش اولمسی دخی بتون
 بتون تهلکه لی بر حال ایدی . بنه علیه ۱۸۶۵
 تاریخنده برری دوقه سی و فرلک برادری بونسان
 شارلک ریاستیه بعض سرآمدان رفع لوای عصیان
 ایتمش لرایدیه د مونتیری نام محله له لوی حادی عشر
 بونلری اوار قیج مغلوب ایدوب بعده هر برینی بر وعد
 و وعید الله کنیدی طرفنه جلیله ینه هر برینی برخیه
 و خدعه یله ماسکانه لردن طرد و دفع ایلمشدر .
 بورغونیا دوقه سی دخی ملکندن خلع ایتد برمک
 ایچون ایتر اها ایسنی عصیاننه تحریک ایلمشیدی .
 انجق دوق مومی ایسه پهرون نام محله ده قرال ایله

ابتدیی محاربه ده قرال ظالمی اسیراً اخذ ایله ۱۶۶۸
 سنه سنه قدر حبس ایلمشدر . بعده اوئی سرآمدن
 هیچ بریسنه امنیت کوستر: میوب حتی پروا بته کوره
 مقدما عصیان ایتمش اولان قرنداشی دوق ده برری بی
 دخی قسماً اعدام ایلمشدر .

سالف الذکر بورغونیا دوقه سی بوتسمیدن
 طولابی انتقام ایچون دخی اوئی حادی عشر علیهنه
 محاربه آپشیدی . بو محاربه ده بریتانیا دوقه سیله
 ذاتاً فرصت بین اولمقدن خالی قالیان - انکله دوات
 دخی بورغونیا دوقه سیله برلشدیلر . لکن برابرسی که
 لویی بو تفاق بوزمغه موفق اوله رق ۱۶۷۵ سنه سنه
 عقد اولنان ببقدیدی معاهده سنه سنه فرانسه بی حلفی بیله
 چبقاردی . بورغونیا دوقه سی وفات ابتدیی زمان
 فرانسه نك شمال طرفلرنجه دوق مومی الهك ماسکانه سی
 اولان پبقاری وارنوا ایله اصل بورغونیا دوقه لغی
 متوفای مومی الهك قزی مارینک زوجی بولنان
 اوسترالی ماقسیمیه ن طرفندن ضبط اولمق
 ایستلمشیدی . اون برنجی لویی بویشدی شندتلی

بر محاربه بی کوزه الدبر ارق غلبه دخی ایتمکله ۱۴۷۹
 تاریخنده مذکور ایالتلری طوغری بدن طوغری به
 فرانسه به الحاق ایلمدی بوندن بشقه بعض انتقالات
 ارییه بی بهانه ایدرک فرانسه نك اطراف مختلفه سنده
 بولسان بعض مالکانه لری واز جمله پرو و انس و مس
 و آنزو و بار ایالتلری بی دخی مالکانه لکدن قورتاروب
 طوغری بدن طوغری به املاک میریه اولق اوزره دولفه
 الحاق ایلمدی . بوموفقیتلردن براز صکره کندیس
 دخی دیار عدمه گیتشدن .

لوی حادی عشر اگر بیان اولندیغی قدر حشم
 صاحبی بر عدار اولمامش اولسه ایدی فرانسه ایچون
 پک بیوک خدمتلری کوربله جکتهده شبهه یوق ایدی .
 مع هذا ایلک دفعه اوله رق مطبعه جیلک صنعتی
 فرانسه به صوقان کندیس اولغله شو خدمت خدمات
 مبروره سندن عد اولنه بیلور .

مر قومک یرینه ۱۴۸۳ تاریخنده اوغلی سکرنجی
 شارل جلوس ایدوب اوزمان هنوز اون اوچ یاشتهده
 یولغله همشیره سی آن و صیلاک خدمتی اله آلتیدی .

عمیحه لرندن اورایان درقه سی فرانسه ده قاریلرک
حکومتی عادت اولدیغندن بختله بووصایته اعترض
ایلمش وهه فرالک کوچت برصبی اولدیغنه نظرله
بو اراده تمام کندی باشنه لایق بر کلاه قاپه بیلمک
طمعنه دوشمشیدی . انجق سرآمدان مملکت ارتق
تاج و تخت غوغالردن پک چوق بقمش اوصانمش
اولدقلری جهته دوق اورلیانک طمعنه خدمت ایدن
بولندی .

۱۴۹۱ تاریخده شارل بریتانیا ایالتی مالیکانه سنک
وارثی بولنان آن ایله ازدواج ایلدیکندن او مالیکانه
دخی فرانسه یه انضام ایدرک فرانسه نل قوتی بیاغی
آرتمشیدی . بناء علیه کنج قرال بروس یله ارثیه
دوشوردرک ایتالیاده کائن ناپولی اولیکاسینی دخی المی
طمعنه دوشمش ووافعا ۱۴۹۵ تاریخده اولیکای
مذکور ضبط ایلمش ایدیه کک پاپا جنابلی وکک
وندیک واسپانیا دولتلی بوحفسزلخی قبول ایدیه میهرک
کندبسنی رجعتیه مجبور ایلمش لردر .
حتی بومنفق دولتلی فرق بیک نفر عسکر ایلمه نه

اوسنه فرانسه په هجوم ايلشلا ابدی . لکن شارل
طقوز بيک نفر عسکرله اوقوجه اردوي تار ومار
ايدرك بقیه عمر بني راحتله کچور بيلدی .

شارل ثامنک وفاتی ۱۴۹۸ سنه سیدر که کندیس

اولاد ذکور راقه مدیغندن عیسی اولوب
اورلیان دوقه سی یولان لوئی اون ایکنجیلک عنوانله
مقام حکومت کچمشدردر لو خاندانی نامت دخی
ختامی بوتاریخ اولوب اندن صکره اورلیان عنوانی
حکومت سور مشدره .

﴿ فصل ثانی ﴾

اورلیان خاندانک حکومتی

عن ۱۴۹۸ الی ۱۵۸۹

تفصیل - بوقاروده ایکنجی فصلاک اولاند، دنیش
اولدیغی کی بوراده دخی تکرار ایدلم که قاپه سیهن
خاندانک والوا خاندانه انقلابی قاپه سیهن سلاله سی
انقطاعی دیمک اولدیغی کی بوکرده دخی والوا خاندانک

اورلیان خاندانه انقلابی به قاپه سبه نلرک انقطاعی
 دیمک اولمیبوب یالکز زمام حکومت قاپه سبه ن سلاله سنک
 بر شعبه سی لندن دیگرینه انتقال ایش دیمکدر .
 زیرا کرک ولوا و کرک اشبو اورلیان و کرک سه بوندن
 صکره ذکر اولنه حق بوربون شعبه لری هب قاپه سبه ن
 اولادندزلر .

والوا خاندانک صوک حکمداری اولوب بلاولد
 ذکور وفات ایدن سکرنجی شارلک برینه دعوت
 اولنان ایکنجی لوئی دها شارلک حیاتند، ایکن قرالغه
 یلتمش برهوسکار اولدیغندن و حالبوکه فرانسه نلک
 اوزمانکی حالی کبی بر حال ضعف ایچنده اولان
 مملکتک برهوسکار حکمداردن انتظاری بیوک اوله جنی
 درکار بولندیغندن هر کس بوتبدل خاندان کیفیت
 بر نظر اهمیت برانتظار مخصوص ایله تلقی ایش
 ایدی .

واقعاً لوئی جلوس ایدر اینز کافه تکالیف
 میریهی بر ثلث نسبتده تنزیل و محکمه لری اصلاح
 وعسکری تنظیم اینک ضرورتله اها اینک امیدینه موافق

بر حکمدار چقمشیدی . يك آز بر زمان ايجنده بايق
 فرانسه نك طمارلر ينه برازقان وسيرلر ينه برازقوت
 كلديكني كورنجه اودخى سلفى شارل كى ايتالياده
 كان نابولى اوليكاسنك ضبطى قيدينه دوشوب بوايشده
 اسپانيالى ايله اتفاق ايلديسه ده ۱۵۰۱ تار يخنده
 نابولى بى فتح ايلد كدن صكره يكي مملكتك تقسيمى
 امرنده اسپانيا ايله معارضه چيقارمش اولديغندن
 اسپانيوللر بوكره سلاح مقاومتي متفعلرى اوزر ينه
 يالتحويل ۱۵۰۳ تار يخنده اون ايكنجى لوتى بى نابوليدن
 رجعتة مجبور ايلشردر .

۱۵۰۹ تار يخنده دخى لوتى ونديكولر عليهنه
 تشكلى اتمش اولان براتفاقه داخل اولش ايسه ده
 بوراده طالعى بنه نابولى فتحنده كوسترديكى جلوه بى
 كوستر مشدر . ليكن عاقلانه محاكمه ايديله جك اولور
 ايسه شو حال لوتينك براز حتمه دلالت ايدر . زيرا
 عاقل اولان بر كره الدانديغى ايشه برده مال اورمز .
 واقعا لوتينك محارب به طالعى ياورد كل ايديسه ده
 ملكيه جده ياورى طالعنه سوز بوقدر . زيرا اوزمانلر

۱۹۴. فرانسو ۱۸۰۴ء ۱۸۱۴ء تک کا زمانہ

فرانسسز ایچون برقرالی بکنوب سوہ بٹک برازدشوار
ایکن لوئینک ہر اجرا آتی خلقک مظہر حسن قبولی
اولور ایدی . حتی کندیسنه « ملت باباسی » نامی
دخی مجرد بر علامت توجہ اولق اوزرہ ویرلشدور .
مدت عمرندہ برینی اطلاق ایدرک دیکر بینی المق اوزرہ
اویچ دفعہ نأهل التمش ایدیسده اوچندہ دخی برولد
ذکورہ نائل اولہ مدیغندن ۱۵۱۳ تاریخندہ خلق
ایچون بر بیوک مانمی موجب اولان وفاتک وقوعندہ
ری دیکر برادری برنجی فرانسوایہ قالشدر .

اشبو فرانسو غایت جنسکاور بر حکمدار اولوب
ہمان صندالیء حکومتہ جلوسیلہ برابر سلفلرینک ایتالیا
اوززندہ کی حقوقک دعواسنی تجدید ایدرک ترتیب
ایلدینکی اردوایلہ ایتالیا طرفلرینہ مرور ایدر ایکن
اسویچرہ لولر مرورینہ ممانعت کوسترمک ایستدملریلہ
مارینیان نام محلہدہ بیلرہ غلبہ ایدرک بچارہ لک عمومنی
قابچیدن کچورمشدر . بعدہ بنہ سانبہ مذکورہدہ
میلانز دوقہ لغی فتح اولندی . انجق ۱۵۲۰ تاریخندہ
اوستریا و المانیا و اسپانیا حکمدار لقلرینی کندیسندہ

جمع ایتمش اولان مشهور شارل کن دخی المانیا
 امپراطور انک ابتالیا اوزرنده کی حقوقدن طولانی
 ایشه وضع یدایتمکله برنجی فرانسوا اکادخی علان
 حرب ایتمش ایسده ده بود فعه طالع اوته کی طرفه باورلک
 ایدرک ۱۵۲۲ تار یخنده بیقوق نام محمده فرانسوا
 فتاحانده بوزلمش وین رجعتده بر بوزغونلغده ده
 اوغرابوب هله ۱۵۲۴ تار یخنده بالذات یقایی اله
 ویرمشدر .

بو محاربده فرانسوزلرک کوستر دکلی یارارلق پک
 فوق العاده ایتمش . حتی فرانسوا بوزغونلغی والده سنه
 یازدیغی زمان « هرشیئی غیب ایلدک یالکر ناموسمزی
 غیب ایتمدک » دیه یازمسی تاریخ نظرند براهیت
 مخصوصه المشر . انجق ظن اوانور که بو قدر بوز
 غونلغک سبب معنویسی چند سنه مقدم اسو یجره
 اردوسنک ظالماته و غدارانه قتل عام ایدلمسیدر . زیرا
 بر عسکر مغلوب اولدقدن صکره تکرار انک جائنه قیمی
 قوانین حربیه ده دخی بولمادیغی حالده بویله هم اصول
 حربک هم انسانیت و مدنیتک خارجنه چیتمق البتة

بوقبیل بر پریشانلغی استلزام ایدہ جکنہ شہہ
ایدلاملیدر .

بومغلویت عظیمہ اوزرینہ فرانسوانک والده سنک
در سعادتہ در سعادت عثمانیانه وقوع من اجعتی کیفیت
عثمانلی تاریخندہ صحیفہ زیب نحر بر اولہ جق بروقعہ
اولوب اوتہ طرفدہ برنجی فرانسواہ عطف نظر ایدیلنجہ
کوریلور کہ :

برنجی فرانسوا اسیراً اسپانیایہ کوتوریلوب
در زندان ایدملکہ برسنہ قدر حبسہ قالدقن صکرہ
شارل کن طرفدن تنظیم اولنان و ہرقہرہ سی فرانسه
ایچون بر عیبی متضمن اولان معاہدہ صلیحہ بی امضا
ایدوب ۱۵۲۶ سنہ سندنہ ایدی کہ یقاسنی قورتارہ
بیلدی . انجق قورتیلور قورتلزامضاسنک حکمتی
انکار وابتدیکی یمینی فراموش ایدرک ایتالیادہ تکرار
محاربہ بہ مباشرت و تکرار مغلویت عظیمہ بہ دوچار
اولمغلہ ۱۵۲۹ تاریخندہ قامبرہ نام محلدہ ینہ اولکی
کی بر معاہدہ صلیحہ امضاسنہ دہا مجبور ایدلدی .
بومعاہدہ نک حکمتی دخی ۱۵۳۶ تاریخندہ لغوا ایدرک

اوزمانه قدر تدارك يلمش اولديغى بر قوه كافيه ايله
 قورا ايتاليابه هجوم وضبط ايلدى . شارل كن طرفندن
 دخی دوام ايدیلان مقابله اوزرینه طرفینجه محاربه
 برخیلی امتداد ایدرك نهایت هر ایکی طرفه یورغونلق
 کلکله ۱۵۴۴ تاریخنده بر قطعی معاهده تنظیم
 اولته رق بومعهده موجبجه ایتالیان سالف الذکر
 میلانز دوقه لخی فرانسوانك ایکنجی اوغلی بولسان
 اورلیان دوقه سنه مالکانه اوله رق ویرلدى .

بو معاهده دن اوچ سنه صکره برنجی فرانسوا
 وقات ایلشدر . بو ذات اگر زماننی محارباتله اسراف
 ایتیموب ده بالکز وطنك اصلاحنه صرف ایتمش
 اولسه ایدی فرانسه ایچون دهابیوک برایش کورمش
 اوله جخی درکار ایدی . زیرا بونجه مشاغل حربیه
 اراسنده اصلاحاته دائر یامش اولدیغی شـیلر دخی
 آزدکلدر . فرانسه ده شعر وانشانك وصنایع
 نفیسه نك ایلک حامیسی کندیسى اولوب بالذات
 دخی شاعر بر حکمدار اولدیغندن بویوزدن فرانسه بی
 احیا ایدن کندیسـیدر هر شاعرك هر صاحب قلم

حامیسی اولوب هله ترقیات فئیده پک زیاده هوسی
وارایدی . یالکز اوزمانلر هنوز یکی انتشارده بولنان
پروتستانلق مذهبنه سوء نظره باقوب پروتستانلری
تخفیرایدی .

فرانس-وانک وفاتندن صکره اوغلی ایکنجی
هانری ۱۵۴۷ تاریخنده فرانسهیه قرال اولدی .
یو پاپس ضرررسز حکمدارلردن اولوب کندیسنه
باشلوجه پواتیقه اتخذا ایلش اولدیغی قضیه
اسپانیا دولتت شوکتی قهرمقدن عسارت ایدی که
اوزمان اسپانیا خاندانیه اوستریا خاندانی اراستنه
بر رابطه صهریت اولق و حالبوکه اوستریا خاندانی
عموم المانیانک دخی خاندان ایمپراطورسی بولمق
حسبيله عموم اوروپا دیمک اوستریا واسپانیا خاندانی
دیمک ایدی . لیکن بوندن بشقه هنوز فرانسه نک شمال
و غرب طرفلرنده برچوق برل دخی انکلیزلر اننده
بولنورایدی . بناء علی ذلک هانری ثانی الک اول
انکلیزلر اوزرینه چوللانوب ۱۵۵۰ تاریخنده بورغ
ایالتی انکلیزدن استرداد ایلد کدن صکره المانیا طرفته

بولنوب اوستريا والمانيا واسپانيا وایتاليا حکمدار لغنی
کنند بسندہ جمع ایتش بولنن معهود شارل کنه
معارض اولان پروتستانلر ایلہ بالاتفاق ۱۵۵۲ تاریخندہ
میچ وتول ووردون شهر لرینی ضبط ایلدی .

بو حال اوزرینہ شارل کن دخی برجسیم اردوینی
مستحقبا کلوب میچی محاصره التہ المشیدی . انجق
محاصره دن برفأده کوره مدیکی کبی رانتی طرفندہ
اردوسنک بر قسمی مغلوب دخی اولدیغندن فرانسه
ایلہ بش سنہ ایچون برمتار که عقد ایلکه مجبور
اولدی .

شارل کنک حکومتدن استعفا ایتسی بوبش سنہ
مدت متار که ایچنده ایدی . بناء علیه هتاری ثانی
ینہ مخصوصی تجدد ایدرک بو محاربہ ده فرانسه دنک
بر قول اردوسی مغلوب اولدیسه ده ایتالیا طرفلرنده
غلبات کثیره ایلہ شهرت شعار اولان دوق ده کیزدر حال
شمال طرفلرنہ سوق ایدیلہ رک ینہ غلبه به مظهریت
کورلیدی . حتی ایکی عصر دنہی انکلیزر النسمہ
قالش اولان قالہ شهری دخی اشبو دوق ده کیزک

همتیله بو کره (۱۵۵۸) استرداد ایلدی . شو قدر وار که بو قدر محاربات و غلباتله برابر هازی ۱۵۵۹ سنه سنه قاپره زی سراینده عقد اولنان معاهده صلحیه قیچ ایداش اولان برلردن برچو غنک ینه دوشمننه اعاده سنی حکم ایلدیکندن فرانسه ایچون او قدر شانلی دکل ایدی .

هازری ثانینک قضاء وفاتی ینه بوسنه و قوعبولشد . شویله که :

احباسه نندن مونغو مری قونتی ایله بر محله ده الارنده مزراق اوله رق شقالسور ایکن قونت مومی الیه قضاء قرالک باشنه اوروب مزراغک اوچی قفاسنی بر یاندن بر یانه دلمکله اوآنده هازی یره دوشوب وفات ایلشد . مشهور فرانسه قرالچده سی قازین ده مدیسی اشبو هازی ثانینک زوجه سی اولوب مومی البهانک طوغوزمش اولدیغی اون نفر اولادند بالکر اوچی معمر اوله رق فقط بونلرک اوچی دخی مقام حکومته یول بولمغله قازین ده مدیسینک والده لک صفتیله فرانسه ده سوردیکی حکومت قاری نوعدن همان هیچ بر فرده میسر اولما مشدر .

هائزینک وفاتيله بری اوغلی ایکنجی فرانسوایه
 قاله رق سالف الذکر قاترین ده مدیسی قرالچیه والده
 اولدیغی زمان ارتق المانیا و فرانسه ایچنده پروتستانلیق
 مذهبی دخی کرکی کبی بالانتشار بهض مسائل مهمه سی
 دخی افکار ناسی قارشیدیرمغه باشلامش اولدیغندن
 کیز دو قه سی فرانسوا ایله انک قزنداشی او اوب اورن
 باش باپاسی بولنان شارل قاترین ده مدیسی به چائشله
 ومومی ایله واسطه سیله قرالی دخی اله و بلکه حکیم
 الته اوب پروتستانلر علیه نه بیلد کیری کبی او ینامغه
 یا شلامشله ایدی . خاندان قرالی اعضا سندن وحی
 قرالک برادرلرندن دخی آدم داخل اولدیغی حالده
 بین الرؤسا بوا یکی مغلب علیه نه بر بیوک عصیان تدارک
 اولغیش ایدیه ده قرال بونلره غلبه ایدرک یه دوق ده
 کیز ایله قزنداشی میدانده بالکز قالمشله در .

بیچاره ایکنجی فرانسوا والده سیله والده سنک
 کزیده لری انده او قدر اسیر قالمشله در که اگر عمری وفا
 ایش اولسه ایدی بونلرک دها پک چوق سیئه سنه
 اوغرایه حق ایدی . برکت و یرسون که کنج یاشنده

اجلیله وفات ایتدی ده قورتلدی .

فرانسوا بلاولدوفات ایش اولدیغندن کندیسندن
 صکره برادری شارل طفوزنجلیق عنوانیه مقام حکومته
 یکم شیدی . بوقرال هنوز برصبی چوجق اولوب
 وصیلاک مأموریتی دخی طرفکیرلرینک وساطتیه
 والدهسی قاترین ده مدیسییه ویرلمش اولدیغندن
 مومی الیهانک الک بیوک نفوذی ایشته یوزمان حاصل
 اولمش وقتولیک پاپاسلری هر طرفدن اطرافنی لدقلری
 جهتنه یچاره پروتستانلر بتون بتون ازیلمکده باشلامشدر .
 هله قاترین ده مدیسیینک تربیی اوزرینه ال التندن
 بعض پروتستان پاپاسلری ورؤساسی اعدام ایدلمکده
 باشلاندقدن صکره پروتستانلر دخی بالضروره سلاحه
 صارلمش اولدقلرندن نتیجه امرده ایش محاربه
 داخلیهیه دخی منجر اولدی . بوصورتله باش
 کوستروب فرانسه بی بریا ایدن محاریاتک اوائلنده
 پروتستانلر غلبه ایتمکده ایدیلر . صکره لری دوق ده کیر
 ودوق دائروکی مشاهیرک قومانداسیله پروتستانلر
 مواقع متعدده مغلوب اولملریله ارتق آقان قانلر

حد و نہایت اولمدی . حکایہ ایدرلر کہ قاترین ده
مدیسی اوغلیله برابر اوور سرایتک پنجره سی اوکنده
اوتوررلر ایکن اشاغیدن کچن بعض پروتستانلر اوزرینه
- والدہ سنک اجباریله - قرال جنابلری باندات
سلاح آتارامش . هر نه ایسه ۱۵۷۰ سنه سنده
جرمنده عقد اولنان بر معاهده کوبا بومحاربه داخلیه
ختم و یرمش و قرالک همشیره سنک ناور قرالی اولوب
پروتستانلرک رؤساسندن بولنان هاری ایله عقد ازدواجی
دخی کوبا معاهده صلحیه بی رقائدها تقویه یلش
ایسده ماری ده مدیسی بی احاطه یتمش ولان قوتونک
پاپاسلرینک اناسیله قاری مطلقا فرانسہ یچنده قدر
پروتستان واریسه جله سنک بر کجده برآنده قتل عام
ایلمسنی اوغلونه تکلیف و تکلیفنده اصرار ایلدیکندن
و قرال ایسه ذاتاً بوفیل مظالمین ذوق آنور طاقدن
بولندیغندن ۱۵۷۲ سنه میلادیه سی اغستوسنک یکر می
در دنجی کجده سی ایچون فرانسه نك هر طرفنده نه
قدر پروتستان واریسه جله سنک بغه اعدامه دتر
طرف قرالیدن هر طرفه اوامر مخصوصه ارسال
قلمتدر .

اکلامی ظلمت در جہ سنی کہ قرال و قرالچہ والدہ
جنابلرینک بوامری بالکز برقاج ایالتدن بشقہ ہر پردہ
اجرا اولندی روایتہ کورہ التمش بیک قدر پروتستان
برکچہ دہ قتل ابدادی کہ بولکہ فرانسه تاربخندن
الی یوم القیام حقیقہ کر کدر . بلکہ یوم قیامدہ
بولکہ ہم دہ زیادہ سیلہ قزارارق قازرین دہ مدیسینک
یوزینہ اورہ جقدر .

بوامر غدار نہنک اجر اسند مخالفت ایدن ذواتدن
برسی باپون والیسی قونت دورت اولوب پارسدہ
حضور قرالیدہ موقع محاکمہ بہ چکیلوب دہ امر قرالی بی
نیچون ایفا ایتماش اولدیغی صوراندقدہ « افندم
معتمدہ بولنان عسکری تبعہ صادقہ کز وعسا کر
عطیہ کز طانور ایدم اما بغیر حق قفا کسہ جک جلاد
طائیز ایدم » دیمش اولدیغی مشہور واقووجہ والی
یوسوزیلہ عالم انسانیتدہ معروفدر .

بوجلادلغک جزاسنی قرال جنابلری ۱۵۷۴
سند سندہ جکرلرینی قوصہ قوصہ جان و برہرک چکمش
ایسدہ بعدہ وفاتہ یرینہ قرنداشی اوچینی ہازی

کچدیکی جهته والدهسی قاترین بنه قرالجه والدهک
رتیه سنده قالمشدر .

بو اوچنجی هازی اولجه لهستان قرالی انتخاب
ونصب اولمش بولمق جهته فرانسه صندالی
حکومتده اونورمق ایچون لهستان صندالی سندن
اینبوده کلمشدر . بونک ابتدای حکومتده فرانسه
اوج بیوک فرقه یه منقسم ایدی . برنجیسی پروتستانلر
ایدی که ناوار قرالی هازی ایله پرنس ده قونده نام
خالک ریاستی التده بوانورلر ایدی . ایکنجیسی معتدل
قاتولیکر اولوب بونلر پروتستانلر ایله متفق اوله رق
قرالک قونداشی دوق دالانسونک ریاستی التده
ایدیلر . اوچنجیسی ایسه چیلدیر مشجه سنده خروج
ایدن قاتولیکر ایدی که دوق ده کیز بونلر قوماند
ایدر ایدی . هازی ثالث مملکتی بومحاربه داخلیه
یلا سندن قورتارمق ایچون پروتستانلره عفو عمومی
ویر و معتدل قاتولیکر دخی النفات ایلدی .
لکن آزغن قاتولیکر قرالک بومعامله سندن فوق الحد
دلکیر اولوب والدهسی قاترین ده مدیسیدن آلده عموم

خاندان اعضا سنے وار بجه به قدر جملہ سی قرالک
 علیہنہ اتفاق ایڈرک اگر قرال پروتستانلری استیصال
 ایجنز ایسہ کنڈیسنی برمناسیترہ جس ایڈرک برینہ دوق
 دہ کبزی قرال نصب ایڈہ جکر بنی اعلان ایڈیلر .
 بچارہ ہازی بوخویفہ اہمیت ویرہرک پروتستانلر
 الہ برحار بہ دہا ایڈوب انجق محار بہ دہ بوزغونلق
 کوستر مکہ ۱۵۸۰ تاریخنہ نراقده عقد اولسان
 معاہدہ موجبنجہ پروتستانلرینہ سر بستک ویردی .
 چہ فائدہ کہ بومعاہدہ نک دخی حکمی پک آز اولدی .
 حتی ۱۵۸۴ تاریخنہ محار بہ برقاندہا شدت بولوب
 ہلہ دوق دالانسونک وقوع وفاتیلہ پروتستان رؤسائندن
 تاوار قرالی دخی ارثا ولی عہد اولنجہ قاتولیکلر
 خرصلرندن چیلدیرمق درجہ سنے کلدیلر . نہایت
 قاتولیکلر قرالی پارسدن قاچرمغہ قدر موفق اولدیلر .
 لکن ہازی فرار ایلدیکی بلوانام محلہ کویا بعض
 موادک مذاکرہ سی ایچ۔ون دوق دہ کبزی چاغراق
 اورادہ ققاسنی کسڈیر مکہ مر قومک جزای سزاسی
 ویرلش اولدی .

فرانسه ایله قاتولیکلر ۲۰۷

بووقعه اوژرینه بتون قاتولیکلر قرل علیهنه
قیام ایدرک قرالی پارسه قویماغه عزم ایلدیلر . قرال
دخی ناوار قرالیه برابر پارسی تخت محاصرهیه المشیدی .
تمام پای تختی قح ایده جکی ائساده یعنی ۱۵۸۹
اغستوسنک ایلک کونی قلمیان سمندره بر قاتولیکلر سوء
قصدی ایله وفات ایلدی .

ایشته اورلیان خاندانک صوک حکمداری دخی
بو صورتله ارادن چیقوب بوکره نوبت حکومت بور بون
خانداننه کلدی که حکایه احوال تاریخیسی ایچون
دخی بوجه آتی دردنجی فصلاک کشادی لازم
کلدی

﴿ دردنجی فصل ﴾

بور بون خاندانک مدت حکومتلری

عن ۱۵۸۹ الی ۱۷۹۳

تفصیل - اش-بو بور بون خاندانک دخی قاپه
سیهن سلاله سندن بر شعبه اولدیغی بوراده محتاج تطویل
دکلر .

اور لیان خاندانک ختامه وصولی فرانسہ نک
 پای تختی بولنان پاریسی بنہ کنڈی تبعہ سی انڈین
 قورتارمق ایچون محاصرہ ایلدیکی حالہ یعنی پارس
 قپوسی اوکنده بولندیغی ائنادہ واقع اولوب بور بونلرک
 ایلک حکمداری بولنان دردنجی هانربنک دخی بنہ
 اورادہ قرالغی اعلان ایدلمشیدی . بو هانری عن
 اصل پروتستان مذهبندہ طوغمش و پروتستانلق
 اوغورندہ همشهریلر یلہ جنک ایتمش برآدم اولوب
 حتی بروقت آزغن قاتولیکارہ مغلوب اولدیغی وسن
 یارتہ لیمی قتل عامندن دخی مجرد پروتستانلغی ترک
 وقاتوایکلیکی قبول ایتمک صورت مجبورہ سیلہ قورتلدیغی
 حالہ مؤخرأ بنہ فرار ایلہ پروتستانلرک مقام ریاستنہ
 یکمیش والک نہایت قرال مقتول ایلہ باریشہ رق برلکدہ
 پاریسی قورتارمغہ کلش برآدم اولدیغندن شو احوال
 مسرودہ اگرچہ پروتستانلر ایچون کاملاً مدد و حبتدن
 عد اولنہ رق کرک انلر و کرک معتدل قاتولیکار کنیدیستی
 مع المنونیه قرال اعلان ایتمش لرایدیسہ دہ آزغن قاتولیکار
 عندندہ احوال مسرودہ کاملاً سیئاتدن معدود اولدیغی

چهارم آنرا بوقرانی قبـول ایتمامش و حتی محصور
بولان پارسک قپوسنی دخی اچامش لر در .

حالبـو که هانری رابع حـد ذاتنده غایت جری
جسور عادل مشفق حق شناس عاقل بر آدم اولدیغندن
پارسک کندیسنی عدم قبولده کی اصرار یی کورنجه
اوجهندن تضییق گوشه توب سلاح مقابله بی آرق
واپوری نام محمله متحد اولان قاتولیکلر اوزرینه
چو یردی و بریسنی ۱۵۸۹ و دیگر یی ۹۰ سنه لرنده
پریشان ایدرک تکرار کلبـوب پارس محاصره سنی
یکـیلده دی . بو کره دخی قونت ده بارم نام ذاتک
پارس امدادینه کلمی هانری بی ایکنجی دفعه اوله رق
لغو محاصره یه مجبور ایلدیسده قاتولیکلر هانری کی
برقرالک ایلروده نه کی ایشـلر آچه بیله جکنی حساب
ایلدکلرندن « اگرینه قاتولیک مذهبنه کیرر ایسه
کندیسنی پارسه قبول ایدرز » دیه خبر کوندیره رک
بو تکلیفک قبولی ایسه هانری ایچـون کوچ برشی
اولدیغندن ۱۵۹۳ سنه سنده هانری بنه تبدیل
مذهب ایدرک پای تخته کیره بیلشدر .

هانری رابع پارسه کیروب ده عاصی اولان قاتوایک
 رؤسای حسوریته چیتدقلری زمان کویا هیچ برشی
 اولماش و صانکه او کون حکومت انتخاب و تعیین
 قلمش کی طور انمش . لکن ۱۵۹۸ تاریخنده
 (ادی ده نانت) سرلوحه لی بر بیاننامه ایله پروتستان
 آیینی رسماً طائیه رق و حتی پروتستانلره برچوق
 امتیازات دخی و برمی شدتلی قاتوایک لک جکرینی
 یاقشدر .

اسپانیا دولتیله ورون عهد نامه سنی تنظیم ایدرک
 فرانسه نیک هر طرفه صلح و آسایشی تأمین ایلدن صکره
 هانری رابع قلیجی مزراغی بر طرفه آتوب طول مدت
 محاربات و علی الخصوص داخلی اختلافات ایله صوک
 درجه ضعهفہ تدنی ایتمش اولان فرانسه بی تداوی به
 باشلادی . واقعا الحق موفق دخی اولدی . اول
 سوللی نام مشهور مالیه ناظری معرفتیله دولتجه اول
 قدر تصرف و اودرجه حسن اداره به موفق اولدی که
 تحصیلات ایچون اهلینک جکر لری سوکولمکده
 اولدیغی حالده اولکینک نصفندن آز بر ابراد ایله

مصارفات قباديله بيلكه باشلايدىغدن خلقك براز
 نفسى كنىشله دى . بوندن صكره صناعت
 وباخصوص زراعتى كندى حايه مخصوصه سى الله
 الوب بونلرك محصولنى خارجيه صاتمقدن عبارت
 يولسان تجارتك دخی تأمين وترويجى امرنده
 هر فداكارلغى كوزه الدير مغله اهلينك الى پاره كورمكه
 دكل جتبي پاره طولغه دخی باشلادى . اهلينك
 ثروتيله برابر متناسباً ارتان واردات دولتك فضله سى
 ايچون درحال بر مصرف قپوسى آچيه رفق فضله
 وارداتى دخی بريكديره بريكديره خزينه لرى دخی
 طولدير مشيدى . اكلكك بيوكى جبرك بيوكندن
 اولور . حكمنجه اوج بش سرمايه بي بر آرايه كتوروب
 شركت صورتيله ايشه باشلامق ايچون اصحاب
 سرمايه بي بالذات قانديرمغه همت ايدن حكمدار
 بواولدى .

الحاصل طقوزنجى لوييدن صكره كلان حكمدارلك
 الكاعلاسى هازرى اولوب انجىق آزغن قاتوليكاره
 يوقدر خدمتله يارانمغه موفق اوله ميه رفق بش التى

دفعه نفسه سوء قصد ایدلدیکی کبی نهایت ۱۶۱۰
 سنه سی مایسینک اون دردنجی کونی ردایلاق نامنده
 بر معصب قاتولیکک بجاغی التنده وفات ایلشدر .
 هانزی ایچون تارینک آرایوب آرایوبده بوله بیلدیکی
 قصور براز زیاده جه زندوست اولسندن عبارت
 اولوب متعدد کزیده ومعشوقه نزی میانده غایره یل
 دستره نام قارینک الک مقبول ومقرب اولدیغنی حکایه
 ایدر . لیکن بوعصرده یالکزهانزی دکل فرانسه
 کبارینک جله سی عندنده شهوت پرستلک رواج
 بولمشیدی که بودخی خلقه کلان وسع و ثروت
 سایه سینده حاصل اولمشیدی .

هانزینک وارثی اوله رق قلان اوغلی هنوز طقوز
 یاشنده بولنان اون اوچنجی لوئیدر که والدیه سی ماری ده
 مدیسینک وصایتی التنده اوله رق قرال نصب ایدلشدر .
 اشو ماری ده مدیسی دیدیکمن قرالیه سی سابق
 الذکر قاترین ده مدیسی کبی ایتالیا پرنسسلرندن اولوب
 ده فرانسه یه کلدیکی زمان ماینجیلاک خدمتیه برابر
 کتورمش اولدیغنی قونسینی نام ذاتی بیولته بیولته

فرانسه مارشالی رتبه سنه قدر وارد یرمش و باخصوص
قوجه سی وفات ایدرک صبی اوغلی قرال اولدیغی
زمان ارتق میدانی یالکزم قومه آچیق براقوب باش
وکالت منصبنه قدر وارد یرمشدر .

واقعاً برقرالچهنک بودرجه دأره محرمیتنه
صوقوله بیلک خلقک سوء ظنی ایچون کافی ایدبسه ده
کزیده نک طور متکبرانیه سی دخی هر کسی قیرمش وهله
سن بلوغه واران قرال جنابلری دخی مر قومک طورینی
چکه مامکه باشلامش اولدیغندن جله سنک اتفاق
رأیله ۱۶۱۷ تاریخنده مر قوم قونسینی لورسراینده
اعدام ایدلمش وقاریسی دخی سحر بازاق تهمتیه
جزای اعدامی کورمشدر .

بومسئل دن صکره کنج قرال دوق ده اوین نام
ذاتی کندیسنه باش وکیل و سرداش انتخاب
ایلشیدی . واقعاً سرآمدان بونی دخی چکه میهرک
قرالی بونی ده اعدامه مجبور ایتک ایچون سلاحه
صارلدیلر ايسه ده مغلوب اولدیلر . نهایت بو باش
وکیل دخی اجليله وفات ایلدکدن صکره باش وکالت

مشهور ریشلیویه توجیه اولندی . (۱۶۲۱)
 اشبور ریشلیو اول امر ده عسکرلک مسدکنه
 سلوک ایدوب بعده تبدیل طریقله پاپاسلغه باشلامش
 وقاردیناللق مسندینه قدر چیقمش فطین جسور
 درایتکار و بالکیز پراز دکل زیاده جه غدار بر آدم
 اولدیغندن اون اوچنجی لوئی بونک زمان اداره سنده
 هر جهنجه غالب اولدی . اول امر ده ریشلیونک
 خصوصت کوستردیکی طرف پروتستانلر اولوب انلر
 دخی سلاحه صارملغه ۱۶۲۸ تاریخنده روشل نام
 محله پروتستانلرک قوتی قیریلهرق محل مذکور
 فرانسه دن آپرلمش ایکن تکرار ضبط اولندی .
 صاوا دوقه سی اوزمان فرانسه نک ویا خصوص
 قاتولکلرک طرفداری اولان مونته دوقه سی اوزرینه
 هجوم ایلدیکنندن ریشلیو دوق مومی الیهک
 اوزرینه قرالی سوق ایدرک حقندن کلدردی .
 ۱۶۳۰ تاریخنده لوئی ایتالیا طرفلرنده اسپانیول
 والمان قوه بجمعه سی اوزرینه براردو سوق
 ایدرک غلبه یه دخی نائلیتله کراسق معاهده سی

موجبچه فرانسه نك غالبيت و حاكميتنى عالمه كوستردى
 بوندن صكره ۱۶۳۲ تاريخنده ريشليودن ناخوشنود
 بولسان و قرالك برادري اولان غاستونك ترتيبيله
 اسپانيا قرالى و المانيا امپراطورى دخی داخل اولديغی
 حالده كرك قرال و كرك ريشليو عليهنه بر عظیم
 عصیان ترتیب ایدلمش ایدیسسه ده وقت و زمانيله خبر
 انهرق بوايشده مدخلی بولسان مون مورانسی دوقه سنك
 باشی كسیلدى و قرالك قزنداشنك دخی حدی حدودی
 میلدرلدى .

اسوج قرالى اولوب پروتستانلرك حریتنی محافظه
 المانيا طرفلرنده غالبانه محاربهرله شهرتشه عار اولان
 كوستا و آدولفك وفاتندن صكره (اسوج عن صحیفه
 ۱۰۳ الى ۱۱۱ مراجعت اوانه) اون اوچنجی اوئی
 هر نه قدر قاتوليكلك فكرينه ذاهب بر آدم ایدیسسه ده
 كرك كوستاوك متفق اولدیغنه و كرك المانيا و اوستریا
 قوتنك قیرلمسی فرانسه قوتنك آرتسسه مدار اوله جنى
 حساب ایتدیرلديكنه مبنی در حال المانيا و اوستریا
 و اسپانيا عليهنه اعلان حرب ایلدى . بحاربهم

فرانسه المانیا وایتالیا و اسپانیا حدود دری اوزرنده
طرف طرف کاه غالب کاه مغلوب اولش ایسه ده نتیجه
محاربه ده فرانسه کارلی چیمقله ریشلیو ارتق ایستدیکی
کبی بر معاهده صلحیه یاپیق ایچون ایتالیا یه کیتیکده
ایدی . انجق ۱۶۴۲ تاریخنده وقوع وفاتیه بوایشی
بحره مدی .

اون اوچنجی لوئی حد ذاتنده ضعیف القلب غایت
شهوت پرست غیر مقتدر بر پرنس اولوب زمانک ونجه
غالبیتی ریشلیونک کفایت وجسارتی سایه سنده وقوعه
کلورایدی . کندیس ذوق وصفادن بشقه برشیله
مشغول اولیوب هانری رابع زماننده باشلایان شهوت
پرستلک بهنک زماننده بر قاده ها قوت بولدی . هله
برایسی که قرال دخی بر سنه صکره ریشلیونک آرقه سندن
خرنه کیتیکله کندی ضعفنک وسوء اداره سنک سیئاتنی
کورمه دن اغز طادبله ملک دنیادن یقایی قورتارمش
اولدی .

مومی الیهک برینه کچن ذات بش یاشنده بولنان
اون دردنجی اوئیدر . لوئی رابع عشر فرانسه نک

طول مدت حکومتیله برابر کمال شان و شرفله مشهور
اولان حکمداریدر . مدت صباوتنده والده سی آن
دو تریش وصی نصب اولنوب اودخی پایاسلقدن کله
و فقط ریشلیویه ثانی اوله جق قدر فطین و غدار
اولان مازارن نام ذاتی کندیسنه باش وکیل انتخاب
ایلدی .

بویله درت بش یاشنده کی چوجقلری تختنه
حقیقار مقده اولان فنالقار هر برده هر وقت کور یله
کلدیکی کی اوئی رابع عشرک مدت صباوتنده دخی
مازاره نك خصمسی بولنان بعض کبار مر قومی اوج
اعلاى اقبالدن دوشورمک ایچون (فروندوز)
نامیله عظیم برفساد جمعیتی تشکیل ایلدیلر . بوجعیتک
اساسی قرا لجه والده جنابلرینک مازارنه کوستردیکی
شدت توجهدن ! عبارت اولوب خلق میاننده
قوتی ایسه ویرکولرک آرتسمسندن وموازنه مالیه نك
بولنده کیتامکده بولنسمسندن نشأت ایتمکده ایدی .
فساد مذکورک موجب اولدیغی محاربه داخلیه ۱۶۴۸
دن ۱۶۵۳ سنه سنه قدر دوام ایلدی . غالبیت

ومغلویت بر قاج دفعه ایکی طرفه دخی تجلی ایدوب
حتی برارالق قراچیه والد، اوغلیله برابر سن جرمنه
قاچش و برارالق دخی مازارنی یانسدن دفع ایلمش
ایدی ایسه ده نهایت امر ده مازارن ووالده طرفی
غالب کلوب خصمان برقاچنک دخی باشی کسمشدر .

قرال صبی زماننک وقوعات یالکز بوندن ده عبارت
دکلدر . داخلده شو محاربه اورتلغی هرج و مرج
ایدر ایکن خارجده دخی اسپانیا و المانیا ایله محاربه لرده
دوام ایتمکده اولوب هله قرنلک واصل سن رشد و کمال
اولسی ۱۶۵۱ بو وقوعات حریبه نك جله سینه خاتمه
چکمش و عقد اولنان معاهده لر فرانسه ایچون صلح
واسایشی تأمین ایلمشدر . حتی عقد اولنان معاهدات
صلحیه اوزرینه لوئی رابع عشر اوستریا و اسپانیول
خاندانندن انقانت ماری تریزه عقد ازدواج ایتمشدر که
بواز دواجك صالح و صلاحی برقاچه ها تأیید و تأمین
ایدیجکی درکاردر .

اون دردنجی اوئیک مدت ضب اوتی حکومتی
محاربات داخلیه ایله اشغال ایدن مازارن ۱۶۶۱

تاریخنده وفات ایتمکه لوئی بتون بتون بالاسه تقلال
 قرال اولدی و دولجه امور دولتی دخی کندی کف
 کفایه سنه الدی و موجود اولان صلیح و اسایشدن حنیله
 استفاده ایچون در حال ویر کولی دخی آزالنوب خلقی
 زراعت و ضاعت و تجارتک ترقیسنه تشویق ایتمکه
 یاشلادی . لوئیک بویولده کوسه تریکی همت
 وفداکاری سابق الذکر هانری رابی دخی فرسخ فرسخ
 کچوب فرانسه نک شمعی به قدر آرنغده بولنان ترقیات
 صنایعه سنک اصل غلنی بو ذات آتمش اولدی .
 فرانسه ایچون بونک وضع ایلدیکی نقصانات الحق
 مدینتکارانه بر صورتده در . هله ترقیات معارف
 امرنده کی حسن همتی هیچ بروقتده کورلمش شی
 دکدر :

۱۶۶۵ تاریخنده زوجه سنک پدری اولوب المانیا
 امپراطوری بولنان فلیب رابع وفات ایتمکه قزینک
 جهازی اولدینی حالد هوز ویرلماش بولنان
 فلاندر و فرانش قونتمالیکانه لریک اعطاسی دعواسنه
 قیام ایادی و بودعواسی رد اولنور اولنر همان

فلاندر اوزرینه بور یوب دفعه کافه مملکتی بنی ضبط
ایلدی . ایتسی سنه فرانش قونته بی دخی بوصورت
سر یعه ایله ضبط ایلشدر . لکن بومسئله دن طولای
اسپانیا دخی ایشک ایچنه کیره رک آچیلان محاربه ممتد
اوله جغنی لوئی حساب ایلدی کندن بالکر فلاندر ایله
بالا کتفادیکر بنی اعاده ایدرک اعداسیله عقد مصالحه
ایلشدر . زیرا ایشک ایچنه هولاندا دخی قاریشه رق
یوکیدیشه فرانسه بی هر طرفدن صاره بیله جکری
جهتله اون دردنجی لوئی بومصالحه بی عقد ایتدی
کرچکدن واجب کورمشیدی .

مصالحه مذ کوره دن صکره لوئی غو بلنس نام
محلده برطاق مانیفاقنور افاریقه لری وصابونخانه
وصارّه بناسیله ینه اصلاحاته مباشرت ایلشیدی .

۱۶۷۲ سنه سنه قدر اوئیک دوام ایلدی بی اصلاحات
فرانسه بی بر بیوک محاربه یه سوق ایده جک قدر
قوتلندیر مکه مقدا اسپانیا وصارّه ایله بالاتفاق
فرانسه یه برون بیولتیش اولان هولاندانک حدی بی
ییلدیر مک دعواسیله اوئی هولاندایه اعلان حرب

ایلدی . لکن کندیزی دخی حساب ایلدیکی وجهله
 درحال قارشوسنده اسپانیا و المانیا و اوستریا
 اردولینی ده بولدی . بو محاربه فرانسه ایچون
 پک شانلی ایدی . زیرا فرانسه بو دول متفقہ نك
 طوپنه دکزدن قره دن غلبه اتمکله برابر یسه لطفاً
 صلح تکلیف ایلدیرک ۱۶۷۸ سنه سنده نیغ
 معاهده سی فرانسه نك شان غایتی تأمین ایلدی .

اصل تفصیل کیفیت المانیا تاریخنده

کوستربله چکی وجهله اوزمانلر جزایر داییلری عانده
 کندیلرندن قوی هیچ بر کیمسه بی کوره مدکاری
 جهتله بر فرانسه کیمسه نی بغیر حق طوپه طومش
 اولدولرندن اون دردنجی لوئی بر مکمل دونما
 ارسالیله جزایری طوپه طومشدر . (۱۶۸۲)
 الحاصل لوئی رابع عشر زماننده فرانسه نك عظمت
 و اقبالی کیتدیکجه آرنش اولدیغندن اوروپا دولتلیری
 فرانسه بی بو حال اقبالده کورمکه طیانته میسه رق ذاتاً
 دلگیر بولنان اسپانیا و المانیا و اوستریا به بو کره برده
 انکلتزه و هولاندا التحاق ایدرک جله جه فرانسه

اوزرینه هجوم ایلدیر . بو محاربه ۱۶۹۲ و ۹۳
و ۹۴ سنه لرده کمال شدتله دوام ایلدی . کاه
فرانسه و کاه اعدا غالب و مغلوب اولوب انجیق
هر غالبیت و هر مغلوبیت بحق حکمنی اجرا ایدز
ایلدی . نهایت ۱۶۹۷ سنه سنده عقد اولنان
ریزویق معاهده سی فرانسه بی نه اسکی حدودی
داخننده براقه رق کار و ضررک تساویسی بو صورتله
یرمصالحه تأسیس ایلدی .

اسپانیا قرالی ایکنجی شارل ۱۷۰۰ تاریخنده
وفات ایلدی کی زمان تاج و تختنی آنزو دوقه سی
قلیب ده فرانسه ترک ایتش اولدیغندن لوئی رابع
عشر بو حق استیفا ایچون بریکی محاربه ده آچش
واسپانیا و المانیا و اوستریا عسکر یله فرانسه
عسکرینک غایانه و مغلوبانه محاربه لری بش الی
سنه دوام ایلش ایسه ده انجام کار فرانسه فنا
حالده مغلوب اوله رق هله ۱۷۰۴ سنه سنده هاشت
مغلوبیتی فرانسه بی عادتاً برانقراضه یاقلاشدیرمشدر .
حالبوکه فرانسه لر ۱۷۰۶ سنه سنده رامیلی نام

محلہ دخی شدیداً مغلوب اولدقلرندن ارتق اون
 دردنجی اوئی حیرتندن چیلدیرمق درجه سنه کلدیکی
 حالده نصلسه ۱۷۰۷ اسپانیا ایچنده فرانسز
 عسکری المانزا غالبیت عظیمه سنی قازانغله و بحرأ
 دخی فرانسز دونماسی اسپانیول دونماسی بر قاج
 برده پریشان ایتمکله ایرتسی سنه اوئی همان عقد
 مصالحه به راغب اولدی .

بردوات متعدد مغلوبیتلردن صکره نائل اولدیغی
 برغلبه اوزرینه صلحه طالب اولورایسه چونکه اوزمانه
 قدر دوام ایدن طالع سزلك ایلک غلبه دن صکره ارتق
 یاورى طالعہ متحول اولمش دیمک اوله جغندن
 احتمال که غلبات اخیرسی اولکی مغلوبیتک آجیسنی
 دخی چیقاره بیلور . بوصورت تاریخیجه تکررایتمش
 مجربا تندر .

بناء علیه اوئی رابع عشرک تکلیف ایلدیکی
 معااهده صلحیه بی قبول ایتک اعداسی ایچون لازم
 ایکن انلر کبرایدرک قبول ایتدیلر . واقعا تجدید ایدن
 محاربه لده براراق فرانسه نه مغلوب اولدی .

انجمن ویللا و پچیزاده جنرال و اندوم ۱۷۱۰
 سنه سنده او یله برغلبه یه نائل اولدی که عسکر اعدا چیل
 یاورسی کی طاعنقله دخی قالمیه رق همان قویون
 سوروسی کی عادتاقورت مثال فرانسه عسکرینک
 النده محو اوله یازدی . بو کره خصما مصالحه یه
 راغب اولدیلر . حتی اسپانیا تاجنی بر موجب دعوا
 قلیبده فرانسه ویردیله ایسه ده لوئی جنکدن ینه
 یوز چویر محبوب جنرال ویلار دخی ذن نام محله
 اعدابی ده ا زیاده ردیلانه مغلوب ایتمکله ۱۷۱۳
 تاریخنده عقد اولنان اوتره سن معاهده سی فرانسه نك
 اسکی عظمتنه عظمت قاتمش اولدی .

لوئی دخی بومعهاده دن ایکی سنه صکره وفات
 ایلدی . فرانسه ده لوئی رابع عشر قدر اوزون
 مدت حکومت ایتمش هیچ بر حکمدار اولیوب اولاد
 ذکوری کندی حیاتنده ایکن وفات ایتمش اولد قلرندن
 بعده وفاته طورنی اون بشنجی لوئی یرینه قرال
 اولشدر . لوئی نك زمان حکومتی فرانسه نك
 هر جهتجه و علی الخصوص ادبیانجه الکیوک زمانی

ایدی . برچوق شعرا واز جمله قورنهیل وراسین
ومولیه رولافونتن و بوالو بوسوئه و فنلون کی
اثرلی یالکز فرانسه بی دکل عالمی طولدیرمش اولان
اریاب شعر وانشا هب اوزماتک فریدلندن اولوب
فرانسه بی عالمه صاحب ثروت صاحب مدینت برملت
اولق اوزره طانتش لردر .

حکمت تاریخیه نظرنده اون دردنجی لوئینک
بولنه بیلان برقصوری پک زیاده زن دوست اولسندن
و بوسفاهت اوغورنده پک بیوک اسراف کوزه
الدرمسندن عبارت اولوب پارس جوارنده کائن
ورسایل نام موقعده الیوم برباغ ارم آساحیربخش
عقول اولان باغچه لر و بونلرک دروننده هربری برقصر
یابل اطلاقنه سزا سرایلرهب اون دردنجی لوئینک
سفاهتی آثاری اولهرق اتک طولولری التون صرفیله
انشا و خزینهلر صرفیله تزیین ایدلشلردر . بوقرالک
استغراش ایتمش اولدیغی قاری قدر عالمده همتان
هیج بر حکمدارک حرمنه قاری کیرما مشدر . هله
لاوالیه ر و مونتسپان و فونتار و باخصوص منتنون

نام معشوقه دلی میلیونلرجه فرانخی بر صفا او غورنده
 صرف ایتش و هر بری قرالی دامن عشق و اشتیاقلرینه
 صارمش قاریلدر . بر والی بی عزل بر باش و کیلی
 نصب کی ایشلر یو قاریلر ایچون مواد عادیه دن
 اولوب بر پر نسی قتل ایتدیرمک و قتله محکوم بر آدمی
 قورتارمق جنسک آچق صلح عقد ایتک کی امورده
 دخی نفوذلی وار ایدی .

الحاصل فرانسه نك بودور شهوانیسی بحق
 تصویر یوانده جلدلر طولادیرمق ممکن اولوب
 مع هذا بر محبـوبه نك نیم خنده تبسمی او غورنده
 جهانی آلت اوست ایتکی کوزه الدیران قرال
 حریت شعار بر ذات عالی قدر اولدیغندن بوبله
 بر حکمدار مروتشـعارك ایتدیکی صفالر خلقه آغر
 کک شـوبله طورسـون تاریخ دخی کندیسـنی
 یو بایده معذور کورهرك حکمدار مشار الاهی بیوکلک
 عنوانیه «بیوک لوئی» دیه یاد ایلشدر .

اون بشجی لوئی دخی بیـوک پدری کی هنوز
 یش یا شته بر صبی اولدیغی حالده مقام حکومتی کچوب

اورایان دوقه سی قلیب وصی تعیین اولمشیدی .
 لوئی سن رشده واردیغی زمان وصیسنی بنده باش
 وکالت صورتیله خدمتده ایضا ایلمدی که بو ذات
 نصایح عافلانہ سی سایه سنده لوئی برمدت حسن اداره
 اموره موفق اوله بیلدی .

۱۷۶۳ سنه سنده قلیب وفات اینمکله بنده خاندان
 قرالی اعضاسندن دوقده بور بون باش وکالت مقامنه
 کتورلدی ایسده بو ذات ذاتاً کار آشنا بر آدم
 اولدقدن بشقه غایت سفیه مشرب اولدیغنه
 وحالو که بوعصر فرانسه نك دور شهوانیدسنك
 مرتبه کالی بواندیغنه مبنی ایشلر کوچلر هپ قاریلرک
 الا کوزلری خاطری ایچون کورلکه باشلامش و بناء
 علیه خزینه دولت بوشاندقچه بوشالغنه یوزطومشدر .
 دولتک شو سوء اداره سی خلق بیننده بعض قیل
 وقاللری موجب اولدقچه خفیه مأمورلری واسطه سیله
 ارباب قیل وقال خبر انهرق در حال یا ازاله یانفی ایدیلور
 اولدی . هله فسادک باشی پروتستانلرده کورلدیکی
 جهتله بر وقتدنبری حریت دینیه لرینه ایلیشمامکده
 یولتان پروتستانلر تضییق آلتنه المنغه باشلادی .

بو کیدیشه فرانسه نك طاحی بك فنا دیگر کون
اوله جغنی بعض دور اندیشان عقلا قراله عرض
ایدرك قاردینال فلوری بی باش و کالت مسندینه
کتوردیلر . واقعاً بو ذات بحق پاپاس و غایت فطین
و کارشناس اولوب اصلاح احواله کفایتی بعض اجرا
آتیه کوستردیسه ده او عصر فرانسه نك درایت
و کفایت عصری اولوب هر ایش قیامه لک معشوقه لک
رأی و تنسیبیه کورلدیکندن بو غیر تلی باش و کیل
دخی اصلا حاتدن اظهار عجز ایلدی .

اورتلق بر درجه به کلمشیدی که کیرلی صفاخانه لر
نامیله بعض تنه ایلر لده و خارجاً مر دارخانه لک داخلاری
میایونلر صر فیله کی دوشه دیلوب ایچنده ذوق و صفا
ایدیلورایدی . امانه ذوق و صفا؟ او قبیل شیلر که بر مورخک
قلمی بونلری حکایه دن دکل حتی خانه لک دیورالزینه
آصیلان رسملرک تعریفندن بیله حیا ایدر . شو قدر دیلم که
کبار میاننده عار و ناموس دنیلان شی او یونجـاق
مر تبه سننده قالوب ناموس و وقار دعوا سننده بونلر
وهله قیود دیندیه رعایت ایدنلری عادت استهزا

ایدی و پرررل ایدی هر زوجك برعشوقه سی وهر
 زوجةك برعاشقی اولوب حتی بعض صفا خانه لرده
 زوج وزوجهك بریرینه تصادف ایلدکری دخی اولور
 ایدی . معاذالله !

ناموسکاران اهالی بو حائلره باقدفجه اوزوم اوزوم
 اوز یلور وهر کسک ایچندن قان کیدرو هله اون دردنجی
 لوقی زمانده ایدیلان محارباتدن طولایی خزینیه
 ضعف کلی کلش اولدیغی حالده شهوت پرستان
 عصرک سفاقت واسرافترینده قان اغلار ایدبسه ده
 کبار عنندنه به نلرک هیچ بریسنک ذره قدر تأثیری
 اولیوب انلر عنندنه فرانسه نک کمال شوکتی حالایرنده
 اولدیغی ادعا ایدیلور ایدی .

۱۷۴۰ تاریخنده المانیا ایمپراطوری التنجی شارل وفات
 ایلدکده حق ورثت باویرایله اوستریامیاننده منازع
 غیه اولوب بو منازعه یه المانیانک سائر بر طبق حکومتلری
 اشتراک ایلدکری زمان شراب تأثیراتیله اذعانلری
 اینجامش بولنان فرانسه و کلاسی برتبسم عشوه کارانه سنه
 جهانی فدا ایلدکری قاریلرک سوقیله قرالی باویرا

القتوراسی شارل البرت اهنه تشویق ایلد کلرندن
اوستریا و متفقلمی علیهنه اعلان حرب ایلدی و المانیا
ایمپراطورافنک حق و رثی التجبی شارلک قزی
مارى تره زک ایکن بو حقه رعایت ایلدیسه رک باویرا
القتوراسی مقام ایمپراطوری به افعاد ایلدی .

بومسئله ده فرانسه نك ذره قدر منفعتی بهق
ایکن بونجه مصارف اختیاری ذاتاً ~~کار~~ عاقل
اولدیغی حالده برده ۱۷۴۳ سنه سنده تترن نام
محمده فرانسرلر اوستریا و ایله متفقلمی بولنان
انکلتراه و سائر به اویله بر مغلوب اولدیله که تعرفه
صیغرن . لیکن بومسئله ده لویئیک معشوقه لرندن
شاتور و نام قاری مطلقاً باویرا القتوراسی الترام
ایلدیکندن قرال جنابلری بالذات موقع محاربه به
کیدرک واقعا المانیای شمالی و بلجیقا و هولاندا طرفلرنده
فداکارلقلر صرفیله فرانسه غالب اولمش و بالکرایتالیا
طرفلرنجه بعض مرتبه مغلوبیتلر بوز کوسترمشیدی .
لیکن ۱۷۴۸ سنه سنده عقد اولنان اقس لاشاپل
معاهده سی حکمنجه فرانسه نك شمالاً قازاندیغی

غلبانك دخی هیچ بر حکمی قائم دی .

و محاربه بی شوق در مجنونانه اختیار این فرانسه
دولتک احوال حاضره معلومه سیله مغلوب اوله جغنده
شبهه اولدیغی کبی (انگلتره ص ۲۱۹ الی ۲۲۳
مر) ذاتاً بالنسبه قوی بولنان المانیا اوستریا ایتالیا
وسائر کبی اوروپانک دول بریه سنه برده انگلتره نك
برچوق منافع مطالبه دعواسیله — اشتراك ایتش
اولسی دخی فرانسه نك پریشانلغنی مستوجب اولمشیدی .
حالبو که فرانسرل اوله سفاهت واسرافدن عبارت
بر اداره و اخلاق له محاربه ایدله میه جکئی اکلامیه رقی
مطلقاً حسمادن انتقام المی غیرتندن آیرلمدیله . ایشته
بو غیرت عامیانه نك سوقیله ۱۷۵۶ سنه سنده مشهور
محاربه هفت ساله آچلدی که بونده فرانسرلک فصل
برمزیت عسکریه ایله ایشه باشلادفلرینی اکلامق
ایچون اولجه المانیا ایمپراطورلغنی حقنک ماری تره زدن
الته رقی باویرا القوراسنه ویرلسی ایچون بونجه جانلر
بوخزینده لر فدا ایدلش اولدیغی حالده ماری تره نك
شارل خامس عشر معشوقه لردن بریسنه یازدیغی

براستر حاننامه اوزرینه معشوقه من بوره نك ابراميله
يوكره محارب به نك اوستريا لهنه و باويرا و پروسيا عليه نه
دوغمش اولديغنه دقت ايتلیدر .

لكن محارب به يالكن برجهته بر ماده به بر مسئله و مسئله
منحصراً قالمی . ايشك اچنه دول سائره دخي
كيره رك باشلوجه ايكي قوله منقسم اولدی . برنجیسی
پروسيا قرالی ايكنجی فره در بقت انكلتره ايله بالاتفاق
اوستريا و فرانسه و روسيه نك اوچنه بدن ميدان
اوقومه سی و ايكنجیسی دخي هند و آمريقا دكرلر نه
فرانسه ايله انكلتره نك دو كوشمیدر .

پروسيا قرالی فره در بق مهارت عسكریه سی مسلم
جهان بر حكمدار ایدیه ده قارشوسنده بولنان اعدای
متفقه بك قوتلی دوشمك جهتیله هر طرفجه مغلوبیتله
دوچار اولمشیدی . اگر اوزمان روسیه ایمپراطور بچه سی
بولنان البرزابت وفات ایدوب یرینه اوچخی پتروجلوس
ایتمامش اولسه ایدی پروسیای عادتاً بتون بتون مضمحل
اولمقدن منع ایده جك بر قوت قالماشیدی . هله
اوچخی پترو پروسیا و ايله اتفاق ایلدیکندن پروسیا

علیهننده بولنان دولترك عمومى مغلوب اولدى هله هند
وامر يقاصولرنده ايديلان محاربات بحريه جه فرانسه نك
زيانى حده حسابيه كلز . الحاصل بومحاربه هفت
ساله نك نتیجه سنده فرانسه دولتى قوه بحريه سنى عادتا
تماميله وكمايله غيب ايدوب هندده بولنان مستلكاتنى
وامر بقادن قاناده اياتنى انكلتره يه تركه مجبور اولدى .
قره جهتنه كلنجه فرانسه نك اوروپا يچنده ايلرطوتاريرى
قاليوب عادتا يك جزوى بر مقدار عسكرى بيله بسيله مكدن
عاجز قالدى .

واقعا اوز بشنجى لوتى زماننده محاربه ايدلمدى
ليكن بومحاربه ايتكه قدرت قالمديغى ايجون ايدلمدى .
البحق داخلى قارىسقلار ارتدقچه ارتدى . كوريلان
مغلوبيتلر اوزرينه خلقك ديلنى اوزاندقچه اوزاندى .
«عالمده قاريدن ذوقدن بشقه برشى دوشونغيان هيئت
پساجنى ايش بو قدر در » ديه هر كس بيك لقردى
سويلر وهر لقردى سويليانلر ازاله ايدملك درجه سنده
عقوبات كورور ايكنينه سويلر ايدى . بو قدر
سوزلر كويا جزو بتلر طرفندن نشر ايدادىكى روايت

اولنسیله برابر انلری دخی ازالیه باشلادیلر . پروتستانلر
 ذاتاً سیله التده بولنوب قاتولیکلر دخی شو جزویت
 مسئله سیندن دایکیر اولجده عموم ملت دولتک دشمنی
 اولوق حکمنه کیردی . اوتہ طرفدن ایسه کیرلی صفا
 ضانه لرایچون بر طبق ارباب ناموسک قزلی دخی بالاغفال
 قاچرلدیغندن بو حال خاقی صوک درجه یه قدر مأبوس
 ایدر ایدیسه ده عرضنه نصاحب ایدن بیچاره نک
 کیده جنکی بر باستیل زندانی اولدیغندن ارتق اورته لغت
 حالی اغلانه جق درجه نی بولدی .

اوزمانلر کویا فرانسه ده برده پارلامنتو وار ایدی که
 بر طبق مبعوثان ملت اورایه طویلانوب اقشامه قدر
 اسنه مکن بشته هیچ برایشه باقرلر ایدی . باقدیر منزل
 ایدی که باقسونلر ! اوزمان فرانسه ده بر آدم عرض
 اهللی اولور ایسه حق و بلاهتله محکوم اولدیغندن
 فاحشه لرایله بونلرک پرستشکارلری وارایکن پارلامنتویه
 هسانکی ایش حواله اوننه بیلور ایدی ؟ نهایت
 یو پارلامنتو کویا اصلاح احوالی عزم و جزم ایدرک
 قرله بعض شیلر عرضنه منجاسر اولجده اعضاسنک

هر بری حقارتله طرد و پارلامنتو دخی لغو ابدادی که
 سنه ۱۷۷۱ اولوب ایسته فرانسه بیوک اختلالنک نصل
 موجبی بومسئله اولمشدرد . زیرا پارلامنتودن طرد
 اولنان اعضائک هر بری فرانسه نک بر طرفنه کیدرک
 دولتک نه قدر سوء احوال ایچنده بولندیغنی نشر ایدرک
 افکاره غلیان و بر مکه باشلامسـلر و بونلرک هر بری
 ملت اراسنده سوزی دیکنور ذواتدن اولغله سوزلرنده
 تأثیر دخی کورمشلردرد .

اگر لوئی خامس عشر صاغ قالمش اولسه ابدی
 عصرینک بونجه سیئات احوالنک جزای سزاسنی
 هم ده بحق کندبسی جکه جکی درکار ایدی . نصل که
 بر کره یعنی ۱۷۵۷ تاریخنده حیثکاران اهـالیـدن
 یربسی قرننه بر بچاق صوقش ایدی ایسه ده یارده سی
 التیام پذیر اولمشیدی . هله برکت ویرسون که ۱۷۷۴
 تاریخده بر چچینک علمتندن تکرلندی کندی ده
 بوصورتله ینه فورتمش عد اولندی . لیکن چه فائده که
 انک سوء اداره نـک سیئه سنی بیچاره اون النجی لوئی
 بیخکدی .

بو اون بشنجی لوئی حقیقده تار بخت سویلیه جکی
 سوزلی وایده جکی محاکاتی بزبورایه قدر ایتدک
 یتوردک . باقی قلان شی ارباب مطالعه یه مارکیز
 یومپادور و مادام دوپاری ایله برده دوشسده شاتور
 نام اوچ معشوقه سنک هر ری فرانسه نک ناموسلی
 چهره سی ایچون برر بیوک عیب لیکه سی اولدیغنی
 اخطاردیر . یوقاریلرک و کرک یونلردن بشقه مارکیزلک
 قونتسلاک فلانلق رتبه سنه ایصال ایدلش یونلرلرک
 الک چوغی الک اردل کارخانه لردن کتورلش شیلر
 اولوب قرال جنابلرینک یونلرله اولان مصاحبه سی
 دخی عادتالک سر بست خواردلرک قبول ایده میه جکلی
 بریولده آیدی .

ایشته فرانسه بویله آجینه جق دکل حسب الانسانیة
 اغلانه جق برحال ایچنده ایکن ۱۷۷۴ تار یخنده بیچاره
 اون النجی لوئی مقام حکومته اجلاس ایدلدی .
 یو ذات غایت حلیم اولدقجه فظین مشفق برشی
 اولوب جلوسه یله برابر ذوق وسفاخته متعلق نه قدر
 مؤسسات واریسه جله سنی الغایلدی . طرد

ایدیلان پارلامنتوی بیته دعوت واعضاسنی التفاتلریله
 مطیب ایلدی . هر عیبی اختیار ایدرک وکلالتی
 مسندینه چیقیش نه قدر بد اصل وار ایسه جله سنی
 طرد ایله پرلرینه ملتک یعنی افکار عمومیه نك عاقل
 وحیتلی طائیش اولدیغی موره پاتورغو و ماشرب
 کبی ذوتی تعیین ایلدی . واوزمانلر آمریقا حکومات
 متحده سی انکلترة دولتی علیه نه عصیان ایدرک محاربه
 ایله مشغول اولدقلرندن فرانسه نك انکلترة اولان
 انتقامنی المی ایچون (انکلترة عن ۲۲۳ الی ۲۲۵
 مر) امریقا لوزره معاونتله انجام کار آمریقا
 حکوماتنك نائل استقلال اوله رق انکلترة دن آیرلسی کبی
 انکلترة ایچون بریوک ضرری قازانه بیلدی ایچق اک
 زیاده واک بیوک همه محتاج اولاشی امور مالیه نك
 اصلاحی اولوب قرال بونک برچاره سنه باقلمق اوزره
 ۱۷۷۷ سندسی شباطنك یکر می ایکنجی کونی سر
 آمدار کباردن مرکب بر مجلس عقد ایلدیسه ده
 مجلس ایشی تا اولندن اله رق ذخیره نك بومضایقه سی
 اسلافکرک سفاهت واسرافندن نشأت ایلشدر .

بزوگانه چاره بولد بورز هالینک ارتق جاننی له میریا؟
 دبه هیچ برشیئه قرار ویرمه دن طاغلدی کیندی .
 سنه مرقومه تشرین ثانیه سنک التجی کونی بومجلس
 بردها عقد ایلدش ایدی . ینه برشیئه قرار ویرلینجه
 قرال ۱۷۸۹ سنه سی مایسنک بشجی کونی ورسایلده
 یرعموی مجلس دها کشاد ایلدی .

حالبوکه ایش بورتبه بی بولنجده یعنی دولت عادت
 افلاس مرتبه سنه وارنجده قدر دیگر طرفلردن
 ولایتده ببله سوز آیاغه دوئمش وهر یرده « پارسک
 حد ونهایتی اولیان سفاهتی دولتی مفاس ایتش »
 سوزلردن ماعدا هیئت حاضره نک اصلاح احواله
 عدم اقتداری دخی بحث ایدلمکه وباخصوص قرال
 سابق زمانده نه قدر ظلم کورمش وارایسه جله سی
 تحریک اذهانه چالشمغه باشلامش اولدیغندن افکار
 عمومیه فقر فقر قاینامقده بولنمش ایدی .

بناء علیه ورسایل مجلس عمومیسنده دخی اعضانک
 غلیان افکاری قرالی اورکوده رک و بونجه نمایشلر
 تکر نام باش وکیلی اهالینک سومسندن ناشی کویا

مومی الہک القاتندن بیلہ رک نموزک اون برنجی کونی
مومی الہی عزل الہ پارس وورسایل جوارینہ دخی
بویاکی محلاک عسکرینی جمع ایلشدر .

حابو کہ سوء احوال اہالی بی جانلندن بقیق
درجہ سمنده بیزار ایلد کدن فضللہ وطن و ملتک
سلامتی بولانده ہر کیم حرف واحد سوبلہ مش ایسہ
پارسدہ کی باستیل نام حبس خانہ کبیرہ آتلمش اولدیغندن
بوکرہ نسکر دخی عزل ایدیلنجہ پارس خلقی سلاحدہ
صاریلہ رق باستیل حبس خانہ سنی باصمشنر ونہ قدر
محبوس وار ایسہ جملہ سنی صالیویر مشلردر .
خلاقک بوحرکتندہ حالا برسوء فکر اولیوب کویا
مرا دلری محبوس بولنان حیثکاران ملتہ برابر احوال
حاضر بہ بر صورت ویرلمسنی قرالہ تکلیف ایتمک ایستلر
ایدی . ینہ بوامل الہ وورسایلدہ بولنان قرالی دعوتہ
جمعیتلہ کیدنجہ بیچارہ قرال بتون بتون اورکہ رک
مقابلہ بہ حاضر لقمقلہ خلق دخی تشرین اولک بشنجی
والتنجی کونی قرالی جبراً الوب پارسدہ کتوردیلر .
ایشتہ بوتار یخندن صکرہ بیچارہ قرال حریت

یوزی کوره مامشدر .

اهالینک برمنوال محرر باستیلدن قورتارمش اولدقلری
ذواتدن برطاقیله سائر ارباب حیثدن مرکب برملت
مجلسی عقد اولنه رق بوملت مجلسی ایجاب احوالی
بالمذاکره قراله عرض ایدر و قرال دخی معروضات
واقعہ بی تصدیق ایلر ایدی . انجیق بیچاره قرال
بوصورتله اصلاح احوال ممکن اوله جغنی امید
ایده مدیکندن بشقه بویله برمجاس مخصوصک تحت
نظارت و مسؤلینده حکمدارلق ایتمکی دخی شان
حکومتہ موافق بوله میهرق ۱۷۹۱ سنه سی حزرانک
یکرمنجی کونی ایدی که فاملیاسی خلقنی دخی یاننه
الهرق پارسدن فرار ایلدی . قرالک بوفراردن نیتی
مؤغدی طرفنده کندیسنه الک صادق بولنان اردویہ
کندیسنی تسلیم ایتمک ایدیسنه ده دروئے نام موقعه
کلنجہ پوستہ مدیری طائیش اولدیغندن وارن
موقعنده بولنان عسکر طرفندن تحت توقیفه الہرق
پارسه اعانہ واعزام قلندی . ایشنه قرال بوساعتدن
صکرہ دائم کوز حبسندہ قالوب حکومتی دخی

ارتق بر لفظدن عبارت قالدی .

بزوقوعاتی مفرداتی وجهله یازمیوب یالکزانقلابک
نتایج عمومیه سی کوسه مترمکنه اولدیغمرذن احتمال که
قرال لوئی سادس عشرک کوسه تردیکی تلاش ضعفه
حل اولنور . اوت اوزمان فرانسه نک ایچی برحاله
کیرمشیدی کدلوئی بیچاره اک قوی القلب بر آدم اولسه
ینه بوتلاشه نی کوسه مترمکنه معذور کور یلور ایدی .
زیرا اورتده موسیو ومادام رولان وباخصوص
میرابوکی سوزلرینی کرک خلقه وکرک دولته طانتان
آدملر و بونلرک هم فیکری اولان غزته لر ذاتاً حسن
اداره سوء اداره نه دیمک اولدیغنی لایقوله اکلامش
بولنان خلقی بردن بره بوسبتون ایفاظ ایتمش اولغله
پارس وجوارنده دکل الویه وولایاته دخی طرف طرف
اختلال جمعیتلری تشکل ایدرک قوتلرینی بیوتدکجه
بیولتمکله باشلامشلر ایدی . هله پارس وورسایل
طرفلرندهم ملت عسکری مبعوثان ملتک قوماندسی
آلتنده بولندیغنی کبی اصل عساکر نظامیه ایچنده دخی
برقسم اعظمی حریت ملیه طرفنی التزام ایدرک شو حاله

کورد قرل بوانه جق بر ذات ایچون اک بیوک تلاشد
دوچار اولق دخی یجا ایدی .

مع هذا هیئت مخالفه نك حالا قرال خاندانی
علیمنده هیچ برسوء فکری یوق ایدی . انلر دولتك
اصلاح احوالنه كرك قرالك و كرك منسه بولك
اقتداری اولدیغندن بخئله اورته به بر حسن اداره
وتنظیمات قویه رق بهماز بن انك موجبجه حر كئله
نائل نعمت سعادت اولق غیرتنده ایدیلر . زیرا هیئت
مخالفه اربانك هر بری دولت و ملت و حكومت و سیاست
نه ديك اولدیغنی بحق بیلور آدملر اولدقلرینه
واو زمان فرانسه نك احوال داخلیه و خارجیه سنی
دخی لایقيله اولچوب بچمش بولندقلرینه مبنی داخلده
بوقار یشقلق براز دها دوام ایدر ایسه خارجدن
دول اجنبیه نك فرانسه به بر بیوك تعرض ایده جك لرینی
بعض علایمندن دخی فهم ایتمش لر ایدی .

ایشته كرك قرال و كرك طرفدارانی شو درجه
تلاش و حشیت و بونلرك خلا فکیرانی دخی شو یله بر عزم
ونیت ایچنده ایکن ینه بو ۱۷۹۱ سنه سی ایلوانك

اون دردنجی کونی مبعوثان ملت مجلسی اعضاسی
 یر بیوک شرطنامه تنظیم ایدرک امضالمنی ایچون
 قرال جنابلرینه تقدیم ایلدیلر . بو شرطنامه ده
 قرال جنابلری مهام دولتک هر بریسنی بر کره ملت
 مجلسه یله مجلس قوتینده حواله ایدرک اوراجده نه کونه
 هرر پذیر اونور ایسه انی تصدیق ایتسی مندرج
 ایدی که بو شرطی خلافکیران محضاً هر ایش اریاب
 و قوف میسانده مذاکره اولنق فیکریله قویمش
 اولدقلری حالدّه بیچاره قرال کویا کندی استقلالی
 تحقیر ایچون قونلمش ظن ایدرک قبولده مخالفت کوستردی .
 حالبو که او قبولده نه قدر مخالفت کوستردیسسه ملت
 مجلسی دخی تکلیفده او قدر اصرار ایدرک طشردده
 ایسه اهالی بردوزی به نمایش لر ایتکده بواند یغندن
 انجام کار بیچاره قرال شرطنامه بی قبول ایلدی که
 شو حال قرالک قوتنی بر قاتدها قبرمش و خلق نظرنده کی
 مزینتی دخی اکسیلتمش اولدی .

دیرکن ارادن چوق وقت کچمه دن فرانسه تک
 ممالک اجنبیه به فرار ایتمش اولان بعض پرنسلی طرفندن

ابدیلان تشویقات اوزرینه انکله المانیا کی دول
متجاوره دخی فرانسه یه اعلان حرب ایلدیلر حالوته
بویله بر تعرضی منع ایچون نه قرالک نه ده خلا فکیرانک
قوتی کافی اولدیغندن ایش بتون بتون بشقه بر حال
کسب ایلدی . اورتیه ده حبه واحده بولنیه رق خلقک
بیله فقر و ضرورتی بر درجه ده ایدی که چار شوده ات
اکک کی ارزاقی پشین پاره اله له جق آدم اولدیغندن
وو بره سی یه دخی کیمسه و برمدیکندن دکاتر یغما
اولور ایدی . ایشته شو حال ایچنده عسکر جمعیه
ودشمنه قارشو محاربه یه همان هیچ امکان یوق کی
برشی ایکن فرانسلر عموماً سلاحه صاریلوب مجرد
بر خدمت ملیه اولق اوزره حدود بویینه قوشدیلر .

کیم بیلور نصیب فرانسه ایچنده آقه جق اولان
قائلردن لندنی اله جق ایدی نه ایدی ؟ ایشله
شودرجه بی بولش اولدیغی حالده - بعض حقانک
دخی تحریکله - قرال حالا استقلالنی دعوا و کند یسنه
کوستریلان حسن توجه و محبتی تحقیر حل ایلدیکندن
اوسراینده نه قدر دعوا ی استقلال و عظمتده بولور

ایسه ارتق هر قیدی قیرمش وکی دخی آزویه المش
بولان خلق دخی سراینک قارشوسنده وحتی ایچنده
دخی قرله کرچکدن اوقدر حقارت کوسترلرایدی .
یعنی بونلرک ایتمدکلری ادبسنلک بر درجهیه واردی که
بر حکمدار ایچون اوکی حرکات هیچ بروقتنده نجویز
اولنه من . ملت عشقنه حریت عشقنه قراله ملا
ناسده شراب ایچرمک وباشنه آزعنلرک کیش
اولدقلری قیرمزی فسی کیدیرمک کی احوال
طوغریسی ادبسنلکدن بشقعه هیچ برشیئه حال
اولنه من . هله ۱۷۹۲ جزرائنک یکرمنجی کونی
ایله اغستوسنک اوننجی کونی زور یالتویلی
سراینی باصدقلری زمان ایتمدکلری رذات قالدی .
نهایت بیچاره لوئی مجلس قوانینه جان آتهرق حکمدار
صفتله بیخجه عصرلر دنبری فرانسهیه خدمت ایدن
یرخاندان حقنه، بوقدر حقارت لایق اولدیغندن
یخشله خانداننک محافظه ناموس وحقوقنی او محکمه دن
استدعا ایلدی .

حالبوکه ارتق اولان اولمش بتن بنش ایش

ایشدن یکمیش اولدیغندن مجلس قوانین دخی قرالک
شواستدعاسنی اسع ف ایده جک یرده « مادام که بحثی
خاندانکردن آچدیگز یک اوزاغه کیمت نه لازم ؟ ده
باباکز وجہ دیگر زمانلرنده ای دیلان سوء حالات
واسرافاندن ودولتی بوکونکی حاله کنورمش
اولمکردن طولایی محاکمه ایلمایسگز » دبه بیچاره
قرالی حکومتدن بتون بتون عزل وتامیل دنیلان محله
حبس وتوقیف ایلدیلر .

۱۷۹۲ سنه سی ایلولک یکر می رنجی کونی
« قانوناسیون » نامیله عتدایدیلان مجلس مخصوص
عمومی قرال بیچاره سنی محکمه باشلادی . حالوکه
بو مجلسک برنجی حکمی موقفاً حکومت قرالیمنک
فسخنی اعلان ایتمک اولدی ! و ته طرفدن
ایسه سرای باصیلوب دولتمک کافه اسرار و خفایاسنی
مین اولان اوراق میدانه چبقارلدی . نتیجهء کلام
بو مجلس بدبوز یکر می راعضادن مرکب اولوب ملتی
بودرجهء تنی به کتورن یالکز سرای قرالی اولدیغی
وبناء علید بیچاره قرالک اعدائی لازم کله جکی ! اون

یرأیک اکثر بذله حکم اولنه رق ۱۷۹۳ سنه سی کانون
 ثانیه سنک یکر می برنجی کونی اختلال میدانی نام محله ده
 بوملعت کار حکم اجرا اولندی ! ..

مدینتله مفتح اولان انسانلر کویا زمانه عارض
 اولان لوٹ شورشی بر بچاره نک قانیه تمیزیه بیک
 صورتی ایجاد اینش اولدق لری زمانه نبری کرک
 قرالردن کرک احاد ناسدن پک چوق آدم لری قانی
 آقیدلش و بونلردن برطاقی واقعا بحق اولدورلش
 ایسه ده اشواون النجی لوی الحق بتون بتون بهوده یه
 خرجنان بچارکانک دخی برنجیلرندن بولمشدر .
 حالبوکه بو بچاره نک بالکز کندسی دکل زوجه سی
 اولوب اوستریا خاندان امپراطور بیسی اعضا سندن
 یونان ماری انتوانت دخی عادتاً هیچ برقباحتی اولدیغی
 حالده اولوم کبی الوحشیانه جزایه دوچار ایدلشدر .
 بوقعه هائله فرانسه تاریخنک باب ثالثک
 خاتم مصیبتی اولوب فرانسه نک بوندن صکره کی
 احوالی ایچون دخی بوجه اتی باب رابعک کشادی
 لازم کلددر .

- باب رابع -

(فرانسه نك احوال اخبرسى)

عن ۱۷۹۳ الى ۰۰۰۰

﴿ برنجی فصل ﴾

اعلان تنظیمات

عن ۱۷۹۳ الى ۱۷۹۵

تفصیل - یوقاروکی اوجنجی بابك صولك فصلی
 یزه فرانسه نك هرج و مرج احوالی تصویره کافی اولوب
 بوراده فضله اوله رق عرض و اشعاره سزا برشی وار
 ایسه اودخی دها ۱۷۹۲ ایلولنك یکریمی برنجی کونی
 قونوانسیون نام مجلس تنظیماتك قراللی لغو ایله برینه
 حکومت جمهوریه بی اعلان ایدیشدن صکره فرانسه ده
 نه قدر اصلزاده و قرال طرفداری و ارایسه بررایکی شس
 فراره باشلامسندن و ولایاتده دخی اهالی و عسکر
 عصبان ایدرك اسکی زادكانك حصار و قوله و قوناق
 و چفتلك هر نه لری و ارایسه یاقوب بیقمسندن عبارتدر
 ایددی قراللیک لغو ایله حکومت جمهوریه اعلان

ایدیله رك المجلس تنظیمات دخی حکمدار کی بر صورتده
 طانند قدن صکره مجلس مذکور ذاتاً فرانسه بی اخافه
 ابدوب طوران انکلتزه وهولاندا واسپانیا دولترلینه
 اعلان حرب ایلمشدر . بریاندن بر ملیون ایکی بوز بیک
 عسکر سلاح الته جمع ایدیله رك بونلرک حدود بوینه
 سوقیله اوغراشیلور و دیگر طرفدن دخی هیئت
 اختلاک محکمه کبراسی آچیلوب یاقرال طرفداری
 اولق و باخود سائر برکونه قصور و قباحتله متهم
 یولتمدن ناشی هرکیم اورایه کتوریلور ایسه یالکیز
 بوینی اورلق ایچون طیشاری به چیقاریلور ایدی .
 یو یولده دو کولان قانلره حد و نهایت بیله اولیوب
 حتی ارباب جههورک دخی بینلرنده نزا علر و محاربه لر
 اکسیک اولیه رق فرانسه نك ایچی برحاله کلدی که
 کیسه ده نه جانی نه ده مالی ایچون امنیت دکل امید
 بیله قالمدی .

محاربات خارجیه به کلنجه چیلدر مشجه سنه
 جنکاورلک پیدا ایتش اولان فرانسه عسکری دوو وریه
 وسائره کی هر بری بر یوک ناپولیونه خواجه اولان

قوماندانلر النده بواندینغدن بالچیقا اولیکاسی کماله
ضبط و بنه ترك ایدمک وانکلیزلر هوغوت محاربه سنده
پراشان اولق ورن و موزل نهری بوبنده المانیا
و پروسیا اردولری بوزولق و اینالیا طرفلرنده فرانسز
قهر و تدمیری طاعنری ییقمق کبی فتوحاتلر بتون
اوروپایی ترتر تترمش ایدی .

۱۷۹۴ سنه سنده ایسه هوغلند و فورتراس

و فلورس محاربه لرنده فرانسزلر تصویره صیغمن جنکاورلک
و غلبه کوسه ترک هولاندا و بالچیقا تکرار ضبط
اولمش و اوستریا و پروسیا عساکری رن نهرینک
اوتنه طرفنه قدر پوسکورتبله رک پیرنه طرفلرنده دخی
فرانسز جنراللری فرانسه یه تعرض ایدن اسپانیوللری
یالکز طرد ایتمکله قالمیه رق اسپانیا ایچنده دخی
نویه اوغرا دیلر ایسه آتنی اوغتنه کتور مشلردر .

اگر مجلس تنظیمات بو کیدیشه عافلا نه طور انمش
اواسه ایدی فرانسه بی هم پک چابوق همده پک
قولای تمیزلید بیله جکی درکار ایدیه ده مؤخر اجه و رک
سرآمدان اعضاسی میانه دخی اتفاق سزاق عارضه

اوله رق سلامت عمومیہ قومینہ سی نام مجلس مخصوص
 دانتون وقامیل وسموان کی ال صاحب نفوذ رؤسا
 ایله بونلرک کافہ طرفدارلرینی تحت توقیفه المش و براز
 صکره هبرت و سائر رفقا سی دخی صرہ سیله کیلیوتین
 ماکنه سنه باش اوزاتمشلردر . هله روبر س پیهر
 ملنک ال حریت پروری طانور ایکن برکون بغنه
 طوتیاوب ایرتسی صباح بنه حریت پرورل طرفندن
 اعدام ایدلمشدر که شو حال عموماً تعجبی موجب اولمشدر .
 الحاضل ارباب جهوزک ژقوبن وژ روندن و طاغلی
 طاقی دنیلان اوچ بیوک فرقه سی ببنده کی اختلاف
 بیویه بیویه بونلر او قدر قانلرد و کشدر که اسکی قرالغت
 طرفداری بولنلر بونلر بر برینی قیروب بتورد کدن
 صکره میدان بند کندیلرینه قاله جغنی مأموله قدر
 وارمشلردر .

مع ماعید بوجلس تنظیماتک ترقیات مادیه و معنویه
 دائر دخی برخیلی خدمتلی واردر . از جمله یونی
 تقنیق دنیلان مکتب عسکری بی بوجلس تشکیل
 ایدرک بوندن بشقه شوسه و کوپری و معدن

وجغرافیا و بحریه مهندسلری نامیله بشقه بشقه
مکتبلر و نورمال و مکاتب صبیانیه دخی تشکیل ایلمش
و پارسک طول دائرہ سی و فرانسه ده اصول اعشاری
و سائر برطاقم خصوصات نافعہ هپ مجاس تنظیما تک
اجرا آتدن بولمشدرد . حتی تاریخ و ایلمک و کوننرک
اسامیسی دخی دکشدیر بلرک و یورطی کوننرینک
کافه سی لغو اولنهرق برسنه بی اوچیوز التمش بئش
کون واتی ساعت اعتباریله هر آبی تمام اوتوز کون
اعتبار ایتمشلر و شوحانده حاصل اولان خیمه مسترقه بی
ییرام عبد ایلمشلدرد .

قونوانسیونک ایلمک سندرند فرانسه اردولری
نصل غایبته حرکته باشلامشلر ایسه صولک سندرینی
دخی بویله غایبته بتوردیلر . بو غایبتهلر سایه سنده درکه
فرانسه ایله باچچقا کایله ضبط و بریرینه قاتیلوب
توحید ایدیلرک باتاو یا جمهوریتی نامیله بر جمهور
انشا و بونی دخی فرانسه یه ابدی آبرلن بر متفق نصب
ایلدیلر . ایله ژایالتیله اوکشمبورغ دخی بوضورتله
الحاق ایدلدی . پروسیا ایله اسپانیا قرالری

فرانسه دن صلحی عادتا استمدعا ایلمدیلر . رن
نهرینک ساحل یسارند، پروسیانک نه قدر ممالکی
وار ایسه جله سی فرانسه یه ضم اولنمشیدی که
مقدار نفوسی اوچ میلیون اهالی درجه سنه وارر .
سن دومنیغ دخی اسپانیا دن اندی . ایتالیا
طرفندن طوسقانه عادتا فرانسه یه مالکانه
اولدی .

ایشنه تنظیسات اشناسنده فرانسه نك داخلی
اختلالاتنه مقابل خارجی موفقیاتی شودرجه دداولوب
فقط بموفقیتلرک تمالی وسورکلی شیلر اولدقلری بدیهی
ایدی . زیرا زور بازو ایله کلان دولت یا اوبازونک
قوتنه فتور کلدکدن ویاخود کندیسندن ده
قوتلی بر بازویه تصادفی ایلدکدن صکره ینه کلدیکی
یره کیده چکی ادنا ملاحظه ایله معلوم اولور . حال
بو که اوزمان فرانسه بوایشلری جان باشنده صحرامش
برچلغینک حرکاتی کبی برحرکتله یاپوب یوقسه دهااون
التنجی لوئی زمانده خزینة دولت عادتا افلاس ایتمش
ایکن بوبله بیوک تشبثاته مالیه جه هیچ برامکان یوق

ایندی • اوتہ گنت بروکیتک اموالی یغما اولنہرق
تدارک ابدیلان اچہء دخی بتجہ تنظیمتک بودرجہ سی
صفرہ صفر درجہ سنہ قدر ایندی •

تمام ایشلر دھا زیادہ دیگر کون اولہ جق ایکن
یو تنظیمت لغو اولنہرق یرینہ دیرکتوار اصولی
قونندی کہ انک زمانی دخی فصل آتیدہ کوریلہ جکدر •

﴿ ایکنجی فصل ﴾

دیرکتوار حکومتی

عن ۱۷۹۵ الی ۱۷۹۹

تفصیل - دیرکتوار اداره سہنک مقام حکومتہ
ورودی ۱۷۹۵ سہنہ سی تشرین اولنک یکر می التنجی
کونی اولوب حکومتجہ بوتبدل دخی ارباب جهورک
اختلافاتیلہ برطاقم قائلر دوکولہرک حاصل اولمش
ایسہدہ بزبورادہ برطاقم وقوعات فجیعہ بی مفرداتیلہ
حکایہ ایدرک تطویل مقال جہنہ صرف فکر ایندک •
شمدیکی خالدہ اہمیت ویریلہ جہک شوکہ دیرکتوار

حکومتی فرانسه ده چلغجه سنه غلبان افکارک ممکن
 مرتبدا عندالهاباشلامنه مبدأ اولمدر . بو حکومت
 دخی عادتاً بر حکومت جمهوریه در . اسکی مجلس
 کبیر تنظیماته بدل بر بش-یوزلر مجلسی عقد اولانه رق
 یوندن ماعدا بش نفر دخی عمومی دیرکتور نصب
 اولاندی ایچون اسنه دیرکتوار یعنی « دیرکتورلق »
 دنیلشد .

حکومت مذکوره تأسس ایلدیکی زمان فرانسه
 خزینه سنی نقد دنیلان شیدن تهی بولدی .
 حالبوکه اورته ده مصرفله تسویه اولانه جق بر چوق
 بیوک ایشلر دخی وارایدی . قرال طرفدارلرله
 ارباب جمهورک اخیراً ابتدکاری محاریات و مجادلات
 اورته غنی آنش ایچنده بر نقش اولدیغی کبی ایتالیا دولتی
 دخی هولاندا ابله تهدید ایدر و فرانسه عساکری
 ایسه فقر و ضرورتک اک صوک مرتبه سنه واصل اولمش
 ایدی . بودردلرک منشی بیوک مأمورلرک خیانتلری
 اولدیغی کبی مأمورلرک بعضلری دخی طرفدارلق
 بلاسیله حکومت موجوده به عداوت ایلدکلرندن

ایشته شو امنیستزلک دخی بشقه دروشونیه جک
 بلیادن ایدی . ازان جله رن اردوسنک پیشفرون
 نام قوماندانی مظنه دن بولمغله دیرکتورلر مرقومی
 عزل ایدرک یرینه نورسید کاندن بونا پارطی نصب
 ایلدیلر .

خزبنه نك مضایقه سنی برطرف ایتک ایچون دخی
 دیرکتورلر ایکی میلیار درتوزیک میلیونلق قوائم
 نقده کسدیلر ایسه ده بو پاره نك نصفی مقداری قدر
 ایچیه برینی طوتمیدجی درکاردر .

مع هذا فرانسز عسکرینک شان غالبیتنه ینه سوز
 بولنه من ایدی مورونام جنرال اوستریالور اوزرینه
 رنشن وراستاد و آلتزن و هیید نه ایم وخریه دیرغ
 محاربه لرینی قازانمش وجنرال یوردان دخی التن کیرشن
 محاربه سنی قازانمش ایدی . هله کنج بونا پارطک
 ایتالیا طرفلرنده قازاندیغی غلبات همان عالمده امشالی
 کورلماش وایشید لماش مظفریاتدن معدوددر .
 محارباتی مفرداتیله صایمغنه حاجت اوجنک ییلدیریمی
 یک آز بروقت ظرفنده ایتالیا دنیلان شسبه جزیری

کاملاً ضبط و استیلا ایدرک سار دنیا قرانی و پاپائی
 و سائر باطنیه پرنسپری آمانه دوش و رجه سنه صلحه
 مجبور ایستدر . اندن صکره اوستریا اردولرینی اوکنه
 قاتوب تیروول فلان ایالتلرینی جککنه یهرک و یانه یه اوچ
 کونلک مسافه یه قدر اورته لخی هرج و مرج ایلدی .
 ایشته بوبله ییلدیرم کی برسر عتله قازانیلان غلبسات
 سایه سنده فرانسه بی محیط اوله رق عادتاً کاملاً اعلان
 حرب ایتمش اولان دولتلرک جله سی آمانه دوشور یلوب
 یالکز هنوز حدی ییلدیرلرک انکتر دولتی قالمش
 ای دیسه ده اودخی صلحی طالب و مستدعی اولدی .
 لیکن فرانسه نك داخلنده کش مکش امور حالا
 دوام ایتمکده اولوب جمهوریت مفرطه طرفدارلری
 جمهوریت معتدله اربا بندن دیرکتوار حکومتی قورمش
 بولسان ذواتی عادتاً قراللق طرفداری کی برلکه ایله
 لکه نکه چالیشور و جمهوریت معتدله اربانی ایسه
 مفرطه لری عادتاً اشقیاء صفتیه کوسترمک ایسترایدی .
 ینشاء علی ذلک دیرکتوار حکومتک ایلاک وایکنجی
 سده لرده اجرا اولنان انتخاب اعضا ایشلرنده ینه

بیوک بیوک ہیجانلر کورلمش ای دیسه ده برکت و یرسون که
 قوه عسکریه سابه سنده بو بیوک بیوک هیجانلرک اول
 قدر بیوک مضراتی و فوعه کلامشدر .

اوزمان فرانسه کی اختلال ایچنده بولنان برملکت
 حقنده اوروپا دولترینت کوستردکاری معامله عادت
 زیونکشلاک اولدیغندن بو معامله لسان تار یخله تعیب
 ایدیلله یلور ایسه ده فرانسر قوه اسلمه سی بوتعیبه
 حاجت بر اقامشدر المانیا و آوستریا و ایتالیا بوقدر
 مغلوبیت کوردکن صکره ارتق سکوت ایتمک لازم
 کلور ایکن بر سنه قدر حال سکوتده قاله میوب ایتالیا
 ینه قشقرتدقلندن فرانسر اردوسی بر حرکت عسکریه
 دها ایدوب ایتالیا ده دخی پرنس لک و سائر اصلزادگانک
 قوتلرینی قیراق (روما جمهورى) نامیله بر جمهور
 اعلان و پاپا بولسان ذاتی طرد و دفع ایلمدیله
 اسویچره دخی بر نمایشه قیام ایلمشیدی . لیکن او کوچک
 ملت دخی فرانسر اردولری طرفندن بر دیچک بیریمز
 حکومت جمهوریه صورتیله تنسیقات اساسیه سنی
 اعلان ایلمدی .

هه انكلتره نك معامله سي بتون بتون بشقه
 بصورتده اولوب فرانسه حرب آچديغي زمان انگليرل
 صلحي طالب اولدقلرينه وبعده ينه اوروپاي افساد
 و تحريك ايلدكلرينه ميني ديركتوار حكومتي انگلتره نك ده
 حقتدن كلك ايچون التمش بيك نفر دن مر كبرجسيم
 اردو تداركنه باشلامشدي . انجق انگلتره نك اوروپا
 قسمنده بولنان اولكاسني هرج و مرج ايتمكن ايسه
 آسياء بولنان ممالكي اوزرينه برقوتلي هجوم ايتكي
 ديركتوار حكومتي اولي كوره لك عساكر مر قومده دن
 قرق بيك نفر يني بونا پارطك معينده و بروب مصر
 اوزرينه سوق ايلشدر كه بواردو اورادن دخي هنده
 حركت ايدجك ايندي .

اكلاملي انگليرل بولتيغه سنك مهارتني كه انگلتره
 دولتي ينه برمذاكره صلحيه بونه سايه بو عسكري
 مصرده توقيف ايدر لك صكره ايسه فرانسه ايله هيچ
 بر طرفده نه تدافعي ونه ده تجاوزي محاربه ايدمه ميه جكني
 اكلاينجه بتكرار اوروپا دولتر يني فرانسه عليه نه
 تحريك ايتكه شتاب كوستردى . بو يانده انگلتره

القائمه الك اول قاپلان دولتر ناپولی ایله سار دنیا
دولتلی اولوب لیکن بونلر برسیله ده ینه بوله کتورلمش
وفرانسه طرفندن ناپولی قرالغی فسخ ایدیلرنت یرینه
بر « پارتیه نوین » جمهوریتی تشکیل ایدلمشدر .
ینه بو آراق ایدی که یانکز اسپنیا ایله پروسیادن ماعدا
یتون اوروپا دولتلی فرانسه علیهنه اتفاق ایلدیله .
حتی . قدما رومانه بر فرانسه سغیری کافه حقوق
ملک خلافتیه اوله رق اعدام اولندی که بو حال
فرانسه لری صوک درجه یه قدر دلکیر ایلدی .

بر فرانسه لرک مصرده اولان محارباتنی ینه مصر
تاریخنده ذکر ایدجکز . بوراده اخطار ایده جکمز
شی ایسه ۱۷۹۹ سنه سنه مصادف اولان بو محاربه
شدیده اولوب فقط بونک طوبله جق قاپبله جق یری
اولیه رق عادتاعوم اوروپا ایچنده فرانسه ر جنکا ورلر یله
قول متغنه عسکری بر یر یله بوغاز بوغازه جنک ایتمکدن
عبارت بر خونخواراق مدت مدیده دوام ایده کیتدی .
فقط بونجه اختلالات داخلیه و محاربات خارجیه ایله
قوی قنادی قیریلوب ایلر طوتاریری قالماش اولان

فرانسه اوروپا نك هيئت عموميه سسيله دهها زياده
 پنجه لشكه قدرت بوله ميدرق ياس قولار بني صالحو بر مكه
 باشلادی . ايتاليا عاندا كاملاً فرانسه استيلا سندن
 قورتلادی . روسلار ايله اوسه تريا اولر اسو بچره اولرله
 برابر نه اسو بچره طرفندن تکميل فرانسه دي استيلا
 ايتك عزمي قرار شد بر ديلر بونكه برابر قرق بیک
 نقردن عبارت عظيم برانکليز اردوسي هولاندا طرفنه
 سوق اولندی . احتمال که بو حال ايله برابر دير کتوار
 حکومتي نه دفع دشمنه چاره بوله بيلور ایدی . لکن
 جمهوريت مفرطه اربابی کويا فرانسه اوزرينه
 ايدیلان بومهاجات دير کتور لک اداره سر لیکندن
 نشأت ايتمش دعواسيله عصيان ايلدکلری کبی فرانسه نك
 جنوب طرفنده دخي قراللق طرفدارلری دير کتوار
 حکومته قارشو محاربه يي تکرار و تجديد و تشديد ايلشله
 ایدی . ايشته داخلده دخي کوريلان بوقار يشقغه
 وناپوليون بوناپارط کبی فرانسه نك ال کزیده برجنزالی
 دخي اوتوز بیک نفر اک کز بده عسکر ايله مصر طرفنده
 بواند یغنه مبنی ایدی که اوروپا دول متفقه سی فرانسه

اوزرینہ بوقدر چوللانہ بتاشلرایندی.

استغراب اولنہ جق بر شجاعت دکلیدر کہ بویله
بردرماندنک حالندہ دخی فرانسرلر صولک حرکت
حیاتیہ قیلندن اولق اوزرہ اولانجه قوتلرینی دوشیروب
اسویچره طرفندہ کی اوستریا وروس قوتلرندن مرکب
اولان عظیم دشمنہ ماسنام قوماندان تمام اون بش
کون ظرفندہ یکرمی قدر غلبہ چالوب اوردولرینی
پیشان ایلدی ؟ استغراب اولغرمی کہ هولاندا
طرفلرینہ کلان انگلیز دخی فرارہ مجبور اوله جق قدر
بوزوندیلر ؟

ناپولیون فرانسه ک شحو حال مغاوبیتی خبر انور
المر مصر دن عادتاً فرار کی بر صورتله فرانسه به جان
آغوش وغالبیت اخیرہ بی فرانسه ده خبر الهرق متسلط
اولشد . انجق اودخی ارتق دیرکتوار حکومتک دم
فرانسه ایچون کافی اولدیغنی اکلابه ق بش نفر
دیرکتوردن بریسنی یعنی سیه سی نام ذاتی اله الوب
۱۷۹۹ سند سنمه ایدی کہ دیرکتوار حکومتی طرفدارینی
کک حرباً کک صلحاً یعنی خواه ناخواه ارضا ایدرک

(قونسولا) حكومتى قورمشدر . بونك ايچون
دخى اشاغىكى اوچنچى فصلى كشاد ايتك لازم
مى .

فصل ثالث قونسولا حكومتى

عن ۱۷۹۹ الى ۱۸۰۴

تفصيل - قونسولا اداره سنك فرانسه بى نه حالده
بولش اولديغنى بوراده تكرر اجمالاه حاجت يوقدر
زيرا يوقاروكى بابت صوك فقره سى بواجمالدين منتظر
اولان فائده بى ويره بيلور . شمدى ايشك شوجهته
باقالم كه :

اشبو قونسولا اداره سى اسكى روما جمهورى
اداره سنى تقليد كى برشى اولوب ناپوليون بوناپارطه
پرئىجى قونسول تعيين ايندلمش و كنديسى ايچون
ايكنچى و اوچنچى عنوانيله ديكر ايكى قونسولك انتخابى
دخى ينه كنديسنه حواله ايدلمشدر . واقعابو حكومتك
حر كانه و حقوق عباديه باقى اوزره سمناتو و قوانين

مجلسی و ارایدیسه ده ناپولیونه بویله قونسول صفتیله
ویریلان حق حکومت عادتاً بر حکمدار مسـتقلک
استقلالی قدر و ارایدی . زیرا دیگر ایکی قونسولی
دخی کندیمی انتخاب ایدیه جک اولدودن صکره
یوایشک انتخاب و کلا صورتندن همان هیچ برفرقی
کوربله من .

ناپولیون یالکز بر عنوان فرقتدن عبارت اولان
بر صورتله عادتاً مقام حکمداری به جلوس ایلده کدن
صکره برنجی مرتبه ده نظر دفته الدیغی شی فرانسه نیک
حال ضعفنده اطرافنی قوشانمش اولان دشمنلره بر مر ام
اکلامق اولدی . بونک ایچون ملتک اولانجه غیرت
ملیه و سودای وطنیه سنه هیجان ویریلوب ذاتاً
چو جقلغندن بری وطنه سلاحه خدمت ایتمش و هر
خدمتنده موفق دخی اولمش بولسان قوجه ناپولیون
نامنه هر کس سلاحه صارلمقدن کیر و طور مدیغی کی
عسکر کند ی اوزرلرنده بنه بالذات نا پولیـونک
بولمنی استدعا ایلدکلرندن اودخی بالذات محاربه یه
عزم ایلدی . حالبوکه بونجه سنه لردنبری غلبه

سرفراز اولان فرانسه هر طرفجه حالا غالب ایکن
اوستریا و المانیانک دخی ایتالیا طرفنده متحشد اولان
قوتی فرانسه بی مغلوب و شرمسار ایش اولدیغندن
ناپولیون الکول اورایه توجه ایلدی .

دهاسن برنار طاغنی کچمک خصوصنده فرانسز
لجسکرینک کوستردیکی غیرت و همت و شجاعت دشمنی
دخی متعجب ایلدی . اندن صکره فرانسزلر
قودورمش ارسلان کبی ایتالیا ایچنه مستولی اولوب
مونت بللو و مارنغو طرفلرنده ایکی محاربه قازاندیلر که
دشمن ایله برابر جهانک دخی پارمنی اغرنده قالدی .
نه اوسته نه باشده اولوب چرل چپلاق قالمش اولان
فرانسز بلوکلرینک جیخانه لری دخی بتمش اولدیغی
حالده کندیلری اوزرینه پوس کورمه پشرف اتان
طوب پاطار یالری اوزرینه سونکی ! ایله
هجوم ایدرک ضبط ایلدکلری بو محاربه لده کورلمش
یارارقلرنددر . بو آوازه غایت فرانسه نک حیاته
حیات قاتهرق محزون اولان وطن پرورلری یکیدن
احیا ایدر ایدی .

الحاصل ۱۸۰۱ تاریخشده اوستریا و المانیا
 امپراطوری رن نهرینک جانب یسارنده بولنان مملکتی
 تانهر مذکورک منصبه قدرب هب فرانسه یه ترکه
 عقد مصالحه به مجبور اولدی که شو حالده باحققا ایله
 هولاندانک قسم اعظمی دکل عادتاً کافه سی فرانسه نک
 اولدی . هله ایتالیا طرفی ینه کالیله فرانسه الله
 دوشدی . ناپولی و باویرا و روسیه و پورتگیز ایله عقد
 مصالحه ایلمدی کی مصر مسئله سندن طولانی دولت
 علیه ایله دخی عقد مصالحه اولندی و ایسته اون
 مسئله دنبری قانلیری صیزوب آققده بولنان فرانسه
 وجودل ینه به رالقی برآز یحق راحت کله بیلمدی .
 فرانسه یه اولان بوقدر خدمتته مکافاتاً فرانسه
 ملکی ناپولیونه فید حیات شرطیله قونسولک عنوانی
 و پردی که حکم ارفندن هیچ فرقی قائمیدی . حتی
 اوقدر فرقه سر ایدی که فرانسه ایچنده هم قراللق
 اصولنک طرفدارلری اولنلر و هم ده اصول مذکور نک
 خلاف گیرانی بولنانلر ناپولیونک بوبله یوما فیوما ارنان
 شمشه شوکت و اقبالندن قورقارق « بو حریف برکون

اولوبده قرال اوله جق • سوزینی وزد زبان ایتمشلر
ایدی • دیرلر که ناپولیونک اکر طوغریدن طوغری به
حکمدار اولن فکری یوق ایدیسه بيله خلقتک
بولقردی بی لایق قطع تکرار ایتسی حریفی زورله حکمدار
ایتشدیر •

واقعا اوله اولدی • خلق بواشدن نه قدر قورقدی
ایسه ناپولیونک عزم و جزمی او قدر آرتار ایدی •
دیرکن ناپولیونک جائه دخی قصد اولمغله باشلانیدی •
اما باشنه جهنم کواله سی دنیلان قوجه برخیره آتلدیغی
حالده بر ضرری کورایدیکی کی دفعه تله سوء قصد جیلر
دخی ملاحله جائه قصد ایتدیله ایسه ده نه موفق
اوله مدیلر • لیکن ناپولیون بواحوالی کوردیکه عزمه
قوت و جزمه مناسیت و بررک اودخی بوقدر کفران
نعمته قا شو استمدادی غدیری ظلی شدتی و الحاصل
بر خلق منه - وراید. جک نه اوله بیلور ایسه هیچنی
اله الدی •

قونس - ولا زمانک به راجه قید و تحریره شایان
انجر آتی و قدر سه لردنبری و پلنه حسن خدمت

ایدنلر علامت مفخره اولق اوزره (لرثیون دونور)
 قشائک اختراعی و زراعت و تجارت و صناعته یاردم
 ایتمک اوزره فرانسه بایقه سنک تأسیسی و بر طبق بیوک
 مکتبلرک یکدن تأسیس و یا خود اصلاحی و اختلال
 زمانده اوتیه برویه فرار ایدن مهاجرلرک منعیهله
 یونلرک تکرار فرانسه ده دعوتی و کافه نظاماتک
 بردستورده جمعیله نظامات و تنسیقانیجه بعض تعدیلات
 قضیه نرندن عبارت ایسه ده وقت و حال ایجابانیجه
 یونلرک هریری اعظم امور دن عداوانه بیلور .
 یرنجی قونسول جنابلرینک لک بیوک حرکات غدارانه سنک
 نمونه سی دخی دوق دائرته ن نام ذتدر که موچی الیه
 فرانسه سنک بورجون خاندانی اعضا سنندن اولوب
 اسویچره طرفیه چکلمش اولدیغی حالده نابولیون
 یوبیچاره بی فرانسه ایچنده قراللق اصولک ترویجی
 ایچون فساددن خالی قالماسق تهمتیله بالاتهام
 اسویچره کی فی طرف مملکتده بولندیغی حانده جلب
 و کو بابالحکما قورشونه دیزدیره رک اعدام ایلمشدر .
 ایشنه فرانسه ده قونسولا حکومتی بر بیوک

ایمپراطور آنک مقدمه سی اولوب ناپولیون بریاندن
 اعداسنی قهر و بریاندن طرف کیرانی فکثیر و تقویه ایده
 ایده نهایت سناتی دخی کاملاً کندیسنه اوید یروب
 ۱۸۰۴ سنه سنده باشنه بر تاج ایمپراطوری قویارق
 حکومت مستقله ایمپراطوریه سنی اعلان و کندیسنی
 ذاتاً فرانسه استیلاسی التمه بولنان ایتالیه دخی
 قرال نصب ایتدیدی که بوصورتله فرانسه ایچون
 بوجه آتی دردنجی فصلده درج ابدله جک بریک
 دوردها آچلمش اولدی .

دردنجی فصل

ایمپراطورلق

عن ۱۸۰۴ الی ۱۸۱۴

تفصیل - ناپولیونک مبدأ حکومتی دیک اولان
 قونسولا حکومتی زمانيله بتخصیص اشبوا ایمپراطورلق
 حکومتی زمانی حقنده بیراجده دول سائریه عطفه
 وارجاع اولسان معلومات تاریخیه نک عائد اولدیغی
 دولتله تاریخله لرده دخی کورلسی فائده دن خالی

اولیہ جغندن بونک ایچون انکلتہ تاریختک (عن
صحیفہ ۲۲۶ لی ۲۳۰) ودائیہ ارقہ تاریختک
(عن صحیفہ ۲۲۴ الی ۲۲۶) واسوچ نورج
تاریختک (عن صحیفہ ۲۷۰ الی ۲۷۲) روسیہ
تاریختک (عن صحیفہ ۱۹۷ الی ۲۰۳)
نومر ولی صحیفہ رینہ بر کرہ جک نظر ایدلمسی ارباب
مطالعہ بہ اخطار ایدرز :

برده فرانسه ده بیوک اختلالک وقوعیله حکومت
جمهوریہ نک اعلاندن یعنی بودردنجی بابک کشاندن
یری اوروپا دولتلرینک فرانسه علیهنه کوستردکاری
حرکات حربیه و معاملات دیپلوماتیقیہ نظر محاکمہ
جمع ایدیلور ایسه کوریلور که اوزمانلر اوروپا دولتلری
فرانسه یی عادتایر مملکت قتح ایدر کی قتح ویدنلرنده
تقسیم ایلتک صورتی البته امید ایدہ مز نر ایدیسہ ده
فرانسه ده اعلان اولٹان بر حریت دعواسنک درحان
اوروپانک هر طرفنه سرایتله هر حکمدار خاندانلری
علیهنده عصیانلر باش قالدیرمسندن قورقولش
اولغله ایشته فرانسه علیهنده کی ایلاک خصوصت

بوسیله پیداولمش در . اندن صکره دول متجاوره
 فرانسه به آفاق آتدقجه فرانسزلر بالکن بویاغی قیرمق
 دکل بلکه مقابله دشمن ممالکنه دخی تجاوززه قدر
 واردقلرندن دول متجاوره قوردقلری شیت هممان
 باشلرینه کلکنه اولدیغنی یعنی فرانسزلرک اللرنده
 یرمشعله ایله اورو پانک هرطرفنی آتشد ویرمت اوزره
 یولندقلرینی کورنجه ارتق هر فیداکاراخی کوزه
 الدیروب تک شو فرانسه نك یا اورته دن وجودی
 قاندرلمسینه ویاخود هیچ اولمز ایسه مضرتی اطرافه
 سرایت ایتدیرلماسینه بالانفاق همته مجبور اولمشلردر .
 ناپولیون هر طرفه قازاندیغنی غالبیت اوزرینه عالمک
 کوزینی ییلدیروب بناء علیه فرانسه هر دشمنه غالب
 کلش اولدیغنی کی ناپولیون بو غلبات شرفی حالا
 اوزرنده اولدیغنی حالده مقام ایمپراطوری به کلنجه
 اورو پانک سائر حکمدارلری بویله دفعه عالمه مغلوبی
 اولدقلری برایمپراطوری براز حجابله تبریک ایلدیلر .
 هله انکله دولتی فرانسه ایله هممان عصر لجه دوام
 ایدن رقابت ماده و معنوی دن طولانی بوایشه پک

بیوک بر نظر حسدله باقدی . انجق ناپولیون
 بر صلح پرور حکم دار کی بادی امر ده هر دولت ایله
 مصالحانه کوریشوب حتی اوته دنیبی قراللق ایتش
 پرزانه زیاده حشمت فروسلغه باشلادی . دآره
 و دید به بی یولنه قویه رق عادتا بر ایمپراطور سرابی کی
 فرانسه سرابی دخی مداهنلرود القاقو قنر ایله طولدی .
 ایمپراطور جنابلری مداهنلرک کوسه ترد کلری دلائل
 وسندات اوزرینه بیباغی اوفاجق طاعلری کنیدیسی
 یاراتمش اولدیغنه اینانق مرتبه لرینه قدرده واردی .
 ایشته بو حالدر که اوروپا دولتلرینک نظر دقتلرینی
 بر قاندها آچدی . زیر اناپولیون اوزمانه قدر مغلوبیت
 نه اولدیغنی همان کور مامش اولدیغندن کنیدیسی
 من طرف الله جهانگیر اولق اوزره خلق ایدلمش
 کوره رک حاضر فرانسه ملت کی خونخوار بر ملتک
 ایمپراطورلق موقعی کی الیوکسک مقامنده دخی
 کورنجه یون اوروپانی فتحله عمومنی بر ایمپراطورلق
 ایدی و یرمک ایشیدن بیله اولدیغنی حساب ایدر
 و بو حسابنک میراننی دخی طوغری بوله رق اوروپانک

سائر حکمدارلر بی بیاغی کنندی خرجگذاری کجه
بر صورتله طانور اولدی .

فرانسه نك داخلنه کلاجه :

اگر ناپولئون اختلالدن مقدم کلیر بر ایمراتور
اولسه ایدی بیچاره اون التجبی لوئیدن دهها اشنع
بر جزا ایله محو وازاله ایدیه جکنده شبهه ایدیه من .
ز برایاکن فرعونلری ذلیل بر اقان غروری دکل بلنکه
فعال لما یرید اولیق مرتبه سنده عنادی ظلمی غدیری
عالی دلکیر ایده بیلور ایدی . انجق اوجنکا ورملت
بر کره کنیدیسی سوش و حقه سده کی حسن توجه
تا ایاق طقنه قدر تعم ایتش اولدیغندن فرانسه
ایچنده ناپولئون علیه نه فساد چیهارمه چالتمق
فرانسرلرک قهرینه اوغرامق دیمک اولمشیدی .

ایمدی بویله جهانی الت اوست ایتک ایله مقنخر
ومتلذذ اوله جق بر ملنک ینه بو حس وهوسده بولنان
ایمراتور ینک طور مغرورانه سی الک اوله انکلتره بی
ایقظ ایدرک مقدمه عقد ایدلش بولنان آمیهن
معاهده سنک حکمنه رعایت ایدلیه ایدلیه براز وقت

اول دوست بولنان ایکی دولت ینسه براز وقت صکره
بحراً دشمن اولدیلر . ناپولون ایسه ایتالیا میتالیا
طرفلرند اولدیغی کی بر کره دخی انکلتره به بر آقین
ایدرك انکلتره ده شوکت عسکر به سنی کوسترمه
اوته دنبری حریص و هوس کار اولدیغندن بوملک
حصوانه انکلتره ایله دکرجه آچیلان مخصوصه بی
وقت مناسب عد ایدرك بولونی نام اردو کا هد ه
انکلتره هجومی ایچون غایت جسم بر اردو تشکیل
ایتمک باشلادی . وایتدی .

انجق هر زمان اولدیغی کی بو کره دخی انکلتره
دولتی اولجه اورو پاده اولان سائر منفعلرینی کندی
طرفنه اویدره رق فرانسه ایله مخصوصه باشلامش
اولدیغندن ناپولون بولونی اردوسنی تشکیل ایدر
ایتمز بر بیوک اوستربا اردوسنک - فرانسه اتفادن
آرما مقده بولنان - باویرا اوزرینه هجوم ایلمدیکی
خبر الدیغی کی اوته طرفدن روسیه دولتک دخی
ینه فرانسه علیه غایت سرعت و شدتله تدارکات
حریه ده بولدیغی ایشیدنجه انکلتره اوزرینه بو کره

دخی هجوم ایدمیه چکنه مناسفا تبدیل استقامت
حرکت ایدسی . بو تبدیل حرکتده ناپولیونک اون
بش کون ظرفنده کوردیکی غلبات نهایت اوسترایج
مظفریتنی انتاج ایلشدیر که بو محاربه یالکن فرانسه
تاریخی ایچون دکل حتی بر تاریخ عمومی ایچون بیله
بعض ایضاحاتیله درج اولمسی واجباتدن اولمغله
وحتی انکلتزه وسائر تاریخلرده دخی محاربه مذکوردهک
اشبو فرانسه تاریخنده تفصیل ایدیله چکی وعد اولمش
یولمغله اولبابده بوجه آتی بعض ایضاحات و تفصیلات
اعطاسنه مجبوریت الیرمشدر .

اوسترایج دنیلان بر اوستریانک موراویا طرفلرنده
و پروت قصبه سنه الی ساعت قدر مسافه ده کائن
اوج بیک نفوسلی بر قصبه جق اولوب اطراف وانجاسی
اندیشلی چیقیشلی بایرلی یوقوشلی یعنی فنون و صنایع
حریبه اصطلاحجه عارضه لی بر پردر . ناپولیون
بولونی اردوگاهنده تجمع وکشد ایدن یتمش بیک
نفردن مرکب اردو بی بالاستحباب بوراده بالنسبه
کوچک عد اولنسه جق بعض چرخه لره اوسترایج

قصہ سنہ قدر کلاکدن صکرہ اورادہ اوستریا
و پروسیانک یوز بیک نفر دن مرکب بر جسم اردوسنه
تصادف ایلدی که روسیه ایمپراطوری علیکساندر
ایله اوستریا ایمپراطوری فرانسه و اواردویه بالذات
قوماندانلار ایلدی . حالبوکه فرانسه اردوسی
اوزرنده دخی بر ایمپراطور قومانداده بولندیغندن
بو محاربه تاریخ عسکری نظرندہ « اوچ ایمپراطور
محاربه سی » دیه مشهور وزیرانزد اولمشدر .

محاربه ۱۸۰۵ سنه سی کانون اولنک ایکنجی
کونی وقوع بولمشدر که ناپولیونک صندالی
ایمپراطوری به جلوسی دخی ۱۸۰۴ سنه سی کانون اولنک
ایکنجی کونی اولدیغندن و بوم مذکور اول جنه کاور
ایمپراطورک بوم جلوسنه تصادف ایلدیکنندن
کندیسنی سون بالمله افراد ارتق بو کونک عظمتی
کوکله قدر چیقارمق عزیمتله جنه که دیش بیلر
یاتور ایلدی .

بوم مذکورک صباحیسی روسیه و اوستریا عسکری
بتون شایان اشغال اولان تپه لری طوتوب اشغال ایتیش

اولد قلرلر دن ناپولیون یاننده بولنان مارشاللر ایله ارکان
حر بیله سنه « دشمن بزدن پک زیاده قوتلیدر الک اول
نه یاپوب یاپوب شو تپه لر دن دشمنی آیرملری و دوز
اووه یه دوشورملری تمکن ابلسه تپه لر ی بزنکندیمر
طوقلی یز « دیمش و بوسوزده پک بیوک براهیمیت دخی
کوسترمش اولدیغی حالده برده براز صکره دشمن کویا
یشقه بر مانورا چویره جک کبی تپه لر دن اشاغی یه
ایتجه ناپولیون « ایشته شمعی کنندی کنیدیملرینی
یوزدیملر « دیه اعلان سرور ایلشدیر .

بولندن بشقه ناپولیون بویله کلیتلی عسکرک الیه
شمتی دخی کلیتی درجه سنده اوله جق اولان آتشنه
تکمیل اردو کس و برمانک ایچون کنندی
عسکرلر یکر می بیگ نفرینی آبروب کیروده براقش
ویالکزللی بیگ نفرینی موقع حربه سورمک اوزره
تهیه ایدوب حالبوکه انلری دخی بش اتی قوله تفریق
ایلشیدی . بومانورایه مقابل دشمن موجود قوتی
اولان بوز بیگ نفری بردن قولره تفریق ایدرک عموم
قولاری دخی بر دن فرانسه لر اوزرینه سوق ایتکه

باشلانجه ناپولیون « بولر زور ایله اولمک ایستورلر »
 دیه کندی قوللاری عا-تا ایکیشر اوچر بیسک
 درجه سینه قدر ازالنوب هر برینی بر مجرب و شجیع
 مارشال و یا خود جنرال قوما-اسیله جهات متعدد ددن
 دشمن اوزرینه هجوم ایتکه ترتیب ایلدی .

واقعات تاریخ عسکری بازاران مورخلردن ناپولیونک
 بوحرکتی بکمیانلر دخی کورلش اولوب انلر صنایع
 حربیه مقتضاسنجه عسکری هب بریده طوپلی
 بولندیرمخی توصیه ایدرلر ایسه ده ناپولیون دائما
 دشمنک ترتیب ایلدیکی مانورالک ضدی و عکسی اوله رق
 مانورا چویرر و اکر ضدی و عکسی مانورا فنون
 موجوده حربیه ده یوق ایسه بردانه سنی در عقب
 بالذات ایجاد ایدر ایدی .

ایشته بیان ایلدی کمز صورتله هر طرفدن قوللار
 کوکس کوکسه و پراز صکره بوغاز بوغازه کلوب
 روس ونجه عسکری نه طرفه دیش طابق ایستملر
 ایسه اورابه ناپولیون رامدادیت تدبیر رک دیشلرینی
 قییمش و بویله هر هجومده دشمنی تلفات کلیه ایله

رجعتہ مجبور ایلش اولدیغندن دشمن بتون بتون
پراکنده و پریشان فرار ایلدیکی زمان میدانده
فرق بیکدن زیاده تلفات و یوز بکرمی پاره
طوپ ایلہ فرق بش دانه دخی بایراق برافشدر .
فرانسزلردن ایسه تلفاتک مقصداری ایکی بیک
درجه سنه انجق واروب فقط بش بیک مجروح
کورلش ایسه ده یوز بیک نفره قارشو جنک ایدن
یالکزاللی بیک نفرک ده از زیاده تلفات و یرمسی
حساب ایدیلورکن بالعکس بویله ده از تلفات
و یرمسی ناپولیونک بنه بالعکس چو و بردیکی مانورا
سایه سنده وجوده کلشدر .

بودرجه سادت و سرعت و عظمت غالبیتسه
اوروپاچه شامدق عسکر بولمیبو حتی ناپولیونک
دشمنی بولنان روسیه اوستریا ایمپراطورلری دخی شاشه رق
بو آفت حربله ملاقات استدعا ایتشلر و ناپولیون
ملاقاتی قبول ایدرک صحرانک اورته برنده اوچ ایمپراطور
بالملاقات مغلوب لرغابدن صلح و آمان استدعا سایلہ
عشهور پرزبورغ معاهده سنی قرارشد برمشلدر .

بومعاهده ونديك ودالمایچیا و اوستریا ارنادو لغنی
 اوستریادن المش و روسیه دولتی دخی بردها فرانسه
 ایله قطعاً دوست بکنمکه مجبور ایلمشیدی .
 لکن فرانسه نك بوغالبیتی دخی اعداسنی انجق
 برقاج سنه صلحه مجبور ایده بیلوب ۱۸۷۷ تار یخنده
 یاب مجادله ینه کشاد اولمشدر کدبو کره ناپولی و پروسیا
 دخی میدان مبارزه یه آلمش ای دیسه ده ناپولی اولکاسی
 یتون بتون فتح اولنهرق فرانسه یه ضم ایلمش و پروسیا
 ایسه ینه اوسترساد و سائره محاربه لرنده فرانسه
 عسکریمی النده عادتاً بتون بتون خرپانوب از یله رک
 « بزی نه یاپارایسه یابسون حقلیدر تک شو آشه نهایت
 ویرسون » دیه اوکی آچیق برشرطله پروسیا دولتی
 تسلیم اولمشدر . بودفعه دخی روسیه لی نقص
 عهد ایله میدان مبارزه یه کیرمش اولدیغندن ناپوایون
 موسقوف عسکریمی قوالیه قوالیه لهستانه قدر
 کیروب ۱۸۰۷ سنه سی شباطنك طغوزنجی کونی
 ایلاو مظفریتی و براز صکره فریه دلاندغالیتی روسلری
 دخی فرانسه زنده اویونجاغه چو برمشدر .

ایشته بوغلبه ل ناپولیونی شوکت واقبالک
 بدرجه سنه چیتار مشدر که اورو پاده قرال عزل ایتک
 قرال نصب ایتک کندیس نیک اکلجه سی مشابهنده
 اولوب فرنداشلرینه تاج تخت باغسلار و جزالارینه
 دخی قوتقلر دوققلر و سایر مالکانلر تملیک ایدر
 اولدی . حتی « ناپولیون اورو پانک بتون حکمدار
 خاندانلرینی لغو ایله برلرینه برر فرانسر نصب
 ایده جک » سوزی بیله بعض زیاده جه قورققلرک
 اغرنده زیانزد اولمش ایدی . هله ایکنجی قاریسندن
 طوغان براوغانی طوغدیغی آنده روما قرالی نصب
 ایتشدر که هر کسک استغرابنمن کوله جکفی کتورن
 بر مابده بودر .

ایشته ناپولیونک بودرجه یاوری طاعنه ممکن
 دکل اورو پانحمل ایده مدیکنسدن یوقاروده ذکر
 اولتان مغلوبیتک اوزرندن چند سنه کچمه دن روسیه
 دواتی بنه فرانسه علیه نه تدارکات شدیدیه مباشرت
 ایلدیکنی ناپولیون خیر التحه بو کره کیدوب روسیه
 امپراطورینی کندی مملکتده و بلکه پای تختی ایچنده

دخی مغلوب ایتمکی قورمش و بونک ایچون جسم
 براردو تد رکیله روسیه ممالکنه طالب و افغانمونسق
 و موسق و محاربه لرنده ینه روسلری پراکنده و پریشان
 مغلوب ایشدر . انجق موسق و فلر موسقوه شهرینی
 آتسه و یردرک فرار ایتمسلیله برابر قیش دخی کال
 شد تبیه کلوب چامش و حالو که نابولیونک فرانسه
 طرفندن منتظر اولدیغی مهمات شتاییه نصلسه
 کله مامش اولدیغندن بتون اوروپا دولتسلی قوای
 حربیه سنک یوزمدقلری فرانسه عسکرینی برشدت
 شتا بوزوب پریشان ایشدر . بورجعتده فرانسز
 اردوسنک و یردیکی تنفاته نهایت یوق ایدی .
 بناء علیه اخذار ایچون دئما فرانسه نک ادنا تزلزلی
 فرصت عد ایدن دول منفقه اشبو رجعت کیفتنی
 دخی بر غنیمت عد ایده رک در حال فرانسه به قارشو برر
 ایکیشرا اعلان حربیه باشلادیلر .
 محاربه یه الک اول المانیا ایچنده و ساقسونیاده مبشرت
 اولنوب غلبات ینه اغلی فرانسز النده قالور ایدی .
 مثلا بوتزن نام قصبه جوارنده پروسیا یله روسیه

عساکر متفقہ ستہ قارشو ۱۸۱۳ سندھی مابینک ایکٹیجی
 کونی وقوعیولان محاربہ بوراجہ ذکرہ شایان وقایعدن
 اولوب سکسان بشبیک قدر فرانسز عسکری
 کندیلر بیک اوچ مثلی دشمنلہ صباحدن اقشامہ قدر
 جنک ابدرك غلبہ ایتشلر و دشمندن دوشوردکلری اون
 بشبیک تلفاتہ مقابل کندیلرزدن دخی اون ایکی بیک
 تلفات و زمشلردن :

روسید و پروسیا عساکر متفقہ سی اوتزن مغاویلتدن
 صکرہ یوز التمش بیک نفر اولدقلری حالده روسیہ
 ایمپراطوری علیکساندر قوما داسیلہ بوتزن نام قصبہ
 اوزرینہ رجعت ایتشلر ایدی . ناپولون بونلری تعقیباً
 بوتزن قصبہ سی اوزرینہ دخی کلوب واقعہ قصبہ
 مذکورہ اطرافنی کاملاً استحکامات التمش
 کوردیسه ده فرانسیز عسکری اوتزن محاربہ سندہ
 تجدید جسارت التمش اولدقلرزدن بلا تردد خار به به
 آتشدی . بو محاربہ ده دخی غالبیت همده بحق
 فرانسیزلر اندہ قالوب عساکر متفقہ اوچ بیک قدر
 اسیرالہ اون سکر بیک تلفات و زدیله . فرانسیزلر

ملقاتی دخی بولردن اشاغی دکل ایدی .

شواہکی بیوک و سائر برچوق کوجک بوزغورنلقار
 اوزرینسه دشمن ایزیق شہری طرفہ طوغری
 یورو یوب فقط بوارالق اوستریا دولتی دخی فرانسه
 ایله نقض عہد ایدرک میدانہ آتیش اولدیغی کی
 دول منفقہ اسوج دولتی دخی بومحاربہ بہ صوقش
 و فرانسه نک لمانیادہ بولنان سائرک قوتلی متفقہری
 دخی بوزچو یرمش اولدقنندن ناپولیون بومحاربہ
 دخی کندیسنی ایزبقده بکله مکده اولدیغی اکلامشیدی
 اوارالق ایزیق جوارى فرانسه عساکری اندہ
 یولتفیلہ ناپولیون سریرعا اورایہ مواصلت ودها
 دشمنک وودندن اول اردوسنی ایکی جبهہ او
 بر صورتلہ بالترتیب - چونکہ دشمن عسکر یلہ کندی
 عسکری اراسندہ اصلا نسبت اولیوب برہ اوچ و بلیکہ
 دیرت نسبتندہ بولندیغندن - مدافعہ بہ حاضر
 و آمادہ بروضعبت اخذ ایلشیدی . واقعاً ایتسی
 کون دشمن کلدی چاندی . طوی آتشیلہ محاربہ
 یا شلابوب عقبیندہ هجوملرہ دخی مباشرت اولندی .

اعمالی منقذه تکمیل قوتلریله بربری ارقه سی صبر
تمام الی دفعه فرانسرل اوزرینه هج-وم ایدوب
النسندہ دخی رجعتہ مجبور اولدقلرینی ناپولیون
کورنجه بودفعہ برهج-وم دخی کندسی ترتیب
ایلمشیدی . واقعہ جناحین اوزرینه ایدیلان هج-ومده
موفق اولدی . لیکن دوشمنک قلبکاهی مقاومتده
ثبات کوستمکله ناپولیون دخی رجعتہ مجبوریت
کوردی . محاربه نک اش-و بیک کونده س-شرح
عظمتینی نه فرانسرل محافظه ایتمش ایدیس-دلرده
ناپولیون ایچون بوقدر نسبتسز بدشمنه قارشو قویمق
امیدی کلامک لازم اولدیغی حالده حربجه اولان
یاوری طالعنه مغروراً الترامنه فن حربجه مجبور
اولدیغی رجعتی برکون ده تأخیر ایلدی . بناء علیه
ایکنجی کونی دشمن هر طرفدن شدتلی هجوملرقالدبروب
فرانسرل ایدسه بونلرک هجوملرینه نه هجومله مقابله
باشلادقلرندن ارتق اولمش ارمود کبی دوکولورلر
ایدی . ایشته بوکونک تلفات و ضایعاتنی دخی
کوردکن صکره ناپولیون معیتده کی اردوبی بتون

یتون نحو اتمامت ایچون بقیه عسکر یله مغلوباً فرانسه طرفنه رجعت ایلدی .

ايرتسی ۱۸۱۴ سنه سنده ناپولیونک هر طرفدن فرانسه یه هجوم ایتیش اولان اعدای متفقہ به قارشو کوسه تریکی شجاعت ومهارت عسکر یه محیر العقول ایدی . کندبسی هایکی محاربه ده حاضر بولنور ایسه غلبه تامه فرانسرلر النده قالور ایدی . انجیق بر ناپولیونی یکریمی به آیرقی ممکن دکل ایدی که هر پارچه سی بر طرفه قونلسونده دشمنه هر طرفچه غلبه ایدلسون . بناء علیه دول متفقہ نک پارس اوزرینه طوغری حرکتلرینی منع ایده جک هیچ بر چاره بولنده مدی . تا پارسه وصولنده مکاتب عسکر یه شاگردانی وملت عسکر ی او پایتخت جسیمی محافظه ایچون فداکارانه غیرتدن کیرو طور مدیلر . انجیق بولنده بر فائده سی کور یله محبوب نهایت فونتن بلو سراینده ناپولیون فرانسه ایمپراطور ایلندن استعفا واقی دکرک صولری ایچنده غرق اولوق درجه سنده ککوچک بولنان آلب اطه سنک حکومتنی قوجه

بر فرانسه ایپراطولغنه تبدیل ایلدی که بوقعهٔ
عظیمة ۱۸۱۴ سنه سی نیدرلاندک دردنچی کونی
وقوع بولمیشور .

تاریخت محاکات دیپلوماتیکه سنه کوره اوزمانلار
دول متفقہ نیک کوستردکاری شدت فرانسه علیه
اولیوب بلکه یالکز ناپولیون نامنه اولدیغنه مبنی
بو کره بنه اسکی بوربون خاندانندن اون سکرینچی
لونی بی فرانسه قرالی عنوانیله صندالی حکومت اوزرینه
اوتورتمیشلر ایدی . اوزمان فرانسه ده جمهوریت
افکاری لایقوله تأسس ایتمش اولدیغی کی ناپولیون
دخی کندی تشکیل ایلدیکی خاندن ایپراطوری ایچون
قوتلی طرفدارل پیدا ایلش اولدیغندن و بواکی فرقه نیک
ایکیسی دخی بوربونلری ایسته مدکلرندن الب
جزیره سی حکمداری ناپولیون بوناپارطی یکی مالکنده
طوبی بر قاج آی مدت اوتورته رق بعده جمهورجیلر
ایله بوناپارتیستلر فرانسه ده تشکیل ایتمش اولدقلری
بر بولک اردویه قوماندایتمک ایچون ناپولیونی تکرار
دعوت ایلدیلر . بنه علیه ۱۸۱۵ سنه میلادی سی

هاتنی ابتدا سنده ناپولیون تکرار فرانسه به ایاق
 باصوب هر هانکی مملکت او غرادی ایسه القشلا نه رق
 پارسه واصل اولور اولز قزال دخی قراری فراده تبدیل
 ایلدی .

النجی ناپولیونک ذاته خصم اولان دول منفقه
 بو وقعه بی خبر الور المز در حال سلاحه صار یلوب
 ناپولیون دخی بانطبع مقابله به حقیقه قله اکر چه حز یرانک
 اون النجی کونی لبی نام محله پروسه یالوری ینه
 مغلوب ایلش ایدسه ده ایکی کون صکره و ترلور نام
 محله اطراف قوشادیله رق الحق قهرمانانه بر محاربه دن
 صکره ناپولیون اوغلی ایکنجی ناپولیونه تودیع حکومت
 ایدلک اوزره بر استعفا دها ایدرک کن دیسی دخی
 برکی به را کبأ انکله دولته عرض تسلیمیت ایلشیدی
 دولت مشارالیه ناپولیونک دخالتنی قبول ایده مدی .
 کن دیسی دخی دول متفقه عدا دنده داخل بولاندیغی جهته
 ناپولیونی دول متفقه نامنه اسیر بعده دولترک اتفاقله
 بو آفت جنک وجدال تا افریقا سواحل جنوبیه سنده
 سنت الن جزیره سنه نفی ایلدی که بش سنه مدت

بقیه عمرینی اوراده امرار ایلسندر .
 ناپولیونک اینکجی دفعه اوله رق نائل مقام
 ایمپراطوری اولسی یوز کون دوام ایلدیکندن لسان
 تار یخده یوکا حکومت صد روزه اطلاق اولنور .

— لشنجی فصل —

اون سکزنجی لوئینک زمان حکومتی

عن ۱۸۱۵ الی ۱۸۲۴

تفصیل — ناپولیونک بودفعه کی انقراض تامی
 فرانسه بی عادتاً روسیه اوستریا پروسیا وانکلتره
 دولترینک حایه سی التمه ویرمشییدی . شو حال
 بالعموم فرانسرار ایچون بیوک بر داغ درون اولمش
 ایدیسده ده فرانسه ایچنده بور بونلر علیه جزئی
 بر غالبیت دول متفقہ بی تکرار پارس ایچنده دعوت
 ایتمک اوله جنجی جهتله هر کس بوندن احترازه باشلامش
 ایدی .

ارتق صندوقی حکومت اوزرینه مستبداً افعاد

ایدلمش دیمک اولان اون سکرنجی اوبی ایسه فرانسه
 ایچون دول اجنبیه دن دها زیاده شدتلی برصدمه
 یزینه کچمشدر . زیرا مقتول اون التجی اوبینک
 انتقامی دکل منفی ناپولیونک ذاتندن اله مدیغی ثارینی
 بوسکره اکا طرفدارلق ایدنلردن آلمغه باش-لایوب
 ناپولیونک قومانداسی التنده اوله رق فرانسه شوکتی
 اوغورنده جنک ایدن مارشال وجنراللردن برطالقی
 اعدام وبرطالقی مؤبدأ درزنندان ایدلدی . حتی
 اوزماک نفراتنه بیله حیدود صفتیله باقیلوب تحقیر
 ایدلمکه باش-لانداغی . هر زرده حیت ملیه دن دم
 اوران سربست فیکرلی برادم وار ایسه تعذیر
 وهر زرده ایکی سطر سربستانه یازی یازنن برغزه
 کورلدی ایسه تکدیر ایدلدی . مطبوعات جدیده
 حکمد، غایت شدتلی نظامات قونیلوب بوایش-لرک
 جله سی دخی برسینه ایچنده کورلمشیدی . زیرا
 ۱۸۱۶ سنه سنده فرانسه نك ملك مجلس اعضاسی

دخی دفع ایدلمشیدی

حالبوکه اوزمان اورو با حکمدارلر نك قورقوسی

یاسکز فرانسه دن اولوب ایتالیا واسپانیا طرفلرنجه
دخی فرانسه دن اورنك المش بولنان خلق سر بستی
محارباننه قیام ایش بولنسه یله ایتالیا طرفلرینی المانیا
واوستریا دولتری تربیه باشلادیغی کبی اسپانیایی
دخی فرانسه دولتی تربیه ایتکی درعهده ایدجه
بو حال دخی سر بستی فکرند وادی تمامیه دلگیر
ایلدی .

نهایت ایش بر درجه بی بولدی که فرانسر لر
براجنبی پرنسه تبعه اولغی اون سکنجی لوئی به تبعه
اولمقدن دها اهون کورمکه قدر واردیلر . هله
بر ایکنجی حکومت جمهوریه تشکیلی آرزوسی عادتا
اسکی قرال طرفدارلندن بیله یک چوقلرینك سینهلرینی
یاقار ایدی .

بناء علی ذلک بفور و برتون و دلاروشل طرفلرندن
علایم ناخودشنودی دکل عادتا عصیان و اختلال
اماردلری دخی باش کوشتمشیدی . هله ۱۸۲۴
تاریخنده لویی ثامن عشر وفات ایتمکه فرانسه همان
همان قتل ویرمکه حاضر لاش اولدیغی نأره فساد

براز وقت دھاتاؤ خیر ایدہ بیلدی .

— التنجی فصل —

﴿ اوننجی شارلک حکومتی ﴾

عن ۱۸۲۴ الی ۱۸۳۰

تفصیل — ایرسٹرنجی لوینک اولادی اولماق
 حسدہ جہد وفانہ فرنداشی شارل اوننجیلق عنوانیلہ
 مقام قرالی بہ انتخاب وتعیین ایلدی . بو ذات مقدما
 جمهوریت افکارندہ بولسانلری زیادہ سبیلہ ازمش
 وتحقیق ایش اولدیغی جہنیلہ برکرہ مقام حکومتہ
 وصولی سرستی طرفدارلری ہک دہ بکنہ مامشہلر
 ایدیسہ دہ اعلان جلو سبیلہ برابر مطبوعات علیہندہ
 اولان نظامات شدیدہ بی کلیاً الغا و محرر و مواف
 بولسانلری التزام ایلمش اولدیغندن خلق اوتہ دنیہی
 حکومت قرالیسہ دن نفرت کوسہ ترن محررلری بو کرہ
 اوننجی شارل اہندہ نشریاتہ مباشرت ایش کورنچہ
 عموم ملت شارلک محبتنہ مسارعت کوسہ تر مشدر .

اگر اوننجی شارل مقام حکومتہ کلیشی کبی الی آخرہ

دوام ایش اولسا ایدی بوعصر اخیر ایچنده فرانسه نك
الك ابی حکم داری کندیزی اولور ایدی . انجق
برادری زمانندن قالوب افکار سربستینك دشمنی
اولان وماتی تحت قهر اسارتمه طوعنی نوازش والنفاتله
حسن توجهنی قازانمقدن دهها زیاده سیاست پرورلکدر
ظننده بولنان وکلاشارل عاشرک دخی ذهننی چله رک
• وائلری کرک قرال وکرک کندیلری ایچون ثناخوانلق
ایتمکه دعوت ایشلر ایدی .

واقعه بونلر ایچنده ایدیلان تکلیفی قبول ایدنلر
دخی بولندی ایسه ده اجراآت واقعه نشریات واقعه
ایله قارشو واشه مدیغندن خلق نشریات واقعه نك
صرف کذب ودروغ اولدیغنی علناً درمیان ایدر
اولدیلر . زیرا حکومت پاپاسلری التزام ایدرک کویا
ساده دلان اهالی بی بونلرک نصایح ووصایاسیله کندی
طرفنه جلب ایده جکئی حساب ایشلر ایدیه ده پاپاسلر
یوالتزامی خلق صویغه مدارعرا ایتدکلرینه وخلق
ایسه بوکروهدن تابیلک اختلالدن بری متغیر بولندقلرینه
مبنی احوال داخلیه یوماً فیوماً دیگر کون اولمغه
باشلادی .

احوالک تغیری حکومتک دخی وسوسه سنی
 ارتدیرارق مطبوعات حقنده کی شدت سابقه اعاده
 قلندیغی کی جزو بجه شبهه ایدیلان آدمار کلی جزایه
 اوغرادلقده اولدیغندن یوشدتی کورد بجه خلق
 نفرتی آرتدیردی و خلقک نفرتی کورد بجه حکومت
 شدتی آرتدیردی نهایت ۱۸۲۷ تشرین ثانسی
 ایچنده ایدی که ارتق نفرتک صوگ درجه سنه وارمش
 اولان خلق پارسنه سن دنی سوقا غنده اجتماع ایدرک
 حکومت قرالیه دکل فقط بالذات شارل عاشر ناعنه
 اعلان عصیان ایلدیلر .

واقعاً شارل عاشر النده هنوز قوت برکال اولدیغندن
 عسکر سوق ایدرک و حتی سلاح استعمال ایتدیردک
 ارباب عصیان تارومار ایلشیدی . لیکن اندن صکره
 بلانک دها بیوکی حاضر لایمغه باشلان دیغنی کور بجه
 وکلای حاضره سنی بالتبديل یرینه کندیسنک هیچ
 سومدیکی و فقط خلقک یک سودیکی مارتیناق نام ذاتی
 باش وکیل نصب و انتخاب وکلا امرینی اکا حواله
 ایلدی . لیکن چء فائده که بر کره چیغرندن چیقارلش

اولان ایشلری بالذات قرالک امین اوله مدیغی بر ذاتک
یوله قومیسی ممکن اوله مدی . حتی مارتیناقی مماشات
صورتنده براداره به باشلامش اولدیغی حالده دخی موفق
اوله مدی .

ارتق کمالیه غلبانه باشلامش اولان افکار عمومی بی
تسکین ایچون (کیفیت تاریخی خصوصیتسند
کوستریله جکی وجهله) جزیره دوتما وعسکر سوق
اولنده رق آفریقائی اوطرفی دخی فرانسه به الحاق
ایدلمش ایدیه ده هر کس « کندی مملکتک داخلنی
اصلاح ایتمه دن عرب مملکتلرینی ضبط ایتمکده نه معنا
وارد ؟ » دیه بوندن دخی ممنون اوله مدیلر . انجام
کار ۱۸۳۰ سنه سی تموزنده پارس سلاحه صاریلوب
اوتجی شارلی خلع ویرینه اورلیان فامیلیاسندن اوئی
قلبی اجلاس ایلدی .

❖ یدنجی فصل ❖

❖ لویی فلیب زمان حکومتی ❖

عن ۱۸۳۰ الی ۱۸۴۸

تفصیل - اونچی شارل خلع ایدلد کدن صکره
 تشکل ایدن حکومت جمهوریه هر طرفدن محضرن
 کلوب شارلک یرینه بشقه قرال انتخاب اولنامسی
 وملتک حق حکومتی کندی النده اولق اوزره برحکومت
 جمهوریه اعلان قلمسی توصیه ایدلمکده ایدیسده ده
 لویی فلیپ کینچلک زماندنبری ملتته محبت صحیحه
 کوسستمش وحتی افکار سرستی بی دخی تحسین
 وقبول ایلمش برپرس اولدیغندن بونک قرال کپی عادتاً
 برجمهور رئیس مقامنده اوله رق قبول ایدلمسی لزومی
 خلقه بالاعلان بوصورتله یکی قرال صندالی حکومت
 اوزره اوتورلمشدر .

واقعاً لویی فلیپ مقام حکومتده اوتوره جخی
 ائنده قسم ایتمش اولدیغی وجهله ملتک حریت عمومیه
 سنه اصلاً تعرض ایتموب مطبوعات ایچون یکی وموافق
 نظاملر قویمش وارباب قلم وصناعتی فوق العاده التزام
 ایدرک یکیدن برطالم . مکتبلر دهاکشادیلر ترقیات
 معارفه دخی خدمت ایلمشدر . هله دول متجاوره
 ایله پولتیقه سنی اویله برصورتده طومش ایدی که انک

زمانندہ فرانسه اوستریا و اہمپانیا و سائرہ قارشو
 سلاحہ صارلمش ایدیسہ محضادہ اوروپا ایچندہ صلح
 و صلاحی محافظہ ایچون النہ سلاح المش اولوب حتی
 بلچیقاییلہ هولاند اولنجہ بر مملکت و برقراللق اولہ رق تشکل
 ایتمش اولدقلری حالسدہ مؤخرأ بوغاز بوغازہ کلکله
 فرانسز عسکری بلچیقاییہ کیروب لیہ ژشہرینی ضبط
 و بلچیقانک هولاندادن آیریلہ رق باشلو باشندہ برقراللق
 تشکیل ایتمسندہ معاونت ایلمشیدی . و بوقدر صلح
 پرورلکدن ناشی ایدی کہ قرال مشارالیہ « صلح
 ناپویونی » دیہ ملقب اولدی و نابولیونک محاربہ
 جولقلہ نہ قدر متلذذ اولمقدہ ایسہ بوقرالک دخی مصالحہ
 جولقلہ او قدر متلذذ اولدیغی اکلا شادی .

فرانسه نک بر زماندن بری طیش دکرلرچہ غیب ایتمش
 اولدیغی حیثیت بوقرال زمانندہ پور تکبر و مکسب و چین
 طرفلرینہ سوق اولنان دونتارک مظفریائی سایہ سندہ
 تجدد ایلمش اولدیغی کبی چین صولرینہ کوندردیکی
 دونتارحرب مقصدیلہ اولیوب مجرد فرانسه نک
 اورالرجہ تجدد ایتمکہ باشلامش اولان منافع تجارتیہ سنک

محافظه سی ایچون اولسی و یومقصد اوغورنده چین
ایمپارایله بر معاهده عقد ایلدسی دخی فرانسه ایچون
تحسین عمومی بی جلب ایلدی .

تاریخ عمومینک بودور ایچون فرانسه بی تعیب
ایلدیکی حرکت تجاوزیه محمد علی پاشانک دولت
علیه منافعی خلافتده حرکت ایلدیکی زمان فرانسه نک
مصره موافق بولمسی ایدی . حتی مصر عسکرینک
اناطولی یخنده ایلرولمسی منع ایچون اوروپا دول
محاربسی خلافتده اوله رق فرانسه ینه مصر
طرف کیراکننده دوام ایلشدر . وقعا اوارالق لوئی
قلیب اوغلارینی جزایر طرفنه کوندرب افریقانک
بوججه تنجه توسیع حدود اتمکده بولندیغی جهتله
مصر ایله اتفاق اتمسی کندی منافع مخصوصه سنه
زیاده سیه موافق دوشمش ایدبسه ده ذاتاً جزایر
حقنده کی حرکات طمعکارانه نک اساسی بحق اولدیغی
جهتله بوندن حاصل اوله حق منفعت دخی بحق عد
اولنه مامقده در . مسئله نک بوججه تیری جووت پاشا
تاریخنده پک مدققانه محاکمه ایلش اولدیغندن

شومسئله مهمه حقننده معلومات و محاکمات موضعه
 المی ایستیانتری اورابه ارجاع ایدرز . زیرا بزبونا
 دأر ویره جکمز معلوماتی تا افریقا اولکارینک احوالی
 تاریخیه سنه مخصوص اولان اوچنجی (افریقا
 قسمی) نه تعویق ایتشدر .

الحاصل فرانسه مورخلرن دن بیطرفلیق فخریه
 مفتخر اولنلرک بالاتفاق تصدیقلرینه کوره لوی قلیب
 فرانسه ده کندی زمانه قدر حکومت ایدن قزللرک
 اک خیرلوسی اولوب انجق بیوک اختلالک وقوعندنبه
 پردرلوتسکین افکارایدماش اولان جمهور طرفلوسی
 پردرلو بوغیرتلی اداره لی مرجعلی حکم داری
 بکنه مامش و بونا پارط طرفلورینک اوتهدنبیری بوربونلر
 و اورلیانلره کوسهزدکلری خصوصتک لوی قلیب
 حصه سنه صحت ایدن قسمی دخی جمهورجیلرک شدتنه
 منضم اولاش بولمغله مدت اداره سنده کرک لیون
 و کرک پارسده کوستریلان عصیان نمایشلری بوابی
 قرالی راحتسز ایتشدر .

ایش یالکز بونکله قالسه یننه نه ایسه نه !

فرانسه ده بونک کی اداره لی هج برقرال کلدیکی مثلاً
 بونک قدر تها که لره دوشمش ده برقرال کلامشدر .
 کندیسنی چکه میان ناخوشنو دل طرفدن الی دفعه
 جاننه قصد ایداشیدی که جناب حق صونی
 سایه سنده هج بریسی ایفای مرامه مقتدر
 اوله مامشیدی .

بونکه برابر اوی فلیک پولتیقه منافی اوزرینه
 قان دوکامش اولسی الحق کندیسنی لسان تار یخله
 مدح و ستایشه الیقدر .

لیکن علیهنده بغیر حق شدتلند که شدتلن
 ناخوشنودی عاقبت قرالی دخی مایوس ایلدیکنندن
 ۱۸۴۸ سنه سنده کوچک اوغلی نامنه ترک حکومتله
 کندیسنی اورتنه دن چکمک ایسته مش
 ایسه ده بر کره استعفا سی وقوع بولسی اوزرینه ارتق
 برینه بر دیکر قرال انتخابی افکار باغیه اربابی قبول
 ایده میدرك فرانسه نك ایکنجی جمهوریتنی اعلان
 ایلشدر .

﴿ سکونجی فصل ﴾

(ایکنجی جمهوریتک مدت دوامی)

عن ۱۸۴۸ الی ۱۸۵۲

تفصیل - جمهوریتی اعلان ایدن حکومت موقتہ
 اول امر ده حکومتک حق ریاستی بر اجراقومیسوئنه
 حواله ایتک ایسته مشلرایدیسه ده اوارالق جمهورجیلر
 ایله متفق بولسان ناپولیون بوناپارط طرفسدارلری
 برقاج آی صکره میدانہ قوبہ جقلری امل مخصوصصلری
 ایجابنجه بوصورت ممکن اوله میہ جغنہ جله بی اقتناع
 ایدرک جنرال قادیناق نام ضابطی قوہ اجراییہ مشخصی
 طانیدیله یعنی عادتاً طوغریدن طوغری به جمهور
 رئیسى نصب ابلدیله . فقط اصل امل جنرال
 قادیناقک ریاستی دکل ایدی . اوارالق اوروپا
 وامریتقاجه اولان سیاحتلرینی بتوروب فرانسه یه
 کیرمش اولان پرنس لویی ناپولیون بوناپارطی بیوک
 بوناپارطک یرینه کچور مک سوداسی بوایشی
 کورد رمشیدی .

واقعاً موفق دخی اولدیلر . زیر اچند سنه
 دوام ایدن قراللیق اصول اداره سی فرانسه نك پسمایه
 اها لیسنجده ینه بر حکومت مطلقه تابعیتی صورتده
 الشقلى کوسترمش اولدینندن هیچ اولمز ایسه مقام
 ریاستده بر پرنس بولغنی لازمی میدانده ایدی .
 یا خصوص که ناپولیون نامی کرک عسکرک و کرک
 ملتدن بر بیوک فرقه نك پک سودکاری برنام اولدیقندن
 مقام ریاستده یکوریله جک پرنسک دخی برلوی
 ناپولیون بوناپارط اولسنه دها زیاده مناسبت
 دوشور ایله یی .
 ایشته بوقدر مناسبتک اجتماعله ۱۸۴۸
 سنه سی کانون اولنک ایکنجی کونی حکومت جمهوریه به
 وملتک حریت علیه سنه صداقتدن آیرلیه جفی حقنده
 علمیه قسم ایتدیره رک لو بی ناپولیون بوناپارطی دخی
 قاعد مقعد ریاست ایلدیلر .

لو بی ناپولیون بر کره بوصورتله ریاست حکومته
 یول بولقدن صکره ارتق کندی خاندانک اخص
 طرفکیرانی فرانسه نك هر طرفنه سوقله افکار ناسی

کندی لهنه چو زمکه باشلادی . ناپولیونک مدت ریاستی
 اوچ سینه ایچون تعیین ایدلمش اولدیغی جهنله
 یومدنک ختامی تقرب ایلد کده ایالتلرک هر برندن
 محضری کلوب پرنس لوئی ناپولیونک مدت ریاستی
 دهها زیاده تمهید ایدلمشی استمدعا ایدلمشیدی .
 مبعوثان ملت بواسطه عار دن اور کدرک و علی الخصوص
 اورته به قراللق طرفدارلرینک انترقیه لری دخی
 کیره رک پرنس ناپولیون بر بیوک تهله که ایچنه دوشمش
 ایدلمشده ۱۸۵۱ سنده سی کانون اولنک ایکنجی
 کونی پرنس مشارالیه بر قوجه اعلاننامه ایله مبعوثان
 ملت مجلسی و سائر هی لغو و فسخ ایلدیکنندن بحثله
 اگر برئیسده اون سینه مدته زمام حکومت تسلیم
 ایدلمز ایسه فرانسه نك راحت و حضور بوله میه جغنی
 ملت بیان ایلدی .

فقط پارس اهلایسی بو بیاننامه بی دیوارلر دایشمش
 کوردکلری کون هر گوشه باشنده دخی عسکر اقامه
 ایدلمش کوردیلر . بوندن فضله الک شدلی مفسد لردن
 درت بشیوز دانه سی جاندر مدرک سونکولری اراسنده

اوله رق حبسخانه له قالدرلدیغی دخی جله مشهور داتدن
ایدی . واقعا خلق اوچ درت کون ناپولیونک
ادمانه مقاومتله عصیان ایتمشلر ایسه ده ذاتاً الی
میلیون نفوس ناپولیونی قبول ایتمش اولدقلرندن جله به
مرام اکلاتله رق ایسته دیکی کبی وکلا انتخاب ایتک
ایسته دیکی یولده اداره امور ایتک صورتله بررئیس
انتخاب اولمش اولدی که بیوک ناپولیونک ایمپراطورلر
استقلالنه دخی تفوق ایدن استتقلال ریاست پناه یسی
بونک یاننده هیچ صایبله بیلور ایدی .

ایشته بو حال ناپولیونک ایمپراطورلغنک مبدئی اولدی
لیکن کندیسی ایمپراطور عنوانی خاڑا اولیوب حالا حکومت
جمهوریه نامنه رئیس عنوانله ایمپراطورلق ایدرایدی .
واقعا بوارالق ناپولیونک موفقیتلری الحق سزاوار
تخسیندر . زیرا حیت ملیه و ناموس وطن کبی برطاقم
مبارک سوزلری کندی غرض و نفسانیتلرینه سپرایدن
مفسد لک یکر می بش او توز سنه دنبری فرانسه بی دوچار
ابتدکاری احوال فجعه به ناپولیون ختام و یروب
هر طرفه آسایشی تحکیم ایلدی . شو صورتله دوام

ایدن ریاست دخی برسنه قدر متمد اولوب ایرتسی
 ۱۸۵۴ سنه سی کانون اولنک ایکنجی کونی مبعوثان
 ملت و سائر ارکان دولت تهیه ایتش اولدقلرتاج
 امپراطوری بی ناپولیونک سر ریاستنه قویدیلر .

طوقوزنجی فصل

ایکنجی امپراطورلق

عن ۱۸۵۴ الی ۱۸۷۱

تفصیل - لویی ناپولیون ثالث امپراطورلغی ایله
 برنجی ناپولیونک امپراطورلغی اراسنده بر بیولئمناست
 کوریلوب بویولده ناپولیون کی اودخی جهوز ریاستنده
 صورت استبدادی تصویر ایلدکدن صکره بردن یر
 امپراطورلغی اعلان ایتش ایسه ده بومناست لویی
 قلیب ایله ناپولیون ثالث میاننده آراشدیرلسه ده
 زیاده موافق دوشد جکنده شبهه یوقدر . زیرا
 برنجی ناپولیون اورتیه کرچکدن برجهوزجی کی
 چاقوب کندیسنه طرفکیر اتخاذ ایلدیکی ذوات دخی
 جهوزجیلردن لیدی . اوچنجی ناپولیون ایسه

هر نه قدر بر حکومت جمهوریه ریاسته نصب ایدلمش
ایدیسه ده بوانتخابه موفق اولئر حکومت جمهوریه
اربابی اولیوب بر حکومت مستبدۀ ایمپراطوری به
اربابندن اوله رق جمهور جیلردن بام بشقه برشی
ایدیلر . برنجی^۴ ناپولیونه فرانسه بی بر بیوک تهاکه دن
قورتارمق کبی عظیم بر خدمت مقابلهنده ایمپراطورلق
نامی آزکوریله کوریله ویرلمش و اوچنجی ناپولیون
ایسه بش التیوز نفرار باب نفوذی حبسه طیقمنجه
یوعنوانه نائل اوله مامشدر . بعینه لوبی فلیب مثلو
ناپولیونی دخی مقام استقلالده کورمک ایسته میانلر
و فرانسه بی بنه بر حکومت جمهوریه اداره سی التنه
ویرمک غیرتنده اولئر پک چوق ایدی . واقعا رأی
ویرمکه حق اولان فرانسزلردن اونده سکرزی و بلکه
طقوزی ناپولیونک ایمپراطور لغنی تصدیق رأی ویردی .
انجق بر جمهور جینک دیلمش اولدیغی وجهله فرانسه نک
بعض حیوان کبی کویلولری حالا بیوک ناپولیون
ایچون رأی ویر ییورم ظنیه رأی ویرمش اولمسنی
فرانسز مبالغه سیننه حل اینسدک بیله بالجملة ایالات

والویه والیلری ناپولیون طرفندن وضع ایدلد کدن
صکره بدرای عمومینک طو پلاش اولدیغی دخی البته
جای دقتدر .

هر نه حال ایسه جمهور اربانک هراجر آتی تزیف
ایتمزدن قطع نظر عمومیت اوزره محاکمه ایدلدیکی
صورتده ناپولیون فرانسه ایچون فنابر حکمدار چیقمری .
روسیه دولتک بعض مطالب غیر محقه و نامشروع
ایله دوات علیه علیه قیام و کافه حقوق ایمی
چکنه یرک خبرسزجه کلوب سینوبده عثمانلی دوتماسنی
احراق ایتش اولسی مسئله سندن طولایی تولد ایدن
قریم مسئله ماضیه سی ناپولیونک یکی ایپر طورلغی
زمانه مصادف اولغله اولباید انکتره طرفندن وقوع
بولان تکلیفی قبول ایدرک دولت علیه نک متفقلمی
بولان دول منجابه ایله برابر در سعادته کلیتی عسکر
کوندردی و ۱۸۵۴ سنه سنده بونلر قریمه س-وق
اولنهرق دوستانه و متفقانه عثمانلی وانیکلیز و ساردنیا
عسکر یله برابر روسیه علیه جنگ ایلدی .
شو محاربه و علی الخصوص ختامنده عقد

ایدیلان معاهدتک پارسده انعقادى فرانسه نك
 اوروپاچه اولان شايعة شوكتنى ارتدروب هله
 ايتاليا هيئت عموميه مليه سنى تشكيل ايدن ملتلك
 فرانسه طرفندن دخی ایدیلان مظاهرت سایه سنده
 اورته به يکپاره براتاليا دولتی چيقارمش اولسی فرانسه
 ایچون کمال مرتبه ده شان قازانغه سبب مسـ نقل
 اولدی .

ایکنجی ایمپراطورک حرکات مهمه حربه سندن
 پریمی دخی اوستریا خاندان ایمپراطور یسندن ماقسیملینک
 مکسیقایه ایمپراطور نصب ایدلسی اولوب انجق کیفیت
 مکسیقاتار یخنده کوریه جکی وجهله مؤخرأ ناپولئون
 مکسیقاده بولنان فرانسر عسکرینی کورویه المسیله
 ارباب جمهور بالعصیان بچاره ماقسیملینی اخذ
 واعدام ایتشلدردر که شوکیفیت فرانسه ایمپراطورلغنگ
 شاننه برکوچک نقطه شین قوندرمشدر .

ناپولئونک جزایر طرفلرنده وقوعبولان برقاج عرب
 عصیانلرینی باصدیرمسی وتاجین طرفلرینه دوغما
 وعسکر سـ وقیله محاربه ایتیمی کی بعض حرکات

حربه سی دهها واردر . انجق لسان تاربخده کمال
 تقدیر ایله یاد اولنده جق شی مشار الیهک امور نافعده
 دأر موفق اولدیغی انشاآت جسمه در . بر فرانسه
 شاعری دیر که بیوک ناپولیون دیراسده شمدیکی پارسی
 کوره جک اواسه یکنک اجرا ایلدیکی تبدیلاته شاشم امسی
 محالدر . واقعا یکیدن بک چوق ابنیه یادی جاده لر
 آجندی و بر طبق تأسیسات سائر ملکیه بدخی موفق
 اولدی .

واقعا کندیسندن منون اوله میان کروه کندی
 علیهنده انواع نشر یانه موفق اولدیله . حتی علیه نه سوء
 قصدخی ایداشدر . انجق بونترک هیچ بریسی موفق
 اوله میوب زرده عصیان و اختلال فوقوسی المنش
 ایسه در حال تطهیرینه حکومت امپراطوریه موفق
 اولمشدر . هله اوروپا ایچنده هر مسئله سیاسیه فرانسه
 یارمخی اوجیهله چوریلوب فرانسه دولتنک عموم
 اوروپا و زرنده برحق حاکمیت ادعاسنه قدر وارمسی
 ناپولیونک مهارت سیاسیه سنه جل ایبله بیلور .
 ۱۸۶۶ سنه میلادی سنه قدر ناپولیون فرانسه بی

اروپا ایچندہ عادتاً رقبہ سبز برملت حاکنہ حالندہ
 یشتاہ بیلدی . سنہ ۱۸۷۱ قومنہ اوستریا ایلہ روسیا
 میانندہ وقوع ولان صادوا محاربہ سہیلہ یتہ
 بومحاربہ نیک شعبہ بحرہ سی دیک اولان وایتالیا ایلہ
 اوستریا میانندہ اجرا ایدیلان لیساً محاربہ بحرہ سندہ
 ناپولیون اوستریا نیک غلبہ سنی زیادہ امل ایلشیدی .
 زیرا فرانسه نیک قومشوسی دیک اولان المانیا اوزرنده
 اوستریا نیک برنفوذ اہر طور سی بولفسی المانیانی
 فرانسه عاہندہ براز دہا ضعیف براقہ جنی کی ایتالیا
 اتحاد نیک . و آخراً فرانسه ایچون مضر اولدیغنی
 اکلامش اولان ناپولیون بکرہ دخی ایتالیا نیک
 اوستریا دن زشی دہا قویارہ بیلسنی دہ اہستہ من
 ایدی . لیکن مسئلہ ظنی کی چیقمدی . واقعاً
 بحرأ اوستریا غالب کلدی . انجق صادوا دہ پروسیا نیک
 ایکنہ لی تفیکری اوستریا نولری مغلوب ایلدیکندن
 المانیانک شمال طرفتری کاملاً پروسیا اشدی التندہ
 طوپلانہ رقی بوضورتلہ فرانسیہ قیو برقومشو برقوتلی
 دولت تشکل ایلدیکی کی ایتالیا دخی اوستریا دن

وندیک ایالتی المسیله فرانسه منافعی خلافتنه اوله رق
یرقاتدها وسعت بولدی .

شومسائل اوزرینه فرانسه نك پروسیا ایله
یرحاربه ایدرك اكا حدینی بیلدیرد کدن صکره اوروپا
ایچنده حاکمیتی ینه طامق لزومی باش کوسترمشیدی .
بولزومی پروسیا دخی طانیدیغندن ارایه لوکسنبورغ
منازعاتی کی برطاق منازعات کیرمسی بو کون یارین
طرفیندن سلاح پاطلایه جغی خوفنی عالمه تعمیم ایلمش
ایسه ده محاربه دوت بش سنه ده ضروری تأخر
ایلمشدر . نهایت اسپانیا صندالی قرالیسندن
مخلوع قرالیه ایزابلانک یرینه پروسیانک هو هنرولرن
خاندانندن برپرسک انتخابی مسئله سی فرانسه نك
فنا حالده منافعه و عاداتا عظمتنه طوقونمسيله
۱۸۷۰ سنه سنده فرانسه پروسیا ایله المانیا راستنده
محاربه اعلان ایدلدی .

اوزمانلر المانیای جنوبی فرانسه ایله متفق اولمسيله
المانیا حکومات جنوبیه سنك بی طرف بولمسی صورتیه
هرکس فرانسه نك غلبه سنی بکرایدی . لکن

مخاربه نك اعلاننى متعاقب المانیای جنـ و بی دخی
 پروسیا ایله اولان اتفاق خفیسـنى اظهار ایتـمـکـه
 عموم المانیای بر بارقه بالاکـی فرانسه اوزربنه هجوم
 ایدنجه احوال در عقب دیگر کون اولدی . بر قاج
 یرده وقوعبولان مخاربه لرده فرانسز اردوئری تسلیم
 سلاحه مجبور اولدقلرندن ناپولیون ایشـك انجـامـنى
 امین کورمیه رك اودخی سدانده پروسیا قرالى کـیـایـوم
 جنابلرینه تسلیم سلاح ایله اسارتی قبول ایلدی .

بعض فرانسز محرر لری پروسیا ایله ایدیلان
 شو مخاربه یه اصلا لزوم اولدیغندن بحثله زاپولیونك
 یو مخاربه ده کی پولىقه سنى شو صورتله محاکمه ایدرلر که
 ناپولیون مقام ایمپراطوریده اسکیدکجه فرانسزله
 پادشاه اولغه عدم ایماقتنى بعض وقوعات ظاهره
 و باطنه کندیسنه دخی طائمش وحتی بعد وفاته
 اوغلنك ایمپراطورلغی قبول ایدیلوب ایدلیه جکی دخی
 بین العوام مجحوث عنه اولمش ایدی . پروسیا
 مخاربه سندن براز اول اوغلنك ولی عهد کی حقند
 حاتك عمومندن طویلادیغی رأى عمومیسده اگرچه

جزوی برفرق ابله اکثریت ارا اوغلنك لهنده حاصل
اولش ایدی ایسه ده ناپولیون بونکله دخی قناعت
کتوره میهرک کنندیسی فرانسراره لایق بله سودیرمک
ایچون ارتق کبر و عظمتی اوروپاچه چکمز درجه به
ککش اولان پروسیا دولتنك حقندن کلسنی
قراراشدیرمش و ایشته بوامل اوزرینه جنکی
آچشدر . انجق آچربیخی جنکی دخی اغزینه
بوزینه بولاشدیرنجه بو حال مغلوبتله پارسه عودت
ایلدیکی زمان مات طرفندن کوره جنکی حقارت
وبلکه مصیبت کوزینه پک بیوک کورندیکندن بوبله
یرتهلکه به دوشمکدن ایسه دشمنه تسلیم سلاح ایتمکی
اولا کورمشدر .

هر نه حال ایسه ناپولیون بودرجه اسارتدن
قور تلدقدن صکره فرانسه بی المانیسا کی قوتلی
برمستو اینک النده وبر حال شورش واختلال ایچنده
براقوب کنندیسی چند سنه دن عبارت قالمش اولان
بقیه عمرینی امرار ایتمک ایچون انکلترا طرفنه فرار
ایلدی .

— اونچی فصل —

﴿ فرانسه ده اوچنچی و شمدیکی جمهوریت ﴾

عن ۱۸۷۰ و ۷۱ الی ...

تفصیل — نابولیون سدانده پروسیا قرانته
 قلیجینی تسلیم ایلدیکی خبری پارسه واصل اولور اولور
 ارباب جمهور ارتق هم میدان هم همت کندیلرینه
 قالمش اولدیغنی کروروب بر حکومت موقته تشکیلیله
 جنرال تروشونی قوه ملییه قوماندانی نصب
 و پروسیا لوره قارشو محاربه ده دوام ایلدیلر .
 بو حکومت موقته نك محافظه وطن اوغورنده
 کوسه تدبیری فداکارانه همت الحق محیر العقولدر .
 انجق چه فائده که عسا کر نظامیه نك ال برکزیده سی
 قرقر الیشر بیک اوله رق پروسیا به تسلیم سلاح ابله
 تحت اسارت کیرمش اولدیغندن حکومت موقته نك
 تشکیل ایلدیکی عسکر پک درمه چانه طاقدن
 قالدی . دشمن ایسه عادتاً هر محاربه ده فرانسه لرک
 قارشو سنه رایکی مثلی عسکر بیغهرق یاقه بیقه پارس

اوزرینده یورو مگده ایدی . تمام پارس مقابله
 کدیکی زمان عموم پارس خلقی سلاحه صاریله رق
 مقابله اعدایه مسارعت کوستردیلر . پارس مدافعه سی
 دخی فرانسرلرک غیرت ملیه سی نی تحسینه مدار
 اوله بیله جک صورتده ایدی . لیکن پروسیالورلرک
 تضییقه برشی قارشو طوره میوب هر بری مانده کی
 طوپلرک کولک کی کورلیدرک هر صدمه سی اوکوزل
 پای تختک بر طرفنی خراب ایتمکدن ده قطع نظر
 دره نننده یه جک و ایچه جک دخی توکنند کدن صکره
 تسلیمدن بشقه چاره سی قالدی .

ایشته او قوجه پای تخت بو صورتله پروسیا
 استیلا سی ائنه کیرد کده موسیو ژولفاور و غایتا
 کی رؤسای جهه ر الزاس و اورن ایالتلری نی
 ویش مایه ر فرقی دخی تضمینات حریبه
 اوله رق پروسیا عطا ائتمک شرطیله کوچ حالله
 عقد مصاحبه چاشم دقلری صراده پارسده دائره
 بلدییه طرفدارانی ورسایل شه رنده موسیو تیرک
 ریاستیله تشکیل انجمن اولان جمهوریت معتدله بی

قبول ایتھدرك مطلقاً قومون اصولیله بر قزل جمهور
تشکیلنی طلب و اصرار و بواسرار اوزر بنه رفع لواهی
عصیان ایتھالار و پاریسی کندی ضابطلری آتشم آلوب
ورسایل طرفندن کلان عسکره قارشو قوبمشلار
ایندی .

بودفعه پاریسی فرانسرزك كندیلاری بنه کندی
همشهریلری لندن المی ایچون بتکرار محاصره آتشم
الدی . لکن بو محاصره چوق وقت دوام ایتیبوب
قزل جمهور اربابی مغلوب اولدقلرینی کورنجه
تویلری و اوور کبی الك بنام سرایلری و سائر بر چوق
ایندی بی وعادتاً سوزك قصه سی همان تکمیل پاریسی
آتشم و ردیلر .

ورسایل عسکری بر یاندن پاریسه کیردیکی صهرده
قومونیسستر دخی بر یاندن سـوقاقلر اورتیـسنه
باریقادنی استیـحکاملر یاپوب سوقاقلر ایچـنده دخی
کوکس کوکسه شدتلی محاربیلر ایدلمشیدی .
ناجیق هر حالده شـرزمه باغیه بتون بتون مغلوب
اولملریله ورسایل جمهوریتی بونك اربابی طوتوب

طوتوب قورشونه دیزمه که باشلادی . واقعاً اورسایل
 جمهوریتک اشبو قزل جمهور اربابی علمهنده
 کوسترمش اولدیغی شدت دخی اوروپا ارباب انصافتی
 تنغیر ایدجک درجه ده ایدی . انجق دائرة بلدییه
 طرفدارانی دخی بو درجه شدتی کندیلری دعوت
 ایتشلا ایدی . زیرا پارسمده آتشی کوکلره چیقان
 حریتی اطفا ایچون هرکس صو طاشیمقه بولندی
 اثنانه دائرة بلدییه طرفدارانی اولان قاریلر
 کویا صو طاشیمق بهانه سیله یته پترول یاغی
 طاشیه رقی آتشی بزقاندھا پارلامق درجه سمنه قدر
 جسارت آلمشدر .

دائرة بلدییه طرفدارانندن برچوغی اعدام و برچوغی
 دخی الک اوزاق مستعمراته قدرتی واعزام ایدلد کندن
 صکره فرانسه نک هر طرفی جمهوریت معتدله به اطاعت
 ایتشلا در . الحاله هده فرانسه ددوام ایدن حکومت
 اشبو حکومت جمهوریه در که موسیو تیرک مؤخرأ
 وقوع استعفا سنه مبنی بر سنه دنیبری مارشال ماقا هو
 رئیس انتخاب و تعیین قلمشدر .

واقعاً بوجه هر یک دوامی ارباب جمهور عندند
 امید ایدلکده ایسه ده ناپولیونک انکترده وقوع
 وفاتله ترك ایدلکی اوغلی دردنجی ناپولیونی به ناپارط
 خاندانی طرفگیرانی مطلقاً مقام حکومته کچورمکه
 چالشدقلربنه و بوربون و اورلیان خاندانلری ایسه
 مطلقاً فرانسه صدائی قرالیهنی تکرار فوروب
 اوزربنه کندیلری اوتورمق ایچون لدن کلان همتی
 دریغ ایتدکلربنه مبنی یقینده فرانسه جه برقراریشلق
 دها ظهورینه ارباب دقت منتظردرلر .

﴿ افاده عمومیه ﴾

فرانسه تاریخی نظر محاکمه خلاصه ایدیلجه
 اولسه کوریلورکه بوملت اوائل حانده سائر ملتلر
 کی وحشی اولقدن قطع نظر نوعاً سیمار برخلق
 اولوب تاروما لور غول مالکینی فتح ایدلکری زماندن
 برخیلی صکرمیه قدر دخی وحشت حالربنی محافظه
 ایلش لردر . اصل لسانلری جرمن لسانی اولق لازم
 کلور ایسه ده فرانق قومک کندیسنه مخصوص

اوله رق دخی ینه جرمن آزمانی براسانی اولوب بعده
لسان مذکور غول ممالیکی ایچنده تصادف ایدیلان سائر
اقوامک لسانیه ده بالامتزاج جرمن لسانندن بتون
بتون بشقه براسان صورتنه کیرمشد .

فرانسزلی ایلاک دفعه اوله رق مدینه صوقانلر
رومالور اولغله انلرک لاتین لساننده اولان مایه لری
فرانسز لسانده دخی انتقال ایلدی و یونان قدیم
علوم و فنونی اوروپانک هر طرفه انتشار ایلدی
صره ده اولسانک پک چوق اصطلاحاتی دخی فرانسز
لسانده قبول اولندی . شمدیکی حالده فرانسز
لسانندن لاتین و یونان سرمایه سنی چیقارمش اولسه لر
بزم استعمال ایلدی کمز - ترک دکل - عثمانلی لسانندن
عربی و فارسی الفاظنی چیقاردقلری زمان باقی قاله حق
بقیه درجه سنده قالور .

فرانسز لک رومالوردن الدقلری مدیت کندیلرینی
تمامیه رومالو ایدمدی . بالکز ای - کی فرانسز لک
وحشتنی براز تعدیل ایدرک اصل رومالوردن ده
تند و بد خوی و خونریز و اصل اهل شمالدن ایسه

بالعکس دها این و نازک و خاطر شناس بر ملت اولق
اوزره بشقه جه تشکیل ایلدی .

اندلسی استیلا ایدن اهل اسلامک فرانسه نك
جنوب غریبسته طوغری مستولی اولملری بومملکت
ایچسون پك بیوک بر تهلیکه نعد اوانه بیلور ایدی .
زیرا ملت معظمه اسلامیه نك عدالت و رأفت مسلمه سی
فرانسز رك مزاجلرینه زیاده سیه موافق کله رك
فوج فوج کلوب اردوی اسلامه عرض دخالتله
کندیلرینی دها ایلرولرینك دخی ققخنه دعوت
ایتلری و بومناسبتله مسلمان صار یقلرینك تاپارس
تواحیسینده دخی یوز آغارملری فرانسه بی بتون بتون
استیلایی بیله تأمین ایده بیله چك مواد دن ایدی .
واقعاً فرانسز محررلری مملکتلرینی عربلر اندن
قورتاران ذاتی شارل مارتل اولق اوزره تعیین ایدرلر
ایسه ده بونك ایچون اندلس اسلامی میانه دوشن
تفرقه بی حساب قانسه لر موازنه لرینی دها درست
بولندیره بیلورلر .

رومای غربی زواله واصل اولدقدن صکره اوروپا

ایچنده رومالورک یرینی طوته بیله جک خالق فرانسرلر
 اولدیغی ظن ایدیه بیلور ایدی . زیرا جرمانیا
 هر نه قدر فرانسه کبی بیوک برملت ایدیه سه ده عاله
 پردرس مدنیت و برده جک قدر مظهر ترقی اولماش
 بولند قلرندن فضله او زمان فرانسه نك اکثر قبائل
 جرمانیا بیله دخی مناسبت مخصوصه سی وار ایدی .
 شارلمان فرانسرلری رومالوره خیر الحظ ایتمک
 تشبثی غیورانه بر عزم ایله کوزه الدیرمش و کندیس
 هم اهل سیف و هم اهل قلم اولدیغی جهتله اورو پانک
 قسم غرب جنوب یسیندن اغلبنی فتح ایلدیکی مثلاً
 اهل ایسپانی دخی کندی تأسیس ایلدیکی مدنیت جدیدیه
 و دیانت عیسوییه دعوت یتیمکه باشلامشیدی . فقط
 فرانسرلرک خشونت حالی بوایشه عادتاً موفق
 اولش عدد اولنه بیلان شارلماندن صکره تشبثات
 واقع نك یاریده قالمسنی انتاج ایلش و یالکز بر شارلمان
 ممالککندن المانیا و ایتالیا و فرانسه کبی اوچ بیوک
 دولته سائر بعض حکومات صغیر نك تولدی مثلاً
 بر تفرقه کلیه به سبب اولمشدرکه بوتفرقه دن

صکرة اول قدر ممالک بونا پارطک ید همیله بیله جمع
ایدیله مامشدر .

شارلماندن صکرة فرانسه ده دره بکری مملکتی
کنندی بیلنرنده تقسیمه قویوبده کنندی قوتلری
ینه کندیلمی علیهنه صرف ایتماش اواسه لر ایدی
المانیایی دخی بهمه حال فرانسه ممالکنه و المانلری فرانسه
ملیتنه صوقه بیله جکری ینه امید اولنه بیلور ایدی .
زیرا المانیای جنوبی روما استیلا سندن قورتلیدی
آنده المانیایی شمالی مثلاً برچوق حکومت صغیره به
انقسام ایدرک حالبوکه فرانسه اوئل حالنده متحد
بر صورتده ایدی . لکن دره بکلیکی اصولی ظاهراً
هر حالده یکپارده ن اولنان فرانسه بی حقیقتده المانیان
دهاز یاده متفرق ایتمش اولدیغندن بواحدله دخی
قبوی قیادی .

اورو پاچه فنون و معارفی ترقیاتدن منعله خلغک
حال عمده اسندن مستفید اولان پاپاسلرک الیوک
مضرتی فرانسه یه اولش دنیلسه مبالغه ایدلما مشدره
واقعا صکره لر ضیای معرفت تکرارلعه باش ظهور

اولد قد فرانسز لر زده پر نور معرفت کور لر اید بسده
در حال اقتباسه شتاب اید لر اید بسده ده پرتسه متانلق
آیینی المانیایی ایه ظ ایلدی کی قدر سرعتله فرانسده
ایقظ اید عاش ارا دیغندن فرانسده ک تجددات
علیه سی دخی بر چوق قائلر بهاسنه قارنلری .

اون اوچنجی و اون در دنجی و اون بشنجی اوئی
زمانلری فرانسده بی جهالت حالدن بتون بتون
قوتلر و ادیب و حکیم و مفتن بر ملت اولوق اوزره
میدانه چیقاردیغی عصر در . انجیق عصر لر
فرانسده جهالت حالنی ازاله ایلدی کی کبی حسیات
شهوایه سنه دخی رسعت و برمش اولدیغندن
فرانسز محرر لری دخی ایوم کندیلر نیک انکلیسر لر
و المائلر قدر عفت پرور اوله مدقلرینی مع "أسف اقرار
اید لر . شو قدر وار که فرانسده نیک یئنه دیرمش
اولدیغی تیر فکری یکی فیاسه و قله عالم لذت حربی
بحق تعریف ایده بلش و فرانسز ملتی دخی وایغورده
فصل قربان اولوق لزومی عموعد ارا نه ایتش
اولدیغندن اوروپایی ایوم بر ملک واحد حالنه

قویق درجه سند: تعمیم ایش اولان تنظیمات مدنیہ
ومناسبات دولہ همان مختصراً فرانسزلیوزندن
حاصل اولشد در دنیلہ بیلور .

تاریخ ایشک شوراسنی اعترافہ مجبوردر کہ حکمت
جدیدہ فرانسزلیہ ہر نقدر عصیت دینہ بی غیب
ابتدیرمش ونظرلندہ لذت شہوانیہ بی ہر شائدہ مقدم
کوسترمیش ایستہ دہ اوجنکار ملنک خصلت قدیمہ
جنکار یسنی اصلاً تغیر ایدہ میوب بلکہ کندیلرینی
برقاندہا جنکار یدوب قاپوب صالی و برمشدر .
تاریخ بو حکمی اخیرا پروسیالورک تپارسنی دخی ضبط
ایتک درجه سندہ کی غالبیتلرینی دخی کوزاوکنہ
الہرق ویرر . برملنک بردفعہ لک مغلویتی اوملنک
تاریخجہ اولان حثیت قدیمہ سنی یوزدمیوب باخصوص
بیوک اختلالدن بدآبلہ تاناپوایوک واترلومغاویتنہ وارنجہ بہ
قدریکرمی سنددن متجاوز زمان بچندہ فرانسزلیک اوروپا
ایچندہ ہر فردنی برآفت حرب اولہرق اعلائی شان
ایش اولملری ہیج بروقتنہ اونودلیہ جق قهرمانلقلردن
معدوددر . زمان اولمشیدی کہ اسپانیا ایتالیا المانیا

اوستربا پروسیا روسیه وانگلتره - که اوروپا نیک نامی
 دیم کسدر - فرانسرزل النسلده زبون قالش ولواء
 غایت الارنده اولان فرانسرزل دنیا اوزرنده قارشولر
 چیقہ جق دها دشمن اولوب اولدیغنی ینہ اهل دنیا یه
 صورمنه قدر وارارق روی زمینده جنکا ور اوله زق
 یالکز کندیلرینی کورمشدر . بو قدر شوکت عسکر یه
 الحق بشقه ملتدره کورلما مشدر . شان وطن اوغورنده
 وارینی عرض ایتمک بو ملتک شوقی اولوب پروسیا تضمینات
 حربیسی ایچون عقد اولنان بش ملیار اق استقراض ملی به
 اوتوز ملیار اق حصه یازلمسی عالمده بردها امثالی کورلش
 واقعه مالیه دکلدر . مسئله اخره نک شو بش ملیار
 تضمینات حربیه ابله ایکی ایالتدن عبارت بولنان
 ضرری دکل مجرد کرک نفوذ و کرک بعض آدمه
 غیبندن طولانی فرانسه به موجب اولدیغنی زیان
 زیاده کور یاور ایسه ده فرانسرزل یوز یانی تلافی
 ایتمک تشبثاتندن دخی کیرو طوزمدیلر . حال تنظیمات
 وتنسیقات جدیدہ عسکر یه ده دوام ایدرلر حالا

المنیایه بر کون اولوید، حدیثی بیلدیرملک عنسادنه
اصرار ایلرلر .

بوملتک کره ارض اوز زنده اولان معنوی بر نفوشی دخی
اسانلری سایه سننه قاز نلشدیر که بونفوذک اوله قولای
قولای زوالی تصور اولنه من بو کون اورو پاده قصبه
دکل کوی یوقدر که ایچنده فرانسرجه سسویلر آدم
بولمسون . اوزوپانک خارجه چیقیلجه، دخی البته
یوزده بش انگلیزجه سوبلنن برملکتمه یکر می بش ده
فرانسرجه سوبلیسان انگلیز و فرانسر اجنبیسی
بولور . بودرجه رغبت وانتشار سائر اسانلردن هیچ
برسنه میسر اولماشدر .

خاتم کلام فرانسرلر بر قاج جهتلرجه تاریخ
اسان مدح وستایشنه مظهر برملت اولوب انجیق افکار
متوسطه اربابی بوملتک هر حسناتیه برابر اوروپانک
سائر ملتلی اوزرینه تغلبیدن ایسه ینه سائر ملتلی
درجه سننه بولمسنی اسایش عمومیه نقطه نظرندن
باقه رقی پک لازم کوررلر .

(انتهى)





(په يې بايعنى . بلچيقه ايله فلنك تاريخنك فهرستى)
صحيفه

۳ په يې با اولكاسنك اجمال احوال جغرافيه سى

۹ په يې با تاريخنك تقسيمات اساسيه سى

✽ برنجى باب ✽

۱۲ تاريخنك اطلاعى يتديكى زماندن بدأ ايله

په يې بانك نائل استقلال اولديغى

(برنجى فصل)

۱۲ په يې بانك الراس خاندانه مالكانه اولديغى

(ايكنجى فصل)

۱۹ په يې بانك هه نو خاندانى ملكيتى الته كيرديكى

زمانه قدركى احوال تاريخيه سى

(اوچنجى فصل)

۲۱ په يې بانك بورغونيا خاندانى ملكيته داخل

اولديغى زمانه قدر .

(دردنچى فصل)

۲۳ اوستريا خاندانى طرفندن تملك ايدلديكى

زمانه قدر

(بشېنجى فصل)

۲۶ كىليوم دورا نىڭ زھور يەنە قىر در

✽ (بىكېنجى باب)

۳۱ كىليوم دورا نىڭ زھور يەنە پەيى بانك باشلى

باشىنە برقراللىق تىكىل ايلدىكى زمانە قدر

كوردىكى انقلابات

(برنجى فصل)

۳۱ كىليوم دورا نىڭ قوردىغى ستاتودىر حكومتىك

مۇخرأ زھور يەنە تىحول ايلدىكى زمانە قدر

(بىكېنجى فصل)

۴۲ ايلك ستاتودىر حكومتى لغو ايدىن حكومت

زھور يە

(اوچىنجى فصل)

۴۹ ستاتودىر حكومتىك تىجدى

(دردىنجى فصل)

۵۲ پانسيونىر حكومتىك مدتى

(بشېنجى فصل)

۵۶ ستاتودىر حكومتىك تىكرار عودتى

(التنجي فصل)	
باتاوايا جهور يذك تشكلي	٥٩
* اوچنجي باب *	
په يي يانك احوال اخيره سي	٦٥
(برنجي فصل)	
اياك هولاندا قراللي	٦٥
(ايكنجي فصل)	
په يي بانك فرانسز اياالي اولديغي	٧٠
(اوچنجي فصل)	
اصل په يي با قراللي تشكلي حاويدر	٧٤
(دردنجي فصل)	
بليچيqa استقلالي	٩٨
افاده عمومي	١٠٩

﴿ قرق انبار علاوہ سی تاریخ کوزی ﴾

﴿ ذیل کائنات ﴾

برنجی قسم

اوزوپا

برنجی قسمک التنجی جلدی

﴿ یہ بی با ﴾

یعنی

بلحیقا ایلاہ فلنک

صاحبی

محمد جودت

ایلاک دفعہ

اولہ رق قرق انبار مطبعہ سندھ طبع اول نمشد

استانبول

۱۲۹۲

﴿ پەیی با ﴾

یعنی

﴿ بلچیکا ﴾ ایله ﴿ فلەنك ﴾

جەھور جەغرافیون اوروپا نك و سەئندە یدی
دولت صایەرق بونلرک برنجیسی فرانسە اولدیغنی
بیان ایلد کدن صکرە ایکنجیسی « بلچیکا » اوچنجیسی
« فلەنك » نام دیگر « هولاندا » دیه بلچیکا ایله فلەنکی
آیری آیری برر دولت اوله رق ذکر ایدرلر . واقعا
بونلر آیری آیری برر دولت ایسه لده بو آیری لیش دها
پک یکی برشی اولوب انلری بر بزندن آیران دخی
جغرافیای جدید اولدیغنه و حالبو که جغرافیانک
براز قەدمنه باقیلور ایسه بوایکی مملکتک ایکیسی
برطاننە جغنی کی تاریخ دخی بونلری یکدیگرندن
آیرمدیغنه مبنی بو جلدیمزی اشـبوایکی دولتی حکم
توحید ایدن « پەیی با » اسمی التندە ترتیب ایادک :

شونی ده درمیان ایدلم که بلچقانک فلانکه نسبتی
 اسوجک نوروجه نسبتی کبی دکلدر . الیوم اسوج
 ایله نوروجک ایکسی یکپاره بر دولت اولوب بلچقا
 ایله فلانک ایسه یوقاروده دخی دنیلدیکی وجهله
 بر پرندن بتون آیری ومستقل دولتردر . بز
 بو افتراق نه زمان وعبولش ایسه اوزماندنبرو . نك
 تاریخیلرینی دخی آیرارق ایکی ایتی بر برینه قاتمق
 یولسلرلغنی منع ایده جکر . نصل که اشاغیده
 په یی بانک تقسیمات تاریخیسه سی بو کیفیت ایشاح
 اید، جکذر .

﴿ په یی با اولکانک اجمال احوال جغرافیه سی ﴾

بو اولکانک یرلی اهلایسی عندنده اصل اسمی
 « ندرلاند » در . « په یی با » دیمک فرانسه جه
 « الحق مملکت » دیمک اولوب بو اسم ایسه اشاغیده
 کوریه جکی وجهله بو مملکتک زمینی سطح بحر دن
 یک آز یوکسک و حتی بعض یرلری سطح بحر دن

دخی الحقیق اونسندن نشأت ایشدر . « ندرلاند »
دخی بومعنایه در .

بو اولکا بحر شمالک منتهای ساحل جنوبیسنده
اولوب ۴۹ درجه ۳۱ دقیقه عرض شمالی-دن
۵۳ درجه ۲۰ دقیقه عرض شمالی یه قدر متمد
اولدیغنه کوره هواسی باردجه ممالکدن عدا اولنورلر .
لکن شو طول یعنی اوزونلق عند المساحه انجق
سکسان ساعتک بر مسافه ایلدیکندن و پارس
مبدأ طول اولق اوزره همان نقطه مبدأ
طولندن بدأ ایله ۴ درجه ۵۰ دقیقه طول شرقی یه
قدر امتداد ایدوب بوایسه یوز ساعتک قدر
بر مسافه تشکیل ایده پیلدیکندن بوایکی اولکاتک
ایکیسی برارایه کاسه بزم طونه ولایتنه انجق مساوی
اوله بیله جکلری بدیهیدر .

شو جسامتمده بولنان په یی با اولکاسنی شرق
طرفدن پروسیا و شمال و غرب جهتلرندن بحر شمال
و جنوب سمتدن دخی فرانسه احاطه ایشدر .
شمال غربیدن جنوب شرقی یه طوغری بر خط مختلط
په یی با اولکاسنی ایکی یه تقسیم ایدرک شو حالده جنوب

طرفنده قالانی « باچیکا » و شمال جهنده قالانی
دخی « هولاندا » اسم خصوصیسنی آلورلر .
الیوم استعمالده په یی با و ندرلاندا عنوانلری
دخی اکثرتله فلنک اولکاسنه ویریالور . هولاندانک
باچیقاندن جسامتجه فرقی پک آز اولدیغندن اولکلرک
یکدیگرینه مساوی اولدیغنی حکم ایتک ممکندر .
توقدر وارکه ایدیلان تقسیم اقتضاسنجه باچیقانک
شمال دکزی اوزرنده ساحلی پک آز یعنی اون بش
ساعتک قدر بر مسافه دن عبارت قالمش اولوب
بونک اوزرنده دخی (نوپور) لیماندن بشقه لیمان
اتخاذینه صالح محل یوقدر . هولاندا ایسه
سواحلک اکثر جهاتنی ضبط ایتش اولدیغنی
حالده بونکده مسافه سی یوزاللی ساعته قدر پک
کوچ وارا بیلور ایسه ده بر چوق نهرنرک دکزه
قارشدیغنی یرلر عظیم وجسم لیمانلر تشکیل ایدرلر .
از جمله فرانسه طرفلرندن باشلا یوب بر چوق
انهارله براشه براشه باچیقاندن کچرک « اسقو »
نامیله هولاندانک جنوب غربیسندن بحر شماله

قاریشان قوجه بر نہر - ذاتاً مجراسنک دخی
 الیچقلغی مناسبتیلہ - دکرک صوزی ده مجراسنہ
 کیرہرک منصبندہ اوچ بیوک و برچ - وق کوچوک
 لیمانلر تشکیل ایدر . بوندن صکرہ تافرانسہ
 ایچندن کلوب کذاک برچوق نہرلہ برلشان موزتہرزیلہ
 المانیا ایچندن کلہرک ینہ برچوق انہاردن ماعدا
 موزلہ دخی التصاق کسب ایدن مشہور دن نہری
 اسقونک تشکیل ایلدیکی لیمانلرک اوست طرفندہ فی
 منصبلرندہ برچوق لیمانلر دھا تشکیل ایدرلر .
 بونلردن ماعدا اولکانک شمال غریبسنہ زوینی درزہ
 نامیلہ بر بیوک کورفز اولوب درونندہ متعدد
 لیمانلر واردر . ولوورج ودوللار کورفزلی
 دخی ایکنجی درجہ ده کوچک شیلدر . خلاصہ
 فلنک اولکانسی لیمان جہتنبجہ یالکز بلچیقادن دکل
 بالنسبہ سائر دول بحریہ دن دہ زنکیندر .
 لیمانلری تعداد ایدر ایکنیہ بی بانک الک بیوک
 نہرلینی دہ خبر و یرنک . بونلرہ منصب اولان
 کوچک نہرلرک یالکز اسامیسنی ذکر ایتکہ

قالشمش اولسه ق بوراده استفاده ايدلميه جك اوزون
بر بختي دشك ديمك اولور .

بلچيقانك جنوب و شرق جهتلرنده بعض پك
جزوئى ارتفاعلردن - كه انلره تپه جكلر ديمك
دخى خطادر - ماعدا بو اولكاده طاغ دنيلان
شيدن اثر اوليوب هر طرف منخطدر . حتى اراضينك
شو انحطاطي جهتيه او متعدد قوجه نهرلر
جزوئى فيضانه كلدكلرى زمان اطرافى صوباصمقده
اولديغندن شو مخاطره دن مملكتى قورتارمق
و ذاتاً كول و بطاق اولان يرلى قوروتوب
زراعتنه صالح برحاله قويمق اچيون كلى همتلره
بيوك حرقلر و حندقلر وجدوللر آچلمش اولديغى
كبي هولاندانك غرونينغ و فريزيا اياكلرى كبي
بعض يرلى سطح بچردن دخى الحق اولديغندن
دكر صولرينك اورالره هجوم ايتماسى اچيون
نهایتسز كلقتلر عظيم سدر بند ايدلشدر . حتى
زويى درزه كورفى و قتياله قرمايكن ميهابحر
طرفدن استيلا ايدلمش اولديغى بعض علامندن
استدلال ايدلمكده در :

بلچیقاه تابع اطه یوقدر . یالکز شمال طرفندن
تقسّل و ولیه لاند و شلیغ و انیه لاند اطه لری هولاندایه
تابع ایسه لرده بونلر دخی اطه دیه ذکره شایان شیلر
دکلردر .

بلچیقاده اولکاسنک اودرجه کوچکلکیله برابر
دزت مایوندن متجاوز اهالی واردر که اوروپاده
هیچ بر مملکت بوقدر غایه لک دکلدر . هولاندانک
اهالیسی دخی ایکی بچق ملیونی تجاوز ایدر .

بو خلق المانلق ملیتیه فرانسرلخی جامع برشیدر .
هولاندزلرک لسانی جرمنی الاصل اولان فلامان اولوب
یولسانک از چوق قباسی بلچیقاده دخی سـویـلنـور
ایسه ده بلچیقایلرک اکثریتی یالکز براز قباچه بر
فرانسرجه تکلم ایدرلر . بلچیقاً خلقنک مذهبی
قتولک اولوب هولانداده ایسه باشلیجه مذهب
قالوینیزم دنیلان مسلکدر . پروتستانلق و قاتولکلک
اوراچه اوچنجی درجه ده قالورلر .

ایکی مملکتک ایکسی دخی قرالاق صورتیه
اداره اولنوب بروکسل شهری بلچیقانک و لاهای شهری

دخی هولاندانك پای تختلریدر • بونلردن ماعدا
 آنوره‌سی ولیه ژ بلچیقانك اك مهم شهرلی اولدیغی
 كبی آمستردام ایله روتردام دخی هولاندانك
 ایکنجی پای تختلری عداولنق مرتبه‌سنده اهمیت‌المش
 مملکتلردر •

ممالك سائرده بلچیقانك مستلکاتی یوغیسه‌ده
 هولاندانك آسیا و آمریقا و افریقا و اوسترالیا کبی
 اوزاق مملکتلرده دخی مهاجرلی و مستلکاتی واردر
 که بونلر صره‌سی کلدیجه محللرنده ذکر اولنه‌جقدر •

﴿ په‌یی با تاریخنك تقسیمات اساسیه‌سی ﴾

په‌یی با تاریخنك تقسیمات اساسیه‌سی فرانسه‌تاریخی
 قدر محرری یورمز • بز بو اولکانك احوال
 تاریخیه‌سنی اساساً اوچ بابیه تقسیم ایلدك • برنجی
 باب تاریخنك اطلاعی یتدیکی زماندن بدأ ایله میلادك
 ۱۵۵۹ سنه‌سنده کیابوم دوراثر همتیله نائل استقلال
 اولدیغی زمانه قدر کوردیکی استلاباتی حاویدر •
 ایکنجی باب تاریخ مذکور دن بدأ ایله ۱۸۰۶

سنه سنده هولاندانك قراللق صورتيله تشككنه قدر
وقوعبولان حالاتی جامعدر . اوچنجی باب تاریخ
مذکوردن بو کونه قدر کوردیکی انقلاباتی حکایه
ایدر .

وقوعاتك ايكنجی انقسامنه تبعیتله اشبو بابلری
دخی لزومی قدر فصللره تقسیم ایلدك . باب اول
بش فصله منقسم اولوب برنجی فصل بو مملکتك
۸۶۳ سنه سنده الزاس خاندانك طوغریدن
طوغرییه مالکانهسی اولدیغی زمانه قدر تاریخك
اطلاع کسب ایلدیکی احوال اولیه سنی وفصل ثانی
تاریخ مذکوردن بدأ ایله ۱۲۹۹ سنه میلادیه سنده
هذنوخاندانك ملکیتنه واصل ثلث ۱۴۳۶ سنه سنده
بورغونیا خاندانی تصرفنه وفصل رابع ۱۴۸۲
سنه سنده اوستریا خاندانی تمکی التنه کوردیکی وفصل
خامس دخی ۱۵۵۹ سنه سنده کیایوم دورانرك
ظهور ایتدیکی زمانه قدر کوردیکی احوالی خلاصه
ایدر .

ايكنجی باب التی فصله تقسیم اولمشدرکه بونك

دخې برنجې فصلې ۱۵۵۹ سنده کيلوم دورا نړک
 ظهور يله انک قوردیغې ستاتودر حکومتک ۱۶۵۰
 سنده سنده جمهوريته تحوانه د کين صورت دوامی
 وایکنجې فصلې مذکور ۱۶۵۰ سنده سنده اعلان
 اولنان جمهوریتک ۱۶۷۲ تاریخنده قدر کیفیت
 دوامی و اوچنجې فصلې ۱۶۷۲ سنده سنده ستاتودر
 حکومتک عودتيله ۱۷۰۲ سنده سنده یند لغو
 اولتجه يه قدر دوام ایدیشنی ودر دنجې فصلې ۱۷۰۲
 سنده سنده وضع اولنان پانسیونر حکومتک احوالی
 وېشنجې فصلې ۱۷۴۷ سنده سنده تکرار تجدید
 ایدن ستاتودر حکومتی والتنجې فصلې دخې ۱۷۹۵
 سنده سنده قوریلان باتاویا جمهوریتی احوالی حکایه
 ایدر .

اوچنجې باب درت فصله تقسیم اولسوب بونک
 برنجې فصلنده ۱۸۰۶ سنده ایلاک دفعه اوله رق
 قوریلان هولاند اقرالغنی وایکنجې فصلنده هولاندانک
 ۱۸۱۰ تاریخنده فرانسه يه ربط ایدیلشنی اوچنجې
 فصلنده ۱۸۱۴ سنده سنده په يې باقرالغنک تشکلی

و در دنجی فصلنده دخی بلچیقانک ۱۸۳۱ سنه سنده
هولاندادن ایریله رق باشلی باشنه برقراللق تشکیل
ایلدیکنی حکایه ایده جکر .

هر اولکا تاریخنده اولدیغی کبی اشبوپه بی با
تاریخنک دخی برافادهء عمومیه سی اولوب بوتاریخدن
خلاصهء ایده جک استفاده بی ارباب مطالعه نظرنده
اجمال ایده جک و مملکتک احوال حاضرده سی دخی
کوستره جکدر .

برنجی باب

تاریخنک اطلاعی تبدیکی زماندن بدأ ایله په بی بانک
نائل استقلال اولدیغی زمانه قدردر .
عن ۰۰۰۰ الی ۱۵۵۹

برنجی فصل

په بی بانک الزاس خاندانه مالکانه اولدیغی زمانه
قدر اوائل جانی جانددر .

عن ۰۰۰۰ الی ۸۶۳

قیصر روم عصر لرنده طوغریدن طوغری‌یه
 په‌یی‌بانک نامی التده اجتماع ایدن آردن وهونده سروق
 و سینه‌ن ژه بیژ روس-پاسارواودن والد و هارز نام
 اورمانلردن بتاقلقلردن عبارت بولنان اولیکا غول
 ممالکنندن عد اولنور و بو اولکانک شمال طرفی
 یعنی موزایله رین نهرینک اراسنده باطاق اطهری
 تامله بر چوق انهار و غدا یرایله منقسم بولنان قطعه
 دخی فریزی دینلان ایالت ایله برابر اسکی جرمانیا
 تابعیتی التده بوانور ایدی . دیمک اولیور که غول ممالکی
 حقنده بوندن مقدمکی فرانسه خلندنه اعطا اولنان
 معلومات بو اولکادن غول قسمنده بولنان پارچه حقنده
 ایضاحات ویره یله جکی کبی المانیا تابعیتنده بولنان قسم
 حقنده دخی ایلروده المانیا جلدی بر خیلی ایضاحات
 ویره یله جکدن .
 بوراده په‌یی‌با تاریخی سزار زمانندن بدأ ایتش
 اولمقلغمز ممالک مذکور ه حقنده اندن اولیسی ایچون
 ویریلان معلوماتک صحتنه اعتماد ایدیله مامکدن
 قشأت ایدر . نصل که بو حال غول ممالکی حقنده

ویریلان معلومات تاریخیه ده دخی کورمشدور .
 بزبوراجه مطلوب اولان ایضاحاتی شو صورتله
 اعضا ایده جکر که :

سزار واسطه سیله تاریخ په پی بایه اطلاع کسب
 ایتدیکی زمان بو مملکتده باشلجه ایکی خلق طائمشدر که
 برنجیسی فزیزون وایکنجیسی باتاو خلقیدر .
 بو ایکی خلق عن اصل جرمانیای قدیم اقوامندن اولوب
 کندیلرینک درجه ثانیه ده منقسم اولدقلری قبائل
 بعینه غول مملکنه منتشر اولان جرمانی الاصل
 اقوام مثللو کندی رئیس لرینک سوق وادارد سینه
 تابع وینه غول اقوامی اخلاق و عاداته یقین اخلاق
 و عاداتله مألوف ایدیلر . کندیلرینی تاریخه اک
 اول طائندیران وقعه میلادک ۷۰ سنه سنده قلودیوس
 سیوبلس نام بر رئیس الرؤساک سوق و قومانداسیله
 رومالیر علیه نه مدافعه کارانه ایتدکاری محاربه در .
 اندن صکره تاریخ بونلری برده ممالک متمدنه پی هرج
 و مزج ایدرک اغتنام ایتدکاری اموالی مملکتلرینه
 طاشیان شمال اقوام و حشیه سی میاننده کورمش اولوب

نهایت غول و سائره مثل او بونلرک دخی روما محکومیتی
الته کیردیکنی قید ایلر .

غول ممالکنه مستولی او اوب ممالک مذکورمه
(فرانسه) اسمنی یاد کار ابدی براقش اولان
فرانقلر حقنده بوندن مقدمکی فرانسه جلدنده
ویریلان معلومات تمامیه اشبو په‌یی با تاریخی
حقنده دخی واقعدر . فرانقلرک محاربات واقعه‌سنده
اشبو اقوام شمالیه دخی کندیلرله یک وجود اوله‌رق
یولک برمزیت عسکر یه کوستردکری و بونلر میاننده
الیوم یاد کارلری بلچیقسا دولتک نامنده قلان بلر
قبیله سنک سائر امثالنه دخی تفوق و تقدیم ایلدیکی
شویله طورسون فرانقلرک منشی دخی بومملکت
اولوب لاجل الاستیلا غول ممالکنه منتشر اولق اوزره
ینه بورادن صدور و ظهور ایتشیلردر .

واقعا فرانقلر غول ممالکنی بعدالاستیلا اوراده
کندی قرالقلرینی تأسیس ایتدکن صکره شمال
طرفلرندن برمدت ال چگمش و بومناسبتله په‌یی با
اقوامی اسکی استقلال حالرله باقی قالمش ایدیلر

انجق مؤخرأ یعنی میلادك بشنجی عصرنده فرانقلر
باتاو اقوامنی اطاعتلری آلتنه الدقلری کبی التجبی
عصرنده بلژ ویدنجی عصرنده دخی فریزون قبائلنی
تحت محکومیتہ صوقشاردر :

دها میلادك دردنجی عصرنده بلچیقا طرفندن
کیدوب شماله طوغری یورومکه باشلامش اولان
خرستیانلق آیینی ظهوریه برابر تصادف ایلدیکی
پك يوك موانعدن طولای ترقیدن بتون بتون محروم
قالمش ومملکتك اسکی آیین پت پرستانه سی خرستیانلقه
اختلاط ایدرك ابکیسی دخی چیغرنندن چقمش
ایدی . صکره عن ۷۷۱ الی ۸۱۴ فرانسه یی
کرك معنویات وکرك مادیات جهتیه اصلاح ایدن
مشهور شارلمان (فرانسه ص ۱۰۶ مر) ینه
فرانسه نك برقسم ممالکی دیمك اولان په یی باده دخی
خلقك وحشت قدیمه سنی انشار دین مسیح ایله اصلاحه
وسعادت مادیه سنی دخی بعض صنایع نفیسه
ولازمه ایله تأمینه باشلامغله په یی با بوسایه ده براز
یوله کیرمشدر . شارلماندن صکره فرانسه قرالی

اولان لوی لوی د بونړک مشهود اولان ضعف حالی
 مناسبته له شمال طرفدن په یی با ایچنه طالان وهر طرفی
 یاقوب یقان نورماندیا لورک شرلری چو غالمش واکرچه
 مؤخرأ بونړک کو کسنه سلاح مقاومت طیا دلمشسه ده
 یانکر بلچیکا طرفلری ممکن مرتبه محافظه ایدیه
 بیله رک شمال جهتی یعنی فلنک حوالیسی بونړک قوه
 غر به سی آلتنده از یاش قالمشیدی . اشبو اقوام
 شمالیه نک غایت ضعیف برنوع قایقلری اوموزلرینه
 یوکلنوب نهر دن نهره آشیرارق بعده اورو پانک
 وسطلرینه وحتی جنوبلرینه قدر ایندکلیری یعنی
 تا اورالره قدر تعمیم شرور ایدکلیری بوندن مقدم
 انکله ودا یمارقه تاریخلرنده ایضاحات لازمه سیله
 برابر ذکر ایدلمشدر .

(انکله ص ۴۰ و ۶۵ و ۷۶ ودا یمارقه
 ۱۱ مر) نورماندیا لورک په یی بایه اولان تسلطلری
 دفعه قطع ایدیه مدی . اون اوچنجی عصر
 میلادی به قدر بونړک موجب اولدقلری خراباتک
 آثاری باقی قالدی .

فرانسه قرالی لوی لوده بونر زمانه قدر ممالک
 مذکوره فرانسه الزده قالب مومی الیهک وفاتیه
 اوغلاری او واسع فرانق ممالکنی یینلرنده تقسیم
 ایلدکری ائنده (فرانسه ص ۱۱۷ مر) باتاویا
 ایله فیریزیا ممالکی او ائنده تجدیداً تشکیل ایدن
 المانیا ایمپراطورلغی حصه سنه اصابت ایش
 ایدی . بو کیفیت میلادک ۸۴۳ سنه سنه وقوع
 بولوب تاریخ مذکور دن ۸۶۳ سنه سنه قدر یکریمی
 سنه مدتی المانیا ایمپراطورلری طرفندن کوندریلان
 قائم مقاملر ذاتاً بر دولت منتظمه قائم مقامی اولیسوب
 کیفر نتیجه اداره ملک ایتک اوزره کوندریلش آدملر
 بولنسیله بونلر استقلال اداره بی آر تدره آر تدره
 یئون بتون مستقلانه حرکت ایتکه باشلادقلری
 مثلاً ۸۶۳ سنه میلادیه سنه دخی شارل لوشوف
 الزاس فامیلیاسندن باتاویا دوقه سی بولنان تیه ری یه
 برنجی تیه ری عنوانیه باتاویا قونتلغی توجیه ایش
 وشو حالده باتاویا مذکور الزاس خاندانک
 حالکانه سی اولمش قالشدر .

فصل ثانی

به بی بانك هه نو خاندانی ملكیتی التسه كیر دیکي
زمانه قدر اولان احوال تاریخیه سنی حاویدر
عن ۸۶۳ الی ۱۲۹۹

— تفصیل — باتا و یا طرفی بر منوال محرر
برالزاس قونتلغی صورتیله مالکانه حکمنه کیردکن
صکرة اوردن ولو کسمبورغ و لیمبورغ کبی الیوم
به بی بانك باشلیجه ایالتلرینی تشکیل ایدن برلردخی
بر راوفه جق دوقه لق و فیلاندر وزه لاند و هه نو
و آرتواس و نامور و زوتغن ایالتلری دخی قونتلق
صورتیله هر پریمی بر خاندانه مالکانه اولمشیدی .
بو خاندانلر احوال خصوصیه سنی آیری آیری درج ایتک
امکانی دخی المزده ایسده کائتتمز کبی هم شمولی
و هم مجمل و مختصر بر ائرده بویله ذاتاً بیوجک بر دولته
انجیق بحق بر ایالت اوله بیله جک قدر کوچک دولتلرک از منه
قدیمه ده منقسم اولدقلری دها کوچک و متعدد پارچه لری
ایچون ویریه جک تفصیلاتدن اولاباده ایدیلان
تکثیر سواد درجه سنده استفاده مأمول دکلدن .

بوراده شو قدر ديه لم كه بزم ايچون ايلروده
 په يي بانك شمد يكي منقسم اولديغي ايكي قسمدن
 بریسی اولان و ديكرينك دخي والدي بولنان فلنك
 دولتي تشكيل ايده جكي جهتله نظر دن اوزاق
 طو تلماسی لازم كلان باتا ويا يعنى هولاندا قونتلغنده
 يكرمی برنفر قونت ۱۲۹۲ سنه ميلاديه سنه قدر
 مقام حكومت كچوب بونلر داخل مملكتده مستقلانه
 اجراي حكومت ايتكله برابر خارجا المانياك بر ر ممتاز
 واليسى كبی بر حالده اولدقلرندن ايلروده المانيا
 تاريخنده مذکور ايمپراطورلغك كوستريله جك
 اولان انقلابات جسميه سی تأثیراتيله دائماً متأثر
 اوله كتمشلدردر .

ديكر قونتلقلر و دوقه لقلر مياننده كرك انتقالات
 ارثيه دن و كرك پيدا اولان مناسبات صهریه دن
 طولايی بریسی ديكرينه منقلب اولق مثل او بر خيلي
 انقلابات و قوعه كلمش اولوب ازان جمله فلاندر
 قونتلغی بواخذ و اعطاده سائرلرندن كارلی چيتمش
 و حدود دینی بر خيلي توسيع ايلمشیدی . اون ايكنجی

عصر میلادیدە دخی ھەنو قونتی بودوئین ایله ایقاع
ایدیلان برازوواج فلاندر و ھەنو یی برلش دیروب
ھولاندا قونتلغە مقابل وبالنسبە بیوک براتحاد وجودە
کتوردی و ۱۲۹۹ تاریخنە تەدثایدن کرک حقوق
ارثیدو کرک مناسبت صھریە دن طولایی ایمپراطورلغک
دخی انضمام مداخلە سەیلە ھولاندا قونتلغی دە ھەنو
وفلاندری یە التحاق ایدرک واقعا نام وعنوان ھەنو
اسمنە تبدل ایلدیسە دە ذاتاً ھر بری برقاچ کوچک
امارتی حاوی اولان شواوچ بیوک قونتلغک اتحادی
پەننە با حکومات مستقلە سنە بیانغی براتحاد عمومی
صورتی و یردی :

فصل ثالث

پەننە بانک بو رغونیا خاندانی مەلکیتە داخل اولدیغی
زمانە قدر

عن ۱۲۹۹ الی ۱۴۳۶

— تفصیل — ھەنو خاندانەدن طوبی طوبی
اوچ نفر قونت او توز سکر سنە مقداری حکومت

سوره رك ذاتاً خلقلرندن هیچ بریسنك په بی با
 نامنه بر اهیتملی اجر آتی کوراندیکی کبی بونلرك
 دخی بویله بر مجمل کابده تفصیله شایان حر کتلی
 وقوعه کلامشدر ۰ ۱۳۴۵ سنه سنده فلاندر
 پر نسلرندن اولوب خاندانك وارث مستقلى بولنان
 مارکریك باویرا خاندانندن لوئی ایله وقوع ازدواجی
 فلاندر قونتغنی باویرا ما-کانه بی حائمه قلب ایتش
 ایدی ۰ حالو که باویرا خاندانی انانیسك قونلی
 خاندانلرندن اولوب لوئی دخی بجر کلی و خریص
 بر برنس اولدیغندن زوجه سنك په بی با اقسامندن
 بولنان اوفاق تفك بر طائم قونتقلر و دوقه لقلرده کی
 حصه ارثیه سنی وسیله ایدینه رك بونلری بر بر
 اولامغه باشلادی ۰ حتی لوئینك شرنندن احتراماً
 بعض خاندانلر ظاهر حالده کویا کندی رضالریله ترك
 حکومت ایدرلر ایدی ۰ كرك لوئینك و كرك
 زوجه سنك بعض اقربا و خویشانی طرفندن تقسیمات
 صغیره مذکوره اصحابیله عقد ایدیلان ازدواجلر
 دخی بر قاج دانه سنی ربط ایلمشدر ۰

باقلسه شواتحاد په‌بی‌با ایچون الک مسعود براتحاد
 عد اولنه بیلور . لکن مار کریت ولوئیدن صکره
 نام یالکز باویرا نامندن عبارت قالمغه شو حالده په‌بی‌با
 مستقل مملکت اوله رق قبول اولنه میوب عادت ابراجنی
 مانیکانه‌سی حکمنده قالمش دیمک ایدی .

مع هذا باویرا خاندانندن دخی لوئی ومار کریتدن
 ماعدا یالکز درت پرنس اجرای حکومت ایلمش
 واندن صکره په‌بی‌با بورغونیا خانداننک تحت تملکینه
 کیمر مشدر .

﴿ فصل رابع ﴾

اوستریا خاندانی طرفندن تملک ایدلدیکی زمانه

قدر

عن ۱۴۳۶ الی ۱۴۸۲

— تفصیل — بورغونیا دوقه‌سی فلیب له یون

بدری ژان سان پوری اعدام ایدرک یرینه کچدیکی
 زمان جبلتنده اولان خرچنلق سائقه سیله وطنک
 دوشمنی بولنان انکلیز لایله یالاتفاق پارس اوزرینه

یور یوب کنیدی هم شهر یلرینک قهر و تنکیلنه
 خدمت ایلدکن صکره (فرانسه ص ۰۰ مر)
 فرانسه قرالی شارل سابعی کندیسیله مصالحه
 و معاهده یه مجبور ایدک علی الاطلاق استقلالنی
 چارناچار قبول ایتدیرمشیدی . بو وقعه میلادک ۱۷۹۵
 سنه سنده واقع اولوب اندن صکره فلیب په بی با حقوق
 ایشیه سندن کندیسنه صحرایان برشراره بی وسیله
 ایدینه رک باویرا خاندانندن اولوب په بی باده بولنان
 ژاقه لین اوزرینه یورو مکه باشلادی و ایتدیکی
 محارباتده غلبه یه نائلتله ممالکتی فتح ایدوب بورغونیا
 مالکانه سی ایلدی .

اوزمان فلیب له بون فصول سابقه ده کوسرلدیکی
 وجهله په بی بایه اکثر ایالتلری متحد اولدیغی حالده
 هانک اولوب کندیسنک دخی بورغونیا مالکانه سی
 یوممالکه منضم اولنجه قوجه بر اولکاتشکیل
 ایلدیکندن اوزمان ایسته مش اولسه ایدی اودخی
 باشنه برقرال تاجی قوندورر و بو صورتله په بی بایه
 برقراللق امتیازی دخی ویره یلور ایدی . لکن

مر قوم ایشک بو جهتلرینه انتفات ایتوب مؤ خراً
فرانسه یعنی وطنی ایله اوزلاشه رق اکا خدمت
ایتمی اوزرینه اشبویه بی با فتوحاتی طوغریدن
طوغری به بر فرانسه فتوحاتی دیمک اولدی و بناء
علیه مملکت دخی معناً و مارة فرانسه به التحاق
ایتمش عداولندی .

شوحالده په یی بانک غانتوا ولو کسمبورغ کبی بعض
محلاری فلیب علیهنه سلاحه صار ایشلر ایدیسه ده
فلیب ارباب عصیانکی تنکیل ایدرک بو نلری تیره سی
الیزابتک اطاعتی التیه قهرراً و جبراً صوقشیدی .
ممالك عاصیه دن دینان قصبه سی اهایسه نی
مغلوب ایلدیکی زمان بو نلردن سکر یوز نفرینی
ایکینسی بر یرده باغلی اولدقلری حانده جله سنی موز
نهرینه اتدیرمش اواسی مر قومک درجه شدته
بر مثال اوله بیلور . فلیبک وفاتندن صکره یرینه
کچن اوغلی بورغونیا دوقه سی شارل تهره ر
اوزمان فرانسه قرالی بولسان اون برنجی لوتی
علیهنه سائر متفقین ایله برابر محاربه به قیام ایلدکده

په یی با خلقنی چنکه سوق ایتش ایدیسده عنوان
 په یی باغزووانی او ایوب ینه بورغونیا نامنه قان
 دو کولشیدی . هر قومک غایت ظالم بر آدم
 اولسندن طولای ایدر و غانتوا اهلایسی عصیان
 ایلش لر ایدی . لکن بر شینه مو فوق اوله مبرق
 سیله تأدیب التنده از لیدلر و هر قومک خاطری
 ایچون فرانسه قرالی علیهنه ایتدکری محاربه ده
 قانلرین افساک ایده مدیلر .

هر قومک دخی و فاتندن صکره حقوق ارثیه سی
 کاعلاً قزی ماری به انتقال ایدرک مزبور دنک مؤخرأ
 اوستریا خاندانندن المانیا امپراطوری بولنان او چنچی
 فره دریقک اوغلی ماقسیمین ابله وقوع از دواجنه
 مبنی بو دفعه دخی په یی باممالکی اوستریا خاندانی
 مالکانه سی اولدی .

﴿ فصل خامس ﴾

کیلیوم دورا نثرک ظهورینه قدر در

عن ۱۴۸۲ الی ۱۰۵۹

- تفصیل - بو رغونیا پرنسی مارینک
قوجه‌سی مائسیمین حین ازدواجنده آرشد و قلیق
عنواندن بشته رشیده مالک اولوب حتی فامیلیاسی زندندن
په‌بی‌با یه قدر یول مصارفنی دخی ماری ویرمش
ایسه ده بو ازدواج سایه‌سنده مالک اولدیشی په‌بی‌با
از دیاری قوتنه کوزل خدمت ایلشدر .

مؤخرأ ۱۵۱۲ تاریخنده برنجی ماقسیمین
نایله المانیایه ایمپراطور اولدوقده کرب ارثا و کرب
صهریه کندیسنه انتقال ایدن ممالکی طوغریدن
طوغری یه المانیایه ایمپراطور لغند ریطایمت ایستدیه رک
شو قدر وار که بو املاک حصوانده زوجده سنک
خاندانی عنوانی یالکز بریاد کار اولقی اوزر بلا بقا
ممالک مذکوریه « بورغونیا دایره‌سی » نانی
ویر مشیدی که په‌بی‌باک اغلب ممالکی بو دایره داخلنده
ایدیلر . یالکز فریزیایانک اشرق طرفلری
« وستفالی دایره‌سی » نایله سار بعض ممالک
متجاوره ایله برابر دایره مخصوصه شکلنه کیروب
مکندی مستقل پرنس‌لری طرفندن اداره
اولنورایدی .

دها صکره شارل کن توره یوبده المانی
ایمپراطور لغی وایتالیا و اسپانیا قرالرینی کندی
نام جهانگیرانه سی التده جمع ایلد کدن صکره کلدر
دوقه لغی ایله سائر بعض ممالک متجاوز هی مجدد
فتح و ۱۵۴۸ تاریخنده بونلری دخی بورغونیا
دارسنه الحاق ایدرک په بی بانک اون سکر ایالتک
اون سکرینی دخی اوستریا خانانندن ایرمش و اسپانیا
خاندانه مالکانه ایتش اولدی .

اسپانیا دولتک مشهور و متعارف اولان شدت
مظانی و علی الخصوص شارل کنک خرچنلغی
جهتله په بی بانک الکاجینه جبق زمانی بوزمان
اولدینغی حساب ایدیور و اوروپانک بو کی ظالم
پرنسلی مظاننه انضمام ایدن پروتستانلق بلیه سی
دخی موازنه یه قاتیلور ابله په بی بانک حالی خراب
اوله جنغی حکم ایدیور ایدیه ده حسابک بر عکس
ظهوری شایان استغرابدر . شویله که :

پروتستانلق آیین جدیدی بوسنلرده باحقیقایه
کماله مستولی او اوب یوقارولر طوغری یاییور

ایندی . شارل کن ایسه مذهب جدیدك عدو
 کبری اولوب زرده برپر وستان کور رایسه همان
 قفاسنی کسر که زیر اداره سنده بولنان ممالکدن
 یوزیک قدر آدمی بویولده قربان ایتش بولمسیله
 قاتولک پاپاسلری مر قومی په‌ی‌با علیه‌دخی
 تحریکدن خالی قالمشلرایندی . شارل کنك
 بومملکتته ایشمامسی محض بعض امتیازات قدیمه‌سنی
 محافظه ایده‌چکنه دائر ویرمش اولدیغی وعددن
 نشأت ایشدر . ایشه بو وعد کنديسك ختام
 عدته قدر په‌ی‌بابی قاتولکر شرنندن محافظه ایتش
 اولدیغی کبی ممالک مذکوره حقنه‌ده شور عایته
 دوام ایتسی شارلک خلفی بولنان ایکنجی فلیبه‌دخی
 اخطار ایدلمشسه‌ده مر قوم بویابده شارله تبعیتی
 قبول ایتماشدر .

کندیسی اسپانیاده طوغوب قاتولک تربیه‌سی
 ایچند، پرورش بولمش اولدیغندن په‌ی‌بامالکته
 کوندردیکی قائمقامک پر وستانلرک نه‌صورتله
 انلسی لازم کلور ایسه اول صورتله تیکیلنی امر

ایدرایدی • حتی پروتستانلر علیهنده کی شدتیه
مشهور راولان غرونول نام قار دینال په بی باده
انگریسون جمعیتی تأسیسه دخی قیام ایشیدی •
بوجعیت قاتولک مذہبجه رافضیلک عد او انان
عذاب سائرہ اربانی بولدیغی یرده کوزلرینی اویغی
آتشلره یالق دیری دیری دفن ایتک مثلوانواع
تعذیب اینه استیصال ایدر بر جور و غدر و ظلم جمعیتی
دیمک اولدیغندن په بی با خلق یردن بره خلجانہ کاوب
الک مشهور صنعتکارلر و الیوک تجارت اربابی ترک
وطنله اوتہ یه برویه و بالخصوص انکلترة
وساقسونیا یه هجرت ایتکه مسارعت کوسر دیلر •
مملکتک اصلزادکانی ایسه شو اسپانیا ظلی
علیهنه اتفاق ایدرک خروج ایشلر ایدی • ایشته
موقفیات واقعہ سی په بی بالیچون بر استقلال مخصوص
قراندر مقیدن ناشی باب اول ایله باب ثانی اراسنده
حدفاصل اعتبار اولنان کیلوم دور اثر بو اشناده
ظہور ایتشدر که کرک انک و کرک سائرلرینک
بازوی ذوی الاقترداریلہ میدان وقوعه چیقان

انقلابات پرو جد آتی ایکنجی بایده کوریله جکدر .

— ایکنجی باب —

کیلوم دور انرک ظهوریله په بی بانک باشلی
باشنه برقر الملق تشکیل ایلدیکی زمانه قدر کوردیکی
انقلاباتی حاویدر .

عن ۱۵۵۹ الی ۱۸۰۶

برنجی فصل

کیلوم دور انرک قوردیغی ستاتودر حکومتک
مؤخرأ جمهوریه نحول ایلدیکی زمانه قدر .

عن ۱۵۵۹ الی ۱۶۵۰

— تفصیل — ایکنجی فلیک مفضللی یالکز

پروتسنانلق مذهب جدیدی اربابنی رافضی
طانیه رق قلع وقع ایتمکدن عبارت اولوب
کندیسنه برنوع روحانیت سوسی دخی
ویروب هر کیم اوامر سفیهانه سنه اطاعت
ایتمز ایسه انلری دخی روضله متهم و حقارنده اوصورتله
معامله ایدر ایدی :

اشبو مظالم علیهنه اتفاق ایدن اصلزادگان
 کندیلرینه « کو » نامی و یردیلر واسپانیول
 ظلمدن شکایتی اولان نه قدر جنکاور و ارایسه
 اتفاقلی آلتنه آلدیلر بونلر اول امرده کندیلرینی
 قاتولیک مذهبیه قهراً و جبراً ادخال ایتکه مأموراً
 اسپانیادن کلش اولان طقوز نفر انگیزیسون
 مأمورلرینی طانییوب انلری تازیانهء تأیینه
 میاندادهء انقیاد اوله جقلرینی فلیب ثانیئک اقر باسندن
 اولوب پهی با ممالکی کندیسنه توجیه ایدلش اولان
 پرنسس مارکریته بالایحه عرض ایلدیلر .

مارکریت بویله مجترانه بریولده ایدیلان حرکته
 اهمیت و یرمسی لازم کلور ایدیسه ده اوزمان مالیه
 مجلسی رئیس بولسان قونت دوبارله دون « بویله
 کوردن قورقاملیسکز » یوللو و صایاده بولنسیله
 مارکریته جرأت کلدیکی مثللو لایحه مذکور
 اربابنه دخی کولقی یادکار قالمشدر . بولفظ
 چنگانهلر مقوله سی حشرات مقهوره حقنده استعمال
 اولنور بر تعبیر تحقیر آمیزدن عبارتدر .

ایشته کولك بوصورتله بالاتفاق سلاحه
 صارلمسی فلیب ثانینك دخی غضبنی موجب اولوب
 دوق دالب نام ظالمی به بی یا عاصیلرینك اصلاحنه
 مأموراً رقومه کافیه ایله کوندردی و مر قوم یلدرم
 کی بر سرعت و قوتله کولر جمعیتی تشکیل ایدن اصل
 زاد کاندن بر طاقنی بقاله یوب همان قفالرینی کسیدردی .
 اصل زاد کان مر قومه ایچنده قونت ده اقون و قونت ده
 هورن وطنی تخلص اغورنده جله به تقدم ایدن ارباب
 حیت دندرلر . اوراثر پر نسی کیلوم دخی دردست
 ایدلدیکی آندهباشی کسینه جک غیر تکشردن ایدیه ده
 فصلسه یقایی قورتاروب فرار ایده یلیدی . لکن
 فراری جانی قورتارمق ایچون دکل ایدی . بلکه
 قوتنی طوپلایه رق کلوب رفیقلرینك انتقامی آلمق
 ایچون ایدی . دوق دالب نه قدر شدت کوسترد
 ایدیه کولر دخی ثباتی اول قدر ارتدیرمش
 اولدقلرندن هریکی طرف اللرینه یکنی در حال
 اولدور لر و بر برینك تکالیف و مواعیدینه اصلا
 قولا ق ویر میه رك کور کورینه جنك ایدر لر ایدی .

بناء علیه مؤخر آرزو نیقابی دیکه سهن نامنده عاقل و مدبر
و حلیم بر مأمور کلوب ده دوق دالبک کو ستر دیک
شدت غدیره مقابل بر حلم معتدل ارائه ایلدیک
زمان دخی افکاره سکونت کلیوب هر کس کیلیوم
دور اثره تابع اولمش وانک قوماندایی التنده محافظه
و جسدان و وطن یولنده جنک ایتکدن یوز
چویر مامشدر .

دون ژوان دوتریش و علیکساند رفارنه زکی
جنکاور قوماندانلراهری التنده یولنان اسپانیول
قوه حریسه سی بر قاق دفعه کیلیوم دور اثری
مغلوب ایشیدی . لکن معیتی خلیقک جنکدن یوز
چویر مامسته مقابل کیلیوم دخی یالغلق کو ستر میه رک
یو طرفده مغلوب اولدقجه دیگر طرفده غلبه یه
نائلته نهایت غلبه کایه دخی کندی طرفنده
قالدی . شونی ده قید ایتلیدر که کیلیومک اشیمو
غلبه کایه سی پک بهالی قز ایشیدی . زیر ابر یاندن
مملکتک حریت مدینه و دینه سمنه تعرض ایدن
اسپانیول متعصبلریله جنک ایتک و دیگر طرفدن دخی

قازان دیغی غلباته حسد ایدن و کندی رفقاسندن
بولتان زادگانک انتریغهر یله اوغراشمق لازم کلور
ایدی .

کیلیوم دورا ترک بو صورتله ظهوری ۱۵۵۹
سنه سنده واقع اولوب اون یدی سنه مدن قلیج
صالحاقدن صکره ۱۵۷۶ تاریخنده بتون په یدی با
ایالتی اسپانیول اسارتندن قورتلغی قطعاً عزم
ایدرك کیلومه اوزمان برابان اسمی التنده جمع ایدیلان
په یدی با ایالتک رأساً قوماندانلغی و ریاستی توجیه
ایدیلر .

اگر اسپانیولر بو توجیهه سلاح ایله مقاومت
قالشمش اولسه ایدیلر برشیئد موفق اولیه جقلری
درکار ایدی . انجق اوزمان اسپانیا طرفندن په یدی با
قائمقامی بولتان فارنه زایالات جنوبیه دن یعنی
بالچقا قسملزندن برقاچنی انواع مواعید صلح برورانه
ایله الهالیدیغی کی مؤخرأ جبروشدته دخی بالمر اجمعه
شماله طوغری ده حدودونفوذینی توسیعه باشلادی .
فارنه زک نفوذی زدرله قدر منتشر اولدیه اورالک

کوری یعنی استقلال وطن غیر تکشتری دها قایوروله
 چکیلورلر ایدی . انجیق فارنه زک بو تدبیری ثمره
 کامله سنی کوسه ترمه میوب ۱۵۷۹ تاریخنده ایالات
 شمالیه دن بشی بالاتفاق اوتره ش اتحادی نامیله بر اتحاد
 تشکیل واسپانیا تابعیتی طایم دقلرینی اعلان ایلدیلر .
 بویالتلر هـولاندا وزه لاندایا و اوتره ش و که لدر
 و فریزیایا ایلتلی اولوب ممالک جنوبیه ده اسپانیول
 مظالمندن قاچان و بوراره کلان کولرایله قوتلری ارمش
 ایدی . ۱۵۸۰ تاریخنده اووه ریسهل و ۱۵۹۴
 تاریخنده غرونینگ دخی بوا اتحادیه کیرمشلردر .
 ایشته ایلاک دفعه اوله رق شو بش ایالتک اجتماعیه
 ۱۵۸۱ تاریخنده اوترش اتحادی نامی په یی با جمهوری
 عنوانه مبدل اولدی و کیلیوم دورا نثر بش سنه
 اول عهد سنه توجیه اولنان ریاست ملیه یی اشبو
 جمهوریت ریاستنه تحویل ایلدی . جمهوریت
 مذکور ریاستنه « ستاتودر » دینلشیدی که
 وظائف مأموره سی سائر مملکتلرده کوریلان
 جمهوریتلره مقیس اولمیوب عادتاً برنوع مستقل

بالخر که حکممدار لق ایدر ایدی . حتی ۱۵۸۴ سنه سی جزیرانده کیلیوم دورا نرسوؤ قصد ایله اعدام ایدلد کدن صکره ستاتو درلک ارثا اوغلی مور یسه دخی انتقال ایلمشدر .

اشبو مور یس پدیری قدر جنکاور واندن زیاده دور اندیش و خلقک امنیت و اعتمادینه مظهر بر ذات اولدیغندن اسپانیا قرالی فلیپ ثانینک حالا دوام ایدن شدتنه مقابل برأ و بشرأ قوه حریه ترتیب ایدرک الحاق غایاته دخی مظهر و بوارالق فرانسه ایله انکلیزه نك اسپانیاه قارشو اعلان حرب ایتیش و فلیپ ثانیدن صکره اسپانیا قرالی اولان فلیپ ثالثک کوشکلیکی په بی بابی مصون براخوب اون اوچ سنه مدتله بر متار که عقدینه اسپانیا قرال جدیدی مجبور اولمشدر . بومتار کدن صکره اوروپا دولتلری مدت متار ککه نك انقضاسنی دخی بکله میهرک په بی بانک استقلال تامنی طانید یلر . یالکن اسپانیا سواتی اشبو استقلالی باطنع طانیه مدیغندن دائماً جنک کیلری ارسالیله هولاندزلی تجیز ایدر و دکن

اوز زنده بر پهی با کیسینه تصادف ایدن اسپانیول
دو تناسی انی احراق و یا خود اغراقه چایشور
ایدی . بنساء علیه هولاندزل اسپانیول تعرض
بحر یسندن قور تلق ایچون مهارت بحریه لریله
برابر شجاعت و بسالتی دخی ارتدیر مفید محتاج
اوله ورق بو صورتله اسپانیول تعرضندن تدافع
ایلدکاری مثللو کتدیکجه چوغالان کیلری کتدیکجه
مهارت لرینی آرتدیران قبودانلرک سوقیله تاهندستان
وچین وحتی ژاپونیا صولرینه قدر واروب حوانی
مذکورده حقند، اوروپانک سار یرلری قبودانلرنجه
هنوز معلومات لایقه یوغیکن بونلر اطلر اولکالر
کشف ایدرک وکیلر طولوسی ثروت کتوره رک امتعه
تجاریه لرینی دخی دیگر طرفدن اوروپانک هر جانبنه
ایصال یتمشلر و بویله لکله ثروت ملیه لرینی درجه
کماله واردیر مشلر ایدی . حتی مؤخرأ هندستانک
فتحنه سوفق اولان انگلیز هند قومپانیاسنه فلانکیلر
مثال کوستوب آلتی بحق میلیون فیلورین سرمایه ایله
تشکیل ایلدکاری هند قومپانیاسی دنیانک اوقطعه سنجه

شهر لقلعه لر دکل قرالقلرا و لکلر قح ایتمشدور . هولاندانک
 بو درجه شوکت و قدرتنک برسبی دخی او عصر لرده
 اورویانک هر طرفنی قاصوب قاووران دین غوغارندن
 قاجانلرک هولاندایه هجرت ایتملریله نفوسک همده الک
 ایلرویه کلان نفوس برکزیده نک چوغانسی ایدی .

هولاندانک بوتجارت وشوکت بحریه سنه یالکز
 اسپانیولر حسد ایتمکله قالمشدر . انکلیرلر دخی
 هندستان وسائر حوالی بحار محیطه منافعه
 هولاندزلره رقیب چیقدیغندن هولاندانک ترومپ
 ورویترکی مشاهیر بحریونی اسپانیانک اوقاندو
 انکلترنک بلایق ومونق وده آرکی موفقیات بحریه
 ایله شهرت شعاع اولان امیرالترینه قارشو اول قدر
 شدتلی محاربه لر ایتمشدر که غالبیت ویامغلو بیت
 هر هانکی طرفده جلوه کر اولسه طرفینک کوسر دکلری
 مأثر قهرمانی هر حالده سزاوار تحسین کوریلور
 ایدی .

حتی ترومپ انکلیرلره ایتدیکی بر محاربه ده
 مجروحاً جان تسلیم ایدر ایکن صوک لقر دیسی

« غیرت ! ارقداش لر غیرت ! بنم اولدیکمه باقیکر .
 اولیورم اما شان ایله اولیورم » کلماتی اولدیغندن
 او عصرک محاربات بحریه سی تفصیلات و ایضاحات
 لازمه سیله صحایف وقوعاته اوزون اوزادی یه قید
 ایدلدیکی صروده بوکله لر دخی یازلمشدر .

شو ذکر ایدلدیگمز ترقیات اوراثر خاندانندن
 موریس وهازی فره دریق و کیلیوم نام درت نفر
 ستاتودر زماننده میسر اولمش بر نعمت ایدیسده
 بعض ملاندره بوکی ترقیاتک و حتی راحت و حضور
 و ثروت و سعادت داخلیه نک دخی موجب فتنه و فساد
 اولدیغندن بر مثالی ده هولانداده کورلمشدر .

هولاندا جمهوریتی تشکیل ایدن یدی ایالتک
 شو انقلاباتی حکایه ایتمزدن اول ایالات سبعة
 مذ کوره خارجنده قالان و فقط کائناتمزدن بو جلدک
 شمول و احاطه سی خارجنده قالمیان ایالات جنوبیه یه
 دخی بر نظر عطف ایده لم :

یوقاروده دیمش ایدک که قائم مقام فارنه ز جنوبدن
 یعنی بلجیقا سمتمدن بر قاج ایالتی اسپانیول حکمی

آلته صوقدقدن صکره شماله طوغری دخی خلیجه
 ترقی ایلشدر . ایالات مذکوره فی الواقع اسپانیا
 ملکیتی التده تقرر ایدرکینه والیروقائمقاملر طرفندن
 اداره اولمش ایسه ده اسپانیا ایله اوستریا خاندانی
 اراسنده ایکی عصر قدر دوام ایدن وراثت
 منازعاتنک باشلیجه اسپانیدن بریسی دخی بویالئلر
 اولشدر .

۱۶۵۹ سنه سنده عقد اولنان پیره نه ۱۶۶۸ ده
 تنظیم ایدیلان اقس لاشاپل معاهده سی موجبجه
 اسپانیا دواتی برارالق اشبو ایالت جنوبیه بی فرانسه یه
 ترک ایتش و اوزمان ممالک مذکوره یه فرانسه یه بی بابی
 نامی ویرنشیدی . آندن صکره یه اوستریا خاندانه
 انتقال ایدرک بعده تا عصر اخیر کئنجیه قدر
 خاندان مذکورک مالکانه سی اواش قالمشدر .

شوحاله کوره په بی با احوالی یالکن هولاندا
 ایالات متحده سبعة سی احوالندن عبارت قالوب او
 ایسه بالاده کوسترلدیکی وجهله شوکت بحریه جه
 اسپانیا وانکلتزه کبی اک بیوک دولتلره اوموز

او پوشمک دخی بروقت فرانسہ قرالی اون دردنجی
 نوئی کبی فلکھ بویون اکامک غیرتندہ بولان بریوک
 حکمداری دخی بالمغلوبیہ صلح التاسنہ تنزل ایتدیرمک
 درجہ سنہ واردیغی حالده بوشوکتی بوقوتی کندیسنه
 غیب ایتدیرمش اولدیغندن منازعات داخلیدی حکایه
 ایچون فصول آتیه بی کشاده مسارعت ایدہلم :

﴿ فصل ثانی ﴾

(ایلک ستاتودر حکومتی لغو ایدن حکومت)

(جہوریہ بیاندهدر)

عن ۱۶۵۰ الی ۱۶۷۲

— تفصیل — کیلیوم دورانٹک بهی با ایچون
 قزاندیغی استقلال اوزرینه قورمش اولدیغی ستاتودر
 حکومتی برنوع جہ-وریت ریاستی ایسہده
 بوریاست سائر ریاستلره مقیمس اولیب عاداتا
 بالاستقلال حکومت کبی ارثاً اولاده دخی انتقال
 ایدر برشی اولدیغنی یوقاروی فصلده بیان
 ایلشیدک .

کړا کيلیوم وکړک کنديسنه خلف اولان اوغلی
موريس رياست حکومته تفرع وتعلق ایدن وظائفی
حسن ایفا ایتش اولری ثمره سیله یوقاروکی فصلده
یازمش ولدیغی وجهله هولاندانک شوکت وقوتی
آرتدقجه آرتمش ایسه ده موريسک طور مستقلانه
ووضع مستبدانه می خلقه آغر کله رک ستاتودرلک
مقمانده بولنه حق برذاتک خلقه حاکم دکل خادم
اولقله موظف بولندیغی قضیه سی اوتوده بروده ورد
زبان ایدلمکه باشلامشیدی .

بو مثللو کفت وکولری باصديرمق ایچون
حکومت نه قدر شدت کوستر ایسه کفت وکوی
چوغانتمدن بشقه بر فائده سی اولیه جغی پک چوق
یرلده پک چوق امثالیه مجرب بولندیغی مثللو بو حال
عینیه په یی باده دخی واقع اولشدر . شویله که :

ژان اولدن بارنه وه اند نام ذات هولاندانک درلو
درلو ماوریتلرنده بوانوب حتی اسپانیا وانکلتره
ایله سبقت ایدن معاملات حربه وودیپلوماتیه ده
پک بیوک یرارلقار کوسترمش اولسنه مبنی خلق عندنده

قدری و حیثیتی آرتقوله او دخی املی بیولتمش و ستاودر
بولتان موريسك استبداد واستقلال علیهنده
سوز سويتمكه باشلامش ایدی . بو حال موريسك
سامعه خراش اطلاعی اولدقده بارنه وه لدی یانگن
خلق نظرند چور و تمك دكل حتی دنیادن دخی
وجودنی قالدیرمق غبرتنه دوشه رك اکرچه مومی
الیهی ایکی دفعه مأموریتندن استعفايه و گوشه
عزلی ترجیحه مجبور ایتمش ایسه ده توجه عامه دن
طولایی ملت و کلاسی بواعترالی قبول ایدمبوب
بارنه وه لدی ینه ابقا ایلدکارندن موريس خنی پاپاسلر
ایله او یوشوب مومی الیهی رافضیلك تمهتيله اتهام
ایتدیردی .

اوزمان خلقك تعصبی کاندده اونسیله بو تمهت
یرآدمی نظر ناسد، چور تمكه کفایت ایدر ایدیه ده
خلق بارنه وه لدك عصیت دینه سنی بیلدیکمندن بونك
یرفانده سی او لمیجه موريس بو کره دخی خصمك
اسپانیوللر ایله بلك اولدیغنی و مملکتی اسپانیوللر
تسلیم ایده جکنی اعلان ایدوب حالبو که بارنه وه لدك

اسپانیوللره خصومتی واستقلال وحریت وطن ایچون
اشتیاق وغیرتی دخی معلوم عالم اولدیغندن بوده پاره
ایتمیش ایدی . نه فائد، که بوثمت رسمی برتومت
عداولمغله وموريسك كندی انتخاب کرده سی بولنان
حاکم لر بیچاره بارنه وولدك اعدامنه حکم ایتمیرله
یتیم یاشنه وارمش اولان بیچاره ادمجکز بغیرحق
شواغر جزایه دوچار ایدلدی .

بارنه وولدك رنه وکیلوم نامنده ایکی اوغلی
قالوب بولردن کیلیوم پدری انتقامی اولق اوزره
موريسك جاننه قصد ایتمکی قورمش وحتی بونی
برادرینه دخی عرض ایلمش ایدی . لکن فصلسه
کیفیت خبرالنه رق اصل سوء قصدی تصمیم ایدن
کیلوم فرار ایله قورتلدی ایسه ده بیچاره رنه بوسبتون
قباحتسز اولدیغی حالده جزای اعدامه دوچار
اولدی .

بو کیفیت ۱۶۲۳ سنه سنده یعنی ده ایلک ستاودر
عدت حکومتك اواسطنده وقوع بولاش ایدیه ده
یز حکومت جمهوریه نك منشائی کوسترمك ایچون

کیفیتی بوفصلده ذکر ایلدک واقعا حکومت جهوریه نك
 منشائی بو اولدی . زیرا هر نه قدر ایلک ستاتودر
 حکومتك او اخر حکومته قدر هولاندزلرک خارجاً
 شوکتلری ترقی ایده کتدیسه ده داخلا ستاتودرلرک
 داور مستقلانه لری ارتدقجه بولرله مخالف اولان
 طرفك نفرتی ده ارتمش و نفرت ارتدقجه حکومت
 شدتی چونعالتش هانری فره دریق و کیلیوم ثانی
 نام ستاتودرلرک زماننده یک چوق او یغونسزلقلر
 ظهور ایلش ایدی . لکن بو ایکی ستاتودرلر دخی
 غایت جنکاور اولدقلرندن خصماسی زده باش قاندریر
 ایدیسه همان باشلرینی از لر ایدی . نهایت
 ۱۶۵۳ تاریخنده کیلیوم ثانی وفات ایلدیکی زمان
 بو ستاتودرلرک طور حکمرانلرندن کمالیله بیزار اولان
 خلافکیران اوته دنبری ستاتودرلرک باش و کالتی
 منصبنده بولوب وطن و ملتله کوزل خدمت اینمش
 اولان ژانده ویتک ریاستیله سلاحه صاریلهرق
 بعدما اورانتر پرنسلینک نه ستاتودرونه ده نام آخرله
 حکومتلرینی طانیهمیه جقلرینی قطعاً درمیان

ایلدیلر ومومی الیه ژانده ویتی تشکیل ایلدکاری
 جمهوریتہ پانسپونرنامیلہ رئیس نصب ایتدیلر .

ایشته بوتبدل اوزرینہ اورانثر خاندانی حکومتدن
 ارتق ال چکەرک طوغریدن طوغریہ حکومت
 جمهوریه صورتیلہ اداره امورہ باقیلور اولدی .
 بوعصر انکلتړه ده دخی قرونوہلک بر حکومت جمهوریه
 اداره ایتمکده اولدیغی زمانہ مصادف اولغله
 (انکلتړه ص ۲۰۲ مر) ژانده ویت مر قوم
 قرونوہل الہ بالاتفاق اوزمانہ قدر هولاندانک انکلتړه
 ایلہ سبقت ایدن محاربات بحر یہ سنہ ختام و یرد کدن
 ماعد ا هولاند ا جمهوریتی دخی نوعا انکلتړه جمهوریتی
 حایہ سی التہ و یردی . و بعدما اورانثر پرنس لرندن
 هیچ بر یسنک هولانداده نہ جمهور رئیس نہ ده بیوک
 امیرال و سائر هیچ بر مأموریتہ یولناماسنی باعہادہ
 تأیید ایلدی .

ژانده ویت غایت مقدم بر آدم اولغله اورانثر
 پرنس لرنک پہی بادن بتون بتون علاقہ لرینی قطع ایتک
 ایچون ہرنہ لازم ایسہ یا عقدن کیر و طور ماش ایدی .

هولاندایی اوروپا دول معظمه سیله محاربه دن
 دخی منع ایلدی . لکن بومسلکده دوام ایده مدی .
 زیرا انکلتزده جمهوریت انجق برسنه قدر دوام
 ایدوب اندن صکره تکرار تسکل ایدن حکومت قرالیه
 ایله بوزوشه رق اسکی محاربات بحریه بی تکرار
 (انکلتزه ص ۲۰۹ مر) ایدرک ۱۶۶۴ دن
 ۱۶۶۶ سنه سنه قدر ایکی سنه دوام ایلدیکی کی
 ۱۶۷۰ ده دخی جهاز اوله رق فرانسه یه ویرلسی
 لازم کلان فرانش قونته بی ویرمک ایسته مامسندن
 طولایی فرانسه ایله محاربه آجان المانیا ایمپراطورلغیه
 اتفاق ایلمش ایسده ده بو محاربه ده طالع هولاندایه
 اصلا یاورلک ایتدیکنندن اون دردنجی لویئیک
 عسکری فلاندر و سائر په بی بانک کوزلیرلرینی
 اوچ آی ایچنده ضبط ایشدر . (فرانسه ص
 ۲۲۰ مر)

ایشته شو مغلوبیت ژانده ویتک خیانت وطنی
 خلق نظرنده اثبات ایتکله واریه اوراثر خاندانک
 اغواسی دخی کیرمکله ۱۶۷۲ تاریخده عموم

هولاندزله سلاحه صارلدیلر و ژان ده ویتی وقرنداشی
 قورینلی پارچه پارچه ایدوب لاشه لری نی اوتیه برویه
 اتدیلر . لکن یو حال ژان ده ویت ایچون برغدر
 ایدی . زیرا اشاغیکی فصلده کوریه جکی وجهله
 اندن صکره ستاتودر حکومتی عودت ایدنبجه یو وطن
 پرور آدمی ینه ارادیلر اوزمان قدری بیلنه رک کندیسنه
 وقرنداشنه پک زیاده اجیدیلر .

فصل ثالث

— ستاتو در حکومتک تجدیدی —

عن ۱۶۷۲ الی ۱۷۱۲

— تفصیل — یوقاروکی فصلک نهایتده په یی با
 خلقنک ژان ده ویت عایهنه قیام ایلدکاری نی وانی
 بعدالازاله حکومت ج—هوریه یی اعلان ایتدکاری نی
 بیان ایتمشیدک . یو حکومت ایچون انکله قرالی
 یولنان کیلوم دوراثر ستاتو در انتخاب اولمشدر
 (انکله ص ۲۱۳ مر)

عومی الیه کیلوم دوراثر نامندن دخی معلوم

اوله جغی وجهله ایلك س-تاتودر زمانك دردنجی
 پرئسی بولنان ایکنجی کیلیومك اوغلی اوئوب ماری
 س-توارت ایله بالازدواج انکلتزه قرالغنی قزانمش
 ایدی . بوکره اعلان اولنان جمهوریتك تأسیسه
 سبب هولاندانك فرانسه محارب به سنده کوردیکی مضرت
 اولغله مضرتی کوریلان برایشده دوام کارعایل
 صایدیغندن کیلیومك بو محارب به یی همان برطرف
 ایتسی لازم کاور ایکن کیلیوم بالعکس بو محارب به ده
 دوام ایله به یی با ایچون دها بر چوق ضایعاته سببیت
 کوستردی . باخصوص سف محارب به سنده فرانسه زله
 فذا حالد مغلوب اولدی . واقعا کندیسنك
 محاربات واقعه ده کوسترمش اولدیغی شجاعت
 و حسن اداره یه سوز یوقدر . لیکن بو شجاعت
 و بو حسن اداره نك بر ثمره سی کوریه منجه هولاندزلك
 ممنون قالماقده معذوریتری دخی تسلیم ایدلی .
 نهایت (نی مهق) ده عقد اولنان بر معاهده بو
 محارب به یه نهایت و یردیه ده هولاند الیر کندیسندن
 یوز چو یردکاری جهتله س-تاتودر حکومتی عاداتا
 حکمسنکی برحالد قالمش ایدی .

کلیوم دورا نړک ستاتو در لکني جمهوريت
طرفدارلری همان اصلا طایما مشلر ایدی . انلر
انتوان هه ین سیوس نام منلیسترو یی ینه اسکی جمهوریت
رئیسک عنوانی بوانان پانسیونر عنوانیله باش وکالت
مقامند . پایدار ایتدیره رک کلیوم دورا نړی عادتا بر
انکلره قرالی وانتوانی دخی په یی با جمهوریتی رئیس
اولق اوزره طانورلر ایدی . انتوانک کلیوم
دورا نړه محبتی بر کل اولمغله ارالزنده هیچ برمنازعه
ظهور ایتدن ۱۷۰۲ تاریخه قدر بر لکنده اجرای
حکومت ایلدی لر . تاریخ مذکورده کال یومک
وقوع وفاتی اوزرینه جمهوریت طرفدارلری ارتق
بر قرال انتخاب ایتکدن و حتی ستاتو در حکومتی
عنوانک دخی ادامه سندن خلقی منع ایدرک ینه جمهور
نامنی اعلان ایله ریاستنی دخی مومی الیه انتوان
عهده سینده ایضا ایتشردر .

بز بورانده کلیوم ثانی یالکز بر په یی با ستاتو در
کی تلیق و اوصورتله قید و تحریر ایلدک . مومی
الیهی بر انکلره قرالی کی کورمک لازم کلورسه

برمنوال مسبوق مراجعتی توصیه ایلدیکن صحیفه یه
مراجعت بیورملیدر .

﴿ فصل رابع ﴾

— پانیونر حکومتک مدتی —

عن ۱۷۰۲ الی ۱۷۴۷

— تفصیل — بوکره جمهور رئیس انتخاب
اولندیغنی بوقاروکی فصلده خبر و یردیکن انتوان
ههین سیوس وقتیه کیلیوم دوراثر زماننده بر
مأموریت فوق العاده ایله فرانسه یه کتمش واوراده
فرانسز سرای قرالیسنک پک زیاده حقارتنه دوجار
اولمش ایدوکنندن فرانسه دولت وملتق علیهنده
بر بیوک خصومت محافظه ایتمکده بولمیشیدی .
وقتا کد فرانسه ایله اسپانیا و المانیا و اوستریا اراسنده
اسپانیا تحتنه وراثت دعوالری آچیله رق محاربه یه قیام
اولندی . (فرانسه ص ۲۲۲ می) انتوان
دخی فرانسه دن انتقام المیق زمانک کلدیکی کوره رک
ینه فرانسه علیهنده اولق اوزره انکله تره قرالیجه سی

(آن) طرفدن تدارك وارسال اولنان اردونك
 (انكلتره ص ۲۱۵ مر) قوماندانی مالبورغ
 و المانیا ایمپراطورلغتك فرانسه علیهنه تشکیل
 ایلدیکی اردونك قوماندانی بولنان پرنس اوژن ایله
 بالاتفاق فرانسه یه قارشو محاربه یه قیام ایلدی .
 انكلتره تاریخنده اشبواسپانیا وراثتی محاربه سنك
 بوجلده تفصیلاتی اعضا اولنه جغی وعد ایلدیکندن
 و واقعاً فرانسه تاریخنده برخیلی ایضاحات و یرلمش
 ايسه ده و عدم مذکورك بوراجه ایفایسی په بی با تاریخی
 ایچون دخی اهمیتدن خالی قالیه جغندن مذکور وعدك
 بروجده آتی ایفاسنده شروع اولنور .

فرانسه ده اون دردنجی لوئی کبی بر شوکتلی
 حکمدارك زمان شوکت و قوتنده اسپانیا قرالی اولوب
 بعد وفاته یرینه قائم اوله جق برولی عهدی بولمیان
 ایکنجی شارل ۱۷۰۰ تاریخنده اولوم یتاغنه
 یاتدیغی زمان اسپانیا تاج و تختی اون دردنجی لوئی یه
 برج یله اولق اوزره لوئیک حفیدی فلیب داترویه
 وصیت و ترک ایلشیدی . انجق شارل ثانینك وفاتندن

صکره اوستریا خاندان فرالیسندن مؤخرأً التنجی شارل
 نامبله مقام حاکومه چیقان ارشیدوق شارل بوتاج
 وتخته قلیب دائرودن زیاده استحقاق کوسرتوب
 استقامتی حقوق دعواسنه دخی قیام ایتمکله اون
 دردنجی لوئی بوتعرضدن فوق العاده دلکیر اوله رق
 سلاحه مراجعت ایشیدی . اوستریا انکلتره پروسیا
 پورتقال وصادوا دولتلی بالاتفاق فرانسه علیه
 سلاحه صار ایشلر ایدی . هولاندانک دخی بو
 محاربه یه قارشیمی یالکزانته وان هه یین سیوسک فرانسه یه
 اولان خصومتدن ده نشأت ایتمه شد . اوزمانلر
 په یی بانک ایالات جنوبیه سی اسپانیامستمکانه دن عد
 اولنوب بو کره فرانسه نر طرفدن ضبط ایدلمش بولمشیله
 بوایاته لیک استرداد ایملی دخی محاربه یی ایجاب ایدن
 اسپانیدن ایدی . انتوان و پرنس اوژن ومانبورغ
 شمل طرفدن فرانسه یه با تعرض ۱۷۰۲ دن ۱۷۱۳
 سنه سنه قدر فرانسه یی اورمقدن خالی قالدیلر .
 بزبوراده محاربات مذکورده دن یالکزانته په یی بایه کرک
 طوغریدن طوغری یه وکرک من جهة تعلقی ایدنلری

فطر دفته - چونکه محارب به نك شكل عمومیندن
 فرانسه نك كوردیكى نتیجی اوراده حكایه ایلمشیدك
 - اله جغیزدن بوراده ذكر ایده جگمن خصوصات
 حربیه مالبورغك اسپانیول مالكانه سی حکمنده بولنان
 و فرانسرل طرفندن ضبط اولنان كلدر ایالتی تخلیص
 و (شیلانبرغ) ده فرانسه متفقلمی بولنان باو یرالیری
 بوزارق اوچیوز قدر قرا و قصباتی احراق ایلدیکنی
 و پرنس اوژنك اسقونهری اوزرنده اوده نارد و مالپلاق
 محارب لری بی فرانسرل علیه نه قران دیغنی و علی الخصوص
 اوژن ایله مالبورغك بالاتفاق هوششت غایبه عظیمه سنه
 مظهر اولدقلرینی اخطار ایله اکتفا ایدرز هولاندا
 عسکر یله انشوان هه ین سیوس بو محارباتك جمله سنه
 اشتراك ایدرك هولاندانك بر خلی منافع مادیه سنه
 سبب اولمش ایدیسه ده هولاندا کی مملکتك
 تحمل ایده میه جکی بار کران مصارف ثروت ملیه یی
 بتون بتون محو ایتمك درجه سنه واردش ایدی .
 هولاندا کی چند سنه مقدم ثروت و سامانی قویه جق
 یر بوله میان مملکت اهالیسی بو کره خزینة املیه لری بی

فلوس احره محتاج کورنجه ز یاده سیله مایوس اولدی لر
 حالو که انتوان هه یین سیوس موجب اولدیغی بونجه
 فناقلره چاره بولدن ۱۷۲۰ تار یخنده وفات ایدنجه
 واسپانیا محارباتنده ایسه غلبه متجه فرانسه اولانده
 قالوب ایالات جنوبیه دن دخی بر فائده حاصل اوله منجه
 انتوانک یرینه برسته تودرمی انتخاب اولمنی یوقسه
 یرجهور رئیس می بولمنی لازم کله جکی مجادله سیله
 حیت مندان وطن سلاحه صارلدی . انجق بوده
 حال ضعه دوچار اولان مملکتی رقاندها صار صمدن
 یشته فائده ویرمدی .

﴿ فصل خامس ﴾

— ستاتودر حکومتک تکرار عودتی —

عن ۱۷۴۳ الی ۱۷۹۵

— تفصیل — یوقاروکی فصلاک نه اینده ستاتودر
 حکومتی طرفدارانیه جمهوریت طرفدارانک هانکی
 صورت حکومتی ترجیح ایده جکر ینه برقرار ویره میه رک
 آچمش اولدقلرینی بیان ایلدی کمز باب مجادله سنه

سنة لرحه دوام ایده کتمش ايسه ده ذاتااك اولکي اسپانيا
 محارباتندن بدأ ايله مؤخرأ انکلتره والک صکره فرانسه
 محاربارتی کبی حدندن خارج محارباتله قولوقنادی
 قیرلمش اولان بر مملکتک بویله سنة لرحه دوام ایدن
 محاربهء داخلیه سی ارتق اربانه فتور کتورمش
 اولدیغندن ایدیلان مجادلات قومشو قاریلرینک
 محله غوغالری کبی بر صورته منجر اولمشیدی .

اوتة طرفدن ینه انزو پرنسلرندن دردنچی کیلیوم
 اول امر ده په بی با ایالات متحده سندن فریزیا ایالته
 کندیسنی ستاتودر انتخاب ایتدیروب بعده ایالات
 مذکورده تقرر ایدن اسایش داخلی بی
 ایالات سائرہ دخی کورنجه ۱۷۴۷ تاریخنده جله سی
 کیلیوم رابعی قبول ایدرک شو صورتله ستاتودر
 حکومتی ینه تجدد ایتمش اولدی . فقط ارتق اوروپا
 امور ینه مدخله یه اقتدار قلمیان بوکوچک
 وقتدرتسن حکومتک امور خارجیه جه هیچ بر تأثیری
 قالمامش اولدیغی کبی داخلاً دخی انجق کندی
 یاغیله قاور یله بیلک درجه سنه تنزل ایلدیکنندن

عادتاً تاریخک نظر اطلاعہ جار با حق هیچ بروقعہ
مہمہ سی ظہورہ کلدی .

حتی ۱۷۵۱ تاریخندہ کیلوم رابع و وقوع
وفاتیلہ یرینہ کیلوم خامسک ستاتودر اولسی لازم
کلد کده جمهور طرفدارلری براز مر لدا نغہ قالقشملر
ایدیسه ده فتور ایچندہ بولنان اہالی بوکی القاتہ
قولاق بیلہ ویرماشملر و ذاتاً بر بوستان قور قولغندن
عبارت قالان حکومت ریاستہ کیم انتخاب ایدیلور
ایدیسه ایدلارون بر بآس اولدیغنی اورتایہ قویہ رق
کیلوم خامسی قبولدہ بولمشاردر .

کیلوم رابعک حین جاوسندہ وقوعبولان
مرادیلر سنہ ۱۷۸۱ کچدکچہ بیویہ بیویہ خارجدن
ایدیلان القاتک دخی تأثیریلہ ۱۷۸۱ تاریخندہ
پہ بی با سرعسکری اوئی دہ یرون سولین ریاستیلہ
بر بیک عصیان ظہور ایلشیدی . انجیق کیلوم
زوجہ سی پروسیا قرالی ایکنجی فرہ دربق کیلومک
ہمشیرہ سی بولمغله مز بورہ نک استدعاسی اوزرینہ
یکرمی بش بیک نفر دن مرکب پروسیا اردوسی

په بی با ایچنه کیرمش و مقابله په قاتقیشان جمهور جیلری
 بوزارق ۱۷۸۷ تاریخنده امستردام شهری دخی
 روس سیالیر الینه دوشمش اولدیغندن بشجی کیلیومک
 حکومتی بوضورتله محافظه ایدلمش و اندن صکره
 آخر حکومته یعنی ۱۷۹۵ سنه سنه قدر کندیسنی
 راحتسز ایده جک هیچ بروقه ظهور ایتما شدر.

﴿ فصل سادس ﴾

(باتاویا جمهورینک تشکلی)

عن ۱۷۹۵ الی ۱۷۰۶

— تفصیل — فرانسه تاریخنک باب رابعنده
 کوسستلمش اولدیغی وجهله فرانسه ده حکومت
 جمهوریه زمانده تنظیمات اعلان اولنوبده بتون
 اوروپاده بونظیماتک علیهنه فرانسه په قارشو محاربه
 آچدقلری و فرانسرلک دخی اشیو بتون اوروپایه
 قارشو مقابله په مسارعت کوسستدکلری اشناده
 اوتهدنبری حکومت جمهوریه هوسیه قینایوب
 طورمقدمه بوانسان هولاندا جمهور جیلری فرانسه په

بر بیوک میل وتوجه کوسستیمکه باشلامشرایدی .
 بناء علیه فرانسه عسا کر جمهوریه سی اوچ رنکلی
 بایراقلریله شمال طرفنه توجه ایتدکلی زمان (فرانسه
 ص ۲۵۲ می) په پی با جمهوریت طرفدارلری
 کاملاً ایاقلا نوب فرانسز اردوسنی استب له مسارعت
 کوستردینر .

جنرال پیشه غرو قومانداسیه کان فرانسز اردوسی
 کرک پروسیا و کرک سستاتودر طرفداری بولسان
 هولاندا عسا کر یله محاربه په طو تشددقلری زمان
 بوجهورجیلر دخی سلاحه صارلدیلر ۱۷۹۵
 تاریخنده کیلیوم خامسی انکلتزیه قاجیروب سنه
 مذکور ه مایسنک اون التجی کونی باتاویا جمهوریتی
 نامیله یکی بر جمهوریت اعلان ایلدیلر که شو صورتله
 کرک سستاتودر و کرک پانسسیونر حکومتلری نامی
 محو ایتش اولدیلر . حتی (ایالات متحده جمهوریتی)
 عنواننده کوردکلی ال بیوک مضرت په پی بایی
 یکپاره بر مملکت اوله رق تشهر ایتوبده حد ذاتنده
 منقسم و متفرق و یالکز سیاسته متحد و یک وجود

کوسترسی قضیه‌ی اولدیغندن بوجهوریتک اساسی
 تنسیقاتنده بعدازین په‌ی بانک باتاویا نامی التده معناً
 وماده یکپاره بر مملکت اولدیغنی اعلان ایلدیلر
 نظاماتی ایسه عینله ناپولیونک فرانسه جهوریتی
 ایچون قویدیغنی نظامات ایدی . حتی تنسیقات
 اساسیه موجججه بعدما په‌ی بانک بردها آیرلماق
 اوزره فرانسه متفق اولدیغنی دخی اعلان قلندی .

جهور جیلر شوموفیتدن ممنون اولشلرایری .
 فقط اوزمان فرانسه په‌ی بانک سلامته خدمت
 ایتیموب کندی منفعتنه خدمت ایلدیکندن هولاندانک
 مایسترج وواتانو وستات لیمبورغ وستات فلاندرن
 نام سنجاقلری فرانسه به تملیک ایلدیکی کبی نقداً
 دخی یوز ملیون فلورین تأدیه ایتش و بوندن ماعدا
 په‌ی با قاعده‌لینه فرانسز عسکری اقامه سینه رضا
 کوسترلش اولدیغندن حقیقت اراشدیرندیغنی کبی
 اشبو باتاویا جهوریتنک طوغریدن طوغری به
 یرفرانسه جهوریتی ایالتی دیمک اولدیغنی حکم ایدیلور
 ایدی .

فرانسه ایله اتفاق شو مضرات مادیه سندن
 ماعدا برده مضرات معنویه سی کورادی که معنوی
 دیدیکمز بومضرات دخی ثمرات مضرة مادیه سنی
 اورته یه قویعمن کیروقالمی . شویله که :

اوزمان انکلترة دولتی فرانسه نك عد وجانی
 بولمغله دشمنی ایله اولان یکو جود لغندن ناشی
 هولاندایه دخی ابراز حصومت ایدرك فرانسه ایله
 ایتدیکی محارباتده هولاندانك الده بولنان بقیه
 دوتناسنی دخی دوتما کوندره رك شو و نابید ایتسیله
 ۱۸۰۲ تاریخنده آمیان شهرنده عقد اولنان معاهده
 موجبنجه هندستان طرفلرند واقع وهولاندامستلکاتندن
 معدود (سیلان) جزیره جسمه سی انکلترة یه ترك
 اولندی .

حالبو که انکلترة نك غضبی بونکله ده سکونت
 بولدی . چونکه باتاویا جمهورجیار نك بوقدر
 ضایعاتله دخی عقلری باشلرینه کلامش ایدی . انکلترة
 ایله فرانسه تجدید خصومت ایلدکاری زمان

هولاندز لینه فرانسه‌یه متفق چیق‌د قلندن بوکره .
 دخی سورتیان و امید برونی مستملکاتی انگلیزله
 ترك ایلدیلر و شو صورتله مستملکات شوکتی بتون
 بتون الدن کیدر مش برحاله کلدیلر .

۱۸۵۰ تاریخنده، یعنی ناپولیون ارتق حیت ملیه بی
 یالکز غیرت منفعت صورتنه تحویل ایدوبده
 فرانسه‌ی کندیسنه مالکانه ایتمک تشبثاته باشلادیغی
 زمان په‌ی‌بانک دخی اصول جمهوریتی فرانسه
 اصول جمهورینه تطبیق ایتمشلا ایدی . بواصول
 جمهور فرانسه تاریخنده، کورلدیکی و جهله بر نوع
 حکومت مستبد و مستقله دیمک ایدی .

بو حکومت جمهوریه‌نک ریاستنی مدت مدیده
 هولاندا مهم امورنده و حتی فرانسه و انگلیز دولتری
 نزدنده خدمت سفارتده بولوب کرک کندی ملت‌نک
 و کرک دول اجنبیه‌نک پک بیوک امنیت و اعتمادینی
 قازانمش اولان روتر رژان شیمیل یذغ عهده‌سنه
 توجیهنی ناپولیون جسنابلری حال و مصلحته موافق
 بولشیدی . زیرا کندیسی بوذاته پک زیاده حرمت

ایدر ایدی . واقعا روتزر دخی ناپولیونک کندی
حقه اولان اعتمادینی بوزمدی . مع مافیه فرانسز
انتریفه لرینه الت او اوبده وطنه خیانت ایتک دخی
ایستز ایدی . انشق بوجهوریتک تشکلی ذاتاً
بر نتیجه اولیوب بلکه یقینده کوریه جک بر نتیجه نک
مقدمه سی ایدی . اوتیجه ایسه بر سته صکره
یعنی ۱۸۰۶ تاریخنده میدانہ چیقوب کورلدی .
چونکه اوتہ دنبری استقلال وطن دعواسیله
شیشمکده بولمان هولاندز جهور جیلری بوکره وطنلرینک
استقلانی ناپولیون جنابلرینک خاکپاینه عرض
ایتمش اولدقلرندن اودخی قرنداشی لوئی بوناپارت
ناپولیونک باشنه بر تاج کیدیروب والنه دخی هولاندا
قرالغی توجیهنه دائر برات کوندردی وشو صورتله
هولاندا قراللق عنوانی دخی الدی .

بوندن صکره باب ثالثده هولاندایی بر قراللق کبی
کوره جکز .

— اوچنچی باب —

بهی بانك احوال اخیره سی بیانده در .

عن ۱۸۰۶ الی ...

﴿ برنجی فصل ﴾

ایلك هولاندا قراللی احوالی میندر .

عن ۱۸۰۶ الی ۱۸۱۰

— تفصیل — اوی ناپولیونك هولاندا قراللی
 ۱۸۰۶ سندی حزرانك بشنجی — سونی اعلان
 اولسوب بو خبر شیمیل یننغه واصل اولنجه مومی الیه
 تابعیتله ایشدن ال چکهرک برکوشه انزوایه
 چکادی . واقعا قرال اوی جنابلری مومی الیه
 القاده قصور ایقبوب حتی مهمام دولته دائر
 کنديسندن بعض رأیلر دخی صورمش ایسده
 شیمیل یننغ ویردیکی رأیلری مملکتک فائده سندن
 قطع نظر مجرد بونا پارط لرك شرنندن کنديسنى

قورومق ایچون ویرمشیدی . زیرا انک نظرند
یونایارطالر الله دوشن بروطنک ارتق محافضه
ایدیله جک منافعی دخی قالمش دیمک یدی .

اوروپا جه جنک یلدریمی دیه شهرت المش
بولنان یونایارطک قنداشی هولاندای مسعود
ایده یلدریمی ظن ایدرسکز ؟ اصل جنک یلدریمی
فرانسه یی مسعود ایده یلدریمی که قنداشی دخی براجنی
مملکتی مسعود ایده یلسون ؟ بر کره اسکی محاربناک
مصارفی اوزرینه یوفرانسز پولتیقه لرینک آپدیغی
مصارف دخی بالانضمام دیون عمومیه بر میلیار ایکوز
میلیون فیاورینه یعنی اون فیلورین بر لیرا حسابله
یوز یکر می ایکی میلیون لیرایه بالغ اولمشیدی که
نسبت ایدیله جک اولسه بهر هولاندز اوتوز لیرادن
زیاده دیون ملی التنده از یاکند، بولمشیدی . بوکا
مقابل هولاندانک باری اسکی تجارتی الله قانش اولسه
ایدی نه نه ایسه نه ایدی . حالبو که او تجارتی
دخی انکلیز محو ایتمش اولدق لرندن بو کره انلرک

الرنده قالان اخذوا اعضا انكلتره دكزلنجبه اجرا
ايلندكري قچاقنقون عبارت ايدى .

١٨٠٧ سنه ميلاديه سي تشرين ثاني سنك اون
يسى تاريخيله ناپوليونك اعلان ايلنديكى برامر دو جنبه
كوي انكلتره جزيرلرني عمومأ بر محاصره الته
الغرق اوروپا اسكله لرندن اورايه هيچ بر سفينه هيچ
بر كونه اخذوا اعضا ايچون كتمه جكي قطعياً اعلان
اولنسي و بوامر حكمنك محافظه سي ايچون برأ و بمرأ
تداركات لازمه يه دخي فرانسه دولتي طرفندن تشبث
قنسي اوزرينه هولاندزلك الرنده اولان قاچاقلق
دخي رواجدن قالب اقشامه امك پاره سني قازانه
بيله نلرمسعود عداو لنغه باشلاذيلر .

ناپوليونك املي هولاندايي بتون بتون فرانسه يه
قائمق ايدى . لكن كييم بياورنه سطانعه به ميني
بواملي رنن بره موقع اجرايه قويتمق ايسته مديكندن بر
اراق ١٨٠٧ سنه سنده طوغريدن طوغري يه فرانسه
اداره سي التنده بولنان فريزيا يالتك قسم شرقيسندن
وايوه را اياستندن بر پارچه يرلري هولندايد ترك ايدرك

یو کا مقابل هولاندا دن موزنهر یله فرانسه حدودی
 اراسنده کائن اراضی ایله برغوب زووم و بره راو بواله
 دوق و کر تروید مبرغ و قله سنغ سنجا قلمینی اخذ
 وضبط ایلدی و بوم باده نك اسمنه دخی تعدیل حدود
 نامی و یرلدی .

یوقدر معاملاته قارشو هولاندا اولک سس چیقاره
 مد قلمینه تعجب ایدیله عز . زیرا بر کره فرانسه
 پواتیه سنه قایل قدن و علی الخصوص و ظلمینی بر
 بوناپارط پر سنه تسلیم ایلد کن صکره انارک بو کبی
 جلو نرینه قائله عبق دخی ضروری اولور . لکن
 ۱۸۰۹ سنه سنه ناپولئون انکلتره ایله محاربه بی تبیدید
 ایلدی کی زمان هولاندا فرانسه منسوبیتنک بر سیئه سنی
 ده اچکندی . زیرا انکلیرلز والشهرن اطه سی
 اوزرینه شدیداً تسلط ایدرک هولاندزلی بردها
 هم ده آجیسی تیز بری اونه علیه جق مرتبه ده خرپالامش
 ایدیلر . ینه بوسنه او یس و دوردر سنه و روتردولی
 اراسنده واقع و سطح بحر دن الحق اراضی بی صو
 باصوب اوتوز بش مر یامترو مربع اراضی صواتنده

قالغله بودخی هولاندا ایچون بشقه برمصیبت یرینه
کیدی .

واقعانوی ناپولیون جسن بلری بواحوال ولدییه
قارشو برتدبر بولغده چایشیورکی کورینورایدی .
لکن اوستریا و پوسینو فرانسه وانکلتر کی درت بیوک
دولت لک محاربانه انتریقه لری اراسنده قامش و بورج
بوغازینی آشوب الله دخی مدار ثروت اولور برشی
قامش اولان برممکنه نصل چاره بولنه بیاور ؟
علی الخصوص بریو ناپزطه نصل چاره بیاور ؟
حالبو که برارالق ناپولیون ایله قرنداشی اوی اراسنده
برده بوزو شلق چیقوب ناپولیون قرنداشنه و یرمش
اولدیغی ملک کی انندن المق صورتیله تربیه
قالشمشیدی . اگرچه قرنداشندو یرمش اولدیغی
ملک ذنابا باسندن قامش برمالکانه اولدیغندن بصورت
قرنداشی ایچون برجزا بر تربیه یرینه قائم اولمیه جغی
درکارایدیسه ده او عصرده هنوز زنجیر قو پارتانک
اولدیغندن براردو فرانسه عسکری هولاندا
حدودندن کیردیکی کی اوی دخی بیوک اوغلنه

تقویض ملک و فراغ حکومت ایدرک قاجردی اوستریا طرفنه قپاغی آتدی .

ایشک دقت اولند جق بریری ده بیوک اوغلیک اوزمان هنوز صبی بولنشی ای-ی . بویله بر صبی به فراغ ملک ایتک اوله جغنی - کنسی فوندا فده کی اوغلنی رزما قرالی نصب ایدن - ناپولیون جنابلی نظر اهمیتته الهرق قوجه براولکای بر حبشک انده براقدن ایسه بونک طوغریدن طوغری به بر فرانسه ایالتی حالته فونلسمنی هولاندنک منافعه ده زیاده موافق کوروب ! مو جنبه بر اعلاتنام نشر ایدرک هولاندا قراللمغنت فسخ ایدلدیکی وممالک موجوده سنک فرانسه ملکته قاتندیغی اعلان اولدی .

ایکنجی فصل

- په بی بانک فرانسز ایالتی اولدیغی یاتمه در -

عن ۱۸۱۰ الی ۱۸۱۴

- تفصیل - ایمپراطور ناپولیون جنابلی

کندی اصدقا سندن په ژانس دوقه سی لبرونی
 هولاندا په ایمپراطور قائم مقامی عنوان په کوندره شیدی
 مومی الیهه عادت والی نامی ویرلیوب ده ایمپراطور
 قائم مقامی نامی ویرلیسی امستردام شهرینک فرانسه پای
 تختلرینک او چنجیسی اعتبار اولمسن سندن نشأت ایلیش
 اولوب لبرون ایسه هولاندا اصول اداره ملکیه
 وعسکریه سنی فرانسه اصوانه سویل ایچون ۱۸۱۱
 سنه سی ابتدا سنه قدر مأموریت ایلیک اوزره اعزام
 قلمشیدی .

قائم مقام مومی الیهه مأموریتی حسن ایفا ایلیدی .
 حتی مؤخرأ مدت مأموریتی تم دید دخی ایدیلوب
 ۱۸۱۳ سنه سنه قدر اوراده ایاق سورودش
 قالمشیدی . اجرا ایدیلان تنسیقات هولاندایی ایکی
 دائرة عسکریه په تقسیمین و فرانسه نیک یکی قرعه
 اصولک دخی کمال شدتیه برابر هولاندایه دخی
 قطبیتمدن عبارت ایدی .

مملکتلرینک بوصورتله فرانسه لر طرفندن ضبط
 واسه تیلایداش اولدیغی هولاندیلرک پک زیاده

جانلرینی صیقوب حتی قونت هوژوندورپ و سائر
 مثلواصلزادگان وطنلرینی بواسارت صحیحہ دن
 قورتارمق املنہ ده دوشہ زک اولیابده بربریلہ اتفاق
 و استشارہ ایدرلر ایدیسہ ده ناپولیونک شدتندن
 قورقدقلری جہتلہ املرینی میدانہ قویہ مزایدیلر
 بردہ ناپولیون اوسترایچ محاربہ سنده مغلوب
 اولوبده | (فرانسہ ص ۲۸۲ مر) دول
 متفقہ فرانسہ نک اوزرینہ عمومی بر هجوم دہا ترتیب
 ایلدکلری زمان روسیہ و پروسیانک شمال اردوسندن
 بر قول اردو آیریلوب هولاندایچنہ سوق اولمغله
 و بو اردو فرانسہ نک هولاندایہ دوست اولمادیغنی
 ایستہ ان نہایت مملکتلرینی ضبط دخی ایلدیکنی واکر
 هولاندزلر مملکتلرینک حریت و استقلال و سعادتلرینی
 سویورلر ایسہ فرانسہ علیہندہ جنک ایدن دولتلر
 ایلہ برلشماری لازم کلہ جکنی اعلان ایتکلہ ذاتا
 فرصت بکلہ مکده بولنان اصلزادگان کیندن چیقوب
 بو اعلان جکمنی قبول ایتلرینی ملتہ آچیقدن آچیغہ
 قوصیہ و بویله وطنک و حریت و استقلالنہ کوز دیکنی

بر طمع کار دولته اسیر اولمق کار عاقل اولدیغنی و بو
دفعه دول متفقہ ایلہ برابر فرانسز ر علیہنه قیام ایدرک
وطنک استقلال قدیمق استرداد ایتکہ چاشمق وطن
پرورلک اوله جغنی جمله ید تفہیم ایلدی لر .

غاردناسیونان یعنی محافظ ملت دنیلان عسکر
اصلزاد کانتک بو توصیه سنی قبول ایدرک انلرک امری
الته کیرمشیدی . بناء علیہ اصلزادگان بو عسکرله
لاهای ایچنده بولنان جزوی فرانسه مستحقظ لرینی
طرد ایدہ یله رک کرچه امستردامده دخینه بو صورتله
قیام ایلدی ایسه ده فرانسز اردوسی اورایه جوار
اولان اوترشد بولمغله فداکاران ملت قورقارق یته
فرانسز اطاعتنه کیرمشلر ایدی . حال بوکه اوته
طرفده هولاندانک اوته دینبری ستاودرلک خدمتده
بولمش اولان اورانر خاندانندن کیلیوم لاهای
شهرینه کیرمش و خلقک کمال آلقشلا ایلہ استقبالنه
مظهر اوله ربق اصل هولاندز ملتنه مخصوص اوله ربق
تشکیل ایدی لان قرالاق مقامنه برنجیلک عنوانیلہ
اقعادیلہ ایدامشیدی . قرال مومی الیه براز صکره

امستداده دخی کیدوب اوراسنی ده بعد التخلیص
مملکتک ایلره کلان طاقندن تیوز نفر کبارک اجتماعیه
عند اولنان بر مجلسده هولاندا قرالغنگ تفسیقات
اساسیه سنی بالماذا کره یالکز یکر می اتی رأیک خلافنه
اوله رق اغلیت آرا ایله قبول اولندی .

اوپونجی فصل

— اصل په نی باقرالغنگ تشکلی حاویدر —

عن ۱۸۱۴ الی ۰۰۰

یوقاروکی فصلک نهما بنده خبر ویرش اولدیغمن
قرالغنگ تشکلی خصوصنده بادی مسئله ده فرانسه
دولتی معترض وانک اعدایی اولان انکلتیره
ویروسیایا و روسیه کبی متفقلموافق اولوب
نابولئونک اوج اعلای اقبالدن اسفل ساغین ادباره
ایندی رلدکن صکره ايسه هولاندا قرالغنگ تشکله
اعتراض ایده جک کیمسه قالمادش اولدیسده
ایودولت جدیده نک ادامده سنده بریوک و قوتلی
معترض ظهور ایلدی . اوایسه انکلتیره دولتیدر .
انکلتیره دولتی ولاندا ایله متفق حرکتی

یالکز شو صو ك محاربه ده كورنش اولوب یوقسه
 بو محاربه یه كلنجه یه قدر دولت مشارالیه اهر نه زمان
 فرانسه ایله جنك آچمش ایسه قارشو سنده
 هولاندایی دخی سلاح بدست اوله رق حاضر
 یو ایشیدی . اكر ده اسیکی زمانلر هارماع نظر
 ایدیهك اولسوق یالکز اسپانیا ورثتی دعواسنده
 هولاندایی انكلتره دولته متفق كوروب بوندن
 ماعدا ایکی دولتی بربریه یك بیوك بر رقابت و محاربات
 بحریه اوزرنده كورورز . بناء علی ذك اوروپا
 اوزرنندن ناپر لیون غالنه سی بر طرف اولدقدن
 صكره تایشك اولیاتندن بری میانه لرنده جریان
 ایتمش اولان مناسبات حربیه و دیپلوماتیکیه نك
 بر نتیجه قطعیه سی میدانیه چیقار می ایچون انكلتره
 ایله هولاندا دیپلوماتلری مذاکره یه باشلادیلر
 و بو مذاكراتك ثمره نتیجه سی اوراق اوزره
 ۱۸۱۴ سنه سی تشرین ثانیه نك یكر می طقوزی
 تاریخلی بر صلحنامه قطعی بی امضا و تعاطی ایلدیله
 اشبو صلحنامه مفادینجه هولاندا دولتی محاربات

متعددہ و متنوعہ ایلہ شمیدیہ قدر انکلتزہ دولتنہ
 قاپدیر مش اولدیغی مستملکات خارجیہ دن افریقہ نیک
 منتهای جنوبیسنده کائن امید برونی ایلہ ینہ
 افریقا قطعہ سنک شرق جهتندہ کائن و مراری
 واسقیو ایالتربنی و بریس طرفلربنی کاملاً
 انکلتزہ یه ترک و تمیک ایلدی . بو کامقابل ایسه
 انکلتزہ دولتی هولاندانت ۱۷۹۴ سنه سنده آسیا
 و آفریقا و آمریقا ده مالک اولدیغی نه قدر مستملکات
 خارجیہ سی و ارایدیسده جله سنی ینہ هولاندایه
 ترک ایلدکن ماعدا اوروپا جهتنجه اصل کندی
 اولکاسنک حدودینی توسیع ایده جکی حقنه دخی
 یرقوی وعد و یرمشدر .

نایولیونک از الہ دغدغه سندن صکره بالجله
 اوروپا دول معظمه سنک ویانه ده عهد ایلش
 اولدقلری قونغره نام مجلس کیرمذا کر دسنده انکلتزہ
 دولتی هولاندایه و یرمش اولدیغی وعدی موقع
 مذاکره یه عرض ایلدکه، بهی باقرالی بولسان
 یرنجی کیلیومک منسوب اولدیغی ناصو خاندانتک

المانيانہ مالک اولدقلری ناصو ممالکندن دخی
 واز کچمسی شرطیلله ینه په بی با ایالاتندن معدود
 اولدقلری حالده شمعی به قدر اسپانیا و اوستریا
 و فرانسه دولتلری بونجه سویلجه د شلمه سبب
 اولان چند قطعہ ایالتی و شمعی بلجیقا دا خلدده
 بولسان لیه ژ شهرینی په بی با به الحاق ایلدیله
 و قرانک ذاتنه مخصوص اولق اوزره دخی
 لو کسنبورغ دوقه لغنی توجیه ایدوب شوقدر
 وار که بودوقه لغک اوزماله تشکل ایلان حکومات
 متحدین جرمانیا هیئت عمومیہ سنه تابع اولسنی دخی
 شرط قویدیلر .

واقعا ایالات جنوبیه دن بو کره په بی با به الحاق
 ایدن محملر خلقی یعنی بلژ و سائر اقوامی عن اصل
 هب اهالی شمالیه ایله قومیت و ملیتجه متحد
 ایدیسه زده نیجه زماندنبری بو ملرک اسپانیول
 و المان دولتلری کبی حال و طورلری مختلف دولتلر
 اداره سی التده قالملی اخلافجه پک بیوک انقلابلریته
 سبب اولدیغی کبی اورالده پروتستانلرک دهاز

انتشار ایتش بولمسیله قاتوکلک دیانتک دخی اهالی
 شمالیه دیانتیه برازمغایرتی قرالیت جدیده طرفندن
 نظر اهمیته انوب شو مختلف الطبیاع و مغایر
 الادیان اهالی بی جمع و توحید ایده بیله جک صورتده
 تعدیل نظاماته لزوم کورلیدی . بونک ایچون کرک
 شمال و کرک جنوب خلقندن مرکب بر مجلس عقد
 اولنهرق ایجاب کیفیت بالذا کره ۱۸۱۵ سنه
 میلادیه سنده پارسده عقد اولنان ایکنجی مصالحه
 عمومیه ده اوته دنبری اوستریا ماسکانه سی ایکن
 فرانسزلر طرفندن ضبط اولنوب هنوز اعاده ایدلماش
 بولنان هه نو و نامور کبی بعض ایالتلر دخی بو کره ترک
 ایداش اولد اغندن و بوییلون نام ککوچو جک
 بردوقه لاق حکمدارلغی ده قرال کیلومه ویرلدیکنندن
 نظامات جدیده بولرک جمله سنی توحید ایده جک
 بر صورتیه تحویل قلندی .

مع مافیه اهالی مذکوره نک اختلاف امرجه سی
 یالکز بویله بر قانون ایله اتحاده منقلب اوله بیلمک
 مأمول دکل ایدی . انجق قرال کیلیومک نهایت

درجہ دہ دخی حقیقت شناسلخی وطبعندہ اولان حلم
 وتواضع وثبات و متانت بویوزدن واقع اوله جق
 فتنه و فسادہ قارشو طور مغه باشلا مشیدی .
 باخصوص بلچیقاده بولمان قاتولک پاپاسلری برنجی
 کیلیومک تابع اولدیغی مذهب جدید کی قاتولک
 کلیسائی نظرندہ رفض والهادعد اولمان بر مذهبہ تابع
 اولان حکمدارہ اطاعت ایتساک لزومنی خلقه نشر
 وتفهمیدن خالی قالاملری یک زیاده اهمیت ویرله جک
 بر ماده ایدی .

بویولده کی افسادات هولاندزلره دخی ایدیاور
 ایدی . حتی قرال کیایوم بلچیتا طرفلری
 اھالیسنی کندیسنه ایصندیرمق ایچون سنه نك الك بیوک
 قسمی برو کسلده کچورمکی اعتیاء ایلدیکندن
 هولاندزلر بو ترجیحی قصقانه رق او یوزدن مرلدانمغه
 باشلادیلر . اورانر خاندانک طرفکیان و بندکانی
 بیلہ ایکی فرقہ یه انقسام ایدرک بر قسمی اسکی تنظیمات
 طرفداری عنوانیلہ ستاودرلک زماننی ترجیح ویاکنر

دیگر قسم تنظیمات جدیدہ طرفہ داری عنوانہ
شمدیکی حالی قبول ایدرلر ایدی .

ایشته کرک بلچیقاولرک و کرک هولاندزلرک یکی
حکومت قرالیہ حقنہ بیان ایتدکاری مطاعات
کیدہ کیدہ بریوک مشغولیت داخلہ رنکنی المقده
اولوب آثار فعلیہ سی دخی کچما مشدر . خصوصات
خارجیہ بہ کلنجہ : برنجی کیلیوم حکومت
جدیدہ سنک دوام وشو کتی انکلترہ نفوذیلہ میسر
اولہ جغنی ایلدیکمنن او طرفک عربہ سنہ بینر او طرفک
شرقیسنی چاغر ایدیسہ دہ ولی عہدی اولان
پرنسک روسیہ غراندوشسازندن پرنسس آن ایلہ وقوع
ازدواجی دیگر طرفدن روسیہ ایلہ دخی برمناسبت پیدا
ایتمش اولدیسہ دہ یواش یواش انکلترہ مناسبتنی
ضعیفلندیروب ونہایت بتون بتون قرمق درجہ سنہ
کلدی . فرانسیہ کلنجہ اک صکرہ اورادہ تشکیلی
ایتمش اولان حکومت قرالیہ نک پنچہ انتقامندن قاجان
بوناپارت وسرستی طرفدارانی بلچیقما وهولاندایہ
فرار ایتدکاری ایچون تو یلری قابنہ توسی برنجی

کیلیومک حکومت جدیده سندن پک ده خوشنود
دکل ایدیسه ده هرایی طرف ینه محافظه صلیحه همت
ایدرلر ایدی .

برنجی کیلوم داخده اولان گفت و شنید،
اصلا حواله سمع اعتبار ایتیوب شوارالق مملکتلری
اصلاحاتدن بشقه رشیده احتیاجی اولدیغنی
کورمکه کرک صناعی و کرک علمی پک چوق ترقیاته
خدمت ایشدر . لکن داخده افکارک غلیانی
دخی آرتدقیجه آرتوب فسادک افسادی و مشوقارک
تسویقیله هرایی طرف بردرجیه گلشیدی که بربریه
محبوب ویک وجود برملت اولغله دکل حق مجاورته
دخی راضی اولامقده بولمشلر ایدی . مکنندی
مملکتلرینه دوشارینه پهی با دنیلمی هرایی طرف
عزندن، ذل عد اولنور و بانکز بلچقا وهولاندانای
گندی صاحبلمی عندنه تقدیس ایدیور ایدی . برارالق
بونلرک اصلاح یینی دوشونیاوب روماده بعض مذاکرات
اجراسیله اولاباده برلایحه قیدالمدیسه ده حکمسرقالدی .
الحاصل طرفینک نفاق واختلافی بیویه بیویه

۱۸۲۵ تاریخ‌نویسده لووون مکتب حکمتی کشان
ایدیله جکی زمان بلچیق‌الور ارباب شهابک تعلیمی
پاپاس‌لره حواله ایتک دعواسند قیام ایتکله و حکومت
ایسه ارباب شهابی احرارانه و سربستانه بریولده
تعلیم و تربیه یتک آرزوسنده بولغسیله شوم زعه
بیویه رک بروکسل خلق عدلیه ناظری واقانن
علیه غایت هیجان ایله عصیان غایسری کوسر مکه قیام
ایلدیلر .

بودفته ناک هیجان عمومی تسکین ایدیله بیلش
ایدیسه ده قرال کیلیومک ایلک سهوی اولوق اوزره
بلچیق‌الوره فرانسز لسانی ترک ایتدیرمکه و امور
حکومتده یالکز هولاندز لسانی سویلتمکه و یازدیرمغه
قالقمسی بلچیق‌الوزی ده ا زیاده دلکیر ایدرک
۱۸۲۹ سنه میلادیه سنه ظهور ایدن ایکنجی ودها
قوتلی بر هیجان اوزرینه قرال جنابلری فرانسز
لسانی حتمده اولکی و یردیکی امری تخفیفه مجبور
اولمدر . لکن هیجان یالکز شولسن ماده سندن ده
عبارت دکل ایدی . ایشک ایچنده پاپاس‌لرک

پارنخی بوانوب آنی قردقدن صکره اصلاح احوال
ممکن دکل ایدی . فصل که ۱۸۳۰ سنه میلادی ه سی
حزیرانک دردنبی کونی طرف قرالیدن ظهور
ایدن امر ناعه فرانسز لسانی دخی یرلی ورسمی لسان
اولنق ارزره طانندیغی حانده ینده هیجانی تسکین ممکن
اوله مدی .

یوتاریخه قدر بلچیق ایله هولاندایی یکدیگرندن
بیزار ایدن مسأله دن بریسی دخی تکالیف میریه نک
صورت و کیفیت طرص ایدی که بوسبب معانده اسباب
سأره دن دها مهم ودها فوتلی اولدیغی بدیهیدر .
بلچیقاً طرفی صنایع وباخصوص زراعتله مشغول
بر خلق النده اولدیغندن بونلر تکالیف میریه بارکرانی
تخفیف ایچون تکالیف میریه یی ادخالات و اخراجات
نسبتنده قویق طرفی التزام ایدرلر ایدی . زیرا
ادخالات و اخراجات ایله کندیلری پکده مشغول
اولدقلرندن بوحالده یوکلک آغر طرفی هولاندایه
اغنایه جغنی حساب ایدرلر ایدی . هولاندالور
ایسه بالعکس تکالیف میریه یی املاک اوزرینه
قویغنی ایسنلر ایدی .

چونکہ انرا اکثر یا تجارت بحریہ ایلہ مشغول
اولد قلزندن صنعت و ذراعت ایشلر نجہ اول قدر
مشغولای تلی یوق ایدی . بوججادله مجالس و مخافله
پک بیوک منازعاتی ایجاب ایدرک هرایی طرف تکالیف
میریدنک یانکز کندیلرینه تحصیل ایدادیکنی موقع
شکایتده اتیان ایدرلر و دولت ایسه هاندکی طرفی
معذور کورجکئی تعیینده صعو بت چکر ایدی .

برده شو . ۱۸۳۰ سنه سنده فرانسزلر حکومت
قرالیہ علیهنه بر عصیان دها چیقاروبده پارس
ایچی هرج و مرج و لنجه نأره قتنه در حال بلچیتایه
دخی بالانتقال سنه مذ کوره اغتوسسنگ یکر می
بشنجی کونی برو کسل شهرنده خلق سلاحده صارادی .
در حال ایدیلان مقاومت اوزرینه برارالق ولاندزلر
بلچیقاولری یوله کتور مشلر ایدی . فقط ایلونک
یکرمنجی کونی ایکنجی دفعه اوله رق وقوعبولان
عصیانده کرک او کون او کرک ماه مذ کورک یکر می
اوچنجی و یکر می التنجی کونلری المانیار بتخصیص
فرانسه طرفندن کلمش اولان ضابطلرک قومانداسی

انتده بولسان ارباب اختلال اتی بیک نفر دن عبارت
 بولسان هولاندا عسکرینی رجعت مجبور ایلدیلر.
 قرال کیلیوم دهها سلاح پاطلامه دن اول خلقه
 بر اعلانه نشریله مادام که ایکی مملکتک متحداً
 یشاعسی ممکن اولیور باری اداره ملکیه سنک
 تفریقیه انکلتوره و بلجیقانه اولدیغی کبی آیری آیری
 ایکی دولتک بر قران تابعیتی انتده بولمسنی خلقه تکلیف
 ایتشیدی . ملت و کیلری بو تکلیفی قبول ایتک
 اوزر مه ایکن سلاح باغلا یوب قان دو کولسی اوزرینه
 ارتق بویله صلح ایله تسویه مصلحت چارمسی
 قالدیغی کورنجه انکلتوره و فرانسه و اوستریا
 و روسیه و پروسیا دولتری قرال کیلیوم طرفندن
 ایدیلان سراجعت اوزرینه صلح و متوسط صورتیه
 یکدیگرینک قانه صوصامش اولان ایکی ملتک
 اراسنه ککوروب بلجیقانک استقلال مخصوصنی
 طانیه رق مسئله یه ختام و بر دیلر . بو قرار اوزرینه
 بلجیقادواتی اشاغی ده فصل مخصوصند، کوریه جکی
 وجهله بالاسه قلال تشکیل ایدی .

ایشنبو بلچیتقا حکومت جدید، سبیلہ فلنک
 حکومت قرالیہ سی اراسند، دوام ایدہ جک
 مناسبتک تعینن ایشنبون لوندر، ده تنظیم اولنان
 بر معاهده بلچیتقا طرفدن کاوب هولاند ایشنبندن بکن
 و بحر شمالہ منصب اولان اسقونہری اوزرندہ
 بلچیتقا اولک سربست سربست کمی ایشلتقوری
 مندرج اولسی کرک کیلومٹ و کرک هولاندز ملتک
 حقوق واستقلالنه مغایر اولدیغی جهتله هولاند اولر
 سلاحه صارلدیلر و ۱۸۳۱ سنہ سی اغستوسنک
 ایکنجی کونی بتمش بیلک هولاندالی قرائرینی دخی
 کندیلرینہ قوماندار نصب ایتمش اولدقلری حالده
 بلچیتقا حدودینی تجاوز ایتدیلر . بوندن ماعدا
 هولاندانک تکمیل قوۂ بحریہ سی دخی اسقونہری
 مجراسندن ایلرواغمش ایدی . اغستوسنک سکزنجی
 کونی هاسه لت نام محکمه ویرکون صکره یعنی اوننجی
 کونی دخی اووهن ده بلچیتقا اولری فنا حانده بوزدیلر .
 هله فرانسزاردوسی علی جناح الاستیجال بلچیتقانک
 امدادینہ قوشوب انکلتزه و فرانسه پولتیقه

مأمور لری دخی پروکسله کله رک هولاندا قرانی
 متار که به دعوت ایتملریله اول امر ده هولاندا
 عسکری بلچقاردن چیقارلقدن صکره یکر می درت
 ماده اوزرینه بریکی معاهده نامه تنظیم ایلدیلر .
 بلچیقارلور بو معاهده نامدی کندی فائده لریته موافق
 بودقلری ایچون قبول ایتمش لر ایدی . هولاندزلر
 ایسه بالهکس رد ایلدیلر و روسیه و پروسیا و آوستریا
 دولتاری دخی هولاندا منافعه مغبار اولان بندلرک
 قودیلننه اصرار کوسر دیلر . انکلتره ایله فرانسه
 هولاندزلر طرفندن ضبط ایدیلان آنورس قلعه سنک
 تخلیه سنی دعوا ایدر لر ایدی . نهایت ایش قوه
 جبریه یه بنه رک بوا یکی دولتک دو تناسی هولاندا
 سواحلنی آبلوقه الدن و ۱۸۲۲ سنه سی کانون
 تانیسنک یکر می دردنده بر فرانسزاردوسی آوره س
 اوزرینه یوریوب ضبط ایلدی .

۱۸۴۳ سنه سی مایسنک یکر می برنجی کونی
 فرانسه و انکلتره و هولاندا بر معاهده موقته ایله
 حرکات حربیه نه نهایت ویردی لر ایسه ده بلچیق ایله

هولاندا اراسنده صلح عقد ایدیله مدی . بناء علی
 ذلک قونفراسلرینه آچیلوب بو کره دخی بلچیقایه
 تو جهلر اولان دولتلر او کسمبورغک هولاندان
 تفریقيله بلچیقایه ویرنسنی رأی ایتکه قالقشمشلر
 ایدی . هولاندا قرالی او کسمبورغک المانیا حکومت
 متحده سننن معدود اولدیغنی بیانیله بویابده
 المانیانک رأینی اتق لازم کله چکنی بیانله مدافعده
 کوستردی و متحدین مر قومه یه مراجعت اولندوقده
 لو کسمبورغک بر پارچه سنی لیمبورغ ایاستدنینه
 ول مقدارک مقابله ترکی شرطيله بلچیقایه اعط سنده
 مساعده ایدی .

بر یاندن شو مذاکرات وقوعبولور ایکن دیگر
 طرفدن هولاندزلرایله بلچیقاولر بر درلو ضبط
 اولنه میهرق آرالق آرالق حدودی تجاوزله اوفاق
 تنک محاربه لرایدرلر ایدی قرال کیلیوم دول معظمه نک
 توجهی بلچیقایه اولدیغنی کورنجه صلح مذاکراتنی
 اوزاتق و قرار معاهده بی تأخیر ایتک ایچون الدن
 کانی دریغ ایتز ایدی .

نهایت ۱۸۳۶ مارتنک اون دردنجی کونی
 قرال کیلیوم ارتق تعدیلات متعدده دنصکره ایستدیکی
 برصورتیه افراغ ایتدیرمش اولدیغی معاهده قطعیه‌ی
 قبول ایلدی فقط بوحالده دخی معاهده مذکوره
 بلجیقالیلرک منافعه اویمیه حق بر صورتیه کیرمش
 اولدیغندن شمیدخی انلرک اعتراضه دوچار اولدی
 بناء علیه ۱۸۳۸ تاریخنده هرایکی طرف ینیه
 سلاحه صاریلوب مواقع حربه‌ی طوتدیلر اوندره
 قونفرانسی بو منازعه‌ی دخی برطرف ایتک ایچون
 وار قوتی بازویه ویرمکه ۱۸۳۹ سنه‌سی شباطنده
 کیلیومی معاهده‌ی قبوله مجبور اید، بیلدیلر لکن
 معاهده‌نک هولانده طرفنه موجب اولدیغی منافع
 بلجیقا طرفنه اولان منافعندن آز ایدی .

بلجیقا مسئله‌سی شو صورتله برطرف ایدلدکن
 صکره کندی باشنه قلان هولانده دولتک موازنه
 مالیه‌سی پک زیاده بوزاش و خزینده‌سی عادنا افلاس
 درجه‌سنه وارمش اولدیغندن مبعوثان ملت دولتی
 اصلاحات مالیه جهته تشویقه وار قوتی بازویه

و یرمض اولد قمری حانده دولت بالهکس اللی الی
 میلیون فیلورینک بر استقراض عقدینی مبعوثاندن
 استیذانه قالمشغله مبعوثان بوقراری شدیداً رد
 ایلدی و یالکز الی مایون فیلورینک بر استقراض
 عقدی تکلیف اولندی . مبعوثانک شوااعتراضی
 اوزرینه ۱۸۴۰ تاریخده بر مجلس عمومی ملی عقد
 اولنه رق اوراده اصلاحات و تعویلات و تنسیقاته دائر
 بر خیلی قوانین نافعه لایحه لری تنظیم اولندی .
 حتی قرالک سرای مصارفی بر بحق ملیون فیلورینه
 قدر تزییل ایدلمش ایدی فقط هولانده نک تکمیل
 وارداتی عند الحساب غرضنه مقابل کاه مبه جک اولان
 بر بورج اورته ده ایکن ایدی لان تشبثدن هیچ
 بر یسنک فائده سی کور یله منیجه خلقک کرک قرال
 و کرک و کلاسی علیهنده سوء نظری بیودکجه
 بیودی هله برنجی کیلیومک قوندش هنریدون
 طیرمون نام بر قاری به ارتباطی و علی الخصوص
 بوقارینک قتواک اولسی خلق بینده شیوع بونجه
 نفرت عامه درجه غایتی بوالدی و قرال علیهنده

ایدیلان نمایاں اولقدر شدتندی که ۱۸۴۰ سنه سی
 مارتک یکرمی بشنجی کونی قرال کیلوم مزبور
 ایله عقد نکاح کی براماده اولدیغنی اعلان نامه
 مخصوص ایله تبعه سنه نشر ایتکه لزیم و مجبوریت
 کوردی نه فائده که خلقک شدتی بونکله
 دخی قریلوب سنه مذکوره تشرین اولنک یکنجی
 کونی برنجی کیلوم اوغلی ایکنجی کیلومه تسلیم
 زمام حکومته ایشن ال چکمید مجبوریت کور شد
 بو استعفادن صکره قرال کیلوم ناصو قونتی
 عنوانی آلوب حدسن حسابسن ثروت ذاتیه سیله
 راحت راحت یشامق ایچون برلینه کیتدی و سالف
 اندک قمنس دول طیرمون ایله اوراده ازدواج
 ایدرا ۱۸۴۳ سنه سنه قدر عمرینی راحتجه کچوره
 ایلیدی .

کیلوم ثانی مقام حکومته چیمار چیمز وکلانک
 امور مأموره سنسن طوغریدن طوغریه مسؤول
 اولدقترینی اعلا له هر ایشاک محور لایقنه جریانی
 مطلوبی اولدیغنی بیان ایددیسه ده اصل مطلوب

اولان شودیون ملیه یه بر چاره بولق اولوب اوچار نی
بولق ایسه محال درجه سنده مشکل اولدیفندن
خلقك یاسنی دفعه بواعلاتنه مه نك هیچ برمداری
اوله مدی بوآراق آسیا مستلکاتندن آچه اهاالیسی
هولانده حکومتی علیهنه خنك ایتکک، بولملریله
خرینه نك مضایقه حاضره سی اوزرینه بودخی
بر بلا اندر بلا اولمشیدی شوقدروارک، هولاندزلر
وطنلرینك اعمار یچون شمد فرانشا ایتکک و بتاققلر
قوروتق ثللو مواد نافعه صارفندن چکمدیلر .
۱۸۴۲ تار یخنده بله یقا ایله ینه بعض مرتبه منازعات
ومجادلات ظهور ایلشیدی . بونی دوستانه حل
ایده بیلدیلر و مشکلات مالیه نك دفعیمون دخی ایکنجی
کیلومك تکالیف میریدی ضم و یوزانلی مایهون
فیالورنلک بر استقراض جدید عقد ایتکک خصوصنی
مبین عرض ایلدیکی بیاننامه یه پک چوق معتضلرک
اعتراضندن قطع نظر مبعوثان ملتک اغلیبتی مساعده
کوستردیلر .

کیلوم ثانینک بو بیاننامه سنه اعتراض ایدن

طرف حریت ملیه پي محافظه په چالیشان ارباب حیت
 اولوب تصدیق ایدنلرایسه قرالک ذاته یارانمق
 ایچون ملک منافعی ایاقلرالتنه الان کروه مداهین
 ایدی . حتی بو ناریواش یواش قرالک استقلال
 تامنه دخی خدمت ایدرک تعلیمات مملکت اقتضاسنجه
 هر طرفی کندی نظارتی التنده بولنان ایشلدن
 مسئول اولوق اوزره مستقل ایگر بومسئولیت
 وبواستقلال یواش یواش کوشه دملکه وایشلر
 یالکز قرالک قارناملرله کورلمکه باشلادی .
 استقلال وحریت ملیه طرفدارلری شو حال کورنجه
 برقاندها دلکیراولدیلر . وبونلرک افکارحریت
 پرورانه سند تابع اولان مطبوعاتی دخی باغرباغ
 باغرتغه باشلادیلر . برارانق حکومت مطبوعاتک
 لسانی یالکز قسوپاروب آتمهله صوصدیرمقی
 مناسب کوره رک اربابی قهر و تنکیله مجامرت
 ایشیدی . بوشدت ایدن نفرت عامه پي ارتدیرمقدن
 وعادتا امنیت حاضرپی تهلمکه په دوشورمکدن
 بشقه برقاندپی منتج اولندی . نهایت ۱۸۴۷
 سنه سی تشرین اولنک اون سکزی تاریخجه نشر

ایادیکی بر بیاننامه ده کیلیوم ثانی جنابلری اهلینک
افکار عمومیه سنه رعایتله یقینده یریکی تنسیقات
وتنظیمات وضع ایده چکنی اعلانه تنزل ایلدی .

بعض کره حکومتلرک بومشلوایشارده کوسر دکلی
جسارت پک زیاده در . کیلیوم ثانی دخی شو
بیاننامه بی نشر ایلد کدن صکره بر چوق مشوفلرک
تشویقیله خلق نظرند تنزل دینک اولان بووعدی ویرنلر
هیئت وکلایچند، بولنان بر طاقم سر بستی طرفدارلری
اولدیفندن بمحله انلری عزل ایتمکی تکلیف ایدن
مفسدلرک سوزینه قایلوب جمله سنی مأموریتلرندن
اخراج ایلش اولدیفنی کبی ویردیکی وعدی بتون
یتون خاطر دن بیله چیقارمش ایدی .

بونک اوزرینه ملت طرفندن بر ایکیشر دیرکن
بومیه بشر الیشریوز عرضحال تقدیمله ویردیکی
وعد قرال جنابلرینه اخطار اولمغه باشلاینجه
وباخصوص عرضحال ده اداره اولنان لسان شدت
عادتاً مملکت ایچنده بر بیوک فرقه اختلال اولدیفنی
دخی اشراب ایدنجه قرالک عقلی باشندن کیتیموب

بانعکس عقلی باشنه کله‌رک همان وکلایی تبدیل
ویرلرینه نصفی حریت پروران ملتدن ونصف دیکری
دخی‌کنندی اسدقاسندن اواق اوزره بریکی هیئت
وکلای تشکیل ایشیدیدی . بوندن ماعدا اوارالق
افکار عمومییه سفینه‌سنگ دومنی طوتان ذات
معلم توریق اولمغله هر قومک نه‌قدر رفقای واریسه
برارایه طوپلامش و بر مجلس صورتنه قویوب
ریاستی دخی توریق توجیه ایدرک بکمدکاری شو
دولت ایچون فصل بر اصول اداره و تنظیمات جدید
قویق لازم ایسه بایستیم تقدیمی امر ایشدرکه
بویله هیچان ایچنده بولنان بر مملکتده عقلاری بر شیئه
ایریور مشجه‌سنه اورته یه چیقان آدم‌لری بسق یوله
کتورمک ایچون سلوک ایدیله جک بوندن بشته طریق
اوله‌مز . چونکه زمان و حالک احتیاجنه کافی یرشی
عرض ایدرلر ایسه موجنبجه حرکتله استفاده ایتک
وعرض ایدمز لر ایسه انظار وافکار عمومیده
ماهیت‌ری کوراش اوله‌رق قازانمش اولدقاری اهمیت
بر طرف ایلک کی ایکی فائده‌لی بول آچیقدر .

توریتک قومیتہ سی مذاکرات عمیقہ و دقیقہ ایلہ
تنظیم ایلدیکی بر مفصل لایحه بی قرالہ عرض ایلدکده
طرف قرالیدن بعض موادک تعدیلی یولنه کیدلمش
ایسهده ایش یونکله بتیوب کرک مخالفین و کرک
مصدقیندن مرکب بر مجلس عمومی عقد اولنهرق
قرار قطعیسنک اعطاسیمچون اورایه حواله اولمشیدی .
یولایحه مجلس مذکورده آسایش مملکتی تهلیکدهده
براقه جق منازعات و مجادلات ایلہ بعدالتدقیق نتیجه سی
نه قبوله ونهدهده رده منجر اوله مدی .

بناء علیه مملکتک انتخاب قانون قدیمه توفیقاً
عموم ملندن انتخاب اولنق اوزره برصوک مجلس ده
تشکیل ایدرک مسئله بی اورایه یخی عرض ایتمکه
قرار ویرمشار ایدی . ایشته بوقرار یخی احرا اولنور
ایکن یعنی ۱۸۴۹ سنه سی مارتسنک اون یدنبسی
کونی قرال ایکنجی کیلیوک وفاتی وقوعبولنله مسائل
مشکله علی حالهم قالمشدر .

بوارالق هولاندا مسائلک اهمیتنی الک زیاده
آرتدیران شی اشبو ۱۸۴۸ سنه سنده فرانسنک ینہ هرج

ومرج اولسی قضیه سی ایدی (فرانسه ص ۳۰۱
 هر) زیرا هر نه زمان فرانسه ده جمهور جیلر
 قودور و بده سلاحه صاریله جق اولسه باطلایان
 طوپلرک عکس صدازی هولاندا و بلجیه تادن دخی
 عالمه منتر اولمقده بولمسیله بو کره پارسده اعلان
 اولنان حکومت جمهوریه نکه ده هولاندا ارباب
 جمهورینی تشویق ایتمسندن پک زیاده قورقلش
 ایدی .

بناء علیه قرال اوچنجی کیلیوم معترضین طرفدارانک
 اغاب رأیلری قبول ایدلمک اوزره درحال تنسیقات
 مطلوبه بی وضع ایتدی رکه موجبجه حرکتدن زهار
 آیریه جفی حتمده عموم مواجهه سنده عین ویره رکه
 هیجان داخلی بی یا تشدید دی .

واقعا شو علی الجملة یا ییلان تنظیمات بی اغی
 مطلوبه موافق ظهور ایشدر . تعدیلی لازم کلان
 بعض جهتلرینی دخی شو خراضع ایلدی کی قوانین نافعه
 اکیال ایدرک نظامات مذکورده سایه سنده تیمور یولی
 انشاسی و تلغرافلر تمدیدی و بطاقلقار قورودلسی

کبی پک چوق مواد نافعده موفقیه حاصل اواش
و حتی موازنه مالیه سی دخی یوانه قونیه رق اعتباری
آرتمغه باشلامشدر .

ایشته الیوم مسند نشین حکومت اولان ذات
حالا اشبو کیایوم ثالث اولوب هولاندانک احوال
حاضره سنه دائر ایلروده افاده عمومیه مزده
بعض معلومات دهالنه جغندن احوال تاریخیه سنه
بوراده خاتمه چکه ک شمدی بلجیقانک هولاندان
آیرلقدن صکره احوال تاریخیه سنی حکایه ایچون
دردنجی فصلک کشادی لازم کشدر .

فصل رابع

(تقلالی)

من ۱۸۵۰ الی ۲۰۰۰

— تفصیل — بلجیقانک هولاندان انفکایله
باشلی باشنه برقراللق تشکیلی امر نده بنهماده وقوعه کلان
مخابرات و اوایلده دول معظمه متوسطه مداخله سیله
صیقت ایدن مذاکرات و ویریلان قرارلر یوقاروکی

فصل نائده اجمالاً ذکر ایداش اولدیغندن کیفیتک
بوراده تکرارینه حاجت یوقدر . بوراده اعطاسنه
لزم کوریلان ایضاحات شودرکه :

به بی بانک ایالات شمالیه سی یعنی هولاندا جهت
برخی وقتدنبی هر نه نام وعنوان ایله اولورسه
اولس-ون استقلالنی محافظه ایده کلش بولمغه مقابل
بلچیقاً جهت دخی بالعکس متعدد خاندانلرک ملکیتی
التده مملوک ومحکوم قاش اولدیغندن اخیراً ایکی
مملکت برلش-دیریلوبده به بی با قرالغی تشکیل
ایدلدیکی زمان دخی هولاندزلر حاکم و بلچیقاً لیلر
محکوم صورتده قاش ایدیلر .

ر میجی وشوکت خارجیه اربابی
بلچیقاً لیلر ایسه چقمی وصنعنکار
رفندن ایدیلر . -ویقات اوزرینه
افکار سربسته . تا زیاده میال اولدقلرندن
هولاندزا . سومی التده قلمق کندیلری ایچون
سبت برعار اولقدن ماعدا هولاندزلرک برچوق
محبارات بیهوده دل طولایی دوجار اولدقلری کلیتلی

د بوندن موازنه مالیه عارض اولان خلل دخی
 بلچیقالیلری بیرار ایلشیدی . دیمک ایسترزکه
 یوقاروی فصلده وقوعنی حکایه ایلدیکمز اختلال
 و محاربانده هولاندزلر برملتی زور ایله تحت محکومیتده
 طومغه چالیشور جبار و بلچیقالیلر دخی کندیلرینی
 بر جبار ملنک محکومیتدن قورتارارق حریت
 طبعیلرینی استحصاله چالیشور غیرتکار صورتیله
 میدان چیمشلایدی .

حتی اختلالک میادی ظهورنده بلچیقالولر باشلی
 باشلرینه برقراللق تشکیلی سودا سنده بولمق
 شویله طوسون جمهوریت اصولی دخی امل
 اتیب بالکن ~~میکنندی~~ مملکتلرینک اداره ملکیه
 و مالیه سی ~~مملکتلرینک~~ آیرمق دعواسیله قیام
 ایتشلر ایدی . بوسجوانده هولاندانک اوراتر
 خاندانی حق تسلیم ایتیه که استقالیلرک آواز
 اشکاسنی طوب و تنمک صداسیله ~~مملکت~~ اسکات
 ایتکه قالدشدرلرندان بلچیقالیلر دخی مقابله ده و مصر
 ایتدیلر .

وقوعه بولان محارباته هولاندا عسکری دائماً
 بلجیقایې ضبط و تسخیر و بلجیقا عساکر ملیه سی
 ایسه و طئه هجوم ایدن بردشمنی طرد و تدمیر
 صورتیله جنک ایلدیلر . بوارالق کندیلرینی میدانه
 قویان جمهوریت طرفدارلری بر حکومت جمهوریه
 تشکیلی و فرانسز مشوقلری ایسه بلجیقانک
 فرانسه یه الحاقی توصیه ایتکه باشلادیلر .

انجق افکار عومیه استقلال وطن جهته میل ایش
 اولدوغدن فرانسه یه الحاق فکری پک چابوق اورته دن
 قانقوب جمهور صورتیله می اولور ؟ و یا خود سائر
 بر طریق می بولور ؟ هر حالده مملکتک صورت مستقله ده
 اداره سی فکری میدان الدی .

هولاندا قرالی بلجیقاده بو فکری کورنجه و مملکت
 مذکوره یی سلاح قوتیله اطاعت التنده طوتمقدن
 مأبوس اولنجه ایکی طرفک اداره سی ایریله رقینه
 کندی خاندانی تابعیتده بولنق اوزره ایکسینک دخی
 برر مستقل فراللق کی اداره سنه راضی اولمش
 ایدیسده بلجیقایلرک فکر استقلالی بونی دخرد

ایلدی و ۱۸۳۰ سنه سنده رؤسای عساکر ایله
وکلای ملتن و مأمورین روحانیه دن مرک و ملتن
حق حکومتی حائز اولان مجلس کبیر ملتنک قراللق
صورتله اداره سنی تصویب و تنسیفات اساسه سنی
تنظیم ایدرک کیفیتی اولند. دول معظمه نك تشکیل
ایلدکری قونفر دیه عرض ایله بلجیقا قرالغی ایچون
برقرال اتخای صورتی دخی اورایه حوله ایدیلر .
انکتر دولتی بویکی قرالغه المانیانک ساقس قوبورغ
خاندانن دن پرنس و پواندک اجلاسنی رأى ایتسکله
قبول اولنهرق ۱۸۳۱ سنه سی تموزینک دقوزنیمی
کونی پرنس مومی الیهک قرالغی اعلان اولندی .
بو حکومت اعلان اولندقدن صکره بلجیقا اله
هولاندا اراسنده جریان ایدجک مناسباتی تعیین
ایچون تنظیم ایدیلان معاهده نامدر نه کونه
اعتراضلر ایدلیدی و نهایت ایشک نه بی انتاج ایلدی
فصل ثالث، ذکر ایداشدر بوراده ایشک شو جهت
تکاردن صرف نظرله شو ایضا حای ویرهام که قرال
او بولد اساس تنسیقات ایجابنجه تشکیلی لازم کلان

مجلسي بامشكيل نظامات موجوده يي تعديل ايدرك
 بلجيقاليزي سر بست بر ملت كې اداره نك يولني آچدي .
 واقعا ملت طرفدن ښه سر بستۍ په و حسن اداره په
 دائر بعض مسائل اوزرينه ۱۸۳۴ سنه سنده
 پرو كسل اهالي سي بر طاق نمايشلره قيام ايلش ايديسه ده
 ايديلان نمايشلر قرال او پولد عليهنده اوليوب اصلاحات
 واستقلال مليك تاييدي كې مطالب منسروعه دن
 ثشات ايلديكي جهته خلق طرفدن ايسته نايان و كلانك
 تبديلي و بعض متعصب قواكلرك منع فسايه يرلرينه
 وسعت افكاره ميال اولان پاپاسلرك تنفيذي كې
 مصالحانه صورتلر غليان افكارى تسكين ايده بيلدى .
 بو صورته حاصل اولان اسايش واستراحت بر
 قاچ سنه دوام ايدرك بلجيقاليز معارف وصنابعك
 ترقيسنه راحت راحت چاليسه بيلديلر ۱۸۳۷
 سنه سنده هولاندا دولتي لو كسمبورغ اوزرنده حق
 حكومتك اثاريني كو سترمك ايچون غرونه والداورمانى
 ضبط ايتمش و بلجيقاليز بو تعرضي پرواستوايدرك سلاحه
 صالمش ايديسه لرده ارايه فرانسه وانكلتره نك

توسطی کیرہ رکھولانداعسکری مدکور اورماندن
چیقارلدیغی کبی بلچیقایلیرک تشکیل ایتدکاری خط
خربدخی فسخ ایدلشدر :

حالبو که دول متوسطه نک بو دفعه کی توسطی
ایکی مملکت اراسنده کی نفاق کلیامنع اید. مامش
ایدی . دیون عمومیه ولو کسمبورغک بیطرقلغی
مسائلی اوزرینه مؤخرأ بلچیقایلیرینه سلاح قوتنه
مراجعت ایتلریله دول معظمه بتکرار توسطاید رک
۱۸۴۲ تاریخده عقداوانان معاهده ایله ایکی طرفک
دخی ارزوسی او قشادیلہ رق تسویه مصلحتہ همت
ایتشلدر :

بلچیقایلیر مملکتلرینی هولاندادن بتون بتون
ایروب استقلال تام استحصالی خصوصنده نه قدر
متفق ایسه لر کندی خصوصات داخلیلر نجه دخی
اختلافلری اونستده ارتقده ایدی . قتواک
پاپاسلرینک ارزومنی خلقی برتریه عامیانه ایچنده
پرورده ایتک اولوب افکار سربستی اربابی ایسه
ایشک ایچندن شومعصبانه ارزویی چیقارمعه

چالش‌ده‌لرندن بو نلرک یکدیگری علیه‌نده اولان
شدت‌لری ارته ارته عادتاً داخلی برهیجان صورته
کیرم‌شیدی . قنولکر بو مسئله‌ده فارما‌صون
لو جه‌لرینک بریوک فساد‌ی اولدیغنی ظن‌ایدرك
وارقوت‌لرینی انلر علیه‌نه صرف ایتکه باش‌لادیلر
ایسه‌ده بر شیئه موفق اوله‌مدیلر . طرفیندن
یریسنی التزامده متانت و جسارت کوس‌ترن و کلا
ومأمورین یاعزل و یاخود استعفایه مجبور ایدیلور
ایدی . حتی بو اختلاف افکار بعضی اختلال
نمایش‌لرینه بیله سبب اولدی . نهایت ینه اش‌بو
۱۸۴۲ سنه‌سنده ایدی که جنرال واندرمر و جنرال
واندرس میسرن ریاستی آلت‌نده متشکل بریوک
فساد جمعیتی میدانه چیقاریله رق اربانک حبس
استنطاق‌نده حریت افکار سوداسی سائقه‌سیله
یونلرک پک بیوک و مذهش املاری میدانه چیق‌مش
اولدیغندن رؤسا و سرآمدانی علیه‌نه اولوم جزاسی
ترتیب ایدلمک یولنه کیداش ایدیه‌ده قرال او پولد
یوقراره قولاق و یرمبوب یکر میشر سنه مدت حبس

جزاسنی قبول ایلدی . فقط براز وقت محبوسیتدن
صکره جنرال واندرمر ایله اعظم رفقا سنک امر یقابه
فرار لیچون زندان قیوسی مرورلینه کشاده
ایلدی .

قرال لؤپولدک حریت افکار و سربستی
وجدان طرفلرینه اولان میلی کندی استقلال تامنک
دخی بونلر یوزندن حاصل اوله جنی امیدندن نشأت
ایتمکده ایدی . زیرا قولکلک نفوذی جاری اولان
یرلرده حکمدارانک استقلالی دخی انلرک تجبر و تسلطی
آتمده ازمکده اولوب سربستی افکار اربابی ایشه
قرال لرینی ملنک ریئسی باباسی حامیسی وال حاصل قبله
کامی اولق اوزره قبول ایده جکلرینی لؤپولد یقیناً
آکلامشیدی . بناء علیه سربستی طرفدارلری
حقننده کی توجهی آرتیرد فحشه نفوذینی دخی
ارتدیروب بونکا مقابیل پاپاس کر وهنک تسلطی
کسر ایده ایده تربیه اطفال قضیه مهمه سنی ملنک
یدا اختیارینه ترک وهر کسک ایسته دیکی ایین و مذهبده
بولنمسنه مساعدده ایتک درجه سنه واروب قرالک

یو عنایتنه مقابل ارتق اغلب اعضاسی سر بستی
طرفدار لرندن اولان ملت مجلسی دخی ۱۸۴۷ سنه سنده
قرالک استقلالنی بر قاندها اتمام ایتدیلر .

۱۸۴۸ سنه سنده فرانسه ینه جمهوریت
سوداسیله سلاحه صارلدیغی زمان قرال لوی پولد
یو آتش عصیانک قیغلمجملری بلجیقایه دخی سرایت
ایده جکنی اکلاینجه هنور بر ملت مستقله اوله رقی
تشکل ایتکه باشلامش اولان خلقی بویله بر قانلی
اوبون ایله یوزه چیقار ماق ایچیون ملت « ای
ناس مملکت و حکومت و تاج و تخت سز کدر .
سز بکا بو تاجی رضا کزله ویردیکز . شمدی
کیرویه المق ایسترسکز عصیان احتلاله نه حاجت
بن کلدیکم یره چیقار کیدرم . بوق اختلالدن
جمهوریتدن منافع وطنه دأر بر املکز وارده او ملک
حصونه ممانعت ایدی برشی بوانورایسه انک علیهنه بالاتفاق
عصیان ایدلم . بنی کندیگز دن خارج صایعیکز .
چونکه بنی بو وطنک اوغلی ایدن سز سکز » طرزنده
غایت شجیه نه و بسالتکارانه اعلان ایلدیکی مقاله
اوزرینه بلجیقایلر « یشاسون همشه ریمز قرالیمز

یابامن « اوازینی کوکله چیقارارق ملت و مملکت
ایچون هیچ بر حسن املاری اولدیغی حالده مجرد
شورش و فترت ائنا سنده یغما کرلک صورتیله کندی
منفعتلرینه چالشمق اوزره تمشد ایدن کرک بلچیقالی
و کرک فرانسز بر طاقم ارازی ملتک قوه قاهره سی در حال
قهر و تدمیر ایش و اندن صکره بکیدن تنظیم و تعدیل
ایدیلان بالکن بلچیقاستقلانی دکل ساقس قوبورغ
خاندانک بلچیقاده حق قرالیتی دخی بر قاتدها ناید
و تحکم ایشلدن :

بلچیقاستاریخنک اوزماندن بری ذکر ایلدیکی
وقوعات یاکنر نظامات مملکتک تعدیلنه لزوم
کورلدیجه عادلانه و ددبرانه مذاکرات عمیقہ ایلہ
تعدیلنه و تاغراف و شمدوفر و قنال و سائرہ منالو عملیات
تافعه یه ایدیلان خدمتدن و باخصوص صنایع و معارفک
ترقیسی ایچون صرف اولان همتدن عبارتدر که
خصوصات مذکوره بلچیقانک حال حاضرینی تواند
ایندیکنه و او ایسه اشغبی افاده عمومیہ ده
کوریلہ جکنه مینی تفصیلات مذکوریه بوراده
حاجت یوقد :

قرال لؤپواده ۱۸۶۵ - سنه ميلاديه سنډه وفات
ايدرك اوغلي لؤپواده ثاني صندالي قراي په قعود
ايتمش والحاله هذه قرال مشاراليه حكومت ايتمكده
بولمشدرد .

افاده عموميه

په بي با تاريخي نظر تدقيقده اجمال ايديلور
ايسه كوريلور كه بولم مبادي تشككده بك چوق
زمانلر مل مجاورايه مختلط بر حالده يشايوب تمام تاريخ
نظرنده طانديني زماندن صكره دخي الزاس وهنو
و بورغونيا و اوسه يا خاندانلري كي بر چوق خاندانلرك
مالكانه سي اولش قالشدر . شو حاله كوره ممالك
هذ كوره ده تاريخك نظر اطلاعنه چاريا جق وقوعاتك
بك آزا ولسي طبعيدرد .

۱۵۵۹ تاريخنده كيليوم دوراثر هولاندا طرفنده
ستاتودر حكومتني قورمقله په بي بانك او طرفلريني بر
استقلاله نائل ايلديسه ده با حيقا طرفنده كي ايالات
جنوبيه اوستر يا واسپانيا و فرانسه دوللري ميانده
يسوك بيوك مجادله ره سبب اولمق اوزره كالاوله
مالكانه اولدي قالدي .

بواهالینک شجاعتمه غیرتمه چاشقانلغنه سور
 اولوب درون تارینخده کوستراش اولدیغی وجهله
 هولاندزلک اسپانیا وانکلتره و پورتوغال و فرانسه
 دولتری کبی دول بحر به نک اعاضمندن بولنان دولتره
 رقابه افریقا و امریقا و اوستریا و آسیا دکرلرنده پیدا
 ایتش اولدقتری شوکت بستر به الحق محیر العتول اولوب
 بوسایه ده اورو پا تجارتنه دخی اوقدر کیرشمشیر
 ایدی که زمانیه هولاندا ممالکی تجارت خصوصنده
 شمعی انکلترنک خیر بخش عتول اولان بندرگاهلری
 اهمیتی حائر اولاشیدی . انجق قوتک جسامتله
 متناسب اولسی قوتک بقاسنی موجب اولوب عکسی
 حالده ایسه تاجسمک یا خود قوتک محو اوله جغی ینه
 بدیهیاتدن بولند یغنه **ک**وره هولاندانک شو حددن
 افزون شو کتی دخی جسامتیه متناسب اوله میه رق هر
 حالده سیربع الزوال اولاشدر .

انکلتره و اسپانیا و فرانسه یه قارشو بیهوده اصرار
 وثبات کوستردیکی محاربات سیاحت بحریه یوزندن
 قزانیلان قوتی محو ایلد کدن صکره فرانسه کبی اون

سکزنجی عصر لئها بیلله اولن طقوزنجی عصر قدما تئده
چلغنجه سنه فرلایوب میدانله چیقمش اولان بردولتله
بر من غیر حسدایتدیکی رفاقت دخی قوتنک - بموب
بقیه سنی ده محو ایلش و او بیچاره هولاندا بردها
عقلنی باشنه اله میه جق صورتیه کلش ایدی .
ال صکره فرانسه نک دیز کینلرینی طوپلامق امرنده
دول متفقہ ایلله موافق بولمسنه مکافاة بلچیقانک دخی
ضمیمه الحاقیله ایچجه بردوات مستقله اوله رق میدانله
چیقمش هولاندا ایچون بر محبت عظمی ایدیسده
اصلی متحد اولان ایکی ملتک یکدیگر یله قایناشاماسی
نعمت اتحادی بر نفرت عظیمه تحویل ایلدی .

انجارم کار یه بی با دولتی بلچیقما هولاندا نامیلله
ایکی دولت مستقله یه ایراد قدن وارالزندیکی بقیه مناسباتک
قطععی ایچون دخی برخیلی قلیج صالاد قدن صکره
اوتهدنبری محروم اوله کلدکری اصلاحات داخلیه یه
چالیشه رق الحق موفق دخی اولدیلر .

الیوم صنایع جسمیه خصوصننده بلچیقما اوروپانک
هر طرفنه فائقدر دنبله مز ايسه بیلله فرانسه وانکلتره

کبی یرله بیله مساو یدر . آنورس ولییه ژ شهرلی
 کبی نهر اوزرنده بوانسان مملکتلرک ترسانه لرنده
 یاپیلان کیلر انکلیز مهندسلرینه دخی نمونه امتثال
 اوله بیلورلر . تیمور جیلکک و صنایع نسجیه نک ترقیسی
 دخی بونستنده در . مملکتک وسعتنه کوره نفوس
 نصو صنجه بلچیق اورو پانک الک غلبه لک یری
 اولغله باغ و باغچه و منتظم ترلا و مرعی اوله ورق طرح
 و تزیین ایدلماش برقاریش یر یوقدر هولاندانک
 ترقیسی زراعت و صناعندن زیاده تجارت بحریه
 خصوصنجه اولوب کره ارضک الک اوزاق قطعده لرنده
 بوانسان مستملکات و مهاجرلی اراسنده کی روابط
 تجاریه بی حسن محافظه ایله کلی تمتع ایتمکده در .
 « یعنی سز نیچون اکوب بیچمکه چوق هوس
 ایتمز سکر » دیه و قوعه بولان سؤاله جواباً
 بر هولاندالینک بزقرده حنطه و شعیر اکوب بیچمیز
 زیرا دکر اوزرنده آتون و کوش اکوب بیچمکه
 مشغول » یوالو و یردیکی جواب مبالغه حیل
 اولمه مز . و یرمکه بتوب توکنیه جک اولان

دیون عمومیه حالا فلنکک بونجه وارداتی بلع
ایمکنده در .

معارف جهته ده دخی بلجیقا هولاندایه تفوق
ایمشد در . بلجیقاده تحصیل جبری کی بر صورتده
اولوب هر طرف درجات متنوعه اوزرینه مرتب
مکتبلره طول دیر اشد در .

فرانسز اخلاقنک خفی بلجیقایه وانکلز
اخلاقنک آغرلخی هولاندایه تجلی ایتش ایسه ده هر
ایکی طرف نه فرانسه قدر خفیف ونه ده انکله
قدر آغر اولیوب اخلاق واطوارلری هر عاقلک
پسند ایده جیکی بر درجه اعتدالده در . مبالات
عرضیه جهتیه هولاندا بلجیقایه دخی فائق اولوب
با خصوص قنولک آینی بلجیقا طرفنی حالا صیقه ده
اولدیغی حالده پروتستانلق سر بستیی هولاندا
جهته وجداناً برو سعت و فسحت ویره شدر .

ایکی طرف دخی حکومتی حکومت مشروطه
قرالیه در . شو قدر وارکه بلجیقا قرالنک شرائط
حکومتی پک سر بست اولدیغی حالده خلقک رضاسندن

متولد اولان استقلالی زیاده جه در • هولانداده
 افکار ناس قراله اول قدر استقلال وبره مامکده
 اوادیغی حالده تنظیماتک قویدیغی شرایط حکومت
 بلجیقا قدر سربست دکادر • بلجیقا ده قرال
 برشیئی امر ایلدیکی زمان ملت مجلسی وسائر مخافل
 دولت ممنونا قبول آیدر • هولانداده ایسه مجالس
 ومخافلاک قرار ویردیکی برشیئی قرال عادتا متنفراً
 تصدیق آیدر •

بودولتلك قوه عسکریه لری کندیلرینه کوره
 مکمل ایسه ده اوروپانک سائر دول معظمه ایسه
 نسبت اهمیت ویریه چک درجه دکادر •

(انتهى)





فرق انبار علاوہ سی تاریخ کوزی

ذیل کائنات

برنجی قسم

اوروپا

برنجی قسم یکدلی جلدی

المانیا

صاحبی

محررت

ایران رفیع اولہرق

فرق انبار مطبعہ سند طبع اولہرق

سند

۱۲۹۳

❦ المانيا ❦

« المانيا » لفظى بر اسم عمومىدر كه بيوك كوچك
 فرق قدر اولكارى جامعدر . كا ئنا تمزده هراولكا
 ايچون بر تاريخ خصوصى يازه رق بونلرك هيئت
 عموميه سندن مكمل بر تاريخ عمومى چيقار مق مسلكنى
 اتخاذ ايتمش اولديغيمزه كوره بو « المانيا » اسمى
 بزم ايشتمزه ياراماق والمانيا هيئت عموميه سنى تشكيل
 ايدن هر مستقل اولكا ايچون مثلا « باويرا »
 و « ورتمبرغ » مثالا اولكارك كندى اسامى
 خصوصيه سى التده بر تاريخ ياز مق لازم كى تصور
 ايدياورايسه ده . بو اولكارك عمومىك سلسله
 وقوعات تاريخيه سى هب (المانيا) اسمى اوزرينه
 كلوب قرار قلديغنه مبنى بو اسم التده بر جلد
 ترتيب اولتورايسه انك ايچنه عموم المانياك تاريخى

پر لشدیر مک ممکن اوله جنی قضیه سی اولکی تصویره
 حکمجه غایه ایدر . مع هذا المانيا نام عمومیسی
 التده بو اولکانک وقوعات مشترکه عمومییه سنی
 مبین بر جلد مخصوص ترتیب ایلد کدن صکره مستقل
 اولان الیوک اولکال ایچون دخی برر شعبه چیقار مق
 امکانی هر زمان ایچون بافیدر .

✽ المانيا اولکاسنک احوال جغرافیه سی ✽

المانيا اولکاسنه المان ملتی « دایجلاند » اسمنی
 ویرلر . قدیمده « جرمانیا » نامی دخی بو اولکانک
 اکثر لرینی محیطاً علمی اولشیدی . بو اولکا
 اوروپانک تا اورته یرنده بر جسیم وعظیم یردر کد شمال
 طرفندن بحر بالطق ودانمارقه وبحر شمال وغرب
 طرفندن هولاندا وبلجیقا و فرانسه واسویچره
 وجنوب طرفندن دخی ایتالیا وآق دکزک وندیک
 کور فزی وشرق طرفندن دولت علیه ومجارستان
 وروسیه ایله محاطدر .

کور یلیور که شو حدود ایچنه اوستریا دخی
 ادخال ایدیلور . چونکه اوستریا دخی المانيا

مالکندن معدود در . كذلك کوریلینور که
 مجارستان بو حدودك خارجنده بر اقلشدر . زیرا
 مجار اولکاسی طبیعت جغرافیة اقتضاسنجہ دخی
 المانیادن خارجدر . بو اولکاک اوستریا ایلہ جهت
 و کیفیت التصاقی ایلرودہ اوستریا جلدندہ
 کوریلہ جکدر . بورادہ تعیین ایلدیکنز حدودایسہ
 اہالیسی المان لسانی تکلم ایدن یرلک همان جملہ سنی
 محیط اولق اوزرہ تعیین ایلنشدر .

اشبومالک وسیعہ دن اوستریا قسمی بعد انتفریق
 قصوری قرق بر ملبوز نفوسی حاوی اولوب بونفوس
 متفنین جرمانیا ہیئت باقی اولدیغی زمان کوچک
 بیوک اوتوزطقہ وز حکومتات مستقلہ یہ منقسم
 ایدیسہ دہ درون تاریخده کوریلہ جک انقلابات
 اخیرہ اوزرینہ الیوم اوستریادن ماعددا المانیا
 ایمپراطور لغنی تشکیل ایدن حکومتات مستقلہ یکر می بش
 رادہ سنہ اینمشدر کہ احوال جغرافیہ دن الاول
 بیلنہ جک اولان شی حکومتات مذکورہ نک اسامیدیلہ
 مقدار نفوسلریدر :

اسامى حكومات	مقدار نفوس
١ پروسيا قراللى	٢٤,٦٥٦,٠٧٣
٢ باويرا قراللى	٠٤,٨٥٢,٠٢٦
٣ ساكس قراللى	٠٢,٥٥٦,٢٤٤
٤ ورتمبرغ قراللى	٠١,٨١٨,٥٣٩
٥ باد غراندوقه لى	٠١,٤٦١,٥٦٢
٦ هس غراندوقه لى	٨٥٢,٨٩٤
٧ مكلنبورغ شيوهرن غراندوقه لى	٥٥٧,١٩٧
٨ ساكس ويمر غراندوقه لى	٢٨٦,١٨٣
٩ مكلنبورغ ستره لىچ غراندوقه لى	٠٩٦,٩٨٢
١٠ اولدنبورغ غراندوقه لى	٣١٢,٥٩٦
١١ پرونزويق دوقه لى	٣١١,٧٦٤
١٢ ساكس اينبرن دوقه لى	١٨٧,٩٥٧
١٣ ساكس انبورغ دوقه لى	١٤٢,١٢٢
١٤ ساكس قوبورغ و غوتا	١٧٤,٣٣٩
١٥ آنهالت دوقه لى	٢٠٣,٤٢٧
١٦ شوارزب رودولستان امارتى	٠٧٥,٥٢٣
١٧ شوارزب سوندرش امارتى	٠٦٧,١٩١

۰۵۶,۲۲۴	۱۸ والدق امارتی
۰۴۵,۰۹۴	۱۹ روس کبیر امارتی
۰۸۹,۰۳۲	۲۰ روس صغیر امارتی
۰۳۲,۰۵۹	۲۱ شامبورغ لیب امارتی
۱۱۱,۱۳۵	۲۲ لیب امارتی
۰۵۲,۱۵۸	۲۳ لویق شهر مستقلی
۱۲۲,۴۰۲	۲۴ برم شهر مستقلی
۲۳۸,۹۷۴	۲۵ هامبورغ شهر مستقلی
<u>۴۱,۰۱۱,۹۱۹</u>	یکون

بو حکومتلرک لمانیا اولکاسی ایچیده واقع
معینه سی بروجہ آتیدر :

شمالده : اولدنبورغ • پرونزویق • برم •
هامبورغ • لویق • مکلمبورغ • پروسیا •
وسطده : لیب • والدق • هس • روس
کبیر و صغیر • آنهالت • ساقس قرالغی •
وساقس دوقه لقلری • ایکی شوارزبلر •
جنوبده : باد • وزمبیرغ • باویرا •
حکومتلردن بعضلرینک اولکاسی متفرق اولوب

بر پارچه سی شمال ده بر پارچه سی وسط و جنوب ده
بولنور .

ایشته شورالای حکومت مستقله نك استیلا
ایلس اولدیغی محل یالکز اوروپا نك تا اورته یرنده
بولنق حسیله الكهم بر اولكا اولیوب بلکه طبیعت
زمین اقتضاسیجه دخی غایت منبت و برکتیسیدر .
از جمله هر طرفی غایت کوزل طاغلری زمین ایدر که
بو نلردن برنجیسی اب طاغلری اولوب جنوب
طرفنده ایتالیا ایله المانیا اراسنده واقع اوله رق برطاق
کوزل شعبه لری المانیا ایچنه طوغری تسلسل ایدر
کیدر . ایکنجیسی قارپات طاغلرینك سلسله
غریبه سی اولوب المانیانك شرق طرفندن ایچرویه
کیرر . او چنجیسی هارز طاغلری اولوب اولكانك
وسطنده بولنور . دردنجیسی معدنلر طاغی اولوب
جهت شرقیه سنه دوشر . بشنجیسی تورنرر واند
طاغلری اولوب ینه وسطده در . التنجیسی ووسر
طاغلری اولوب اولكانك غرب طرفنده درلر .
فقط المانیا اولكانك زینتی یالکز بو طاغلردن ده

عبارت دکلدر . بر طاقم فیضلی نہر لدخی بو اولکابی
 اروا واسقا ایدرلر . بو نلرک برنجیسی رین نہری
 اولوب اولکاتک جنوب غربیسنده واقع اسویچره
 طرفلرندن چیقہ رق المانیاتک غرب طرفنی بویلی
 بوینه قطع ایلدکن صکرہ پہی بامالکنہ کیرر
 واورادن بحر شماله منصب اولور . ایکنجیسی امس
 نہری اولوب المانیاتک وسط شمال غربیسندن چیقہ رق
 ینه بحر شماله دو کولور . اوچنجیسی و سرنہری
 اولوب کذک اولکاتک اورتہ اق یرندن چیقہ رق
 بحر شماله دو کولور . دردنجیسی آلب نہریدر کہ
 اوستریا طرفلرندن چیقوب تکمیل المانیائی
 آتیریلادن صکرہ بحر شماله قاریشور . بشنجیسی
 اودر نہری اولوب اوستریا طرفندن کلہرک بحر
 بالطیغہ آقار . ائنجیسی طونہ نہریدر کہ المانیاتک
 جنوب غربیسندن وقرہ اورمان طاغلرندن چیقوب
 برچوق کوچک صول قاریشہ رق بیویہ بیویہ اوستریا
 ممالکنہ طالار واورادن دولت علیہ اولکاسنه
 کیروب قرہ دکرہ قاریشور . یدنجیسی ویستول

نهری اولوب اولكانك شرق طرفندن چيقي ره رق
 شماله طوغری تبدیل جریانله بالطبق دگزینه آقار .
 ایمدی المانیانك طاغلری تیمور باقر قالای قورشون
 بیز موت کو موش و حیوه کبی انواع معادن حای
 اولدیغی مثللو بر چوق نهرلر و دره لر سایه سنده
 اولتافلری دخی پك اعلا اولدیغندن انواع حیوانات
 اورالده زیاده سیله فیض آلور . هله المانیانك
 آت جنسی زیاده سیله مقبولدر . زمینك بو فیضی
 اهاالیسنك همیله اتفاق ابدرك المانیانك زراعتی
 دخی اوروپانك هر طرفندن اعلا در .

المانیانك دکرلری هب شمال طرفنده بولنوب
 بولنرك برنجیسی بحر شمالدر که اگرچه المانیانك
 آرسوا حلی استیلا ایلش ایسده اولدن بورغده
 بر کوزل کورفز جك ایله و سر نهرینك منصبی
 وهامبورغده آلپ نهرینك دکره قارشیدیغی یر پك
 اعلا لیمانلردر .

ایکنجیسی بالطبق دکرلری اولوب بونك دخی حاصل
 ایلدیکی بر قاج کورفز جك و بالخصوص اودر

نهرينك منصبی و دانس-يق کورفرزی پک امنیلی پک
کوزل لیمانلریدر .

شمردیکی حانده المانیانک معین پای تختی پروسیا
قرالغینک دخی پای تختی دیمک اولان براین شهر
اولوب کرک جسامت و کرک زینتجه لوندره و پارس
ویترس-بورغ کبی برنجی درجه ده بولنان پای تختلر
صره سنه کچه مز . باویرانک پای تختی اولان مونیخ
وورتمبرغک پای تختی اولان ستوتغراد و ساقسک
پای تختی اولان درسد شهرلری المانیانک اک مشهور
پای تختلرندن اولوب فرانقغورت ایله برده اخیراً
فرانسه دن ضبط اولنان استرازبورغ شهری بواولکانک
ممانک مشهوره سنندرلر .

المانیاده اغمیتله حکم سورن مذهب پروتستاناق
اولوب قاتولیک آیینی اربابی پک آزدر . هله یهودی
غایت آزدر . ایدیلان حسابدن اکلاشلدیغنه کوره
بیک نفوسده التیوز یکرمی اوچ نفوسی پروتستان
واوچیوز التمش ایکسی قاتولیک ویا لکن یکده اون
ایکیسی یهودیدر .

هينت متحده حكوماتنك جلد سى كندى دائره
حكومتلى داخنده مستقل اولوب فقط المانيانك
هينت عموميه سنده تعلق ايدى جك اولان حرب و صلح
وجمع و تنظيم عسكر كى مهم امورده برلىنده
منعقد عموم المانيا ايمپراطورلغى پارلامنتوسى طرفندن
ويريلان رآى موجبجه طرف ايمپراطور يدن صدور
ايدى جك اوامر مرعى الاجرادز .

﴿ المانيا نارينخنك تقسيمات اساسيه سى ﴾

المانيا تاريخنك تقسيمات اساسيه سى سائر بعض
محللر تاريخنك تقسيماتى قدر مطلق اولديغندن مورخى
يورميه جغى كى ارباب مطالعدي دخی نورمز .
بو تاريخى باشلوجه درت بابيه تقسيم ايتك
كافيه در كه باب اول المانيا نك تاريخ نظرند طائغه
باشلادىغى برزماندن بدأ يه ميلادك ۹۱۱ تاريخنده
قارلوفنيرين خاندانك خنامه قدر كرك رومالورك
عصرلجه دوام ايدن تساعظربنى و كرك فرانكلرك
كذلك عصرلجه دوام ايدن تحكمنى خبروير .

ایکینجی باب مذکور ۹۱۱ سنه سندن باشلا یوب
 ۱۲۵۴ سنه میلادی سنه قدر یعنی المانیا ایمپراطور انک
 قطعاً تشکیله فترت جسمیه د کین صورت دوامی
 حکایه ایدر . باب ثالث فترت جسمی تاریخندن بدأ
 ایله ۱۴۳۷ سنه سنده اوکسمبورغ و یاویرا
 خاندانلرینک حکومت مشترکلی ختامنه قدر اولان
 وقوعاتی ذکر ایدر . باب رابع دخی اوسستریا
 خاندان ایمپراطورینک ابتدای تاریخلرندن بوزمانه
 قدر سلسله وقوعاتی چکر کوتورر .

اشبو ابواب اربعه نك تقسیمات ثانیه سنه کنبه :
 بونلر دن برنجی باب درت فصله آیراش اولوب
 فصل اولده المانلرک بدایت حالی و فصل ثانیده
 رومانلرک اول طرفلره طوغری وقوعه ~~سک~~ لان
 تسلطلری و فصل ثالثده اقوام شمالیه نك روماتسلطنه
 صورت مقابله سیله رومانک انقراضی و فصل رابعده
 دخی فرانقلرک تسلطیه قارالوونیرینه ن خاندانک
 مدت تحکملری ذکر ایدیله جکدر .

باب ثانی دخی درت فصله منقسم اولوب برنجی

فصلی فرانتونی خاندانیه ساقس خاندانك آلمانیا
ایمپراطور لغنك قطعاً تأسیس نه قدر اولان زماننی
وایکنجی فصل ساقس خاندانك بقیه مدت
ایمپراطور یسنی و اوچنجی فصل فرانتونی خاندانی
مدتنی و دردنجی فصل دخی صواب نام دیگر
هونهستوفن خاندانك زماننی متضمن اوله جعفر
باب ثالث اوچ فصله منقسم در که برنجیسنده
یونك فترك مدتنی وایکنجیسنده هابسبورغ
خاندانك زماننی و اوچنجیسنده دخی اوکسمبورغ
و باویرا خاندانلرینك معاوبه حکومت ایمپراطور یسنی
ذکر اید، جکن .

دردنجی بابك بش فصله انقسامی لازم کلوب
یونك برنجیسنده اصل اوستریا خاندانك بر دوزیه
مدت حکومتی وایکنجی فصلنده اوستریا ولورن
خاندانك ایمپراطور لغنی و اوچنجی فصلنده رین
هیئت اجتماعیه سنی و دردنجی فصلنده جرمانیا
هیئت اجتماعیه سنی و بشنجی فصلنده دخی شمیدیک
آلمانیا ایمپراطور لغنی ذکر و حکایه اید، جکن .

ہوندن مقدم کی جلدلر دہ المانیاتار یخنہ عطف
 اونن مٹلامحاربہ سی سالہ کی برقاچ دولتہ بردن تعلقی
 ولان بعض وقوعات عمومیہ بی اوتہ دنبری یایدیغمز
 وجهلہ برربند مخصوص اولہرق ذکر ایدہ جکز .

— باب اول —

المانیانک بدایت احوالندن قارلویئر شین
 خانداننک ختام حکومتلرینہ قدر

عن ۰۰۰ الی ۹۱۱

— برنجی فصل —

المانیانک بدایت احوالی

عن ۰۰۰ الی ۵۸ مقدم میلاد

— تفصیل — المانیا اولکابی فرانسه کی
 انکلترہ کی فلنک و بلجیقا و دانیمارقه و سائرہ کی
 الیوم اوروپا ملتیرین تشکیل ایدن برچوق خلقک
 اصل محل انقسام و انتشاری اولدیغندن کرک شمدی بہ
 قدر چیقان و کرک انشا اللہ تعالی ہوندن صکرہ چیقہ جق

اولان جلدلرمزده اسامیسی ذکر اولنمش واولنه جق
مال قدیمه دن لك چوغنك اتملری بوراده کوريله جکدر .
عالم مدنیت یعنی آق دکز سواحلی المانیای
قدیمی براز کچه طانیشلرایسده طانمغه باشلار باشلامز
ملل شمالیه کندیلرینی بونلره پك اعلا طانمشلردر .
نصل طانتدقلرینی مراق ایدنلر انکلتزه ودانیمارقه
واسوج وفرانسه تاریخلرینك برنجی بابلرینك برنجی
فصلارینه مراجعت ایتلیدرلر .

ایندی المانیانك ایچروسی ایلک طانمغه باشلادیغی
زمانده یعنی میلاد عیسا اثناسنده المانیا ایچننده .
باشاوجه اوچ بیوک خلق کورنمشدر . بونلردن
برنجیسی (هرمینوس) دینلان خلق اولوب بونلره
«تتون» و «سوئهو» دخی دینلورایدی . قوم
مذکور برطاقم اقسامه منقسم اولوب بر قسمنه
«سمنون» تسمیه اولنور ایدی که المانیانك شمال
طرفلرنده والب نهریله اودرنهری اراسنده پراکنده
ایدیلر . ایکنجیسنه دخی «وارینی» دینلوب
دانیمارقه شبه جزیره سنه طوغری اوزانور کیدر

ایدی . اوچنجیسنه «سیدینی» تسمیه اولنوب اولدر
 نهری بوینده ایدیلر . دردنجیسنه «روژی»
 دینلوب شمدیکی پومرانی اولکاسی ایچنده ایدیلر .
 بشنجیسنه «غوتون» والتجیسنه «هرولی» دینلور
 ایدی که باطریق دکزی ساحلنه ایدیلر . یدنجیسنه
 «واندال» و سکنجیسنه «سیلترشی» دینلور ایدی که
 المانیای وسطی طاغلری ایچنده ایدیلر . طتوزنجیسی
 «بورکندیون» و اوننجیسی «لیرش» قبیله لری
 ایدی که واندالارک ارقه سنده سیلزیا ایالتی طرفلرنده
 پراکنده ایدیلر .

«لانتو باردی» نام دیگر «لومبارد» دینلار
 قوم ایله «آنگلی» طائفه سی دخی بنه بورنجی
 قومدن اولوب فقط بونلر هم جنس لریله برابر
 قالیرق لومباردیا ولر اشغیدنه ذکر اولنه جیق
 «استارون» و آنغلر دخی بنه اشغیده ذکر
 اولنه جیق «اینگلوون» قولری زدننه هجرت
 ایلسلردر .

المانیای ایچنده کوریلان اوچ بیوک خلعتدن

يكنجيسى (اينغاوون) خلق اولوب بودى
 كنديلكنجه بر چوق قبائل واقوام جسيه يه منقسم
 اولديغي حالده رين نهرندن بدأ ايله تابجر بالطيغك
 سواحل غريبه سنه يعنى دانيمارقه شبه جزيره سنه
 ضوغرى يايلاقلار ايدى . هولاندا ايله دانيمارقه ايچنه
 منتشر اولان ومحللرند ذكرايديلان فرى نام جرمن
 قومى ايشته بو اينغاوون اقوامندندر . المانياك
 اولانبورغ وبرم طرفلريند ياييلان «شوس» ولونبورغ
 طرفلريند ديدن «انفر بواري» و بر قسمى انكلتره يه
 قدر كيدن (انكلتره ص عن ۳۸ الى ۴۴ هر)
 وبافيسى حازا اسملر ايله ادا اونان «ساقسون» قوملى
 دى . ب و يكنجى خلق اقسامندندر . بعض
 تر بخار و اش بر هرمنوس ايله اينغاوون خلقى بر
 چاندين اولوق اوزره ذكر ايدرك جرمنلر اصلى ياكز
 ايكي يه حصر ايدرلر .

اوچنجى خلق (استاوون) دينلان جنس
 اولوب كندلك . چوق اقوام و قبائله منقسم
 اولدقلارى حالده و سراسر ايله رين نهرى اراسنه

یا بلشاز و بر طقم قبیله لری دخی غول ممالکی
 ایچنه کوندرمش لردر که فرانقلر بوقبيله دن اولوق
 اوزره مرویدر . انجق بونلردن ماعداینه جرمنلر
 کی بر طاقم قبائل و حشیه ده غول ممالکی مسکن
 اتخاذا ایلش اولدقلری دخی محلده ذکر اوتمسیدی
 (فرانسه ص ۱۴ مر).

اهالی مذکورہ نك جملہ سی عن اصل آسیای
 وسطی اها ایستدن بواندقلری و بدویت و وحشیه
 مشترك اولدقلری جهتله احوال خصوصیه
 بدویه لری هب بر بر نك عینی کی برشیدر . یعنی
 بوراده سامیسی ذکر ایلدیگمز اقوام دخی غول
 ممالکنه انتشار ایلدکلرینی فرانسه تاریخنده خبر
 و یرمش اولدیغمز اهالی کی غایت جری و جسور
 وقوی البیه و اوزی سوزی طوغری آدملر اولوب
 مسافر پرورلک وعهده وفا ایله مشهورایدیلر .
 بونلرده دخی امور بیتیه قاریلره محول اولوب فقط
 کندیلری سائر اقوام و حشیه کی یالکز صید و شکار
 و چوبانلق ایله اشتغال ایتیه رک بر درجه یه قدر

زراعتله دخى مشغول اولورلر ايدى .

جرمانيانك شوا اقوام بدو يه سنى سائر وحشيلردن
آيران برشى دها وارايسه اوده بونلرك سائرلى كي
دائما كشت وكذار ايتيوب بر محله ممتكن بولملىر يدر .
ذاتاً زراعتله مشغول اولملى دخى بونى ابتاب ايلر .
انجق هيئت اجتماعيلرى بر شهر ويا قصبه وجوده
كتور دجك قدر يوك اوايوب اوچ بش خانهك
بر كوزل وادىي كنديلرينه مقر اتخاذى صورتيله
ساكن وممكن اولورلر ايدى .

بواقوامدن بر طاقى خبق طرفندن انتخاب
اولان بر نوع قرالرك و بر طاقى دخى قبيله رئيسلرينك
حكومتى التنده بولورلر ايديسه ده بو حكومتلر ملت
يعنى قارى و چو ببق واختيار گروهى ايله محاربويه
كيتيان ومسك نلرند ممتكن اولان طاقى حكومت
ايدرلر ايدى . جنكاور طاقى ايسه (باند) دينلان
هيئت مسلكه و حربه يي تشكيل ايدرلر ايدى كه بونلر
جسارت وشجاعتده وبر اردويه قوماندا ايتكده
نام قزانش اولان بهادرلك قومانداسى التنده بولور

ولز ومنه كوره الك اوزاق ممالكه قدر كيدوب جنك
وجدال ايدرك برچوق يغماني حاملًا ينه طوبرا فلرينه
كلورل ایدی .

بواهالی دین و اعتقاد خصوصند درویدرلر
آینک دها بشقه بر درلوسنه تابع ایدیلر . الك بيوك
معبودلری (رتا) یعنی زمین اولوب کندیلرینه
هر نعمت یردن کلدیکی و حتی بالنفس کندیلری دخی
زمینک خلاصه فیضی دیمک اولان منیدن حاصل
اولدقلری جهتله یره طاپرل ایدی . هاتفه طالعده
ابناتمهده پک ایلرویه وارهب باخصصوص قاریلرک
غیبیدن و یردکلری خبرله حقیقت محضه نظریله باقارلر
ایدی . بناء علیه ایچلرنده بعض قاریلر توره مشیدی کد
غیبیدن خبر و یرمک خصوصند کی شهر تلریله
عادتاً پیغمبرلر درجه سنه چیمشلا ایدی .

بعض مورخلر شور وایتیدن بالانتقال اسکی
جرمنلرک قاریلره پک زیاده حرمت و رعایت ایلش
اولدقلرینی یازمشلر ایسه ده بواجتهادلرنده خطاری
ظاهر در . زیر اعظمهر حرمت اولان قاریلر برهنوال

محرر غیبدن خبر ویرمکه مشهور اولان چند نفری
اولوب سائر نوع اثاث ایشه اولدقجه حقارتله خریالنه رق
استخدام اولندذلری هر کسک بیلدیگی برشیدر .
هله چوجقلرینی صائق دخی بونلر عنندن جازایدی که
چوجغنی صاتان بر ملتدقاری به رعایت دخی آزاوله جخی
تاریخچه بک چوق امثالیه اثبات اولنه بیاور .

قیم المان ار ککلرینک حصر فکر ایلدکلری
شی یانکر جنک وبونک تفرعائی عدا اولنان صید
وشکار و تعایم اولوب بوندن بشقه هیچ برشیئه
اهمیت ویرمزله وهرایشی قاریلره - وواله ایدوب
کندیلری ذوق و صفادن بشقه هیچ برشیئه باقزلر
ایدی . همده ذوت و صفا و سفاهتده عادت افراطه
واروب بر محاربه دن عودت ایتش اولان آلمانک
ایکنجی بر جنکه دعوت ایدیلنجه ید قدر آیلرجه
آیلماق اوزره بیر ایلله سرخوش اولدیغی مرویدر .
المانیای قدیم خلقی حقند بویا به قدر ویردش
اولدیغمن معلومات صکره دن یعنی روماولر اورالره
طوغری ید تسلطلرینی اوزاتدقدن صکره استحصال

اولنان معلومات اولوب بوقسه روما دولتی غول
 ممالکنی ضبط ایدنجیه یعنی میلادک الی سنه مقدمه
 کلنجیه قدر المانیای قدیم حقنه انلرک دخی ر کونه
 معلومات صحیحہ قطعیه لری یوق ایدی . واقعاً
 (فی ته آس) نام سیاح میلادک ۳۲۰ سنه مقدمه
 اورویانک شمال طرفلرینه طوغری بر سیاحت
 ویرمش و بحر باطریق ساحلی اوزرنده براز کشفیاتده
 بولنش اولدیغی معلومدر . انجق مر قومک
 کتوردیکی معلوماتک نه دن عبارت اولدیغی (انیمارقه
 ص ۱۱ مر) . کوسترلشدر . معلومات عتیقه دن
 اولیق اوزره میلادک ۵۸۷ سنه مقدمه غول
 طائفه سنده سیغووه ز نام رئیسک المانیایچنه برآقین
 ایتش اولدیغی دخی واریسه ده بو معلومات اسکی
 غوللرک کندیلرنجه دخی اسکی اولان فخریه
 ملیه زدن النش اولوب تفصیلاتی معلوم دکدر .
 بوندن صکره میلادک ۱۱۳ سنه مقدمه دخی
 رومانلر جرمنلرله ایلک دفعه اولیق اوزره قارشو
 قارشویه کلشلا ایدی . فقط بوتقابل تتون و سیمیر

قبیله لارینک الپ طاغلی جوارنده پاپیریوس نام
 روما قونسولانی یعنی حکمدارینی برباد ایلدکاری
 تقابلدرکه بویله بروقه هائله نك رومالوره درد
 محجوبیتدن بشقه برکونه معلومات اوکرتماش
 اولدیغی بدیهیدر . برکت ویرسون که مر قوم
 پاپیریوسدن صکره قونسول انتخاب اولنان ماریوس
 میلادک ۱۰۲ سنه مقدمنده تنوزو ۱۰۱ سنه
 مقدمنده سیمیر قو لری اوزرینه قوتایجه برغلبه
 چالیدی ده رومایی استخلاص ایلدی . زیرا مر قومک
 شو غلبه سی اولسه ایدی اوزمان جرمانیا لورک
 رومایی یغما ایده جکری شهید سزایدی .

ایشته جرمانیای قدیم اقوامک بویله شقایه کلز
 ادملر اولملری سببیه رومالور بو نلرله قطعاً مناسبات
 حربیه و دیپلوماتیکه پیدا سندن زنه ارتوقی ایتشله
 و تاغول ممالکی تمامیه روما طرفندن فتح اولندقدن
 و قیصر روم کی بخت و طالعنه اعتماد تامی اولان
 بر صا حقران میدان چقه دقدن صکره ینه کندی
 حدود لری اوزرندن یعنی الپ طاغلی طرفندن

دکل بالعکس تا المانیانک شمال غربی سندن یعنی شمیدی
فرانسه نک شمال شرقی سنده واقع آراس واورن
طر فلرنندن یواش یواش مناسبت حریره پیداسنه
باشلا مشلوردر . فصل که کیفیت اشاغبکی فصلده
کوراله جکدر .

- ایکنجهی فصل -

رومالورک المانیایه تساطلری

عن ۵۸ مقدم الی ۳۶۰ مؤخر میلاد

- تفصیل - کیفیت انکله تره و فرانسه

تاریخلرنده دخی بیان اولندیغی وجهله قبصر روم
بریتانیا و غول ایچنه تجاوز و هر آفاق آتدیغی یرلری
استیلا ایلدیکی صرده ایلک دفعه اواق اوزره
سونه و خلقنک باش جنالی و قرالی بولنان آریوویستی
۵۸ سنه مقدم میلادیه سنده مغلوب و نهزم ایلشدر .
تواریخک محاکات واقعه سندن اکلاشایدیغنه
کوره قبصر رومک بو حرکتی جرمانیایی قح
ایچون تجاوزی بر حرکت دکل ایش . مرقوم

آریو ویست قیصر رومک یک سرعت و سهولتله
 غول ممالکنی ضبط ایتکده اولدیغنی **کورنجه**
 ایله روده بوجنکاورک کندی مملکتلرینی دخی قح
 ایتسی احتمالی دکل محضا غوللر میانده پیدا ایلدیکی
 بعض طرفکی نرینک دخی یاردمیله قیصری مغلوب
 و رجعتنه مجبور ایلدکن صکره غول ممالکنی
 کندسی ضبط ایتک ایچون میدان محاربهیه اول
 کندسی آتاش و قیصر دخی فتوحاتنه مانع اولان
 بو حرکتی رطرف ایتک ایچون مرقومک اوزرینه
 عسکر سوق ایتشدر .

سوئه ولرک ایلک تعرضنی بوضورتله منع
 ایلدکن صکره قیصر روم رین نهرینک صول
 طرفنده بولنان بعض اوافق تفک جرمن قوملرینی
 نهرک اوتته طرفنده رجعتده مختار بر اقوب اوراده
 قالانلرک نه جرمنلکنی نه سوئه ولکنی طانیه میه رق
 حقلرنده عال تا غوللر کی معامله ایتکده باشلامش
 یعنی (فرانسه ص ۲۵ مر) عصیان کی
 برتریه سزلکله سلاحه ال اورانلرک الارینی کسمک

صورتندہ کی حرکتندہ بونلری سائر مغلوبلردن
 آرمامشدر • بناء علیہ اوس پین و توکتر دنیلان
 جرمنلر قیصر رومہ رغماً (اوزمان غول ایلہ برابر
 قیصرک ضبطی التہ کیرمش اولان) بلچیقاممالیکی
 اوزرینہ هجوم و هرطرفنی استیلا و یغما ایلش-لر
 ایسه ده قیصر بونلرک اوزرینہ دخی یورو یوب
 کندیلرینی مغلوباً و منهزمأ رین نهرینک اوتہ طرفنہ
 توسکورتدیکی کبی نهر مذکورک صول طرفندہ
 جرمن قومیتنہ منسوب دهانه قدر قبیلہ واریسه
 بجلہ سنی دخی برابر سورمش چیقارمشدر •

رین نهرینک غول ممالیکی ایلہ جرمن ممالیکی
 اراسنده بوصورتلہ حدفاصل اواسی غولی جرمنلر
 تسلطندن محافظہ ایدہ جک ایدیسده قیصر جرمنلر
 ایلہ بر حرب غائلہ سی آچق رومایی زیروزبر
 ایدہ جکی حقد، کی اعتقاد قدیمک بوش اولدیغنی
 کندیسنک ایکی دفعہ نائل اولدیغنی غایہ دلاستیلہ
 اکلا یوب عاداتا غول کبی جرمانیایی دخی ضبط
 ایچون میلادک ۵۵ سنہ مقدمندہ رین نهرینی

اوتہ طرفہ کچمکہ جسارت الہی • ہومرورندہ
 همان ہیج برشیئہ مقتدر وموفق اولہ ماشیدی •
 انجق ایکی سنہ صکرہ یعنی میلادک ۵۳ سنہ مقدمندہ
 بردھامرو رایدرک ج منلری مغوب ایلش واویدن
 دنیلان جرمن خلقنک ممالکنی استیلا وکندیلبنی
 اسیر ایشدر • مؤحراً آغریپا زمانندہ یعنی میلادک
 ۳۹ سنہ مقدمندہ اشواویدن خلق کاملاً نہرک
 صول طرفہ کچیریلوب غول طو پر اغندہ اسکان
 ایدلشدر •

روماک غول ایاتی طرفدن جرمانیا حدودی
 یعنی رین نہری بوی قیصرک ثمرہ غالبیتی اولہرق
 برمدت جرمن تسلطندن امین قالشیدی • انجق
 میلادک ۱۶ سنہ مقدمندہ جرمنلردن سیقامبر
 اوسیپین و تانسہ دنیلان اقوام بغتہ نہری کچوب
 غول ممالکنہ کیردیلروروما طرفدن غول والیسی
 بولنان لولایوسی مغلوب ومنہزم ایلدیلب • جرمنلرک
 بوصدمہسی اول قدر شدتلی ایدی کہ رومادولتی
 بو قدر شدتہ قارشوینہ شدتلہ مقاومت کوسستمکی

موافق حکمت حکومت بولیہ رق ایشی صلحا تسویہ
مجبور اولدی .

تانه دن صکره او کوست سکر آلائی عسکری رین
نهری اوزرینه سوق ایلدی ایسه ده حرب ایچون
اولدقدن بشقه نهره یناشمغه دخی مأذون اولوب
نهرک دها بر و طرفنده پوسته قورمغه و شاید
جرمنلر هجوم ایدرلر ایسه انلره ممانعت کوسترمکه
مأمور ایدیلر .

بو احتیاط اوچ درت سنه دوام ایلدکن
صکره طونه نهرینک منبجی جهندن جنوب طرفلرنده
بولمان بعض اقوام جرمانیابی روما تابعیتی الته
صوقش اولان دروسوس میلادک ۱۲ سنه
مقدمنده کال حزم و احتیاطله یواش یواش شماله
طوغری دخی ایلروله مکّه باشلادی و رین نهری
طرفندن دخی فرقه فرقه روما عسکری نهری کچوب
ایلرویه حرکت امرینی الدی .

کرک مومی الیهک و کرک بوایشده کندیسنه
پیرو اولان سائر جنراللرک اقتداری سایه سنده

بو حرکت پک کوزل نتیجده کوستر مشیدی . زیرا
 ایدیلان حرکتلر گاه رین نهرندن سلتلر اوزرینه وگاه
 امین نهرینک ساحل یساری اوزرنده بولنان سائر
 جرمنلر علیهنه ایدیلوب قناللر واسطه سیله کی
 کیده بیله جک یرلره دخی کیلر کوندردیکندن و بویله
 سفاین واسطه سیله و سر نهری ساحلارنده بولنان
 اهالی اوزرینه دخی عسکر سوق اولندیغندن غلبه
 وظفر هر طرفجه بر برینی ولی ایتمکده باشلامشدر .
 دروسوس الک مهم نقطه لره بر رعله انشا ایدر ایدی که
 بولنریالکز روهما سر حدلرینک نشانه دائمه و سعتی
 اولیوب مراسلات حریدی دخی تأمین ایلر ایدی .
 دروسوس آلپ نهرینه قدر بو صورتله جولانلر
 ایلد کدن صکره میلاد دن ۹ سنه تقدم وفات
 ایدوب اندن صکره تیر دخی مومی الیهک اثرینه اقتفا
 ایدرک قرق بیک خانه سیقاه بر جرمنلرینی غول ممالکنه
 کتوروب یرلشدیرمش و دو میتوس آمانوبار بوس
 دخی کذلک آلپ نهرینه قدر ممالکی جولان ایدرک
 بزچوق یرلره دها قلعه لرینا ایلشدر .

الحاصل میلاددن بش سنه صکره یه قدر دوام
 ایدن حرکات عسکریه سایه سنده رین نهرندن
 و سر نهرینه قدر ممالک کاملاً روما اطاعتی التمه
 کیروب بو محلك دها شمال طرفده ساکن اولان
 فریزون و شوس و شرو و شق نام جرمن قبائل
 جسی سیه مصالحه نامدر عقد ایلدیلر . رومالورک
 بو مصالحه دن مراد لری براز نفس آلوب تجدید
 قوت ایلد کدن صکره توسیع حدوده ینه قیام ایتمک
 ایدی . انجق برحال وقوعبولدی که کنسیدیلرینی
 بواذلک استحصالندن تأخیر ایلدی . شویله که :
 او زمانلر المانیانک جنوب شرقی طرفلرنده
 مار قومان مار بود نامنده بر آدم توره یوب بتون قبائل
 واقوامی کندی اطاعتی التمه جمع و بر حکومت
 جدیده جسیه تأسیس ایلش اولدیغندن رومالور
 بو حکومتک کندی حدود استیلارینی پک قیصه
 کسه جکنی حساب ایدرک بر فرقه سی رین طرفندن
 و بر فرقه سی رخی طونه جهندن کوندرنک اوزره
 ایکی فرقه عسکری مر قوم صاحب خروج اوزرینه

سوق ايلشلا ايدى . كوندريلان فرقه لك جسامته
 نظراً رومانولرىكى ظهور ايدن حكومتك رباد
 ايديله جكنه هيچ شبيه ايتز ايديسه ده مارقومان
 مار بودك تسويق واغواسيله رومايه مطيع بولنان
 توينه ن وائلبريه ن نام قوملر عصيه ن ايتكله ايسته
 محضا بولرك شو عصيانلرى سبيله روما اولرك فنا
 حاليه مغلوب اولدiler . هيچ اولز ايسه روما
 استيلاى الته كيرمش اولان محللى طبقى بر روما
 اياتى كى تنظيم ايتك ايچون واروس نام سردار
 تعيين ايداش اولديغى حاليه جرمانلر ن هرمان
 نام ديكر بر صاحب خروج كندى همشهريلرى
 روما اسارتدن قورتارمق ايچون توتو اورماننده
 واروس اوزرينه بغته هجوم واوچ آلاى عسكرى
 كنديسيله برابر محو و معدوم ايلد بكندن بو وقعه
 دخی رومانولرى بتون بتون مأبوس براقشدر .
 بناء عليه روما اردولرى تادفعه لاله محافظه ايتش
 اولدقلى حدود عتيقه لرى اوزرينه قدر چكديلىر
 واو لجه تحت اطاعتلرينه كيرمش اولان جرمنلرك

استرداد استقلال لرینه ممانعت ایدمه مدیلر .

روما جنراللرندن شان غالبیتله شهرت شعار اولان
جرمانیکوس میلادک ۱۴ سنه مؤخرنده روما
ایمپراطوری طرفندن جرمنلر اوزرینه مأمور اولوب
درت سنه قدر محارباتدن صکره اسکی ممالک
مستولیه یی یعنی رین نهر یله و سر نهری اراسینده کی
یرلری تکرار جرمنلردن استرداد ایلش ایدیمده
مقدما موفقیت منلیکی کوریلان تیرک حسدینه
اوغرایه رق تام اسل اقتدارینی کوستره جکی زمان
کیرویه چاغراشدر . یرینه نصب اولنان مر قوم تدبیر
جرمنلر یله ده ازیاده محاربه ایتمک کار عاقل اولمادیغنی
(مجرد مغلوب اونورم خوفیله) ایمپراطوره عرض
ایندرک صلح و مسالمت اوزره حرکت باسلامش ایدمه
اندن صکره یعنی میلاد ۱۷ سنه سنده جرمنلرک
کندیلری میانشده ظهور ایدن بر طبق اختلافات
داخلیه ضمیمه لار بنی موجب اولغیله روما و
هر طرفندن جرمانیا ایچنه طوغری توسیع حدوده
موفق اولدیلر .

جرمانیاك جنوب و غرب طرفلرندن وسطلرینه
 طوغری همان تئشندن زیاده سی و بلکه ده نصفه
 قریب یرلی رومالور طرفندن استیلا ایدلسی روما
 کبارینی پک ممنون ایدر ایدیسسه ده ده اوته طرفده
 ینه جرمنلردن لونغو بارد یعنی لومباردیالور ایله سلت
 اقوامنك انتظام و قوتلری کوندن کونه آرتغده
 باشلامسی روما ایچون یکیدن بر مانع حاضر لامقده
 اولدیغی دخی کوریلور ایدی . بر آراق فریزون
 وشوس خاقی رومالور علیهنه قیام دخی ایلدیلر .
 واقعا رومالور بونلری تربیه و تأدیهه موفق اولدیلر
 ایسسه ده اندن صکره آياقلانان جرمانلری تأدیهه
 روما دواتی قدرت بوله میدرق رینك اوته طرفنده
 بولنان مماسکی کاملاً آلمانلره ترك ایتمکه مجبور و نهر
 دین حدودینی ایسه محضاً مقما بویلی بویینه انشا
 ایدنش بولنار قاعدهلری استحقاقلر سایه سنده محافظه
 ایتمکه انبغ موفق اولدیلر .

ایشته میلادك ایلک عصری نهانلارنده باشلامش
 اولان بومحاربات متعابله ایکنجی عصر نهانینه قدر

دوام ایلمشدر که بو مدت ظرفنده رومالور کندی
 سرحدلرینی محافظه و تقویه دن بشقه برشیئه اهمیت
 و یرمیوب اکر المانیا ایچنه تعرض ایتمش ایسه لر یله
 محضاً کندیلری اوزرینه تعرض ایده جک اولان
 دشمنک قوتنی قیرمق ایچون تعرض ایدوب بوقسه
 قح بلادر ایچون برکونه تشبثده بوانه مامش لردر .
 زیرا بویله برامل مجنونانه یه قیام ایدوب سرحدلرندن
 اوزاقلتمش اولسه ایدیلر رومانک کاملاً جرمنلر
 طرفندن زیروزیر ایدیله جکنه شبهه ایدیله مز ایدی .
 حتی محافظه حدوده بوقدر همت ایداش اولدوغی
 حالد بار بارلک تا آکیله یه قدر یورویوب کلدگری
 واقع اولمشدر . نهایت جرمنلر اولانجه قوتلرینی
 صرف ایدوب بتور دگری حالده رومالورده
 محاربه دن بوز چویرمک علایمینی کوردمنجه ایکنجی
 عصر میلادینک آخرنده بر معاهده صلحیه عقد ایدرک
 ترک جدال ایتدیلر و بومعاهده اوزرینه رومالور
 جرما یا ایچنده بر نفوذ تحکیمکارانه قزاندیلر .
 بومصالحه نك حکمی دخی پک آزدوام ایده یلادی .

برملت بدويه ووحشيه محاربه بورغونلقلرينى ملل
 ممتدنه دن دها قولاي ودها تيز دفع ايده بيله جگنندن
 جرمئر دخی پك آزرز ماندن صكره تجديد قوتله
 بوكره غول ممانكى اوزرينه اويله برصالديرش
 صالديرديلر كذا كراوزمانلر و مايمپراطولغى تخته
 ماقسيمين واوره ليه ن وپرو بوس كې هرشيئه مقتدر
 آدمئر كلامش اولسه ايدى بو باربارلك رومانك كولنى
 هوايه صاوره جقلرينه شبهه بيله بوق ايدى . فصل شبهه
 ايديله بيلور كه اك صكره ايمپراطور ژوليه ن كنديسنه پك ده
 لزومى اولميان برقاج ادعاسيله شرق طرفنه كيمك
 ايچون يرندن قلدا نجه شبهه ايديله جك اولان شيلرك
 جله سى كلدى چيقدى . ايسته بو كيفيتك ذكرى
 ايچون اشاغيكى اوچنجى فصلى كشاد ايدى يورز .

— اوچنجى فصل —

﴿ رومانلورك اضمحلالي ﴾

عن ۳۶۰ الى ۴۸۱

— تفصيل — رومانلورك اضمحلانته مبدأ

اولق اوزره بوفصلاک سرلو حه سی الته قویمش
اولدیغمن ۳۶۰ سنه سی کرچکدن اضمه لالاک بیدئی
اولوب یوقسه رومالورک ضعفه دوچار اولمالرینک
باشلانغجی دکلدر ۰ جرمن اقوامنک البته ایشی
برانجامه ایصال ایتمک عزم قوبسیله باشلامش اولدقلری
مه حاجاتک تاریخ مبدئی ۲۴۴ سنه میلادیه سی
اولوب بوتاریخدن ۳۶۰ سنه سنه کلنجیه قدر
کذران ایدن یوز اون التی سنه ظرفنده رومالور
اولانجه قوتلرینی صرف ایلمشلا ایدی ۰ بناء علیه
ایمپراطور ژولیهن تاج دعواسیله شرق طرفنه
کیتدیکی زمان رومایی برضعف تام حالنده بر ایش
اولدیغنی حکم ایدن مورخلرک البته حقلری مسلدرو
ایمدی ژولیهن شرق طرفنه کیتدکن صکره
رومالور بر منتظم قوماندان نیخی محروم اولنجه
ارتق بتون بتون پریشانلق الویروب قلعه لری
وسرحاری محافظه یه مأمور اولان مستحقظ لمحل
مأموریتلرینی ترک ایتمکک باشلادیلر ۰
برده نیجه زماندنبرو قرددکر ایله بحربالطوق

میاننده و شمیدیکی روسیه ایله اوسستریا و پروسیا
 اولکاری اراسنده قوجه بردوات تشکیلیله قوتنی
 آرتیرد قجه آرتیر مقده بولان غوت خلقی دخی
 روماوزرینه یوکلندرک میلادک ۴۱۰ سنه سنده
 او پای تحت جسمی ضبط و یغما ایدنجیه روما
 غربی ایپراطورلغنک ذوال طوبی پاتلامش صایلدی .
 واقعاً غرب ایپراطورلغنک کلیاً انقراضی تاریخی بود کلدرد .
 غوتلر روما یی اوروب اوتیه طرفه یکد کدن صکره
 شمیدیکی فرانسه نک جنوب طرفلریله اسپانیانک شمال
 طرفلرنده ویزیغوت یعنی (غربی غوت) دولتی
 قوردیلر . انجیق غول ممالکی ایچنده بورکوند
 و سونه و خلقی دخی روما تابعیتی ترک و کندی
 استقلاللرینی اعلان ایلش اولدقلری کبی بودرجه
 ظفرک اصل صاحبی عد اولنان جرمنلر دخی اعلان
 استقلال خصوصنده انلردن کیر و قلامه شدرد .

تاریخت روایت غومیه سندن و بوروایتی صورت
 محاکمه سندن اکلا شلدیغنه کوره اوزمانلر جرمن
 اقوامنک روماولر اوزرینه بودرجه یوکلنلرینک

بريوك وجـهـی شرق طرفـهـ تأسس و دائرہ
تأسس لرینی کوندن کونه توسیع ایدن سلاو قومنک
دائما جرمنلری غربه طوغری سورملرندن نشأت
ایلشدر . حتی جرمنلر لرینک طاریخی مناسبتیه
رین نهرینی تکرار غرب طرفه مرور ایدرک غول
ممالکندن اولجه رومالوره ترك ایتیش اولدقلری
یرلردن ماعدابر طاق ممالکی دهاضب طوتمک ایلشلردر .
رومای غربی قسمک بوصورتله رهین اضمهلال
اولدیغی و سائر بر طاق اقوام بدویه ایله برابر
جرمنلرک دخی میدانه چیقمه باشلادیغی ائشاده
شمـدیکی فرانسلری تشکیل ایدن فرانق قومنک
رومالور طرفنی طوتهرق جرمنلره نه صورتله ممانعت
کوسترمک ایستدکلری و حتی دهاسکر دلری ینه
اقوام وحشیه مستولیه دن هونلرک رئیس آتیلانک
بشیوزیک عسکرله تاغول ایچنه قدر هجوم ایلدیکی
زمان فرانقلرک رومالور بقیه سیله بالاتفاق مستولی
مرقومی نه صورتله مغلوب ایلدکلری و فقط نهایت
امرده رومالک تکرار اخیاسی ممکن اوله میه جخی

بداهت صورتیله میداننه چیتنجه فرانکلرک دخی
نه وجهله کندی باشله بئک چاره سنی ارامغه قیام
ایتدکاری هب فرانسه تارینخنده تفصیلات و ایضاحات
لازمه سیله کوسرلشدر .

ایشته بوقدر صدمات اراسنده یعنی دنیاده
کرچکدن شان غالبیت جهانگیرانه سنی آفاقه چیقارمش
اولان رومادولتی الکصره ۵۶۸ سنه میلادیه سنده
مقدمکی باربارله انضمام ایدن لو مباردیالور طرفندن
پالدير کولدورهدم اولنوبده انقاضندن برچوق
حکومات جدیدنک تشکل ایتکه باشلادیخی ائنده
تاریخ خصوصیسنی یازمغه باشلادیغمز المانیادخی
تشکل ایلشدر .

اوزمان تشکل ایدن المانیایی شمیدیکی المانیایه
قیاس ایتک خطادر . اوزمانکی المانیایه فریزون
وتورنیریهن و فرانق و آله مان و باویرالی اولوق اوزره
باشلوجه بش قومدن متشکل اولوب اولکلاری دخی
شمیدیکی المانیانک قسم غربیسیله ینه شمیدیکی فرانسه نک
قسم شمال شرقیسی اوزرنده ایدی .

بو فصلک سر او حه سنده کو سترمش اولدیغی
 وجهله المانیانک بودوری کندی تمامی استقلالی
 دوری اولیوب بلکه بر قاج عصر د نبری اولمکانک
 نصفه قریب مقدارینی ضبط و کندیلرینی بیزار
 ایدن رومالورک انقراضی دوری اولدیغندن بو کره
 تشکل ایدن المانیاهیتنه قطعاً متشکل بر هیئت
 نظریله باقغه دخی محل یو قدر . چونکه تفصیل
 کیفیت فرانسه تاریخند، کو سترمش اولدیغی وجهله
 رومالوردن صکره دخی سالیهن فر انقلری المانیایی
 استیلاری الته المشردر .

واقعا اشبو سالیهن فر انقلری دیدیکم جماعت
 ینه فر اتق قومندن و بناء علیه جرمن ملیتندن
 بر خلقدر . انجق بو خلق شمیدیکی المانیانک اساسی
 قوردمش اولیوب بلکه شمیدیکی فرانسه نک اساسی
 قوردمش بر جماعت اولدیغندن بونلرک تمام رومادن
 صکره تشکل ایتکه باشلامش اولان المانیایی ضبط
 ایدیشلربنی ینه بر جرمن و المان استیلایی نظریله
 محاکمه ایتکه امکان یو قدر . بنابرین المانیانک

اشبوفر انقلرایله متحد بواندقلری مدتی دخی المان
تاریخنک مقدمه سی مقامنده بولنان برنجی بابده
بر فصل مخصوص ایچنده ذکر ایتک لازم کلمشدر .

- در دنجی فصل -

﴿ فر انقلرك تساطیله قار لوونیریه نلر زمانی ﴾

عن ۴۸۱ الی ۹۱۱

- تفصیل - بو بابده خبرویره جگمن خصوصات
فرانسه تاریخنک شومدت طرفنده کی احوالنه
المآبیا طرفندن ایدلمش بر نظر دیمک اوله جغندن
بو فصلک مطالعه سی^۹ اثناسنده فرانسه تاریخنده دخی
(عن ص ۴۳ الی ۱۲۹) بر نظر عطف ایتک
بوراده مختصراً ویریه جک معلوماتک تفصیلاتنی
آتمام ایدر .

المآلرك سالیدن فر انقلری طرفندن ایلك
مغلوب اید یایشلری مروونیریه نلر نلسلرندن
قلوونك ۴۹۶ سنه سنده تو ابیان محاربه سنی
قازاندیغی زمان وقوع بولمشدر . انجق بو زمانکی

مغلوبیت یالکز آله مان دنیلان قومک مغلوبیتی اولوب
یوقسه جر منلرک سائر اقوامی هنوز کندیلرینه
مخصوص اولان ایلك اجتماعی تشکیل ایتکده ایدیلر.
فرانسه اولکاسی بر کره قلووینک و بر کره دخی
قلو ترک اوغلاری میاند، تقسیمه قوندیغی ائنده
آله مانلر دخی وار ثلرک حصه لرینه اصابت ایتکده
فرانسه نك سائر خلقیه برابر اولوب جرمانیانک سائر
اقوامی بو هم جنسلرینی قورتارمق و کندی دایره
استقلاللرینی توسیع ایتک دکل حتی کندیلرینی
دخی فرانسه نك ید استیلا سندن قورتارمغه موفق
اوله مزلر ایدی .

مر و ونیریه ن پرنسلری چوجق اویونجای
مشابه سنده قابوب ده قار او ونیریه ن خاندانی کرک
رسماً قرالقرینی طائمه دن مقدم و کرک طائمه دن
صکره فرانسه المانیا ایچنه طوغری توسیع حدوده
باشلا قدده ا کرچه جر منلر مدافعه لازمه ده
قصور ایتامش لرو هله فریزون قومی ۷۷۲
سنه سندن ۸۰۴ سنه سنه قدر شارلمان کبی بر جهانگیره

دخی مقاومتده ثبات کوستروب حتی فرانقلری صدمه
شدیده ایله صارصمشلر ایسه ده یانی باشلرنده استعداد
طبیعیسی قدر بیویه جک اولان بویله عظیم بر ملت
هنوز دور استیلاسنده ایکن کندی استقلاللرینی میدانه
چیقارمغه بر درلو موفق اوله میه رق انجام کار
شارلمانك اداره سی الله کیرمشلردر .

مع هذا لما نالوا لك بوصورتله شارلمان استیلاسی
الله ایرعش اولمزنده اوچ وجهله کارلری اولندی که
اگر بوصور ثنه تمتع اولسه ایدی مؤخرأ المانیّا
ایمپراطورلغنت اول قدر پشعه شه ایله تشکلی تمتع
اولز ایدیه بیله مطلقا زیاده سیله تأخر ایدر ایدی .
بوصور ثنه دن بریسی شارلمانك عالمه قارشو
روما ایمپراطورلغندن ماعددا بر غرب ایمپراطورلغنی
دها قورمق ممکن اوله جغنی کوستر مسیدر . زیرا
اوزمان روما یلردن ماعددا هر قومه باربار نظر یله
یا قیلوب جله سی بونام الله ذکر ایدلدیکندن اگر
عالمدن روما ایمپراطورلغنی قانقار ایسه مدینت قالمش
اوله جغنی کبی اوزمانلر مدینتك منعمی اولق اوزره

هنوز تشکل ایتمکده بولنان خرسیتیانلغک دخی انتشاردن
 قاله جغی ظن اولنورایدی . شارلمان ایسه کندیس
 بر بار بار قومدن کلش اولدیغی حالده هم مدنیقی
 همده خرسیتیانلغی اقوام و حشیه مذکورده
 طانتدیروب بو صورتله رومانک انقراضندن هیچ بر
 ضرر کورلمدکن فضله بلکه انلرک سفاهت رذیلانه -
 سنک منعی کبی فائدہ دخی کورلش اولدی .

صور ثلثه نك ایکنجیسی فرانکلرک المانیایه
 کتوردکاری اصالت ودره بکیلیکی صورتیدر .
 واقعا جرمنلرک اوتهدنبری کندی بینلرنده دخی اصالت
 وریاست حیثیتلری وارایدی . انجق شارلمان
 اراضی بی بواصلزاده لره تفویض وتوجیه وامر
 اعمارینی کندیلرینه حاله ایلدیکندن اصل ملک
 صاحبی بونلر اولوب خلق بونلرک قومانداسی التده
 چیقماک ایدر اولدیلر . اک صکره یعنی اعصار
 اخیره ایچنده بوسورتده کی مال صاحبلاکنک پک پیوک
 ضررلری کورلش ایسه ده بو ضررلر صکره دن
 ظهور ایدن سوء استعماللردن نشأت ایدوب یوقسه

ابتدای تأسیسندہ هنوز پراکنده لك فكرى قفالرندن
چيقيماش اولان خاقي كندى بكارينه ربطايتك
خصوصند، بيوك فائدهسى كورلشدر . حتى دها
صكره لرى قوتدن دوشمش اولان المانيا ايمپراطورلغنه
دستكير اولانلر ايشته بو ملك صاحبي بكار اولديغى
دخى محللرند، كوريله جكدز .

صورتشه نك اوچنجيسى المانيا ممالكند
خرستيانلغك تأسيسدر . واقعا ايلك صورتك ايچنه
دخى اشبو خرستيانلق مسئلهسى قالمش ايديسده
قاتيلان قسم يالكلز خرستيانلغك على العاده محافظه سندن
عبارت اووب المانيا ايچنه، يكيدن تأسيس ايديلان
خرستيانلق ايسه اولكاي مذكور ايچون بشقه بر
صورت منفعتى مستلزم اولشدر . زيرا شارلمان
يالكلز المانيا خلقنى دينسز ايكن دينه كتورمكله
قالامشدر . بلكه اوراده تأسيس ايلديكى برچوق
كليساره برچوق ده اراضى وقف ايدرك شو صورتله
كليسار هيئت مجتمعه سنى ودين نصارايى دخى المانيا نك
توحيد قوتنه اورتاق ايتش صايلشدر .

شارلماندن صکره اوغلی لوی بی له دیونز برمدتجک
 اشو عظیم وجسیم غرب ایمپراطور اغنی هیئت عمومی
 مجتمعه سیله محافظه ایده بیایش ایدیه ده مومی الیه
 ۸۱۷ سنه میلادیه سنده ملکنی په پین ولوی و او تر
 نامنده او چ نفر اولادی میاننده تقسیم ایدوب صکره
 شارل نامنده بر اوغلی دها دنیا به کلنجه بونی ده حصه
 دارایتمک ایچون تکرار تقسیمه قالمشش و بوا یسه بابا الیه
 اوغلار ارا سنده شدید و مدید محاربه لر وقوعه سببیت
 کوستر شد .

ایمدی بو تفرقه میاننده لوی بی له دیونز قهرندن
 وفات ایتمکله او چ نفر اوغلی ۸۴۳ سنه میلادیه سنده
 وردون شهرنده بر معاهده عقد ایدرک او معاهده
 موجبجه غرب ایمپراطور اغنی لوترک عهده سنده قالمش
 ایسه ده قراللق عنوانیه اصل جرمانیا قراللی دیکر
 قرنداشی ایکنجی اوئی به انتقال ایدرک ۸۷۶ تاریخنه
 قدر مومی الیه المانیانک استقلالنه بیاغی بر صورت
 و یرمشیدی .

مومی الیه ایکنجی اوئی به المانیا اولکابی اواق

اوزره و یریلان یررین نهرینه ک صول ساحلی
 اوزرنده کأن محالرایله فرانسه ایچنده مایانس وورم
 وسپیر شهرلی ورینک اوته طرفندن الب نهرینه قدر
 امتداد ایدن ممالک اولوب کنده سی دخی حدود
 شرقیه سنی اوستریا و مجارستان ایچنه قدر توسیع ایلش
 واکرچه مؤخرأ مجارلر شرق طرفندن کلوب شمعی
 کنیدی ناملرینه منسوب اولان اولکایی ضبط ایلش
 ایسه ده اوستریایی تشکیل ایدن یرلر المانیای حدودی
 ایچنده قالشدر .

ایکنجی اوئی وفات ایلدیکی زمان یرارالق
 المانیای ممالکی لوی و قاراولان و شارل نامنده اوچ
 نفر اولادی میانده تقسیم قونیه رق ساقس و المانیای
 و باویرا نامیله اوچ حکومت مستقله میدان کلسیدی .
 فقط ۸۸۲ سنه میلادی سنده غرولقبیلله ملقب اولان
 شارل دیگر قزنداشلرینک وفاتیلله المانیایی یته بر
 اداره مستقله الته المغه موفق اولدقن ماعدا
 فرانسه یی دخی ضم و الحاق ایدرک شارلمانک قورمش
 اولدیغی غرب ایمپراطورلغی تکرار ایلشیدی .

۸۸۷ سنه سنده المانیا بکری مومی الیه شارل غروبی
 خلع ایدرک و شمیدیکی اسو یچره نک المان قسمنی المانیانک
 هیئت غومیه سندن بانتفریق اورایه کندی ایچلرندن
 قونت رودولفی حکمدار نصب ایلویه رک اصل المانیا
 ایچون دخی قارلومانک ولد زناسی بولنان آرنولی
 قرال نصب و تعیین ایلشردر .

واقعا المانیا سنیورلرینک شو حرکتی المان استقلالنک
 استحصال واعلانی دیمک ایدی . لیکن انتخاب
 ایلدکری قرالینه قارلوو نیرینه پرنس لرنندن اولمغله
 تاریخ بوکا استقلال تام نظریله بافه مز . المانیا اصل
 استقلالنی مر قوم ارنولک ۸۹۹ سنه سنده وقوع
 وفاتندن صکره یرینه کلان لوینک دخی هنوز صبی
 ایکن ۹۱۱ سنه سنده بلا و وفات ایتسنده استحصال
 ایلش و بو کیفیت بروج آتی ایکنجی بابی کشاده
 لزوم کوسترمشدر .

انجق مقدمه مقامنده اولان اش-بو برنجی بابک
 خلاصه الخلاصه سی میدانه چیقار یلورایسه کوریلور
 که المانلر میلاددن بری کذران ایدن طقویوز سنه

زمانك نصفنى بقای نوعیتلرینی کرک رومالور هو کرک
فرانقلره قارشو مدافعه ده یکوروب نهایت فرانقلره
مغلوب اولدقدن صکره نصف دیگرینی دخی فرانسه
ملیتک بدایت تـسـکـلـمـده دوچار اولدیغی انقلابات
جسمیه سریعّه اشناسنده اورادن اورایه آتلق و قیامتک
النده قالمق کـیـ برصورت غیر مستقره ده امرار
ایشلردر .

❖ باب ثانی ❖

❖ المانیانک حصول استقلال نامیله ایمپراطورلغاک ❖
❖ بیوک فترته دوچار اولدیغی زمانه قدر ❖

عن ۹۱۱ الی ۱۲۵۴

فصل اول

❖ فرانقونی خاندانیله ساقس خاندانک ایمپراطور ❖
❖ نغاک قاعیمیا تأسسنه قدر مدتی ❖

عن ۹۱۱ الی ۹۶۲

— تفصیل — قونت و سارّه عنوانیله المانیاده

یوڪ یوڪ ماسکانهله مالک اولان سنیورلر قارلو
 ونیریهن خاندانک قوتلری ضعفده بدیل اوامش بوانان
 صوڪ پرنسلی آوان حکومتده نفوذلرینی وقوتلرینی
 آرتدیرمشلرو بیاغی المانیایی کندی الارینه المشلرایدی .
 بناء علیه چوجق اوئی وفات ایتد کدن صکره المانیایی
 فرانسه خاندانندن بستیون آیرمق امرنده بوسنیورلر
 اتفاق ایدوب ایچلرندن بریسنی عموم المانیایی قرالی
 وحتی ایمپراطوری فصب ایتمکه قالدشیدلر . بوبابده
 جریان ایدن مذاکره لر برچوق اختلافات ایچنده
 قالوب اکثریت آراساقس دوقه سی اوتونی انتخاب ایتش
 ایدیهده مومی الیه اختیارلغی وسیله ایدینه رکه تکلیف
 اوانان حکمدارلغی قبول ایتماسیله وکندی تبعه سی دیمک
 اولان ساقسونلره فرانقونی دوقه سی قوزرادتی توصیه
 ایتمسیله ذاتاً فرانقو خلقی دخی بواملده بواندیغندن
 ۹۱۱ سنه سنده برنجیلاک عنوانیله مومی الیه قوزراد
 المانیایی قراللغه انتخاب اولمشدر .

ایشته المانیانک اصل استقلال تامی بوتاریخدن
 یاشلامش ایهده بعض سنیورلر قوزراک انتخابنه

اعتراضله از جمله سـ افس دوقه سـی اوتونك اوغلى
 هازرى قوزاده اطاعت ايتماكه قالقمش و اوزرينه
 عسكر چكاريكى زمان مقابله ومقاومته دخى جسارت
 ايلندر . قوزاد غرونا نام حصاره تحصن ايتمش
 اولان هازرى بي محاصره وتضييقه باشلادوقده محوينه
 قدر وارمغه رفق قالمش ايديسه ده مومى اليه هازرى
 ذاتاً المانياسيه پارمق صوقغه تشنه اولان فرانسه
 ايله اتفاق ايلش اولديغندن قوزاد برطرفدن ساقسون
 و ديكر طرفدن فرانسز عسكرى كې ايكي بيوك
 اردويه بردن مقاومت ايدهميه رك محاصره يي فسح
 ايلدى و بو محاربه نك نتیجه سـی ساقسونلرك كنديلرينى
 المانيادن آيرملرينه منجر اولدى .

حالبو كه صو آب سـنيورلرى دخى ساقسونلردن
 مشال الهرق برطرفدن قوزادك قرالغنى طائيممغه
 قالقمش اولملاييله بونلر اوزرينه آچديغى محاربه ده
 قوزاد موفق اوله رق ارقانچر و برتواد نام ايكي
 سـنيورى در دست ايتمش و ۹۱۷ تار يخينده بونلرك
 عبرة للسائرین قفالرينى كشمشدر . آندن صكر

مر قوم ایکی مقتولک غیرتنی کودمش اولان باویرا
 دوقه سی آرنول اوزرینه دخی واروب بوزمسـیـله
 آرنول مجارستانه قاچدیغندن و مؤخرأ برچوق مجار
 عسکر یله المانیا اوزرینه هجوم ایلدیکندن قوزاد
 بوکره دخی غالب چیمش و فقط ایکنجی دفعه سنده
 مجارلر غایت غلبه لک کله رک باویرایی صوآبی فلانی
 کچوب تا الزاس و لورنه قدر راست کلدکاری بلادی
 اورمش و یغما ایتش کچمش اولسـیـله قوزاد بونلرک
 اوزرینه دخی مقدار کافی عسکرله یتشمکن کیرو
 قالمش ایسه ده ۹۱۸ کانون اولنک یکر می اوچنجی
 کونی جنکده مجروحاً وفات ایتمکه غلبه یه وقت
 بوله بامشدر .

ا کر قوزادک قرالغنی عموم دوقلر قونلر سنیورلر
 قبول ایتش اولسه ایدی المانیانک شو ایلاک استقلالده
 برطاق بیهوده ایشلرایله اسراف قوت ایتیه جکی درکار
 ایدی زیرا قوزادک درایت و کفایتندن هر کونه خدمت
 مأمول و منتظر ایدی . ینه بودرایت و کفایتی ثمره سی
 دکلیدرکه مجروحاً وفات ایدر ایکن ساقس دوقه سی

اوتونك اوغلى هازى « دشمنمدر اما بندين صكره
 المانيابه قرال اوله بيله جك انجق او اولديغنى اعتراف
 ايدرم . مجارلك شو آقيلرى اثناسنده انلره مقاومت
 ايدى جك هازيدن بشقه كيمسه مز يوقدر . وفاتمدن
 صكره آنى قرال انتخاب ايدى كز » ديه وصيت
 ايلشدر .

مومى اليهك وصيتى يرينه كتورلدى . ۹۱۹ ده
 هازى برنجيك عنوانيله قرال انتخاب اولدى وبوصورتله
 المانيا ايچون ساقس خاندان قرالى و ايمپراطوريسى
 تشكيل اينلش اولدى .

مجارلك بارقه بلاكى بغته المانيايى هرج و مرج
 ايتى و جنكاور قوزادك دى مجروحاً وفات ايلسى
 هر طرفده فرصت ادا مقده بولنان طمعار بابنى المانيا
 اوزرينه جرأ تلنديرمش و بناء عليه واندال ودانواز
 و مجار و سائر قوملر اللرنده يانين قليج المانيا ايچنه
 كييرمش ايدى . مكر مقتول جنكاور قوزادك هازى يى
 انتخابى بك بجا ايمش . زيرا مومى اليه شجاعت
 وفيه اصحابندن اولوب قرالغه انتخاب اولندقدن

وعموم المانیا قوهٔ حربیه سنه ایستد یکی کبی بر نظام
ویرد کردن صکره اولاً برانده بورغ اوزرینه
یور ییوب واندال قومنه قیش اورتیه سنه بر اعلا
قلیج آتش و پک چوق چنکچینرینی بحر بالطفه
دو کشد .

بو موفقی تعقیباً الپ نهری سواحلی بغمایه
کمش اولان دانووازلر اوزرینه دخی او یله بر هجوم
ایلدی که حریفلری چیل یاورسی کبی طاغندی .
متوفا قونراددن انتقامنی الهامش اولان باویرا
دوقه سی آر نول حالا المانیا ایله اوغراشمقده بولمسیله
اوچنجی درجه ده اوله رق هانری انک اوزرینه دخی
چوالانوب اردوسنی تار ومار ایلدی . بر طرفدن
دالماج واسقلاوون و بوهیم قوملری دخی المانیا علیهنه
یلتنکه اولمسیله در دنجی درجه ده اوله رق انلرک
اوزرینه ده یور ییوب جمله سنی آمانه دوشوردی
بشجی درجه ده اولمق اوزره فرانسه اوزرینه
صالدیرارق و فرانسه قرالی شارل لوسپلی آمانه
دوشور رک لورن ایالتی ضبط ایلدی . انی متعاقباً

المانيانك اصل خصم قويسى بولنان مجارلر اوزرينه
 دخی اويله بر هجوم کوستردی که مر سمورغ جوارنده
 سکسان بيک مجارک برر برر قفاسنی کسمشدر . اصل
 شایان دوت و تحسین اولان جهت بوقدر غلبه اتک
 بر بچق سنه قدر زمان ایچنده - صوله کلسیدر .
 زير اجمارلر اوزرينه قرانیلان بو غایت عظیمه میلادک
 ۹۲۰ سنه سنده وقوع بولق اوزره مقیددر .

ایشته المانيانک کافه خضمانی و صورته قهر
 و تنکیل ایلدکن صکره برنجی هاری بقیه مدت
 حیاتی هنوز لایقيله تمدن ایتماش اولان المانلرک
 تنظیم احوالنه صرف ایدوب بیوجک شهرلردن
 محروم اولان المانیایه بیوک بیوک شهرلر و قصبه لری ایلدی .
 بر چوقلرینک اطرافنه قلعه لرا نشا ایلدی . بر نوع
 ملت عسکری تشکیله قومانداسنی عموم المانیایه قرالی
 یا خود ایمراطوری اوله جق ذواته احاله ایلدی .
 سیتورلر حقنه بر قاتون قویوب بولرک وظیفه لرینی
 درجه استقلاللرینی تعیین ایتدی . الحاصل جمهور
 مورخینک بالاتفاق حکم ایدیشلرینه کوره موحد

الیه اورو پانک الک یسوک حکمدارلرندن اولدیغنی
تاریخده دخی طانتدی و ایشته شو خدمتی ثمره سیله
عموم المانیا سنورلری ساقس خاندانی قرال وایمپرطور
خاندانی اولوق اوزره قبول ایدوب دها کندی
صاغلفنده ایکن اوغلنی ولی عهد طانیدیلر و ۹۱۹
تاریخنده برنجی هازینک وفاتی و قوعبولدیغنی
زمان اوغلی اوتون برنجیلک عنوانیه مقام قرالییه
دعوت ایلدیلر .

حالبو که مومی الیه اوتون یالکز برنجیلک عنوانیه
قالیوب بیوکاک عنوانی دخی الموق و المان ملتی بردها
غیب اولماق اوزره میدانیه چیقارمغه موفق اولوق
طالع و نصیبیه مقام حکومت کیشیدی . بناء علیه
مدت حکومتده داخل و خارجانه قدر مشاغل حربیه
باش کوسرتمش ایدیه جله سنده موفق چیقمشدر .
شوبله که :

الک اول آچیلان محاربه بوهیمیا دوقه سی اولوب
هنوز خرسستیانلغی قبول ایتماش بولنان بواسلاس
علیه درکه تمام اون درت سنه دوام ایاش و انجام

کارمر قومی آمانه دوشوره رك آیین جدید نصاری
 دخی قبول ایتدیر عشدرد . بونی متعاقب باویرا
 دوقه سی معهود ارنولك اوغلی دخی باباسی کی المانیا
 قرالغنی طانیامغه قیام ایش و بویولده فرانتونی
 دوقه سی ابرهاردی دخی کندیسنه اویدیرمش
 اولدیغندن بیوك اوتون بونلره حدینی یلایروب ابر
 هارد بعدانغلوییه فرانسهك تشویق واعاله سیله
 یننه عصیان ایلدیکی جهتله بوکره میدان محاربه ده
 قفاسی کسلشدرد . كذلك کندی ریاست قرالیه سنی
 طانیامغه قالشمش اولان اورن و صواب دوقه لری دخی
 تربیه لازمهلرینی کورمشلرایدی . بوندن صکره قلیجینی
 المانیانك خارجی دشمنلری اوزرینه چکوب اولانایمارقه
 قرالی هارالدی مغلوب و خرسیتان آیینی قبوله مجبور
 ایلدی واندن صکره اودر و سپره نهرلری بویینه
 یرلشمش و المانیا حکومتی طانیامقده بولنش اولان
 سلاو قبیله لری اوزرینه واروب جمله سنی مغلوب
 ایدرك مملکتلرینی ساقسونیای شرقی نامیله باشلوجه
 یردوقه لق صورتنه افراغ و دوقه لغی دخی خدمت

مہرورہ سنی کوروش اولدیغی جنرال هرمان بیلاورغ
عہدہ سنہ تفویض ایتدی .

اوتونک المانیا نامنی اعلا یہ ال زیادہ یاردم ایدن
خدمتی ۹۵۱ سنہ میلادیہ سندنہ آلپ طاغرینی
آشوب ایتالیا ایچنہ کیر مسیدر . چونکہ اورالردہ
برانجہ نام برسنیور خروج ایدرک خلقی بیزار ایلمکہ
باشلادیغی جھتله ایتالیا نلر مومی الیہ اوتونندن
استمداد ایلمشلر ایدی . ایدی اوتون ایتالیا طرفلرنده
لومباردیالولری کاملاً پریشان ایدرک صوک لومباردیا
قرالی بوانسان لو ترک زوجہ سی آده لایدی تزوج
ویاوی شہرندنہ لومباردیا قرالغی تاجنی توج
ایلمشدر .

بوصورتله آده لایدی تزوج ایتسی اوتونک
اوغلی لودولفی دلیکیر ایلمسیله مرکوم برصاقم سنیورلری
دخی کندینہ اویدیرارق رفع لوای عصیان ایلمش
ایسہدہ تأدیب و تربیہ لری اوتونہ هیچ برکونہ
مشکلات کوسترہ مامشدر . حتی انلری تأدیب
ایتمکله برابرینہ المانیایی تعجیزہ باشلایان مجارلر اوزرینہ

دخی شدیداً بر هجوم کوسستروب ۹۵۵ تاریخنده
اوغسبورغ طرفلنده مجارلی عموماً قتل عام ایتک
درجه سنده مغلوب ایتاش و بعداً المانیا ایمپراطور لخنه
اصلاً تعرض ایتیمه جکارینه دائریمین ایتک صورتیه
مجارملتی بقای ملیت لرینی کوچ حال ایله محافظه
ایده بیلشدر .

ایتالیا صاحب خروجی سالف الذکر برانجه
اوتونک المانیا ایچلرند، کی مشاغل حریبه سنی وسیله
اتخاذ ایدک تکرار عصیان ایتسیله اوتون ۹۶۱
سنه سنده تکرار آپ طاغیرینی آشه رق برانجه یی
تدمیر ایلدکن ماعداینه اوسنه میلان شهرنده عموم
ایتالیا قراللی تاجنی دخی سرایتهاجنه قویمش وهله
۹۶۴ سنه سی بباطنک ایکنجی کونی روماده
پاپا بولسان اون ایکنجی ژان غرب ایمپراطور لخی
تاجنی دخی اوتونک باشنه کیدیرمشدر که اوزمانه
قدر بو تاج ایتالیا وفوانسه و المانیا قرالری میاننده
منازع فیه ایکن بعد ازان پالکز المانیایه مخصوص
قالمش و غرب ایمپراطور لخنک اسمی دخی « المانیا

ملتک رومای غربی ایمپراطورلخی « اولشدر .
 ایسته بوشرف المانیا ایچون اوتونک نامنی ابدی
 قله جق شرفلردن اولمش وحتی اغلب تاریخیلموده
 شو تجدد المانیا ایچون بر دور جدید فاصله اتخاذ
 اولنمش ایدوکنندن بز دخی المانیانک کندی استقلالنی
 استحصال ایلدیکی زماندن بوعظیم ایمپراطورلخی
 قوردیخی زمانه قدر کذران ایدن وقتی بر دور اعتبار یله
 بوفصلده درج ایدرک ایمپراطورلق عصری ایچون
 دخی بروج آتی ادوار سائرهبی کشاد ایلدک .

- ایکنجی فصل -

﴿ المانیا ایمپراطورلغنک قطعیا تشکیلیله ﴾

﴿ ساقسونیا خانداننک بقیه مدتی ﴾

عن ۹۶۳ الی ۱۰۲۴

- تفصیل - عموم ایتالیا و المانیانک اتحادیله
 عادتاشارلمانک غرب ایمپراطورلغنه مانند برعظیم
 ایمپراطورلق وجوده کتوردکن صکره بیوک
 اوتون اون برسنه قدر دها معمر اولوب اگرچه

بومدت ظرفنده دخي محاربات متواليه دن باش
 قالديره مامش وازجمله سالف الذكر پايا اون ايكنجى
 ژان ايله ارالرى بوزوله رق انى خلع ويرينه انتخاب
 اولسان سكرنجى اؤن دخي وفات ايلد كدن صكره
 اون اوچنجى ژانى انتخاب ايلديكى مناسبتيله پاپاس
 كروهي متغراواش و بناء عليه اوتون پايابى محافظه
 ايچون تكرار الپ طاغلر يني كچه رك ايتالياده برخيلي
 محاربه لر ايتديكى كبي استانبول روم ايمپراطورلغى
 پرنسسلرندن توفانى ي ارغلنه الموق ايستديكى حالده
 رد ايدلسن ان طولاي شرق روملريله دخي منازعه
 و مجادله يه طوتشمش ايسه ده بومسائلك كافه سنده
 عتق فر يت كنديسنده قابوب ٩٧٣ سنه سنده وفات
 ايلديكى زمان شرف جهان كيرانه ايله وفات ايتمكده
 يولنديغنه كنديسى دخي قانع اولمشدر .

اوتونك وفاتندن صكره يرينه ايمپراطور اولان
 اوغلى ايكنجى اوتون باوير الور و دانيمارقه اولر
 و بوهيميا اولر و لهلولر ايله محاربه ايدرك بو نلرك
 جمله سنه حدينى بيلدير مينجه و المانيا ايمپراطورلغك

شوکت حکیمکارانه سنی طاعتدیر منبجه راحت
 بوله ماشیدی . طالبو که اندن صکره دخی زمانی
 حربسز کچمدی . فرانسه قرالی لوتر اوتونک
 شو مشغول تلربی غنیمت یله رک اولجه فرانسه دن
 ضبط ایداش بولسان لورن ایاتنی استرداده قیام
 ایلدی . لکن اوتون وار قوتیله فرانسه ایچنه
 طالب تاپارس جوارینه قدر یورو یه رک حتی
 بر محله سنی ده احراق ایتمکله فرانسه لورندن قطعاً
 کف ید ایتمکله مجبور اولمشدر .

بر طرفدن دخی قره سانس نام کیسه نک اثر
 القا آتی اواب اوزره ایتالیا طرفلری قارشمقده
 اولوب شرق ایمپراطورلغنه تابع اولان روملرایسه
 ایتالیا جهتدن المانیا ایمپراطورلغنه التحاق ایدن
 بعضی محللری استردا دایدرلر ایدی . ایکنجی
 اوتون آلپ طاغلرینی آشه رق ایتالیایه کیردی وکافه
 دشمنلرینه حدینی بیلدیردی ایسه ده روملر اوزمان
 سچلیا جزیره سنده بولنان اهل اسلامله بالاتفاق

بر هجوم دها کوسترمش اولدقلرندن بوهجوم المانيا
 ايمپراطوريني رجعتنه مجبور ايلمشدر .
 المانيا سنيورلري روملرله عربلردن بوانتقامي
 چيقارمق ايجون ايکنجي اوتونه برعظيم اردوتدارك
 ايتمكد ايديلر . فقط بوارالق ٩٨٣ سنه سنده
 اوتون وفات ايتمكله برابر شمال وشرق طرفلرنده
 بولنان سلاولر دخی شدتلي برعصيان کوسترمش
 اولدقلرندن ايکنجي اوتونك وفاتنده المانيا
 ايمپراطورلغی برصلح و آسایش ايجنده دکل ایدی .
 یا خصوص یزینه ايمپراطور اولان اوغلی اوچنجی
 اوتون هنوز صبی بولاندیغی کبی وصیسی بولنان
 باویرا دوقه سی هانری دخی مملکتک محافظه سی
 اسبابی دوشونه جک ايکن صبینک تاج ايمپراطور یسی
 کندیسی قامغه قالقشمغله بعض حیه کاران و کلا
 مر قومی وصیایکدن عزل و برقاج کشی بردن بو خدمتی
 در عهده ایلشلردر .

ایشته ايمپراطور نوزاد تا اون بش یاشنه قدم
 نهاد اولنجیه قدر بوهیئت وصایه دائماً صلحپورانه

حرکت لرایله خصمائی آوتمشدر که ایمپراطور سن
بلوغه ایردیکی زمان ایتالیا ده سالف الذکر صاحب
خروج قره سانس قوتنی درجه نهاییه قدر
ارتدیرمشیدی . واقعا کنج ایمپراطور ایتالیا به
مرور ایلمدکه صاحب خروج مرقومی مغلوب
وقفاسنی کسهرک قاریسنی استغراش ایلمشدر .
مکر اول آشفته بی رحم کنج عاشقنه انتقامنی
باغشلامیوب ۱۰۰۲ تاریخنده بیچاره چو جنی تسیم
ایتدی که بوغدارلق عموم المانیا ایچون تأسی موجب
اولدی .

من بوره نک شو حرکت غدارانه سی یالکز
اوچنجی او تونک و صیسی و عیسی اولوب باویرا
دوقه سی بولنان هانری به بر خدمت دیمک اولدی .
زیراساقس خاندانک ارتق وارث ذکوری قالماش
بولمق حسبیله حق وراثت مرقومه انتقال ایدرک
املی وجهله ایمپراطور اولمشیدی . واقعا کرک
المانیا و کرک ایتالیا سنیورلی کنندیسنی اصلا
سومدکلرندن هربری کندی باشلرینه مستقل قالمق

ايچون طرف طرف عصيانلره قيام ايتشلا ايسه ده
هاري پالاق مقاميله غايت كوزل كچنديكنه وپك
زياده ديندارلىق كوستروب هر طرفه انشا
ايتديديكي مناسترله و كليسالره وقف ايلديكي اراضى
واوقاف سائر ايله افكار عموميه يي كندى لهتمه
قرانمش اولديغنه مبنى هر هانكي طرفد بردشنى
ظهور ايتش ايسه باشنى ازمكه موفق اولمشدر .
حتى قاتوليك كليساسى قرال مومى اليه اوليلار
منزله سنه - ه چيقارمشدر . ميلادك ١٠٢٤ سنه سنه
وفات ايلديكي زمان ارتق ساقس خاندانندن وارث ذكور
قالامغله ايمپراطورلق ينه فرانقونى خاندانسه انتقال
ايلش و كيفيت بروجء آتى اوچنجى فصلده ايضاح
وتفصيل قلمشدر .

- اوچنجى فصل -

﴿ فرانقونى خاندانك مدت حكومتى ﴾

عن ١٠٢٤ الى ١١٢٥

- تفصيل - هارينك وفاتندن صكر المانيا

و غرب امپراطور لغنه دعوت ایداش اولان ایکنجی
 قوزراد ذاتاً فرانقونی دوقه سی اولدیغی و حابوکه
 ساقس خاندانک براز اوزونجه مدت مقام حکمرانیده
 بولمسی بو خاندانه منسوب اولان پرنس لرنظر نده
 المانیانک کندی ملک موروثلی اولق کبی بر حکم
 پیدا ایلدیکی جهتله بوکره بر فرانقونی دوقه سی یعنی
 کندی خاندانلرینک منسوبی دیمک اولان ذاتک عموم
 المانیا وایتالیان مرکب قوجسه بر اولکایه حکمدار
 انتخابی ساقس پرنس لری پک غریب کورمش و عادتاً
 قوزراد ی مقام حکومتدن طرد ایتمک ایچون سلاحه
 دخی صاراش ایدیلر . قوزراد قوه عمومیه دولته
 بونلری تریبه یه مقتدر اولدقدن بشقه بو فرصتی
 غنیمت انخاذیلر ، معتاد المانیا عایینه قیام ایدن مجازوله
 خلقنی دخی دائره اطاعتد ادخال ایده بیلشدر .

میلادک ۱۰۳۲ سنه سنده فرانسه ایچنده کائن

بورغونیا دوقه سی اوچنجی رودوف بلا ولد بولمق
 حسیلک ملکی قوزراده ترک ایلش اولدیغندن قوزراد

یوراسنی دخی المائیا ایمپراطورلغته الحاق ایلمش
ایدیسه ده اوزمانلر کرک نفس المائیا و کرک ایتالیا
و بورغونیا سنیورلری نفوذلرینی آرتدیروب ایمپراطورک
ریاست عمومیدسنی بیاغی طایماق درجه لرینی بولش
اولدقلرندن وقونراد ثانی بوللری وظیفه لری داخلنه
ارجاع ایتمکک نه قدر چالشمش ایسه ده لایقوله موفق
اوله مدیغندن کرک بورغونیا جده و کرک ایتالیا جده کندی
نفوذ اینه طورانه سی پک ضعیف بر حالده دوام
ایلمشدر :

مرمی الیهک ۱۰۳۹ سنه سنده وقوع وفاتیه
یرینه کچن او غلی اوچنجی هانری غایت جری
وجنکاور بر آدم اولوب ۱۰۴۲ سنه سنده بوهمیالور
و ۱۰۴۳ سنه سنده دخی مجارلر اوزرینه نائل اولدیغی
غلباتده او یله هر تجدد حکومتده ایا قللمان بورذیلاره
حدلرینی یلدیرمش اولدیغی کبی بر حال شورش
ایچنده بولمان ایتالیا یه مرور ایلدیکی زمان دخی پاپا
التجی غره غواری عزل و یرینه صره سیله اوچ نفر
المان پاپا نصب ایتمک منللاو هر کسک یاپه میه جنی

ایشلری یامش ایسه ده بو درجه تیمور پنجه لیکله برابر
نفوذلی آرتد قجه ارنمده بولان سنورلک نفوذینه
بر حد چکمکه موفق اوله مامشدر .

۱۰۵۶ سنه سنده بونک ده او قوع وفاتله یرینه
کچن اوغلی دردنجی هانری هنوز الی یاشنده بر صبی
اولدیغی حالد، مقعد حکمرانی اوزرینه اوتورمش
و عیجه لری بولان ساقس دوقه سیله باویرادوقه سی
حق وصایتی والده سنه راقیوب کندیلری ضبط
ایلمش ایدی . بوایکی وصینک کندیلرنجه چویرمکه
چاشدقلری بر چوق انتریغه لر در بکارینک نفوذلرینی
ارتدیرمقدن بشقه بر شینه یارتم-یوب هله هانری رابع
سن بلوغه تقرب ایلدیکی زمان ایلروده دخی مومی
ایلهی کندی تحکملرندن قوزتارمغه چاشدیلر ایسه ده
هانری اثبات رشد ایتکی متعاقب بونلری طرد و حتی
مرقوملر طرفندن کوستریلان سببیه مبنی اوزرینه
عسکر سوقیله محاربه یه ده قیام ایلمشدر . بو محاربه ده
نائل ظفر اولدیغی کبی ۱۰۷۳ سنه سنده عصیان
ایدن ساقسونلری دخی تربیه یه مقتدر اولمشدر .

بوکنج حکمدار پک سفیه مشرب بر آدم چيقوب
 پاپا طرفيله دخى خوش کچنه ميدرك دائما کليسا يى
 دلکيرايده جک احوال و حرکاتده بولنديغندن پاپاسلرک
 اغواسيله ساقسونيا اولر بردها غصيانه جرأت ايلشله
 ايسه ده هانرى بوکره دخى غالب کلهش و بعده رومايه
 کيدرك پاپا يدنجى غره غسوارى محقرأ عزل و خلع
 ايلشدر . (١٠٧٦) هانرينک پاپا ايله خوش
 کچنه مامسى يالکيز بر مناسبت ذاتيه دن عبارت اولمبوب
 ايشک ايچنده برده غرض مادی وارايدى که بوراده
 مسکوت عنه کچامسى جائز دکادر .
 شويله که :

تا شارلمان زمانندن بدأ ايله سنين اخيره يه
 کلنجه يه قدر بر طاقم پرنسسلر بر چوق اراضى يى
 کليسالره وقف ايدرك حال بوکه اوزمانلر المانيا ده
 بر رچفتلاک قدر دکل بر قضا ولوا و بلكه ايالت قدر
 مالکانه لرى انجى دره بکيلکى اصوليله تفويض
 ايتمکدن بشقه بر اصول احاله اولنديغندن بر محک
 آرشه وقى و ياخود اودق و يا عادی دسپوتى او محک

دره بکی دخی صا یلورایدی . روماده سن پطرسک
تحتنده اوتوران پاپار جنابلری قوتلرینی درجه کاله
قدرارتدیردقدن صکره پاپاس کروهنک برده دره بکی
صفیله المانیایمپراطورلرینه تابع اولسنی کندی
منفعتلرینه موافق کوره میده رک بولنه ایمپراطورلرک
اصلا مداخله ایقامسنی و کلیسا اوقافی اوله رق نه قدر
مالکانه وارایسه جله سنک حاصلا تندن مصارف
محلیه نی بعدالتنزیل قصورینک خرسیتیانلق عالمجه
عمومی بر پای تخت معنوی اتخاذاولنن رومایه
(یعنی پاپالرک خزینه سنه) کلمی لازم کله جکمی
ادعا ایلدیلر . بو ادعانک ایسه ایمپراطورلر خوش
کورنجه جکی درکار اولدیغندن و باخصوص درنجی
هازی پاپانک بوتکلیفنی شدیداً ردایدیکندن پاپا
دخی ذاتاً ایمپراطورلقدن نا خوشنود اوله رق کندی
استقلال تاملرینی آرامقده بولنان قونت کبی دوق کبی
یوک دره بکیلرینی بالتشویق یوقاروده خبروریلان
عصیان میدانه چیقارمشدر .

واقعا هازی عصیان مذ کوری باصدیر مغه

وپايدنجي غره غواري دخی خلع ايتمکه موفق
 اولمش ايسه ده ايشی اساسندن قطع ايتمکه مقتدر
 اوله مامشدر . چونکه ايمپراطورک بو اعتراضندن
 دره بکيلری « ايمپراطور يواش يواش مالکانه
 اصواني الغا ايدمکه ده بتون المانيایي کنديسنه
 ملک ايدينه جک » فکرينه دوشمش اولمسيه ايرتسی
 سنه عمو ماسنيورلر سلاحه صاريله رق قوجه هانری يی
 رومایه کتوروب غره غوارک اياقلا رینی اوپدير مکه
 موفق اولديلر . ايمپراطورک بو ذلتي اوزرينه
 المانيا پر نسلری ارتق کنديسنه مخلوع نظريله
 باقه رق يرينه رودولف نامنده بشقه بر ايمپراطور
 نصب ايتمشلر ايسه ده او مبارديالولر هانری يه اطاعتدن
 کير و چکلمدکلری جهتله هانری بونلرک انضمام
 معاونتيله کرک پایايه و کرک المانيا سنيورلرينه قارشو
 جنک ايدرک کيرت نامنده بر عادی پایاسی دخی او چنجی
 قله مان عنوانيله پایا اوزرينه پایا نصب ايلمشدر .
 واقعا نورمانديا طرفندن پک کليتي پایا طرفدارلرينک
 عظيم بر اردو تشکيل ايدرک ايتاليا ايچنه کيردکلرينی

کورنجه ایتالیایی ترک ایتکه مجبور اولمشید یسه ده
 المانیایه وازدیغی زمان ساقسونلری و سائر ارباب
 عصیان برر پر اوروب اطاعت التنه الدقدن صکره
 تزید ایلدیکی قوتیله تکرار کلوب ایتالیایی ینه
 ییجه سی ایچنه الدی (۱۰۹۱) .

غریبدر که کندی او غلی قونراددخی بوقاریشق
 و قانلی محاربانه باباسنک خصمسیله بر لشوب باباسنه
 قارشو جنک ایدرایدی . بناء علیه هانری رابع
 هر قوم قونزادی قرالی اولدیغی رومانن عزل ایله
 رومایی ایکنجی او غلی هانری به احاله ایلدیکی حالده
 اوده پدری علیهنه عصیان ایدنجه ارتق بیچاره
 امپراطور شایر و ب قانلی و یقایی بر کره هانرینک
 التنه کینجه بردها قورتیله میوب ۱۱۰۶ سنه سنده
 مایانسنده قوریلان بر مجلس عمومی بیچاره بی خلع
 و حبس ایدوب برارالق محبسندن فراره موفق
 اولدیسه ده ینه اوسنه لیه زده وفات ایشدر .

هانری رابعدن صکره برینه کچن او غلی هانری
 ستماس مقام حکومته کلور کلز یعنی دهها پاپالق مقامی

طرفندن ايمپراطور انخى تصديق اولمق سزىن وادى
عصيانه صاپان له و مجارياد كارلى و بونلره انضمام
ايدن فلامان سر كشلى اوزرينه چنكه مجبور اولمشيدى .
زير اتكرار تفصيلنه حاجت اولمديغى وجهله
ايمپراطور لايه سنيورلر اراسنده دوام ايدن منازعات
هر قومه استقلال آرزوسى ويرد كدن ماعداسنده دن
سنه يه تقويه دخی ايتمكه بولميشيدى . حتى شمدى يه
قدر وقوع بولان بوكى شور شلرده مظفر يتلر همان
على الدوام ايمپراطور ل طرفنده قالمقه ايكن بوكره
بشنجى هانرى عادتاً ادب سزلى تربيه دن دخی عاجز
قالدى . بناء عليه رومايه كلوبده ايمپراطور لق
تقديسى پاپا ايكنجى پاسقالدن التماس ايلد كده پاپا
جنابلى بوعاجز ايمپراطورى بيلديكى كى اوينا مق
ايچون كليسا يه مربوط ماسكانه له اصلاً قارشيه جغنى
وعد و تأمين ايدر ايسه ايمپراطور انخى تقديس
ايله جكى حقنده متكبرانه و متعظمانه بر شرط قويمغله
بشنجى هانرى ذاتاً بوفكره سالك ايكن بوكره
پاپايه رغماً شرط مذكورى قبول ايتدى . بونك

اوزرینه طرفین بربرینه قارشو عسکر چکه رک غایت
خونریزانه جنکرایلدیلرو ۱۱۱۲ تاریخنده پاسقال
اخذو گرفت اولنه رقی ایمپراطورلغی زورایله
تقدیسه دعوت اولندیسده پاسقال بعض مواعید
ابلهمقریبانه ایله یقاسنی قور تارمش وبعده هازی
غامسی آفوروزلیه رقی عموم المانیایی مومی الیه علیهنه
جنکه دعوت ایلش اولدیغندن المانیا سنیورلری
عموماً سلاحه صارادیلر .

بوصورتله باشلایان محاربه سنه لرحه دوام
ایدوب جدال اوزادقجه هازی دخی عنادینی
آرتدیرایدی . نهایت رومایه غالبانه دخولیه
پاسقالی دفعه ثانیهدده عزل و خلع ایلش ویرینه کچن
ایکینجی ژده لاس نام پایادخی کلیساک ادعاسنده اصرار
کوسترمکه هازی سکنجی قره غوآری پایالق
مقامده اوتورتمشدر . الحاصل میلادک ۱۱۲۲
سنه سنده ایدی که ایمپراطورایله پایالق مقامی
مصالحه یه یاتیشه رقی کلیساک امور روحانیه سنه
ویا پاسلره ایمپراطورقاریشه مامق و کلیسا املاکنک

دخی املاک ساثره کبی اداره سنه پایالتی مقامی مداخله
ایده مامک صورتیله و ورم شهرنده بر معاهده
ایدلدی و معاهده مذکوره بونجه سنه لك منازعاته
نهایت ویردی .

و ورم معاهده سندن صکره هازی اوچ سنه ده
معمرا اولوب ۱۱۲۵ تاریخنده وفاتی وقوع بولدقه
حق حکومت صواب دوقه سی فره دربق اولز ایسه
فرانقونی دوقه سی قونزاده انتقال ایتک لازم کلور
ایکن سنیو رلر بالعکس ساقس دوقه سی لوتری ایکنجی
لوتر عنوانیله ایتر اطورلق تختنه دعوت ایتلریله
ساف الذکر ایکی نفر مختلر لوتر اوزرینه جنک
آچد رق شدید و مدید محاربه لره بر چوق قانلد و کش
و واقعا پایاک و برده باویرا دوقه سنک معاونتیله لوتر
دائما مظفر چیمش ایسه ده المانیانی اصلاحه مقتدر
اوله مدیخی کبی عمری دخی و فایتمه رك ۱۱۳۷
تاریخنده اوده آخرته انتقال ایتشدر . بناء علیه
بو مدت فرانقونی خاندانک مدت حکومته علاوه
اوله میه جخی کبی اشاعیده دردنجی فصلده صورت

حکومتلری ذکر اولنه حق صواب یا خود هوهنستوفن
خاندانی مدتدن دخی عد اولنه میوب بونک المانیا
تاریخجه بر کوچک فاصله عدی لازمه دندر .

- در دنجی فصل -

﴿ صواب یا خود هوهنستوفن خاندانی ﴾

عن ۱۱۳۸ الی ۱۲۵۴

- تفصیل - هربری بر ایالت قدر محله وایجه
بر اردویه مالک اولمرندن طولایی ذاتاً قوی عد
اولنجه سزاوار ایکن بوقار و دن بری ذکر ایدیلان
محاربات داخلیه ده قونلرینی درجه کاله قدر
آرتدیرمش اولان المانیا سنورلری بر کره فرانقهونی
خاندانی یقادن آتدقدن صکره ارتق المانیانک حق
حکومتی کنندی یدلرنده ضبط ایله بعد مالی پراطورانی
انتخاب صورتیله بکندکاری آدمه تفویض ایتمکه
باشلامش لردر . ایشته بونلرک بوسورتله ایلاک
دفعه اوله رق انتخاب ایلدکاری ذات صواب یا خود
هوهنستوفن دنیلان خانداندن اوچنجی قونراد

اولوب اگرچه بوانتخابه ساقس و باویرا دو قه سی
اعتراض ایلمش ایسه ده قونراد بو اعتراضه سیفی
ایله مقابله لازمه دن کیروطورا مامشدر .

اگر قونراد مدت حکومتی المانیا ایچنده کچورمش
اولسه ایدی مملکته تنظیمات جدیده وضع ایده جکی
درایت و کفایتندن امید ایدیله ییلور ایدی . فقط
اوزمان قدس شریف طرفلرینه اسلام ایله
محاربه یه کیدن اهل صلیب اردوسیه برابر کیلدوب
عودتند: دخی وفائی وقوعبولدیغندن المانیا ایچون
یک بیوک بر خدمته موفق اوله مامشدر .

اندن صکره ایمپراطور انتخاب اولنان و ۱۱۵۲ دن
۱۱۹۰ سنه سنه قدر اوتوز ~~س~~ سنه
مدت بو عنوان عظمت نشانی طاشیان برنجی
فره دریق باربروس دخی مدت حکومتی همان دایما
المانیا نیک خارجنده کچورمشدر . زیر انیجه سنه لردنبرو
المانیا به التحاق ایله برملت مغلوبه . ثللو اداره ایدیله
کلمش اولان ایتالیا ممالکی ارتق استقلال تامنه نائلیت
عزم قویسیله سلاحه صاریلوب میلدانه چیقمش

ایدی . برنجی فره در یق بو عاصیلره قارشو شدید
مقاومته ثبات کو سترمش و حتی بر درجه یه قدر
خصمانی از مکه دخی موفق اولمش ایسه ده ۱۱۶۰
تاریخنده پایا او چنجی الکساندر ایمپراطور مومی
الیهی نظر عمومیده چور و توب قوتنی بو صورتله
قرمق ایچون آفوروز لاش و فی الحقیقه به بو آفوروز
اوزینه اکثر متغیری کنه یسندن یوز چور مشدر .
هله ۱۱۷۶ تاریخنده پایا جنابلی اکر ایمپراطور
کندی ایاغنه کلوبده او پهرک طالب عفو و آمان
اولور ایسه آفوروزی قاندر اجغنی بیان ایتمسینه
فره در یق بورذلتی قبوله مجبور اولمش و ۱۱۸۳
تاریخنده عقد ایدیلان قونستانس معاهده سی ایتالیا یی
المنیسان آیرارق مستقلاً بر اداره قرایه التنه
قوی مشدر . ۱۱۸۸ سنه سنه فره در یق بار بروس
مقدما دوچار اولدیغی آفوروزه مقابل خلقه بر حسن
خدمت کو سترمک ایچون یوز بیک نفر دن مرتب
برارد و ایله اهل صلیب محارب به سنه کیمش ایسه ده
اردوسی بر طاقم امراض مهلکه یه اوغرا دیغندن

هیچ بر شیئه موفق اوله میه رق اناطولی ایچنده همان
کلیاً و فره در بق دخی معأهلاک اواشدر .

بو خاندانک اوچنجی حکمداری بولنان هاری
سادس المانیایه هیچ برایش کورما مکده ایکن اولکی
حکمدارلر درجه سنده ده قالمیوب بونک بالعکس مضرتی
دخی کورلمشدر . بر کره حکومتک اوائلی زوجه سی
قونستانسک سبجلیاتین اوزرنده ارثاً قزاندیغی حق
حکومتی مدافعه یه صرف ایدوب اندن صکره دخی
المانیا ایمپراطورلغی سنبورلرک انتخابی اصولندن
قورتاروب کندی فامیلیاسنه ارثاً انتقال ایتک اوزره
یکیدن تنظیمه قیام ایتکله بوامل خلق نظرنده پک
بیوک نفرته تلقی ایدلمش و ۱۱۹۷ تاریخنده مرقوم
مسموماً اعدام اولمشدر . بریری آردی صره
انتخاب اولنان اوچ ایمپراطورک هپ المانیا ایچون
بر خدمتی کورلیان آدملردن ظهور ایتسی المانیا
سنبورلرینی صواب خاندانندن صوغوتغنه
باشلامش ایدیسده ده بو کره دخی بر قاج سنبورلر
مسموم هازینک بر اداری قلبی انتخاب ایشلردر .

انجیق سائر پر نسل بر بوا انتخابه اعراض ایتمکله
ینه بر عظیم محاربه داخلیه باش کوستروب و فلیب
۱۲۰۸ تاریخنده سوء قصد ایله مقتولاً وفات ایلش
و بناء علیه هم کندیسسی دردو بلادن قورتیلوب
هم ده المانیایی قورتارمشدر .

فلیب خلاف کیراننک انتخاب عمومیسيله مقام
ایمپراطوری به کلان اوتون واقعاً درایت و کفایتی
یرنده و علوهمتی دکرند بر آدم ایدیسده ده فرانسه
ایله ایتدیکی بر محاربه ده یوزیکرمی بیک عسکر
مرتب اردوسنی بوزدیرمش اولدیغی کبی سائر
هر مسئله حربه ده دخی بوزاش و ۱۲۱۸ سنه سنده
هارزبورغ حصارنده مسکینه بر اولوم ایله وفات
ایلشدر .

بعد وفاته یرینه انتخاب اولنان ایکنجی فره در یق
اوائل حکومتده کندی انتخابنه اعتراض ایدن
بعض خصم اسندن اوزمان پایا بولنان اوچنجی
اینوسانه التجا ایله اکر کندیسسی المانیاسندالی
ایمپراطور یسنده تأیید ایدر ایسه بقیه عمرینی

اراضی مقدسه ده اسلام علیه نه محاربه لاله امرار
 ایده جگنی وعد ایلدیکندن اینوسان التماسی و املی
 اجرا ایتش ایسه ده فره دریق وعدنده خلاف ایتسیله
 پاپا طرفندن شدتلی بر آفوروزه دوچار اولمشیدی .
 اگرچه ۱۲۲۸ سنه میلادیه سنده محاربه اهل
 صلیبه کیدرک آفوروزک حکمندن قورتلشدر .
 شو قدر وار که ایمپراطور مومی الیه اسلامه سلاح
 الیه غلبه ایده جکنه مادتا آلتون خزینه لریله غلبه
 ایتک صورتنه قانعیشوب بعض جزویات اموره موفق
 اولمش ایسه ده بو دنائت خلقجه کندیسندن نفرتی
 موجب اوله رق اورو پایه عودت ایلدکه حقوق
 اوشیه سندن طولایی حکمداری صایلدیغی بتون ایتالیا
 کندیسنی سلاح الیه استقبال ایلش لردر . ۱۲۴۰
 تاریخننده لومباردیای دخی مومی الیه اوزرینه قیام
 ایتکله فره دریق میلان شهرینی ضبط و کلیسارینی
 یقما ایلدیکندن پاپا بر ایکنجی آفوروزدها فرلاتمش
 و مومی الیهک ایمپراطورلقدن انخلاعی دخی اعلان
 ایتش ایسه ده فره دریق محافظه حقوق امرنده

آیاق دیره یوب ۱۲۵۰ تاریخ‌کننده کنیدی اولاد
زناسندن منقرو آیدیله زهر ممانی نوش ایلدیکی زمان
حالا تاجنی باشندن چیقارماشیدی .

پاپالقی مقامنک اعلانی اوزرینه فره دریق هنوز
بر حیات ایکنی تورینق سنپوری هاری اوراسپون پاپا
واو طرفک غیرتکشلری انتخایله ایمپراطورلق مقامنه
دعوت ایدلمش ایسه ده بو دعوتدن مائة بر منفعت
حاصل اوله مامشدر . چونکه ایکنجی فره دریق
مقام ایمپراطوریده بر منوال محرر ثابت قدم اولدقدن
بشقه اوغلی دردنجی قونزاد دخی پاپانک و طرف
کیرانک خلاف مر ضیلری اوله رق مقام ایمپراطوریه
کلوب حتی پاپا دردنجی اینوسان ۲ مسلمانلره محاربه
صلیبه کیمت لازم دکادر . کلیسانک الک بیوک دشمنی
صو آب خاندانیدر . اولا بو دشمنی اورته دن
قالدیرالم « دیه دردنجی قونزاد اوزرینه بر اهل
صلیب اردوسی سوق ایلدیکی خالد، دخی قونزاد
ایتالیایه هجوم وناپولی وقاپو و آکینوشهرلرینی ضبط
واغتمام ایلش و فقط بو غلباتنک انجاسنه وارمنه

عمری کافی اوله میه رق ۱۲۵۴ سنه میلادیه سنه
 بر روایت کوره مسموم آزار بقایه کیمشدر .
 ایسته مفردات وجهله ویریلان شومعلوماتدن
 مستبان اولدیغی اوزره صواب خاندانی المانیایه
 مضرتدن بشقه بر خدمته موفق اوله میوب بناء علیه
 هر قوم دردنجی قوزادده خاندان مذکورک انقراضی
 المانیا ایچون بر عید اکبر عدایدلسه بجادر .

— باب ثالث —

﴿ بیوک فترک ابتداسندن لوکسمبورغ و باویرا ﴾
 ﴿ خاندانلرینک نهایتنه قدر ﴾

عن ۱۲۵۴ الی ۱۴۳۷

— برنجی فصل —

بیوک فترک مدتی

عن ۱۲۵۴ الی ۱۲۷۳

— تفصیل — المانیاده سنیورلک او ته دبری
 محافظه ایلدکری نفوذک وباخصوص یوقاروی

بابك صوك فصلده، كوسترلديكى وجهله بونفوزده
اخيراً دوام ایدن محاربات داخلیه ايله و یردكلری
قوتك نتیجه سی بو فصلده حكایه سنه باشلامش
اولدیغمر بیوك فترت ایمش که کلدی چیقدی .

تاریخ فترت مذکوره نك ابتداسنی ۱۲۵۴ سنه
میلادیه سندن اعتبار ایدرایسه دباقلسه بوفترت ده
اینگجی فره دریقك اواخر حكومتدن بدأ ایشدر .
چونكه كندی صاغلنده ایكن القورلر یعنی حکمدار
انتخابی كندی الایده اولان متحیران کبارك بر قسمی
هولاندا خاندانندن کیلیومی انتخاب و دعوت ایشلر
ایدی . انجق ایگنجی فره دریق صوك نفسنه کلنجه یه
قدر حکمدارغنی محافظه ده اصرار ایتمکله و المانیانك
سائر القور و سنورلری کیلیومی قبول ایتما مکه کیلیوم
مایوساً مملکتی جانبه کیدوب حکمدارلق چارناچار
فره دریقه قاش اولدیغندن تاریخ دخی دور فترتک
ابتداسنی مومی الیهک وفاتندن اعتبار ایشدر .
فردر یقك وفاتندن صکره دخی القورلرک برطاقی

انکلتزه خاندان قرالیسندن ریشاردی قورنوئلی بر
 طاقی دخی قاستیل قرالی الفونسی انتخاب ایلمشله
 ایدی . بوایکی پرنس کرک بربری علیهمنده و کرک
 کندیلرینی قبول ایتمیاز خلا فکیرانه قارشو معانده
 ایله حکومتلرینی تأیید همتدن کیرو طور مامشله
 ایسهده ارتق المانیاسنیورلر نیک هربری بر حکمدار
 مستقل طرزنده کندی ملکرینی کندیلری اداردیه
 اقتدار کسب ایلمش اولدقلرندن کیمسده مرام
 اکلاته مامشلهدر .

واقعا صکرلری نمونه سی کورلدیکی وجهله اوزمان
 المانیا سنیورلری بر حکومت متحده تشکیل ایتمش اولسه
 ایدیلرک چوق منفعتی کوررلر ایدی . شو قدر
 وارکه سنیورلرک املی مملکتک ترقیات مدنیه سی
 اولمیوب بونلریالکز کندی ذوق وهوسلرینه خدمت
 ایلدکلرندن و بناء علیه حقوق هم جوارینی طانیق
 شویله طورسون حتی کندی تبعه لرینک حقوق
 ملیه و ملکیه لرینه ده رعایت ایتمدکلرندن المانیا ایچنده
 اول قدر مظالم باش کوستردی که عقلای زمان

« اکر اور ته ده و لو سلم بوستان قورقو انی قدر
اولسون بر ایمراطور بوانسه ایدی سنیورلر هیچ اولمز
ایسه انکله اوغراشه رق بو درجه تحکمه وقت
بوله مزل ایدی » دیمکه باشلادیلر . چونکه ایکی
ایمراطورک ایکسی دخی المانیادن امیدلرینی کسدکلری
جهتله مملکتلرینه چکلمشله ایدی .

المانیانک بودورده کی حانی بحق تصویر ایچون
بر چوق طبقه کاغذلری طولدیرمقی لازم کلور .
هیچ اولمز ایسه شو قدرینی اولسون سویله لم که
اوزمانلر چوغا دقجه چوغالان اشقیانک کیدومضرتدن
بر محلدن دیگر محله سلاستله کیمت ممکن اولدیغی کی
بو اشقیایی دفع وتنکیله همت ایده جک یرده حکومت
دخی زورلی بر اشقیاء کستاش و بناء علیه او قوجه
اولکاده هیچ بر کیمه نک نه مالندن نه جانندن امنیتی
قالماشیدی . بو فساد احوال ایچنده پاپاس طاقنک
درجه تأثیراتی ده خاطر دن چیقارما ملیدر .

ایمدی بو قدر فنانق ایچون بر چاره صحیح اولمق
اوزره المانیاده تشکل ایدن « و ح م » جمعیت

خفیه سیه « هانس » اتفاق تاریخیچه نظر اهمیت بدن
دو شورلامسی لازم کلان احوالندن اولسیله بونلره
دائر راز معلومات اعطاسی مناسب کوردی .
شویله که :

« وجم » جمعیتی اولا وستقالی ده تشکل ایتش
بر جمعیت خفیه ایدی که هر طرفده و هر صنف آدمی
ایچنده الی و تدقیقات و تحریات لازمه بی اجرا ایده جک
دایلی بولندیغندن زده بر ظلم بر فئالی کور رایسه
آنک جزای سزاسنی تعیین ایتکی کندیسنه وظیفه
ایدنمشیدی . چونکه آلمانیا ایچنده هر کسک
اشقیا کیسیمی ارباب شقاوتک جزا کورماستندن
نشأت ایلدیکی بوجعیت اربابنک نظر اهمیتلرینه
چارچمش ایدی ده آنک ایچون بوترتیبی قورمشالر
ایدی .

واقعا عصر لرجه مدت بوجعیت اجرای حکم
ایلدیکی حالده حکومتلر بونلرک علیهنه اصلا بر شینه
مقتدر اوله مدیلر . انلر ایسه هانکی آدمک بر
شقاوتی جزاسز قالدیغی خبر النجه در حال انی

سرّاً مجازاته موفق و مقدر اولورل ایدی . تاریخ
 دیر که وحم جمعیتی بر آدمی جزا ایتکی بر کمره
 قرالشدیردیمی آرتق اوجزادن قور تلیق متصور دکلدیر .
 انک خنچری هر طرفه کیرر . انک توصیه و امرینه
 سانیورلر دخی اطاعته مجبورلر .

جمعیت مذکوره انک بودرجه اهمیت پیدا ایتسنه
 سببیت ویرن شیینه حکومتلر اوله جنی ادنا ملاحظه
 ایله معلوم اولور . چونکه حکمت حکومته واقف
 اولنلرجه مسلدیر که جمله دن اول خلق بویله بر تشبیه
 کوزه آلدیره جق قدر بیزار ایتاملیدر . بر کره خلق
 بویله برایشی کوزه آلدیرد قدن صکره حکومتلر ایچون
 تصحیح حرکتدن بشقه بر تدبیردن فائده اوله مرز .
 زیرا خلق کندلی اولچیسسنه کتوره بیله جک زمان
 آرتق یکمش اوله جفندن شدتی نه قدر آرتدیرر ایسه
 ارباب مخالفتک دخی او قدر آرتدیر مرغه سببیت
 کوستمش اولور . ایشته وحم جمعیتک حالی دخی
 عینیه بویله اولمشدر . یعنی حکومت بوجعیت
 خفیه انک رأیی خلافتنه حرکتده نه قدر عناد ایتمش

وانلر عليهنده نه درجه شدت كوسترمش ايسه جمعيت
دخى شدتنى آرتد يرمش اولديغندن هر صباح چارشولرده
بو كيجه فلانك وفلانك يتاغنده ايكن اخناق و يا خود
جرح و اعدام ايدلديكنه دائر بشر اوزر وقعه سوء
قصد حكايه ايدلك درجه سنى بولمشدر .
هانس اتفاقنه كلنجه :

بواتفاق و جم جمعيتى كى سياسى و خفى برشى
اوليوب صرف امنيت تجاريه منفعتى اوزرينه قورولاش
علنى بر جمعيت ايدى . الك اول هامبورغ ايله لوبق
شهرلرينك حسب الزمان بتون بتون امنيتسز برحالده
قالان مى اسلات و امور تجاريه يى بر امنيت آلتنه آلىق
ايچون عقد ايلديكى اتفاقدن باش كوستروب بونك
پك بيوك منافع و محسناتى كورمكله پك آز بر زمان ايچنده
يالكر المانيا دن دكل روسيه و فرانسه و تالانكلتره دن دخى
بر چوق شهر بواتفاقه كبر مشلرو انلر دخى تعاون و تناصر
سايه سنده حاصل اولان امنيت تجاريه دن دخى پك چوق
استفاده ايلشلدردر . حتى الحاله هذره بر سر بست شهر
اولوق اوزره المانيا هيئت مجتمعه سنى تشكيل ايدن حكومات

مستقله سره سـنـه قـا ر یـشـان لـو بـق و هـا بـو ر غ و بـرم
شهرلرینک امتیاز واستقلال بوزماندن و بوهانس
اتفاقندن قلمه در .

ایشته اورته انگ راحت و خضورینی همان کلیاً
سلب ایدن شوزمان فترت ۱۲۷۳ سنه میلادیه سنه
قدر دوام ایدوب اسکیدکجه فناالقر دخی اسکیدرک
قوتنی آرتدیردیغی جهته سنه مذکورده (آرتق
بتون بتون حکمدارلشمش دیمک اولان) سـنـیـورل
المانیایی نه بر حکمدار عمومینک تحت ریاسته
ویرمکه قائل اولشلر و بونقطه اورزنده اتفاق ایتشلر
وشو صورتله فترت کبریه نتیجه ویرمشلردر .

— ایکنجی فصل —

— هابسبورغ خاندانی —

عن ۱۷۲۳ الی ۱۳۰۸

— تفصیل — بودفعه هابسبورغ خاندانندن
مقام امپراطوری به دعوت اولنان برنجینی رودولف
المانیاده آرتق برایمپراطورک اولکی صورتله حکومت

سوره بیلسی امکانی کچمش اولدیغنی نظر دقتہ آله رق
 یالکن المانیاسک ایکنجی درجه ده حکمداران دیئک
 اولان سنورلره ریاست ایتمکله بقا ممکن اوله بیله جکنی
 کوردرک اول صورتله حرکتہ باشلامش ایدیسسه ده
 یوصورت یالکن احوالک ایج یوزینه واقف اولانلری
 ممنون ایدہ بیلوب برامپراطورک نامنی بیلہ کندی شوکت
 خصوصیه لری ایچون مضر کورن مستبدلری اصل
 ممنون ایدہ مامشیدی.

بوسبیہ مبنیدرک اصل آوستریا وستیری وقارنیول
 طرفلرینک سنیوزی اولوب بیاغی بیوجک برقراللق
 صورتندہ اداره امور ایدن اوتوقارک اول ایمپراطورلق
 اصولنک خلافتہ قیام ایدرک ایمپراطوری ایست
 ایستہ من محاربه یه دعوت ایلش فقط ۱۲۷۶
 و ۱۲۷۸ سنہ لرنده وقوعہ ولان ایکی محاربه ده
 اوتوقار مغلوب اولوب حتی ایکنجیسنده ققاسی ده
 کسبیلہ رک ملکی رودولف طرفندن کندی اوغلی
 آلبرک و تملیک ایدلمکله شوانتقال هابسبورغ

خاندانی توسیع و اوسه تریا خاندانی دخی یکیدن کی
بر صورتله تشکیله سبب اولمشدر .

شو ایلاک مشغولیتی بو صورتله بر طرف ایلدکن
صکره رودولف المانیا سنیورلرینک نفوذ استقلا .
لکارانه لرینی محافظه ایله برابر هیچ اولز ایسه
کندیله رینی حیدودلق کی حکمدار قله بریره صیغیه جق
اولان لکدن تمیزله مک ایچون عموم المانیایی دوره
چیقدی و سنیورلردن کیمسینی تلطیف و کیمسینی
تکدیر **ک** کی بر صورتله یوله کتوروب باخصوص
هر ایکی صورتله دخی بونلرک ملانوملجاری بولنان
حصارلردن برچوغنی هدم و خراب ایلدی که حصارلر
الدن کیتدکن صکره متغایه مر قومه نک قوتلری
یوزده سکسان نسبتنده تنزل ایده جکی درکاردر .
زیرا حصار دیدیکمز شیلر صعب المرور طاغلرک
تپه سنه یا پلش کوچورک قلعه لر اولوب ایمپراطورلق
طرفندن تضییق کوردکجه و یا خود کندی تبعه لرینک
آرتق مظالم جانلرینه کار ایدوب ده جانلرینی دیشلرینه
حطافه رق عصیانیه جسارتلری و قوعبو لدقجه سنیورلر

بوحصارله تحصن ايدرلر وموقعك متانيله دتمنه
حسن مقابله يه موفق اولورل ايدى .

ايمپراطور مومى اليهك كرك بوحرككي وكرك
المانيياك امنيت داخليه سى اسبابنى اكمل ايدى جك
سائر اجرا آتى ارباب ناموس وحيتدن بولنان بالجمله
اهالى يى ممنون ايلش ايسدهده منافع مخصوصه لرى
مدت فترتك دواميله حاصل اولان مونبيلار وبورغون
وصاووا قونلرى بواجرا آتاك عليهنه قيام ايندكلرندن
رودولف قوه كافيه ايله بونلرى ده بالترتبه هر حالده
آلمانىايى برخيلي وقتدنبرو محروم اولديغى سعادت
آسايشه نائل ايدى يلدى . مومى اليهك حاصل اوليوب
قالان يالكز براملى كوراشدر كه اوده كندى وفاتندن
صكره اوغلى البرك ايمپراطورايغه انتخاب اولمىسى
مسئله سى اولوب بونى القتورلر قبول ايدى ميهرك بعد
وفاته (۱۲۹۱) ناصو خاندانندن آدولفى ايمپراطور
انتخاب ايتمشلر ايسدهده رودولفك اوغلى البر
آلمانياجه كندى سنه يك چوق طرفدارلر بولهرق
آدولف اوزرينه محاربه يه قيام وبرقاچ سنه جنك

و جدال دین صکره مرقومی (۱۲۹۸) سنه سنده
 ژلهه یم نام محاده مغلوب و اعدام ایلدیکندن ایمپراطور لوق
 متوفی پدرینک آرزوسی وجهله ینه کن دیسنده
 قالمشدر .

واقعا بو غایه دن صکره دخی کندی انتخابنه
 اعتراض ایدنلر اعتراضلرنده ثبات ایشلر و با خصوص
 اوزمان پایا بولنان سکرنجی بونیقاج البرک ایمپراطور لغی
 تدیس ایتما مکه اصرار کوسترمش ایدی . انجق
 البرک طرف کیرانی پک قوتلی اولمسیله خلا فکیرانک
 جمله سی طوعاً و کرهاً قبوله اجبار ایدلدیکی کبی
 پایا جنابلری دخی لطفاً و تنزلاً تقدیسه مروت
 یورمشدر .

تاریخ اشبو البری ظلمکاران حکمداران صرد سنده
 ذکر ایدوب احوال و حرکاتی ایچنده مدحه شایان
 برشی کوره مز . هله بعض احوالی وارد رکزه یاده -
 سیله موجب استغراب اولقلله برابر کندی
 ملکینجه دخی مضرت کلیه سی کورلشدر . از جمله
 اسویچره اختلالی :

ایمپراطور رومی الیه ژسلا نامنده بر آدمی اوزمان
المانیا نك بر ایالتی اولان اسو یجره یه والی نصب
ایتمش او اوب بوکا ویردیکی تعلیمات موجنبجه خلقه
اول قدر مظالم ایتدیرمش ایدی که بتون مملکت
دادله فریاد چاغر مشیدی . مظالم واقعه دن بریسی
آلتورف نام بر عمومی میدانك اورته برینه وضع
اولان شابقه یه هر کلوب کچنلرک تنظیماً و تکریماً
سلام ویرمکه مجبوریتلری اولوب اهالی قوب
قوری بر شابقه یه سلام ویرمکدن غضبناك اولدقلری
حالده ینه ویررلر ایدی . الك اول اسو یجره
متخیزانندن کیلیوم تل بو حرکت مجنونانه بی قبول
ایتموب سلام ویرمامکده اصرار ایلدیکندن والی
اژسلا ایمراطوره کیفیتی بالاشعارنه یولده حرکت
ایتمسی لازم کله جکئی استفسار ایلدکده مرقوم
کیلیوم تلك اعدامی لازم کله جکی واکر کندی او غلنك
باشنه برالما قویوب ده مسافه معینه دن اوالمای اوق
ایله دلمکده موفق اولور ایسه جانی کندیسنه
باغشالانوب فقط بر قلعه دروننده قلعه بند ایدلمسی

حق زده جواب کلکله کیلیوم غایت مشهور تیرانداز
 اولدیغندن اوغلنك باشنه قویدیغی المایی اورمغله
 لوسرن کولی ایچنده کوسناح حصارنه قلعه بنده
 ایدلمسی قرارلشدیرلمشیدی . ایددی بالذات والی
 جنابلری المری باغلی بوانان کیلیوم تلی صنداله
 قویه رق حصار سز کوره کیدر ایکن بر شدتلی
 فورطنه ظهور ایتش و کیلیومک یلکن قولانمده
 وصندال اداره ایتکده مهارتی مسلم اولدیغی جهته
 غرقدن خلاص ایچون المری چوزیله رك اودخی
 کال مهارتله صندالی ساحله قدر یاقشلایردقدن صکره
 همان قره یه آتلا یوب بعءه براوق ضربیله ژسلی
 هلاك ایلشدر .

ایشته عقلاره صیغمان بووقعه اوزرینه عموم
 اسویچرلیسلر سلاحه صاریله رق المایا ایمراطوری
 علیهنه قیام ایتکله و حالبوکه ایمراطورك سائر بوکا
 مئل چلغلقلرندن طولایی سائر طرفلر دخی آیاقلمش
 بولمغله اسویچره لولر نائل ظفر واسه تقلال اولمشلر
 و دیگر ارباب عصیان دخی ۱۳۰۸ تاریخنده

ایمپراطوری سوء قصد ایله اعدام ایشلردر .
 ایشته مجرد بو البرتک شودرجه مجنونانه مظالمی
 سبب اولمشدر که بالجملة المآینا پرنسلی هابسبورغ
 خاندانی ارتق قبول ایتیوب اوکسمبورغ ایله باویرا
 خاندانده مراجعتیه مجبور اولدیله که کیفیت پروجیه
 آتی اوچنجی فصلده ذکر اوانه جقدر .

اوچنجی فصل

لوکسمبورغ و باویرا خاندانی

عن ۱۳۰۸ الی ۱۴۳۸

— تفصیل — اوزرلنده بررئیس بولمیدیخی
 زمان بربرینی ییوب بتورن ورئیس انتخابنده اتفاق
 تام حاصل اوله مامسندن طولایی هرکیم ایمپراطور
 اولور ایسه نه اکا راحت و یروب نه ده کندیلری
 راحت بولان المآینا پرنسلی بوکره دخی بر ایمپراطور
 انتخابنه قیام ایلدیله . بونارک اطوار و افکارندن
 هربری کندیلری بر ایمپراطور اواق ایستدکلی
 کلاشیلور ایدیسه ده اکاده احتمال اولمیدیغندن

نصلسه بوکره او کسمبورغ دوقه سی هانری بی یدنجی
هانری عنوانیه انتخاب امرنده اتفاق آرا حاصل
اولدی .

بوذات غایت هم تلی حیتلی برشی اولوب کندیسنه
مخصوص اولان توجه عمومی سایه سنده المانیا آسایش
داخلیسنک یوزلیه جغنه اعتماد حاصل ایتکله برابر
المانیاک ایتالیا اوزرنده کی اسکی حقوق تحکمرانه سی
استرداده قالشغله همان بر اردو تدارک ایله
ایتالیا یه کیردی ایسه ده آچدیغی مسئله حربه نیک
نتیجه سی استنتاجه وقتی قالدیرق هنگام مجادله ده
(۱۳۱۳) وفات ایتدی کیتدی .

بعد وفاته ده ایرینه کیمک انتخاب اولنه جغی
قضیه سی المانیا ایچنده بریوک فسادی موجب
اولشدر . القورلردن بر طاقی باویرا دوقه سی
لوئی بی و برطاقی دخی اوستریا دوقه سی فره دربقی
الترام ایلمشیرایدی . نهایت لوئی بی التزام ایدنلر
نیجه خوزیرانه محاربته تفوق قازانه رق فره دربقی
اخذ و حبس ایلدیله و تا ایمپراطورلقدن رضاسیله

قطع ید ایلدیکنه دأر سئند ویرمینجه سبیلنی تخلیه
ایتمیلر . اوزمان پایا بولسان یکر می ایکنجی ژان
بو معاملة یه اعتراض ایدرک لوئی به دخی حکومتدن
فراغت ایتمنی آمر بر فرمان کوندرمش و اوئی
بو فرمانی پارچه پارچه پاره لیدیکی جهته پایا جنابلری
ایمپراطور مومی الیهی آفوروز لاش ایدی . لوئی
دخی پیه رده قور بیه رنام پایاسی پایا اوزرینه پایانصب
ایدرک کندی ایمپراطور اغنی اکا تقدیس ایتدیردی .
لکن بو قدر محاربات و مجادلات ایله اله کتوردیکی
ایمپراطور لقدن المانیایه هیچ بر فائده اولقمزین
۱۳۴۶ تار یخنده دنیا وما فیهای بوراده براقه رق
اسفل السافلینه یقلدی کیتدی .

او کسمبورغ خاندانندن او اوب بر سنه مقدم
بو همیایه قرال اولان دردنجی شارل بو همیا ایچون
پک اعلا بر حکمدار چیقمسایله اوئینک وفاتندن صکره
مومی الیه المانیایه دخی ایمپراطور انتخاب قلنشدر .
واقعا بو شارل رابع یا لکن کندی خاندانی و برده
بو همیا قرالغی ایچون پک اعلا بر حکمدار چیقوب

برای یکی طرفت كرك منافع مادیه و كرك معنویه سمنه
وفاتنه قدر خدمتدن كیرو طور مامشدر . انجق
المانیا ایچون ایتدیگی حکمدارلغك درجه سی محتاج
محاكمه و ایضا حدر .

ایمپراطور مومی الیه المانیا صندالیء ایمپراطور یسنه
نزع سزجه قعود ایدنلردن بریسی اولوب همان قاله
اله جق قدرده اهمیت اولیان بعضی اعتراضلره یك
قولای مقابله ایده بیلمش ایسه ده المانیا ایمپراطورلغك
شمیدییه قدر مخالفین گروهندن کوردیکی صدماتی
در بیدش ایلدکده . بونك باشلوجه اسبابی اولق
اوزره ارتق کرچکدن برر حکمدار صورتی المش
بولنان پرنسسلرك عموم المانیا اوزرنده بولنان نفوذینی
و ثانیاً پاپاتی مقامك اعتراضی کورمش اولدیغندن
پاپاتی مقامیله بالخابره وبالمذاکره تاریخده کمال اهمیتله
یاد اولنان (بول دور) یعنی « کره زرین » نام فرمان
مقدسی نشر ایلشدن .

بو کا کره زرین دینلمسی پاپاتی مقامندن
و یریلان سائر فرمالره مهر مقانده برر قورشون

کرد تعليق ايدايديكي حالده بوكا اتوندن معمور بر
 كره جك ط قلمش اولمسندن نشأت ايدوب بو فرمان
 حكمنجه المانياتك هر حكمداري ~~ك~~ندي حدود
 وسنوري داخلمنده مستقل بالاداره براقلمش و يالكر
 المانياتك هيئت عموميه سنه تعلق ايدن خصوصاتده
 ايمپراطورلق مقامنه تابع اوالمري قطعياً امر ايدمش
 اولديغي مثلاً و پايانق مقامى ايچون دخى المانيا اوزرنده
 بريوك نفوذ ايجاد اوانه رق ازججه كليسالره مربوط
 اولان اراضى و املاك كافه مداخلات رسميه و تكاليف
 ميريه دن مستثنا طو تيلوب پاپاسلر رهبانلر و الحاصل
 كليسيه متعلق اولان هر كس پايانك هم مادي هم
 روحاني حايه مى الته و يرشدر .

اوزمانلر تعصب نصرانيه نك الك قوتلى اولديغي
 بر دور بولمغله اول امرده اهالى پايانق مقامنه
 كوستر بلان بودرجه مساعداته سس چيقارميوب
 يالكر حكمدار و پرنسلر كندى نفوذ قديملىرینه خلل
 كلديكندن طولايى معانده و سر كشييه قيام ايتشلر
 ايديسه ده صكره هرايش پاپاسلر اليه بتديكنى و كليسيه

متعلق اولان لر عارتا برامتیاز مخصوصله ممتاز ایتشلرجه-
 سنه نفوذ یورتمکده اولدوقلرینی وهر کسک قازاندیغی
 کلیسایه ویرادیکنی وهر سنه برچوق اراضی واملاک
 یکیدن کلیسایه وقف اولندیغی کورنلر « کره زرین
 فرمانی بزى پایالق اسارتی الته ویردی! »
 د عواسنه قیام ایتشلر وحتی سلاحه دخی طور انمشلر
 ایسه ده شارل رابع پاپانک رضای غرضکارانه سندن
 اصلا آیرلیوب انک مظاهر تیله دشمنلرک بجه سنه
 مرام اکلاته ییلمشدر .

شارل رابع ۱۳۷۸ سنه سنده وفات ایلمش
 ایدیسه ده کره زرین فرمانک حکمی وفات ایتیموب
 راز صکره ظهوره کلان پروتستانلق مسائنک
 شستمنسنه یار دیم ایدن اسبابک بریسی بو فرمان
 اوادیغی کبی اندن صکره دخی فرمان مذکور المانیانک
 تنسیقات اساسیدسی اولمق اوزره تابو صوک عصر مزه
 کلنجه یه قدر دوام ایلمشدر .

الحاصل مذکور فرمان پایالق مقامی ایچون
 اول قدر فائده لی برشی ایدی که حتی شارل رابعک

انتخابندن صکره پاپا اولانجه نفوذینی صرف ایدرک
مر قومک اوغلی اولان وباباسی کی بوهمیا قرالی
یونان و انسسقلاس مقام ایمراطوری یه انتخاب
ایدلشد.

اگر و انسسقلاس عقلی باشنده برآدم اولسه
و پاپا بقا مقامی دخی او یغونسز برحاله دوچار اولماش
بولسه ایدی کره زرین فرمائی سایه سنده پک راحت
و حضورله حکومت ایده جکی درکار ایدی . انجق
کندیسی غایت عیاش و غایت شهوت پرست برآدم
اولوب عادت پک بیاغی روسبیلرله طلومباجی واری
اور پاطلاسون چاک اویناسون عالمند، بولمغله برابر
خوزیرلیکی دخی درجه افراطده بولمغله و اوزمان
پاپا بقا تختی دردنجی اور بن ایله یدنجی قله مان
اراسنده منازع فیه اولوب و انسسقلاس اور بن طرفی
الزام ایلدیکی حانده برشینده موفق اوله میه رق خصمی
بولسان قله مان غلبه ایتکله هر طرفدن اهالی کندی
علیهنه قیام ایلش لر ایدی . حتی قرالی بولندی
بوهمیا و اوراده قزداش لری واقربا و خویشانی

بولنان پرنس لر دخی عصیان و مر قومی اخذ و گرفتله
 در زندان ایلدیلر . بر آراق المانیان کنديسنه یار
 ایکی اویچ پرنسك تو سـطیله زنداندن قورتارلدی
 ایسه ده ینه عقابی باشنه المیوب دوستلری دخی
 کوجندیر دیکندن ۱۴۰۰ سنه میلادی سنه
 ایمپراطور لادن خلع اولنوب یالکز بوهیا قرالغیله
 قالدی .

تاریخك روایتنه کوره مر قومك مدت حکومتده
 المانی اول قدر انضباطسن بر حالد قلمش و بناء علیه
 حیدودلق اودرجه توسع و تکثر ایدرك هر در او
 فئالق دخی اول مرتبه میدان آلمش ایدی که عادتاً
 اهل عرض و ارباب ناموس طاقندن اولق معایدن
 عد اوغنه باشلامشیدی . صکره ایمپراطور جنابلری
 بوحالك منعنه قیام ایلدیه ده کنديسی ذاتاً اصلاح
 نفس ایتمش بر آدم اولدیغندن خلیا ایلدیکی اصلاحات
 دخی یالکز خیالده قالدی .

مر قومدن صکره ایمپراطور لغه انتخاب اولنان
 یاورا خاندانیدن روبر و اقعا پك عاقل حلیم و عا

برآدم اوله رق المانیاده انتظام داخلی بی یولنه قویغنه
 چالشمش ایسه ده اوده پاپانک خلافگیری اولان
 اون ایکنجی غره غوارک طرفی التزام ایلدیکی جهته
 موفق اوله مامشدر . المانیا ایچون کوردیکی الکیوک
 خدمت هیدلبرغ دارالمعارفی انشاستمکن عبارت
 قالدی و ۱۴۱۰ سنه سنده وفات ایلدیکی زمان یرینه
 لوکسمبورغ خاندانندن بوس ایمپراطور انتخاب
 اولمشیدیسده اوچ آی صکره وفات ایلدیکندن
 یرینه ینه لوکسمبورغ خاندانندن سیر سموند انتخاب
 اولمشدر .

بو ذات نیکولی محاربه سنده اردوی همایون
 طرفندن مغلوب ومؤخرأ بوسنه محارباتنده دخی
 منهزم ویالکز بر دفعه بلغرادی ضبطه موفق اولان
 و بناء علیه عثمانلی تاریخنده دخی اسمی مسبق بولنان
 سیر سموند او لوب اوائل حانده افلاق و بغداد
 و بوسنه و مجارستانی زیر اداره سنده برلشدیرمش
 اولدیغی کبی مؤخرأ المانیایه دخی ایمپراطور انتخاب
 اولمشدر . الحق غایت عاقل و حکیم برآدم اولدیغندن

شارل رابع (که باباسی ایدی) زمانه‌دن قالمه
داخلی او یغونسز لقلرک طوپنه فقط یواش یواش
چاره‌لر بوله‌رق المانیانک امنیت داخلیه‌سنی یکیدن
قازانورجه‌سنه اعاده ایلدیکه کی برچوق قوانین
نافعه‌سیله ملتک ترقیات مدینه‌سنه دخی خدمت
ایلیشدر . واقعا اوته دنبرو خرس‌تیا نلق علیهنه
ظهور ایدن معتزله ورافضی کروهنک رئیس بولنان
ژان هوس نام فیلسوفی پاپاس‌لر مجلس عمومی
بالحا که دیری دیری آتش یاققله محکوم ایتدکارندن
طولایی فیلسوف مشارالیهک هم افکاری بولنان
برچوق بوهیمالی طایفه خلقی عصیان تشویق ایلمش
وایم‌پراطوری عاجز براقه جق غلباته دخی نائل
اولمشلر ایدسه‌ده ایمپراطور بونله قارشو سلا حله
مقاومت ایده‌جکنه عفو و صفحله معادله کوستردیکی
جهتله عکس حالنده المانیایی بتون بتون پریشان
ایده یله جک اولان شوته‌لیکه‌لی وقعه‌نک‌ده اوکنی
بوصورتله المشدر ۱۴۳۷ تاریخنده وفاتی
وقوعبولدیغی زمان وارث ذکوری اولدیغی جهتله

القتور لدخى مومى البهك خدمته مكافأاً قزى
اولوب اوستريا خاندانندن البره وارمش بوانان
اليزابيتى مقام ايمپراطورى يه دعوت ايلشار واودخى
قوجه سنى ايلرويه سورنيكى جهتله شو معامله دن
اوستريا خانداننى ميدانه چيقارمشلردر . بزايسه
مذكور اوستريا خاندانندن بوزمانه قدر اولان
احوالك حكايه سنى دردنجى بابمزه تعلق ايلش
بولنديغمز جهتله بوجه آتى باب مذكور ككشادى
لازم كلشدر .

دردنجى باب

اوستريا خاندانك بدایتندن زمانمزه قدر

عن ۱۴۳۷ الى ۰۰۰۰

برنجى فصل

صرف اوستريا خاندانك مدت حكومتى

عن ۱۴۳۷ الى ۱۷۴۵

— تفصيل — المانيانك ابتدا سندن تابالاده كى

اوچنجى بابك نهايته يعنى ۱۴۳۷ سنه ميلاديه سنه

کلنجہ یہ قدر کڈران ایدن احوالی هر بری کندی
 کبر و غرورینه قاپلش اولان برچہ وق حکمدار لر
 اراسند، منقسم بوانان اشہو اولکانک بر مکابرہ
 و معاندہ محاربہ سی ایچندہ قاوریلوب کیتسندن
 عبارت اولوب واقعا تاریخ مذکور دن صکرہ
 دخی المانیا ایچندہ محاربات داخلہ بالکلیہ منقطع
 اولامش ایسہ دہ بودورده المانیا اوروپانک
 تمامی نصف غربیسی کندی پولتیقہ سی حدودی
 ایچنہ الملق ولوتر کبی دیانت نصارانک بر مجددی
 ظهوریلہ خرسیتیانلق عالمی ایچنہ بر انقلاب کلی
 و یرمک مثللو احوال ہب المانیانک اہمیت معنویہ
 و مادیہ سنی همان اوروپا ایچندہ ہیج بر ملتک
 واردہ ماش اولدیغی بر مرتبہ یہ واردیر شدہ • بناء
 علیہ المانیا تاریخندن بو بابی تاریخ مذکور دن منتظر
 اولان مقصد اصلی اولق اوزرہ تلق ایدہ بیلورز •
 اوستریا خاندانندن ایلک حکمدار اولق اوزرہ
 صندالیء ایمپراطوریہ اوتوران ایکنجی البرطوی
 ایکی سنہ قدر حکومت سورہ رک ۱۴۳۹ تاریخندہ

وفاتی وقوعه کلمش اولدیغندن واقعا المانیا ایمپراطور-
 انجیه پک بیوک اجرا آته وقت بوله مامش ایدیه ده
 کندیسی عن اصل اوستریا دوقه می اولدیغی حالده
 مؤخرأ مجارو بوهمیایه دخی قرال انتخاب اولمش
 بولندیغندن بواوچ مملکتک المانیایه التحاقی المانیا
 ایچونینه بر بیوک کار عد اولنه بیلشدر .

مومی الیه سلطان مراد ثانی پنجه غالیبتنده مغلوب
 اولان البراولوب بومغلوبیت وهزیمتک کیفیت
 ودرجاتی انشاءالله تعالی عثمانلی تارینده ذکر
 ایدیه جک برشیدر .

البر . خلف اولق اوزره المانیا ایمپراطورلغنه
 انتخاب اولسان اوچنجی فره دریق بو عظیم
 ایمپراطورلغک ال بیوک احتیاجی المانیا حکمدارلرینک
 داخلأ بربری علیهنده ایتدکری محاربات متمادیه
 بر نتیجه قطعیه ویرلسندن عبارت اولدیغی
 کورمکه تا ۱۴۹۵ سنه سنه قدر یاریم عصر دن
 متجاوز امتداد ایدن مدت حکومتی هپ بومحاربات
 داخلیه نک منعیله المانیایانک ترقیات مدینه سنک

تو سببی ایشنه صرف ایشدر . واقعاً خرسیتیا نلقارنده
 براز تعصب کوسستن مور خلراوزمان عثمانلی
 اردولری مجارستانه آقینلر ایتکده اولدیغی
 جهتله مجار قرالی ماتیاس قورونک کندیسمندن
 وقوعه بولان استمدادینه موافقت بولنده
 معامله سی لازم کلورکن بالعکس امداده
 همت ایتامش اولدیغندن طولایی فره دریق ثانی
 تعیب ایدرلر ایشه ده تاریخک محاکمات عمیقہ سمندن
 اکلاشادیغنه کوره ماتیاس قورون یالکز مجارستانی
 عثمانلورک صولتدن محافظه ومدافعه ایتک املنده
 بولنموب بالعکس بلغارلره بر عظمت کوسترمک ایچون
 تا ادرنه اوزرینه قدر بور یوب کلک عز مننده
 بولندیغندن واکرمقصد یالکز مجارستانی محافظه ایشه
 مجارستانک کندی قوتی بوکا کافی ایدو کندن ایشه
 کندی نظر نده نعمت ضلح و صلاحدن بشقه هیچ
 بر شیئک اهمیتی اولیان فره دریق محضاً بومطالعه
 اوزرینه ماتیاسه موافقت ایتامشدر حتی ماتیاس
 عثمانلور . مغلوب اولدقدن صکره ایمپراطوری علناً

مؤاخذ، به باشلا یوبده «ایشته سن بکا معاونت
ایتمدیکک ایچون بن ملکک بر بیوک قسمنی عثمانلوره
قایدرم» دیه عادتاً ایمپراطوری خلع ایتمکله قیام
ایلدیکی زمان فر، دریق «تلاش ایتمه سنک مغلوبیتک
محضاً اصول و صنایع حریبه ده ترکار قدر مہارتک
اولما سندن نشأت ایلمشدر یوقسه سن ترکاردن دها
زیاده قوتہ مالک ایدک فقط مادام کہ سنی بیزار
ایدن شی سلککدن بر قسم اعظمی غیب ایتمکککدر
ایشته اشاغی آوستریایی ویانه تنہری ایله برابر ال ده
اوراده قراللق ایت «جوابیله برابر ممالک
مذکور بی دخی کندیسنه ترک ایلمشدر .

مومی انیہ فرہ دریق زمانندہ کندی اوغلی
ماقسیمیلیدک بورغونیا خاندانندن ماری ایله ازدواجی
مناسبیله بورغونیا دائرہ مالکانہ سی دیمک اولان
پہ یی باممالکی دخی المانیایہ انتقال ایلمشدر . کہ
بو انضمام المانیا ایچون غرب طرفنہ طوغری بیوجک
بروسعت حدود حاصل ایتمشدر .

المانیاک المقتدر ایمپراطورلندن بریسی ہنوز

فره دریقك حال حیائنده مقام حکومته مشـترك
ایلدیکی اوغلی ماقسیمین عد اولنسه سزادر .
مومی الیه ایلک مزیت عسکریه سنی هنوز ایمراطور
اولمه دن زوجه سی ماری ده بورغو نیانك ملكی بولنان
په بی با ممالکینی فرانسه دن قور تارمق مسئله سنده
کوستردی . زیرا مزبور فرانسه قرالی شارل
لوتیه مه ررك قزی اولوب پدرینك وفاتندن صکره
فرانسه دولتی په بی با ممالکینی مزبور دن نزاع ایتمکی
قورمش ایدی . (په بی با ص ۲۶ مر)

۱۴۹۵ سنه سنده مومی الیه بالاستقلال ایمراطورلق
مقامنه کلد کده پدرینك یادیغی کبی المانیا حکمدارلرینی
بر برینه قارشو محاربه داخلیه ایله اشتغالدن منع
ایچون مجالس متعدده عقدیله جله سنی بو نقطه
اوزرنده اتفاقه دعوتدن خالی قالمش و حتی موفق
دخی اولمشدر . اوزمانلر فرانسه قرالی سکرنجی
شارل بروسیله غیر محقه ایله ناپولی و ایتالیا طرفلرینی
فتح ایتمش اولدیغندن علیه قیام ایدن اسپانیا
وسائر هیه ماقسیمیلین دخی اشتراك ایدرك فرانسه یه

اعلان حرب ايلش وممالك مذكوره بوصورتله
فرانسه دن نزع (فرانسه ص ١٩٣ ص)
اولمسنی متعاقب چونکه ممالك مذكوره
اوته دنبری المانيا ايمپراطور لغنه مربوط بولنديغدن
ينه اورايه ارتباطی دخی ماقسميله نك موفقیاتی
جمله سندن عد اولمشدر .

ونديك جمهوريتك بالنسبه كوچكلکيله برابر
بحراً و برأ كرك تجارت و كرك پواتيقه جهتيه
قازانديغی اهميت اوروپانك نظردقتنی باطلا توب
قامبرای شهرنده فرانسه قرالی اون ايكنجی لويي
واسپانيا قرالی فرديناند و پاپا ايكنجی ژول ١٥٠٨
تاریخنده دخی اول امرده المانيانك منافعی بو اتفاقده
دخاتمه اوله جفنی حسابله كيرمش و بلكه ده اتفاقك
اتقصادينه بيمجی مرتبه ده كنديسي غيرت ايلش
ايله ده بو اتفاقك المانيا ايچون مضراوله جفنی و بلكه
المانيانك و نديكله اتفاق اتقصادی كارعاغل ايدوك
حقنه كنديسند و بربيلان رأيك اصابتی قبول ايدرك
اتفاقدن آيرلدقدن ماعدا انكلتره بي دخی فرانسه

علیهنه تشویق ایلمش و بو یوزدن انکلتز نك فرانسه
 علیهنه آچدیغی محاربه ده کوکلی صورتیله انکلیز
 اردولزنده خدمت ایلمشدر . بناء علیه ۱۵۱۳ سنه سنده
 انکلیز لرایله فرانسرل اراسنده وقوعه کلان کمنه غات
 نام دیگر مگمزلز کونی محاربه سنده غالبیت و مغلوبیت
 یالکز ماقسیمیلیه نك پارمغی اوجنده دونمش اولدیغی
 مرویدر . (انکلتزه ص ۱۷۵ مر)

ایمپراطور ماقسیمیلیه نك فرانسرله ایتدیگی
 خصومت یالکز بوندن عبارت اولدی . وب برنجی
 فرانسوانك ایتالیا جه وقوعه کلان محارباتنه کرک اسپانیا
 و کرک المانیا طرفندن ممانعتله میلان شهرینی فرانسوانك
 محاصره سندن قورتارمش ایسده ده بو محاربه ده
 اومدیغی قدر غلباته مظهر اوله مامشدر .

نتیجه کلام غایت موافق بر صورتده عقایدلیدیگی
 اژدواجلرله بورغونیا و المانیا و آوستریا و مجارستان
 و بوهیمیا و اسپانیا و ایتالیا تاجلری بی هب کندی
 فایا سنه حصار ایتمش و بناء علیه ۱۵۱۹ تاریخنده
 وفاتی وقوعه بولدیغی زمان حفیدی مشهور شارل کنه

بوعظیم وجسیم ممالک ایچنده یند عظیم وجسیم ایشلر
کورمک قدرتنی بر اقوب کیمشد .

اشبو شارل کن باباسی طرفدن اوس-تريا
ووالده سی جهندن اسپانیا خاندانلرینه منسوب
اولدیغی جهتله ده ۱۵۱۶ تاریخده اسپانیا تاجی
ارثاً کندی باشنه کچوراش اولدیغی کبی ۱۵۱۹
تاریخده دخی المانیا ایمپراطورلغنه انتخاب اولمشدر .
واقعا بو انتخابده وراثتک هیچ بر دخلی اولیوب
القورلرک اتفاقیه وقوعه بواش اولدیغی معلوم
ایسده اوزمان عثمانلورک محارستان و المانیا ایچلرینه
طوغری کیتدکجه آرتان استیلاری بتون اورو پای
اندیشناک ایلدیکی کبی ایمپراطور ماقسیمیه نک آلمانیا
ایله فرانسه اراسنده پیدا ایش اولدیغی بوزوشقلق
اوزینه المانیا بر طرفدن دولت علیه و دیگر طرفدن
فرانسه نک تضییقی تنسده قالمغه بو ایکی قوته المانیا
واسپانیا وایتالیا طرفلرندن حسن مقابله کوسره بئک
ایچون شارل کنک انتخابنه عادتاً بر مجبوریت صحیحه
وارایدی .

بناء علیه شارل کن ایمراتور لغه عقیب انتخابند
 اورو پانک نصف غربیسی تمامیه الزده دیمک اولان
 بر ایمراتورک ترک و فرانسرلر کی ایکی بیوک دشمنه
 غلبه ایتسی ایشدن بیله دکل ایسه ده المانیا پرنسلی
 شمدی به قدر کوریله کلدیکی مثالو ایمراتورلرینک
 قوتنی کندی محاربه داخلیله صرف و استهلاک
 ایدرلر ایسه هیچ برشیئه موفق اوله میه جقلرنندن
 بمثله بونتره بر انقیاد تام وظیفه سی تعیین ایدوب
 پرنسلیر دخی قبول ایلش وجهه سی بولند قلمری یرلرک
 عادتو ایسی مقامنده قاله رقی اصل حکمدار علی الاطلاق
 اولان ایمراتور طرفندن و یریله جک امره تمامیه
 مطاوعت ایده جکلرینه دائر بر بیوک عهد نامه امضا
 ایتش اولد قلرنندن شارل کن شو صورتیه یالکر لفظاً دکل
 حکماً و حقیقه المانیاو ملحاتنک حکمداری اولمشدرکه
 بو درجه قوت و استقلال ایله هنوز هیچ بر کیسه
 المانیا به حکمدار اولماشیدنی .

شارل کننک غرب طرفندن فرانسرلر ایله ایتدیکی
 محارباتک تفصیلاتی فرانسه تاریخنده کوسسترش

اولوب اول وجهله فرانسه قرالى برنجى فرانسواي
 اسيرايدرك والده سنى دولت عليه عثمانيه دن استمداده
 مجبور ايتتى و بوحالده فرانسوايه امضا ايتديردىكى
 معاهده نك حكمنى . مؤخر ا طوتلماستندن طولايى
 تكرار آتش حربك اشتعالى و تا ۱۵۵۲ سنه سنده
 پاساو معاهده قطعيه سنك انعقادينه فدر قامبراى
 معاهده سنى و بئس متارك سنى موجب اولان جنكلى
 شارل كن ايچون پك بيوك مشغوليتلر اوله بيله جكى
 دركار ايكن برده تفصيلاتى دولت عليه تاريخنده
 كوستريله جكى وجهله شرق طرفندن عثمانيلرك
 لايى قطع هجوملرينه **ك**وكس و ير مش اولسى
 بوايمراطورك الحق جنكاورلكده نادر الامثال بر آدم
 اولسنى اثباته كافيدر . مع هذا شارل كنك ايتديكى
 اشبو محارباتك اهميته معادل اولمق اوزره زماننده
 ظهوره كلان بروقه مهمه تاريخيه دخی پروتستانلغك
 ظهور يدر كه بومسئله يالكن المانييايه دكل بتون
 اورو پايه تعاقى اولان مسائلدن بوانغله بونك بروجه
 آتى بربند مخصوصله ذكرى لازم كلشدر .

- بند مخصوص -

﴿ پروتستانانگک ظهوری ﴾

شمعی (حاشا) الوهیت مرتبه سنی بولش
اولان پاباق مقامی عن اصل علی العاده بر روم
دس- پوطلغی مقامین عبارت ایکن پاپاسلرک مجرد
کندی انتقاملری ایچون بیولته بیولته خرسیتیانلق
عالمک پای تخت روحانیسی اوللق درجه سینه
وارد برلدفن صکر، برده المانیا ایمر غورزی کنسی
ایمپراطور لقلرینی پاپایه تصدیق ایتمدیرمه دن ایمپراطور
اوله مانعه باشلادقدن و بناء علیه کلیساره کلی
اوقاف ربطیه بوللری مائة زنکین ایلدکن صکره
ارتق پاللق مقامی یالکز پای تخت روحانی دکل
بر مرکز سیاسی جسمانی دخی اولشیسی.

اکر ایش یالکز بولدن عبارت قالسه ایدی
مؤخر آظهوره کلان انقلابات عظیمه نک ظهوری بلک
براز تأخر ایده بیلورایدی. انجیق اواش یواش اصل آیین
نصارانک خلافتنه اوله رق مثلا کاه چیقار مق و بر آدمی

کفر و رفضله اتهام و یا خود جنت و جلال ایله بکام ایتک
 کبی ایشلر هب پاپا جنابلرینک قدرتی داخلنده اولسی
 کبی مسأله رواج و یرلکه باشلا نیجه و بوندن مقصد
 عموم اورو پاخرستیانلرینی بر قوت قاهره دینه آلتنه
 آلق و بوصور تله قوجه بر قطعه نک منافع ماده
 و عنویه سی پاپاسلره منحصر قالمق صورتی اولد یغی
 میدانله چیقماق ایچون آزا جق عقلی سیور یلوب
 میدانله چیقانلر کفر و رفضله بالاتهام انواع عقوباتله
 اولدور ملک قومسی دخی آچیلنجه ایمپراطور ماقسیمیلیه نک
 اواخر حکومتنه طوغری هم متعصب و هم ده عالم لوتر
 نامنده بر پاپاس کندیسنی میدانله آتوب « اینجیلده
 قیصره عائد اولان یعنی حکمدارلره تعلق ایدن حکومت
 دنیویه بی ینه قیصره و یریکز دیه امر اولنمش ایکن
 پاپالق مقامنک قیصرده اولانی دخی کندیسنی ضبط
 ایتکله قالمش و کفارت ذنوب و توبه و تکفیر و سایر
 کافه احکام اساسیه نصرانیتک چیغرنندن چیقارلمش
 اولسی اللهم رضاسنه و شریعت عیسویه یه مغایر دره
 دعوانسنه قیام ایلشیدی :

علمای نصارا میاننده مومی الیه لوترک بود عواسنده
 حقلی اولدیغنی تسلیم ایدر برخیلی آدم بولندیغنی کبی
 بعض پرنسالر دخی کندیسنی تصدیق ایتسی اوزرینه
 مومی الیهک ماهیت اجتهادی نه دن عبارت اولدیغنی
 کورملک ایچون پاپانک امر و فرمانیله بر مجلس عقد
 اولندقدہ اگرچه لوترک دعواسنه مقاومت ممکن
 اوله مامش ایسه ده خرس تیانیغنی بویوله دو کر لر
 ایسه قاتولیک کلیسایی سعادت دنیو به دن بتون
 بتون محروم قاله جغنی و احوالده کرک حضرت مسیح
 و کرک حواریلری کبی فقر اختیاری ایچنده یاشامق
 لازم کله جکی کور یلنجه طالب دنیا اولان پاپالریله
 آنلرک طرفدارلری بوکا بر درلو راضی اوله میه رق
 لوترک عادتاً قتلی واجب بر کافر اولدیغنی اولو اورته
 حکم ایلدیله فقط بوزمانه قدر لوتر کرک پرنسلردن
 و کرک علما و اهلیدن پک چوق طرفدار پیدا ایلش
 اولدیغنی جهته مذهب جدیدک منادیلری المانیانک
 هانکی طرفنه کیرر ایسه مظهر حسن قبول اولور لر
 ایلی :

برارالق قاتوليك پاپاسلری ينه قاتوليك قالان
 پرنسلك قوتيله پروتستانلری قهر و تنكيل ايتكه
 قانقشديلر . حتی شرق طرفجه عثمانلورله و غرب
 طرفجه فرانسزلر ايله مشغول اولان ايمپراطور
 شارل كن دخي بويابده قاتوليكلر ايله فكر و نيته
 مشترك ایدی . فقط پروتستانلر آرتق قوتلرينی
 كرکی کبی يرينه كتورمش اولدقلرندن و (شمالقاد
 اتفاقی) ناميله براتفاق تشكيل ايدرك عموم قوتلرينی
 بوصورتله بر نقطه اوزرنده جمع ايلش اولدقلرندن
 كندیلری اوزرينه موفقیت قاتوليكلر ایچون
 زیاده سیله کوچلشمش ایدی . حتی اوشدتلی جلادتلی
 شارل كن كندی تبعه سی ديمك اولان المانيا پروتستانلری
 ايله صانكه اجنبی بردشمنه قارشو جنك ایدیورمش
 کبی محارباته دخي قیام ايدرك بالخصوص ۱۵۴۶
 و ۱۵۴۷ سنه سنده ایکی دفعه پروتستانلری مغلوب
 دخي ايلش ایدیسه ده ساقس حکمداری موريس ايله
 متفقلری بولنان سائر پروتستان پرنسملری اوتته دنبری
 آرازنده جنك وجدال اكسیك اولمیان فرانسه یی

دخی شارل کن علیهمندہ کندی اتفاقری داخلنہ الہرق
 نرہدہ شارل کنٹ اردوسنی راست کتورمشلرایسہ
 ازہرک مغلوب ایدرک ۱۵۵۲ تاریخندہ پاساوقصبہ -
 مسندہ شارل کنی امضایہ مجبور ایلدکاری معاہدہ ایلہ
 فرانسہ محاربائہ قطعاً بر نتیجہ ویرمکلہ برابر المانیا
 ایچندہ مذهب جدیدک انتشاریندہ ممانعت ایدہ مامکہ
 ومذهب مذکورى حر برافقندہ مضطر ایشلردر .
 ایشتہ مذهب جدید بر کرہ بوصورتلہ میدانہ
 چیققدن صکرہ ارتق هر طرفہ کوندر یلان مسیوزلر
 عمومی بومذہبہ دعوتدن چکما مشلر و پروتستانلغ
 بانسبہ قانونیکلکدن سادہ وقولایوصافی اولدیغنی
 کورنر دخی قبولدن کیرو طور مامشلردر کہ بوصورتلہ
 ایتالیا والمانیا وفرانسہ ودانیمارقه وتا اسوجہ
 قدر انتشار ایدن مذهب جدید یک چوق طرفدارلر
 بواسنہ وقانولیک کلیساسنک یعنی یایالق مقامیلہ
 طرفدارلرینک اغراض ومنافع جسمانیہ سنہ مانع
 اولسنہ مبنی انجام کاراوتوز سنہ امتداد ایتسندن
 طولانی محاربہ سی سالہ ذیہ شهرت بولان محاربہ

جسی، میدانہ چیمشدر . پروتستانلغک کلیاً تقرر
و تأییدینہ سبب اولان بو محاربہ بی دخی - برچوق
ملترہ تعلق ایتش وقایع عمومی بین الامدن بولنمسی
جهتیلہ - اشاغیدہ بر بند مخصوص اولہرق ذکر
ایده جکزن .

(اتمہای بند مخصوص)

شہرل کنتک عثمانلی و فرانسز کبی ایکی بیوک
قومشویہ قارشو آچدیغی محاربہ لردن و داخلا
مشغول اولدیغی دین غوغارندن ماعدادہ بردہ اسفار
بعیدہ خارجیہ سی اولوب ازجلہ ۱۵۳۵ سنہ سندہ
باربارہ س خیرالدین پاشا ایلہ تونسہ ایتش اولدیغی
عظیم بر محاربہ بی قازانمش ایدیسہ مانی متعاقب جزایردہ
ینہ مشارالہ خیرالدین پاشا اندہ مقہور و مغلوب
اولہرق آق کزدہ کی نفوذ بحر یسنی همان کلیاً
غیب ایشدز .

الحاصل مدت عمرینی محاربہ ایلہ کچورن و جہانت
بیوک بیوک کرم و سودینہ کوکس و یرن بو خرچین
وجلا دتلی ایمراطور آخر ایامندہ آرتق بونجہ سنہ لک

مشاغل و متاعیدن بیزار قالمغله ۱۵۵۶ سنه سنده
 ايمپراطور لقدن استعفا ايلش و او زمانه قدر المانيا
 ايمپراطور اغني اداره ايدن قرنداشي فرديناندي كلياً
 و قطعياً ايمپراطور نصب ايلديكي كبي اسپانيا قراللغني
 دخی كندی اوغلی فابيه ترك و كندیسی بر مناسرتده
 انزوایی اختیار ايدرك ۱۵۵۸ تاريخنده منزوی اولديغی
 حالد، وفات ايلشدر .

برنجی فرديناند خلق نظرنده پروتستان طائفاش
 ايسه ده پروتستانلغه توجهله شهرت بولش
 و باخصوص هر ايکی طرف خرستيان اولدقلى
 حالده جزوی بر مباينت سبيله بونجه قانلر دو کولاسنه
 برمعنا ويره ميه جکني اوتوده بریده علناً سويله مش
 اولديغندن شارل کن استعفا و كندیسنی المانيا
 ايمپراطور مستقلى اولق اوزره تأيد وابقا ايلديكي
 زمان پاپا به لنان دردنجی پول «پاپا بق مقامی شارل کن
 كبي خرستيانلغك بر طاقم رافضی و ملحد لینه قارشو
 جهاد و غزله عمر كچورمش اولان بر حكمدارك بلا
 مسبب صحيح استعفا سنی قبول ايدمنز . هله

فردیناندك ایمپراطور لغنی اصلا ایسته مرز . شارل کنی
 محضا خرسیتیانلغك منافعنی عایدند ه پاساو معاهده سی
 عقد اولندیغنی ایچون استعفا ایلدی . بز معاهده
 مذکور ه بی کائن لم یکن حکمنه قویه بیلورز « دیه
 بر دعویه قیام ایلمش و بر روایتیه کوره شارل کنک
 ایتدیکی استعفادن همان در حال ندامت کتوردیکی
 دخی اکلاشاش ابله ده بو دعواده پایالق مقامك
 دین محاربه سنی ادامه دن بشقه برنیتی اولدیغنی
 میداند ، بولمغله فردیناند « بنم ایمپراطور لغنی تقدیس
 ایتمك ایتمك پاپانك انده در . فقط ایمپراطور
 اولمغلم ایچون انك رضا و تقدیسی شرط دکلدر .
 شمیدییه قدر بر حقسنز دعوا اوزرنده پایالق مقامك
 سفکنه سببیت کوستردیکی قائلر ارتق الویدی بر ازده
 عالم راحت ایتسون « جوا بیله پاپانك یاغره سنه
 قولاق بیله و یرمدیکی . شلو ۱۵۶۴ سنه سنه قدر
 دوام ایدن مدت حکومتده فی الواقع محاربه آچلاماق
 وقان دو کولماك ایچون الدن کلانی دریغ ایتدی .
 بعد وفاته یرینه ایمپراطور اولان اوغلی ماقسیملیندن

ثانی دخی پروتستاناق مذهبی علناً قبول ایتماش
ایسه بیله خفياً قبول ایتش و هیچ اولز ایسه
بومذهبیه زیاده سیه منمک بولنش اولدیغندن
اعظمین کندیسی پروتستانلر علیهنه تحریک
وتشوبق ایدنلره * سز نه عقلسز ملاحظه سز
آدملر ایش سکر! شرق طرفدن عثمانلیر بزی محو
ایده جگر حالا انلره مدافعه کوستمکی
دوشونبورس کزده جزوی بر مابیت غرضکارانه دن
طولایی کندی ملتکز ایله جنک ایتکی دوشونبورسکز
المانیایی داخلاً سز اشغال ایدر ایسه کز خارجاً
ترکرله اوغراشمغه وفتزمی قالور؟ دیه تکدیر ایلش
و ۱۵۷۶ سنه سنه قدر دوام ایدن مدت حکومتده
المانیایا ایچنده نه دین وسیله سی ونه ده اسباب سار
ایله داخلی محاربه آچلماغه غیرت ایلشدر .

ایمپراطور مومی الیهک عقل و حکمتنه کوره
خارجاً دخی محاربته مشغول اولیه جیخی درکار
ایسه ده سلطان سلیمان ثانی و سلیم ثانی حضراتی کی
جهانه میدان او قویان جهانگیر پادشاهلرله هم

جواریتی صلحاً محافظه ایدمه رك بر قاج محاربه
 آچوب الحق شمدی به قدر المائیا حکم دارلزدن پك
 آزینك كوسترمش اولدقلری حسن مقابله یی اش-بو
 ایکنجی مافسیلیدن كوسترمشدر كه تفصیل کیفیت
 عثمانلی تاریخینده کوريله جكدرد • بوندن بشقه
 اولجه لهستان قرالغنه انتخاب ایدلش اولدیغی
 حالدۀ مؤخرأ حق ورثت کندیسنه انتقال ایتسندن
 طولابی اوچنجی هازی نامیله فرانسه قرالغنه
 انتقال ایدن حکمداردن صکر لهلور مافسیلیدن
 قرالغه دعوت ایلدکارنده اتیهن باتوری نام صاحب
 خروج کندیسنه میدان ویرمائی جهتیله ایمراطور
 مومی الیه بو کارقار شودخی چنکه حاضر لاش ایدسه ده
 او ارالق وقاتی وقوعیله موفق اوله مامشدر •

هله ککندیسنت فنون و معارفه میل و رغبتی
 حسبیه المائیا به یوزدن کوردیکی خدمت منکر
 دکادر • پدریله کندی زماننده پرتستانلرک
 کوردکاری راحت و نائل اولدقلری ترقی و وسعت
 قاتولیک طرفنی خرصلزدن چاتلانه جق مرتبه ده در •

نه فائده که کند پس ندن صکره ایمر اطوراق مقامنه
 کلان اوغلی ایکنجی رودولف علم کیمیا ایله هیئتدن
 بشقه برشیء اکلارمز بر فن بدلاسی او اوب مشهور
 کپلر ویش-و براهه ایله بو ایکی فتنه دائر مذاکرات
 و تألیفاتله امرار ایلدیکی اوقاتک بقیه سیله اوبالوجوه
 نازک اولان المانیایی حسن اداره یه موفق اوله مدیغندن
 هر طرفجه فتنه و فساد قبولی آپلمش و اشاغیده
 ذکر اولنه جق محار بهءسی ساله نك اسباب موجب سی
 تهیه ایدلمش اولدیغی کی عثمانلیرله قارشو ایدیلان
 محار به لرده دخی هزیمت کلیه یه دوچار اولمش
 بولندیغندن قرنداشی مانیاس در حال ارتق ایمر اطورک
 رضاسنی از اشدر مقسزین عثمانلیرله بر معاهده
 صلحیه امضا و بعده آوستریا و مجارستان و موراویا
 طرفلرینی کنسی انقیادی التنه ادخال ایدوب نهایت
 ۱۶۱۱ سنه سنه رودولفی بانکلیه خلع و عزل ییش
 و کند یسی بالاسهقلال ایمر اطور قالمشدر .

مقدمات حرکاتندن کورلدیکی وجهله اشبو
 مانیاس صلحی سور بر آدم اولمغله عثمانلیر ایله

مخاربه بی بر طرف ایلمش اولدیغی کبی المانیایا ایچنده
 دخی صلح و آسایشی محافظه یه الدن کلدیکی قدر
 جانشمش ایسه ده سلفی زمانده باش کوسترن
 او یغونسز لقلری کلیاً اورتهدن قاندرمغه موفق
 اولامدیغی مثللو کندیسى بلا ولد بولمق حبسیله ده
 حال حیاتنده و ۱۶۱۷ سنه سنده ایکنجی فردیناند
 نامیله ایمپراطورلق مقامینه اقعاد ایلدیکی یکنی
 فردیناند پک خسونتلی و پروتستانلره قارشو شدتلی
 برپرنس چیقدیغندن ارتق هر طرفجه تعصب دینه
 کوکله چیقمش و بر وجه آتی بر بند مخصوص
 ایله بمجلاً حکایه اید جکمز مخاربه سی ساله بونک
 زمانده باش کوسترمشدن بر ایسی که ماتياس ۱۶۱۹
 سنه سندن وفات ایتکله المانیانک هرج و مرج اولدیغی
 زمانی کورمه دن قورتلدی کیتدی .

— بند مخصوص —

مخاربه سی ساله

بو مخاربه مشهوره ۱۶۱۸ سنه سندن ۱۶۴۸

سند سینه قدر متمد اولمشدر که ظهورینه سبب دخی
 یوقارود پروتستانلغک ظهورینه دائر درج ایلدیکمز
 یر بند مخصوصده واندن صکره بورایه قدر اجمال
 ایلدیکمز معلومات ساردهده کوسترلش اولدیغی وجهله
 پروتستان مذهبیک هر کسی ایفاظ ایدرک وبر سرعت
 عاجله ایله ترقی ایلویه رک اورو پا خلقی عادتاً مقام
 الوهیت کی بر اهمیت مخصوصه ایله تلقی ایلدکری
 پایالق مقامنه بر نظری قیدی ایله باقغ دعوت
 ایلسندن و بناء علیه اول مقامک حساب وکابه صیغیان
 منافع روحانی و جسمانی سند مانع اولسندن ناشی
 قاتولیکارک دخی بونلرک محوینه یورومسندن عبارت
 بولمشدر . الک صکره محاربتهک بادلانغجی ایسه
 امیر اطور مانیاسک کندی یرینه انتخاب ایندیکی
 اینکنجی فردیناندک خشونت و پروتستانلره کوستردیکی
 بی نهایت شدتی اولمشدر . چونکه القور پالاتن دنیلان
 و بر ایسیر اطور انتخابی خصوصنده رأیی سائر
 القورلردن یعنی منتخبلردن زیاده نفوذ کوسترن
 بشنجی فردیناندی پروتستان مذهبینی قبول ایتش بولغی

حسبيله ايكنجى فرديناندك كوسـترديكى بودرجه
شدتن حسب الوقع پروتستانلرى كنديسى محافظه
و حمايه ايتك لازم كالديكى مثللو ذاتاً ايمپراطورلق
تاجنى تروج دعواسنده دخی بولمغله ارتق هر اسباب
موجبه سى حاضر لائش بولسان بر محاربهء دينيهك
مومى اليه بشنجى فره دريق طرفتن اعلان ايدلسى
لازم كمش ايدى .

تاريخ محاربهء سى ساله نى باشلوجه درت دوره
تقسيم ايدر . بولردن برنجيسى پالاتن دورى اولوب
محاربهك مبدئدن ۱۶۲۳ سنه سنه قدر بشنجى
فرددر يقك ايتديكى محاربانى حاويدر . المانيا
مشاهير شعراشدن شـلارك اشبو محاربهء سى ساله
ايچون مخصوصاً ترتيب ايلديكى نادر الامثال بر تاريخ
خصوصيده بيان ايديشنه كوره بو محاربهده قاتوايكلر
پروتستانلره قارشو اول قدر شدت كوسترلر ايمش كه
بر پروتستان مقولك قاننى ايچمكله بيله حرارت
عداوتلر ينى تسكين ايدمزلر ايمش . طوتيلان
اسيرلى حرب اسيرى طانيموب انواع اذا

وجهه - ازله اولدورمك دخی بو محاربده کورلش
 بار بار قلدندر . چونکه طرفین بر مطلب عادی
 ایچون جنك ایتمه - ورلر ایدی که حتی بالکز او مطلبك
 استحصانه چالشونلر . محضاً بر برینی محوایتمك
 و دنیا دن کوکی قالدیر مق ایچون جنك ایلدکلی
 جهته - ایکی دشمن بر برینی اولدورمینه - تشفی
 ایدمیز ایدی . نتیجه کلام بو محاربده طرفینك
 بر برینه کوسه دیکی شدت خونریزانه نه اهل صلیب
 محاربده - کورلشدن نه ده سانیلرایله ایران
 رافضیلری محارباند . طوطقلری اسیرك الحمی اکل
 ایدن و انجق بو صورتله تسکین شدت ایده بیلان اقوام
 وحشیه عنذنه دخی بودرجه بر برینك قاننه
 صوصا مشجه سنه جنك ایلدیکلی بو قدر دنیاسه
 مبالغه به حل اولنده مز . ایشته قاتولیکلر بودرجه
 شدته دوچار اولان پروتستانلر بشجی فره دریقك
 ایکنجی فردینا دیدیله ۱۶۲۰ سنه سنده پر اغا
 طرفلرنده دوچار اولدیغی مغلوبیت اوزرینه ارق
 بر درجه شدت جور و غایه دوچار اولمشلردر که

المانيّا جہ پر اغا و حوالیسی پروتستانلغک تکثرو توسع
ایتمش اولدیغی یرلر دن معدود ایکن بر ایکی سنه
ظرفنده اورا زده همان بر نفر پروتستان قالمیوب
اکثریسی هلاک ایدلمش و یک جزویسی تبدیل مذهبله
یقایی قورتاره بلمشدر .

ادوار اربعه نك ایکنجیسی ۱۶۲۵ سنه سنن
۱۶۲۹ سنه سنه قدر دوام ایدن دانوواز دوری
اواوب دایمارقه قرالی دردنجی قرستیان (دایمارقه
ص ۱۰۷ مر) دایمارقه نك المانیّا اوزرنده حصوه
کله جک بر چوق منافعنی اشبو محاربۀ سی سالده
کندیسنک دخی قبول ایتمش اولدیغی مذهب جدید
دارفدارلر نك غلبه سنه بولمغله بوبابده پروتستانلره
حرباً معاونته چیقمش ایسه ده او دخی ده سوطر فلرنده
جنرال والانسته ین ولویته ر طرفلرنده دخی جنرال
تیلاییدیله مغاوب اولدیغندن اوبق شهرنده عقد اولنان
و کندی علیه صده صرف حقارت و مسکنتله مملو بولنان
معاهده بی امضایه مجبور ایدلمشدر . مغلوبیتک دخی
پروتستانلرک محوینه نه قدر سرعت ویره جکی

بشقہ جہ ملاحظہ ابدلی . اوچنجی دورہ اسوچلو
 دوری دیناور کہ ۱۶۳۰ سنہ سندن ۱۶۳۵ سنہ سنہ
 قدر دوام ایدوب ہو دورہ اسوچ قرالی مشہور
 کوسا و آدولف (اسوچ ص ۱۰۳ مر) یلدرم کی
 بر شدت و سرعتہ المانیا ایجنہ کیرمش و ایمپراطور
 ایکنجی فردیناندک قاتولیک اردولرینی اولاپسیقدہ
 و ثانیاً لوتسن نام محاذہ مغلوب و پریشان ایتشد .
 مومی الیہ کوسا و فرط شجاعت و وفرت بسالت
 ایلہ تفرد ایتش حنک آفاحانی بر آدم اولدغندن
 محاربہ سی سالہ نک ایکی اولکی دورندہ پروتستانلرک
 دوچار اولدقاری ہزیمت و منکوبیتک انتقامنی تمامیلہ
 الہ جفی شہیدہ سزا بدیدہ دہ شواہلک غایت واقعہ سنک
 دخی نتیجہ سی استتاج ایسہ مکسزین لوتسن
 محاربہ سی ایچرہ وفات ایتکلہ پروتستانلرینہ پیکس
 و بیچارہ قالمش اولدیلر .

محاربہ سی سالہ نک دور ربعی فرانسدہ دوریدر کہ
 ۱۶۳۵ سنہ سندن باشلامش و مسئلہ یی انجامنہ قدر
 ایصال ایتشد . فرانسنملتی دہا ایمپراطور

ما قسیمیله من زمانده المنايا ایله پیدا اولان منافستی
محافظه ایتمکده اولدیغی مثلواندن صکره شارل کنک
یرنجی فرانسوایه ایتدیکی ایشلاروزرینه خصوصتارینی
برقاندما تقویه ایتمکده بولمسیله واوزمان فرانسه
پولیتیکه سنی پارمینی اوجنده جورمکده بولنان
مشهور قاردينال ریشه ليو (فرانسه سن ۱۷۸۴م)
آوستریا خاندانک نفوذینی قرق محضاً پروتستانلرک
غلبه سیله حاصل اولاجغنی کورمسبله بومخاربه یی
آچغنه قرار ویزمشدر .

فرانسه نك محاربته سی ساله یه مداخله سینی
پروتستانلر مذهبی ایچون برکونه طرف کیرلکه حل
ایتمک خطا در . زیرا سن یارته لیمی قتل عامنده
آلتمش بیک پروتستانک برکجه ده باشی کسان بوندن
ماعدار پروتستان و قانونیک محاربات دینه سند درهل
کی قانلر آفتان و الحاصل پولیتیکه سنک الکایفجه
جهتلرینی پروتستانلرک محوی و قانونیک کلک بئاسی
صورتلرله حصول پذیر اولان بر فرانسه دن بویله
یرغیرت بکله مکه محل یوقدر . بالکن قاردينال

ریشه ابو المانیاعا میهنده شو بو زدن بر فر اداق چویر مک
ایچون بو محاربه نی آچدر .

مع هذا محاربه ده بازو قوننده وتوررن نام
فرانسز جنرال لارینک قوه قاهره غالبیتلرینه قارشو
ایمپراطور ویایایالق اردولری عاجز قالدقلری کی
۱۶۳۷ تاریخنده ایکنجی فردیناند دخی وفات ایدرک
یرینه اوغلی اوچنجی فردیناند ایمپراطور اولمش
وچند سنه دهامهاجه ومخاصمه دوام ایلدکن
صکره فرانسز لره غایبه ممکن اولدنی قطعاً کورنجه
ومستغالی قصه سنه بر معاهده عقدینه وبومعهاده
موجبجه المانیاده مذهب جدید اربانک حر مطلق
بر اقلرینه موفقیت حاصل اولمشدر .

شیلار دیر که او توز سنه محاربه سنه **ک**رک
پروتستانتلردن و کرک قاتو لیکلردن وقو عبولان
وفیانک مقداری المانیانفوسنی نصفندن اشاغی به
ایتدیره جک درجه ده ایدی . ایشته یالکز مدت
امتدادی جهتیله دکل بلکه قوجه بر اقلیم یاریدن
زیاده نفوسنی هلاک ایده جک مرتبه ده تلافاتی

بولمق حسنیله تازیخک الک مهم اولمق اوزر طانی دیغی
محاریاتک ده الک مهم لرندن بریسی بو محاربه سی ساله
عد ایدلسه بالوجوه بجا و سزادر .

(انتهای بند مخصوص)

محاربه سی ساله نک تیجه سنده المانیا ایچون
کوریلان ضایعات پک یوک ایدی . زیر ابر کره
تکمیل پومرانی ایالتی اسوجه ترک ایدلدیکی کبی آلاس
ایالتیله تول و مج و ورده ن دخی فرانسه به ویرلش
و بوندن بشقه داخل المانیایی تقسم ایدر حکمدارلرک
جمله سی کر چکدن و مستقل حکمدار اواق اوزره
طانبوب هله پر وستان پر نسلری ایمرطورلغک هیئت
عمومیه سندن همان بالکایه آیراش اولغله بوزمانه
قدر هر حالده یکپاره کبی بر صورتله اداره اولنان
المانیا بعد ازان کر چکدن منقسم و متفرق برحاله
کیرمشدر .

ایمرطور اوچنجی فردیناد دها حال حیاتنده
ایکن اوغلنی دردنجی فردیناد عنوانیله اوزمانه
کوره ایمرطورلغک نامزدلک مقامی عد اولنان

روما فرالغه نه نصب یلش و بعد وفاته المانیا ایمر اطوری
 اوله جنی دخی درکار بو انمش ایکن اوغلی کندیسندن
 اول وفات ایلسیله ۱۶۵۷ سنه سنده کندیسی وفات
 ایلدیکی زمان یرینه دیکر اوغلی لئو پولد برنجیلاک
 عنوانیله ایمر اطور نصب اولمشدر .

اشبو لئو پولد مشهور جنرال مونته کوکولینک
 متبوعی اولان ایمر اطور درکد دولت علیه عثمانیه
 ایله ایتدیکی مشهور سن غوتار محاربه می انشاء الله
 ایلر و ده عثمانلی تاریخنده ذکر اوانه جقدر .
 بوندن ماعددا ایمر اطور دومی الیه فرانسه قرالی
 اون دردنجی لوی ایله دخی هم عصر اولوب لوی
 المانیا ایچنه آقین ایلدیکی زمان لئو پولد مقابله سنه
 چیقمش ایسده مغلوب اولدیغندن تیغ نام محله
 قرال غابک تکلیف ایلدیکی معاهده صلحیه بی
 امضایه مجبور اولدی .

واقعا لئو پولد فرانسه دن بوانتقامی المی ایچون
 ۱۶۴۸ سنه سنده اسپانیا و باویرا و ساقس ایله
 متفقاً (چونکه باویرا ایله ساقس ارتق المانیا دن

تمامیله آیلش اولدقلری جهته ایمراطور بومثالو
 امور معظمه، انلر امر ویره میوب غایتی اتفاقه
 دعوتله دعوتله اجابت ایتلرینی التماس ایدمه بیلور
 ایدی) فرانسه اوزرینه حرکت ایلش ایسه ده
 بو سفرده امیددی قدر موفق اوله مدقن ماعدا
 برقاچ یرده مغلوبیت کلیه به دوچار اولغله ۱۶۶۹
 سنه سنده ربسویق معاهده مغلوبانه سنی امضا
 ایلش و بومعاهده موجبجه آلاس المانیادن آریلوب
 عادتتا برفرنسز ایاتی اولشد .

فرانسه ایله شومحاربته کوسستردیکی فرصت
 اوزرینه ذاتاً ایمراطورک اداره سندن ناخستنود
 بولنال مجار خلقی عصیان ایلدکلری و بناء علیه او
 اراق المائیا یکلرینه طوغری ایلرله مک ایستیان
 عثمانلی اردوسنه اصلا مقاومت کوسستردکلری
 جهته ۱۶۸۳ تاربخنده اردوی همایون و یانه به
 قدر ایلروله شدر ۱۰ کر اردوی همایونجه و یانه
 قلعه سنه فتحی امرنده بعضی لزوم ویولسین
 تأحرات وفوعبولمالش اولسه ایدی قلعه مک تسلیم

اولنه جغنه شهه یوق ایدی . انجق تأخرات واقعه
 سببيله اهرستان قرالی ژان سوویه سکینک ویانه
 امدادینه یتمسنه فرصت بر اقلدیغی جهته سر قوم
 کلی عسکر ايله کلوب وزیر اعظم قره مصطفی پاشایی
 آوستریا طور اغندن چیقغه مجبور ایلشدر .
 بو اراق المانیانک سائر طرفلرینه انتشار ایلش اولان
 عثمانلی قول اردو لرینی دخی لورن دوقه سی اوئی و پرنس
 اوژن رجعه مجبور ایلش ایدی . قارویج معاهده سی
 بو محاربته ختام و یردی . اشبو مشاغل حریبه
 بر طرف اولدقدن صکره ایمپراطور لئوپولد مجاریستان
 اوز رینه عسکر سوق ایدرک باغلری تأدیب
 ایلشدر .

اسپانیا قرالی ایکنجی شارل بلا وارث وفات
 ایلد کده لئوپولد کندی اوغلی شارلی اسپانیایه
 قرال نصب ایتک ایسته دیسه ده بودعوا فرانسه
 قرالی اون دردنجی لوئیده دخی بولندیغنه یعنی اوده
 حفیدی فابی اسپانیا صندالی قرالیسنه اوتورتمق
 ایستدیکنه مینی بر محاربه دخی بویوزدن باش

اوستروب ذاتاً فرانسه ايله جنكه وسيله ارامقده
بولسان انكلتره وهولاندا المانيا ايله بالاتفاق فرانسه يه
غايه چانديلر وباخصوص هوهشتادغلبه عظيمه سني
قرانديلر ايسه ديه بوارالق يعنى ۱۷۰۵ تاريخنده
نئوپولنك وفاتى وقوعه نكله محاربته نك ارقه سني
آلغه وقتى قالمى .

بو محاربته تاريخ لساننده « تورات محاربته سى »
ديه شهرت بولان بر قاج محاربته نك بريده سى اولوب
منشئنه فرانسه دولتى حقتى والمانيا حق سز ايدى .
زير اسپانيا قرالى يكنجى شارل اون درديجى لويئيك
حقيدى كنديسنه وارث اولسنى وصيت ايلش اولديغى
حانده المانيا بو وصيتك خلافة اوله رق اوزاقدن
اوزاغه بعض وسائل ايراديله بر منوال محرر شارلى شارله
وارث ايتك ايستر ايدى . بناء عليه كيفيت فرانسه
تاريخنده دخى ذكر ايدلش اولديغى وجهله هر نه قدر
محاربته نك مباديسى فرانسىزلاچون بيوك بيوك مغلوبتى
نتيج اولديسه ده اسپانيا ده آلمانزا وويللا وچوزا
وفلاندرده واقع ده ن محاربته مشهوره لرى كى

غلبه در فرانسه زده قانديغدن و آلمانیه انك متفقلى
 دخی لئوپولده خلف اولان ايمپراطور ژوزفه صلح
 تكليفنه قانقشد فلرندن اكرچه ژوزف تكليف اولنان
 صلحى قبول ايتيوب قرنداشى شارلك حصول املی
 ضمنده محاربه ده دوام كوسترمش ايسه ده ۱۷۱۱
 سنه سنده اودخی وفات ايدرك ايمپراطور اوق تاجی
 محاربه نك سبب مستقلى اولان شارله انتقال ايدنبه
 شارل يالكر آلمانیه ايمپراطور اغيله اکتفا واسپانیایی
 اون دردنجی اوینك حقیدى قلیبه ترك ایتكه راضی
 اوله رق بونك اوزرینه اوترسن و راستاد معاهدلى
 عقد اولنوب ۱۷۱۴ تاریخنده بو محاربه ده دخی
 نهایت و برلمشدر .

الحق شارلك اسپانیادن واز كچمسنه آلمانیه
 ایچون بر ضرر و زیان معناسی و یرمك جائز دكلدر .
 زیرا بر اسپانیاه مقابل ایتالیا دن ناپولی و میلان
 و مانتو و ساردینیا ایله شمال طرفدن پهنی بایی دخی
 كندی ادا درسی آلتنه آلمشدر . (پهنی با ص

اشبوی ایمپراطور شارل زمانده رکه محاربات
 سابقه ده عابیتله شهرت آلمش بولسان پرنس اوژن پتر
 واردین و بلغراددن عثمانلی اردوسنه غنیه ایتمکله
 دولت علیه عثمانیه پاسارو ویح معاهده سنی امضا
 ایتدیره بیلشدر . اشبوی عثمانلی محاربه سی بتر بتز
 اسپانیا قرالی واون دردنجی لوئیک حقیقی معهود
 فلیک کوستردیکی سببیت اوزرینه ایمپراطور شارل
 تکرار اسپانیایه قارشو جنک آچوب حتی بودفعه
 آلمانیاک متفقاری بولنان انکلترة وهولانده ایله برابر
 فرانسه دخی آلمانیا ایله متفق چیقمش ایدیسده ده
 محاربه نک براهمیت فوق العاده کسب ایتمسینه میدان
 قالمسزین ۱۷۲۵ سنه سنه عقد اولنان ویانه
 معاهده سی دول محاربه یی بارشدیرا بیلشدر .

بودور فرانسه تاریخک دور شهوانیسی اولوب
 یالکن فرانسه دواتک دکل بلکه بتون آورو یانک
 پولایقه سی برطاق فاحشدرک کیفی اوزرنده دونمکده
 اولمسایله وینه بودورده لهستان آرتق اسکی انتظامی
 غیب ایدرک آزعین لهلول هر قرال وفات ایتدکجه

و یا خود خلع اولند قبحه اورو پا خاندانلرینک برر برر
 قپورینی جالوب کندیلری ایچون بر پرنس طلبنده
 بولمسیله ۱۷۳۳ سنه سنده دخی فحل قالان لهستان
 فرالغی ایچون ایمپراطور شارل المانیسا پرنس لرندن
 فره دریق او کوسه تی نصب ایتکه قالقشمش و فرانسه
 ایسه برچوق قاری انتر یغولرینک ایجابیله لهستانک
 یرلی پرنس لرندن ستانیدسللاس نام پرنسی اجلاس ایتک
 دعواسنه قیام ایلش اولدیغندن بر محاربه دخی
 بویوزدن باش کوسه مشیدی ۰ هله ۱۷۳۵ سنه
 سنده عقد اولنان بر معاهده موجنبجه لورن ایالتی
 ستانیدسللاس و یرلک و فره دریق او کوسه لهستانه
 فرال نصب اولمق اوزره ایکی طرفک دخی رضاسی
 داخلنده بر تألیف ایله جنکه ختام و یر یله بیلشدر ۰
 المانیانک عاداتا بهووه یره اسراف قوت ایتسندن
 عبارت بولنان شو محاربه لر دولت علیه عثمانیه یه اولجه
 کوردیکی مغاویت لک انتقامنی آلق ایچون فرصت
 و یردیکدن در حال اعلان حرب ایله ۱۷۳۹ تاریخنده
 شارل افلاق و صربیه یی و بلغراد و زاباش شهرلرینی

عثمانی دولته ترك ایتكه مجبور ایدلمش و بومغلوبیت
اوزینه شارل دخی معمر اوله میه رق برسته صکره وفات
ایلددر .

ایمپراطور شارل دها حال حیاتنده اینک بیوک
عزیز مشهور ماری ته رزی کندیسنه وارث ایتک
املنه دوشمش و بوباید نشر ایلدیکی اعلاننامه یی
اوستریا و المانیا و سائر ددن برحق حکمدار لره و سفیور لره
قبول و تصدیق ایتدیرمش ایسه ده وفاتندن صکره
ماری ته رزدن ماعدا قزلرینک قوجه لری و یا خصوص
باویرا القتوری شارل براسکی وصیتنامه یی و سیله
ایدیندرک ماری ته رزک اوستریا ده کی حق وراثتی
انکار چاشدیغندن و فصله بر یوانی بولوب فرانسه نك
شاهیر زمانه کندیسنی التزام ایتدیره رک بر فرانسه
اردوسنی ارقه سنه طاقدیغندن قهرراً و جبراً کلوب
کندیسنی ایمپراطور نصب ایتدیرمشیدی . لکن
بی وفار یوزندن سیکلان حایه نك حکمی دوام
ایده میه چکی جهتله فرانسه تاریخند دخی کوستراش
اولدیغی وجهله ماری ته رز فرانسه دولتی یاره یی

وجنه طلاقش اولان آشفته لره پرنسسلره لایق لسان ایله
 پرر عریضه تقدیم ایدنجه بونلرک نیاز و التماسی اوزرینه
 فرانسه دوتی شارله اولان حایه سندن واز کچدی .
 بناء علی ذلک اشاعیده ایکیجی فصلک ابتدا سندن .
 ایضا حاتی ویریه جکی وجهله شارل بغیر حق ضبط
 ایلدیکی تاجلری بردن بیه ترکه مجبور اولوب اگر
 ۱۷۴۴ سنه سنده پروسیا دولتک بوهمی قاریشقلتلری
 باش کوستمش اولسه ایدی اصل پدردن موروث
 باویرا تاجنی بیله تکرار آله میدرق باشنی آچیق قاله جق
 ایدی .

ایشته شارلک بو صورتله اندفاعندن صکره المانیا
 ایمپراطورلخی ماری تهرزک قوجه سی بولنان برنجی
 فرانسوایه انتقال ایدوب واقعا مومی الیها ماری تهرز
 اصل حق صاحبی ایهده قوجه سی اولان ولورن
 خاندانه منسوب بولنان فرانسوایه دخی مؤخر آ انتخاب
 قزانمش اولسیله بونلرک ایکی خانداندن مرکب
 اولهرق تشکیل ایلدکاری یکی خاندانه « اوستریایا
 لورن » خاندانی دینلمش و بو خاندانک مدت حکومتی

دخی بروجہ آتی آبروجہ بر فصلده کوسترلشدر .

- ایکنجی فصل -

﴿ اوستریا لورن خاندانک مدتی ﴾

عن ۱۷۴۵ الی ۱۸۰۶

- تفصیل - ماری تهرزک پدري پوانسان
ایمپراطور النجی شارل مومی الپهای کندیسنه ورث
اوله رق ترك ایلدیکی حانده بو وراشك طاننامسیله
الماتیا ایمپراطور لغنه هوس و بونك ایجابیله آوستریا
خاندانی علیهنه قیام ایدنلریالکز باویرالی شارل
اولیوب ساقس دوقه سی او کوست ثانی و (کیفیت
پروسیا بخشنده کوستریله جکی وجهله) پروسیا قرالی
ایکنجی فره دریق دخی آوستریا علیهنه قیام ایلشالر
ایدی . شو او ج خصما کافی ووافی اولدقلری حانده
ارایه فرانسه دخی کیر . بك باویرالی شارلی الترام
ایدنجه تک باشلرینه یانکز قالان ماری تهرزایله
قوجه سی مقاومتدن بتون بتون عاجز قالدیله .

شارلده با یرایر اطورا ولد قدن ماعدا پروسیا قرالی
قره دریق ثانی دخی آوستریا خاندانک ملک موروثی
بولنان سلیزیا ایالتی ضبط ایلدی . ساقس دوقه سی
ایسه کندیسنی ایمر اطوره اطاعتدن بوسبتون مستغنی
کوروب المانیانک سائر پرنسلیری دخی بویولده اکاپی رو
اولدی لر .

الحاصل بو قدر خصمایه قارشو عاجز قالان
ماری ته رز مجارستاندن بشقه صغنه جق یر بوله میه رق
ویانه یی ترک ایله اورایه التجا ایلد کده مجار اصل زاد کانی
جلب و جمع ایله هنوز بشیکده بولنان اوغلنی بونلره
کوستروب کندیسنک مسلم اولان طلاقتی حسبیه
اجدادینک المانیایه اولان خدمت لرینی بربر ریادو
« خاندانم قدر اسکی و شرفلی بر خاندانی شو اراق
ظهور ابدن درت بش نفر صاحب خرو جلر الله
بیچاره براقق سزه باقی شورمی ای مجار اصل زاد کانی؟ »
خطابنی ایراد ایدنجه زاد کان مومی الیه مک جمله سی
بر آغز دن « حکم دارمز ماری ته رزک شوکتی او غورنده
جمله مزک ترک حیات ایدرز » دیه مومی الیه یایی
القشلامغه باشلار لر .

بونك اوزرينه انكلتره دولتي دخي ماري ته رزه
 مظاهرت ايدوب مومي اليها مجسار عسكريله ۱۷۴۳
 سنه سنده باويرالي شارل اوزرينه يوريوب دهن
 ژن نام محمله آني مغلوب ايلديكي وايكي سنه
 صكره شارل وفات دخي ايتديكي جهته اباويرا
 مالكانه سي ماري ته رزه انتقال ايتد كدن ماعدا
 قوجه سي فرنسا دخي ايمپراطور انتخاب اولمشدر .
 واقعا مسئله يالكر بونكله بتمدي . خصمائي سائر
 محصمه ده بر زمان دهادوام ايدرك ۱۷۴۸ سنه سنده
 عقد اولنان اقسلا شاپل معاهده سي مسئله يي ولو كه
 موقه اولسون نتجه پذير ايتمشيدي . اندن صكره
 ماري ته رز وقوجه سي محاربه نك موجب اولديغي
 مصائبي تعميره باشلا ديلر و بر حال تدني به اينش اولان
 تجارت و صنايعي و بالخصوص معارف احيا ايچون
 پك چوق هم تير صرف ايلديلر . انجق اسكي
 المانيا ايچنده يكي دن توره مكده بولنان پروسيا دولتلك
 افكار استيلا كارانه سني صلح ايله يكمك ممكن اوله مديغي
 جهته محاربه هفت ساله ديو شهرت بولان و ۱۷۵۶

دن ۱۷۶۳ سنه سنه قدر تمتد اولان محاربه شدیده
 باش کوستر مکه اورته لقی نه آل قانله غرق
 اولدی . بو دفعه ینه ماری تهرزک فرانسه ده
 ورسای سرایلرنده عشوہ بازق ایدن نازند لری حسن
 تلخیص ایتمی سایه سنده اولجه کندیسسی حقوق
 حکمرانیدن محروم ایتک ایچون جنک ایدن فرانسز
 عسکری شمسی مومی الیهابی تأیید ایچون جنکه
 کلشدر . مع هذا سیلزیالیاتی پروسیاقرالی فره دریقه
 تملیک ایتدکن صکره هو بر تسبورغ معاهده سنی
 عقدہ امکان بولنه مدی . فقط ماری تهرز پدینک
 وفاتندن بری کندی حکومتی ته دید ایدن بونجه
 مصائبه قارشو یالکز برسیلزیایی صدقه ایدرک
 قورتلش اولدیغنه متشکر قالدی .

۱۷۷۲ سنه سنده روسیه ایمپراطور یچدسی ایکنجی
 قاترینا لهستان مفاسمه سی ترتیب ایلدیکی زمان
 (روسیه ص ۱۶۴ مر) پروسیا ایله برابر ماری
 تهرز دخی بو ترتیه اشترک ایدوب اصل کندی ملک
 موروثی دیمک اولان آوستریانک لهستان ایچنه طوغری

توسيع حدودينه خدمت ايده بيلش اولدى . ايشته
قاريلغيله رابرا اداره سى مردانه و معامله حريده سى
دليرانه اولان بو حاكمدار ١٧٨٠ تاريخنده وفات
ايلديكى زمان ملك موروثى اوغلى ايكنجى ژوزفه
ترك ايلشدر .

حانموكه ايكنجى ژوزف دهها پدري برنجى
فرانسوانك ١٧٦٥ سنه سنده وفاتى وقوعبولديغى
زمان المانيايه ايمپراطور انتخاب اولمشيدي . فقط
والده سى كى مقتدر بر ايمپراطور بچه بر حيات ايكن
كنديسنه حكم و حكومت اتمك دوشمديكندن اصل
يانفعل ايمپراطور لغى ينه والده سنك وفاتندن اعتباراً
بدأ ايلشدر . والده سى افكار عاليه سنه مطابق
بر يولده تربيه ايلديكى جهتله مومى اليه ايكنجى
ژوزف افكار جديده يه زياده سييله منهك اولوب
پاپاس كروهنك بر طاقم بيتهوده وبى لزوم مراسم
وتشريفاتنه ورياكاراناه ادعيه خيريه سنه اصلا
قولاق ويرمدكن ماعدا رهبانلوك بر رتبليخانه
صورتنه قويش اولدقلى مناسبترلدن دخی بر

چو غنی هدم و تعطیل ایستد در . پایا - ق سقنی بو
کبی اجر آتک علیه قیام ایلدی ایستده اول مقامک
المانیا اوزنده کی نفوذ و تحکمی قلماش اولدیغندن
عنف و جبره مقتدر اوله - بوب پایا بولنان انتجی پی
مخصوصاً و یانه کیتدی و حرکات واقع سندن واز -
کیمی رجا یوللو عرض ایلدی . ژوزف ایست
بو کی رهاله قولاق بیله ویرمیوب اصلاحات واقع دن
واز یکماشد در .

۱۷۸۷ تاریخنده روسیه ایبراطور پچه سی
قائربنا روسیه تاریخنده (ص ۱۸۴ مر) کوسرتلیدی
وایلروده عثمانلی تاریخنده دخی بیان اولنه جغی وجهله
دولت علیه اعلان حرب ایتدکاری زمان ژوزف
متفقاً اعلان حرب ایلشیدی . اردوی همایون
بنفیراد بیش کاهنده آوس-تیریا اردوس-نه غلبه ایدرک
وزیر اعظم اوسف پاشا مجارس-تازک ایچنه طوغری
ایلروزمکه باشلادقده آوس-تیریا تاریخلرینک مدحنی
کوناره چیقاردقلمی قلد ماره شال اودون فراردن
یشقه برشیده مهارتنی کوسرتدماش ایدیسده ده

اوارالق ارتق کرکی کبی انتظامندن چیمش اولان
 یکی چری عسکرینک سرکشکی سیئله سیله اودون
 غلبا ته باشلا یوب اردوی همایونی مجارستاندن
 چیقاردقن ماعدا بلغرادی دخی تسلیم مجبور ایتشد.
 شو قدر وار که بهی با طرفلرند ظهور ایدن براختلال
 (بهی با ص ۵۸ مر) عثمانلی محارباتیله اوغراشمغه
 میدان اقدیغی کبی فرانسه ده بیوک اختلالک
 ظهور یله ژوزفک همشیره سی اولوب فرانسه قرالی
 اون آلتنجی لوئینک زوجه سی بولسان بیچاره ماری
 آنتوانتک فلاکت احوالی دخی کندیسینی برفتور کلی
 ایچنه آتمغله ارتق مهمام اموره باقدجق اقتداری
 قالمامشدر .

۱۷۹۰ تاریخنده مومی الیه ژوزف ثانینک وفاتیله
 قرنداشی ایکنجی لئوپولد ایمپراطورلق مقاعنه قعود
 ایلدیکی زمان المانیا ایمپراطورلغی پک بیوک برتهلکه
 ایچنده بولاشیدی . زیرا وولتر کی ژان ژاق روسو کی
 فرانسه ارباب قلمک نیجه سندر د نبری نشر ایلدکاری
 افکار جدیده حریت اوروپانک هر طرفنی اویندیرهش

اولاً قدن ماعددا بیوک اختلال اربابنک ظهور یله
 کوستر دکری نمونه موفقیّت دخی جمله نک جرأتی
 آرتدیرمش بواندیغندن اولامجارستان خلقی کندی
 ملیتلیزیه، مخصوص بر طبق امتیازات طلبنده ایدیلر .
 ثانیاً اشاغی آوستریا ایله بوهیمیا اهاالیسی یکی طرح
 اولنان ویر کولر علیهنه غایت شدتلی نمایشلرده
 بولنور ایدی . ثانیاً آوستریانک په پی با ماسکانه سی
 خلقی عادتاسالاح بدست ایدیلر . فقط شو یولد
 علوم فلسفیه ایچنده پرورش بولمش عالم و حکمت
 شناس برآدم بولندیغی جهتله ناخشنود بولنان
 اهاالی مر قومنه نک کافه سنی عقل و حکمت سایه سنده
 بوله کتوروب قوه جبریّه استعمالی حالنده فرانسه دن
 بش بدتر بر حال شورش و انقلابه دوچار اوله جغی
 شبهه سز بولنان ممالکمنده انقیاد و آسایشی محافظه یه
 موفق اولدقدن ماعددا فرانسه ده زور بارالنده زبون
 قالان اور انجی لویینک بیله امدادینه یتشمک ایچون
 پروسیا دولتی ایله مذاکراته کیریشمش ایدیسه ده
 ۱۷۹۳ - نه سنه، وفاتی وقوعیله بوکا موفق
 اوله مامشدر .

یرینه پکن اوغلی ایکنجی فرانسوا جلوسیه
برابر تمام فرانسه نك چیلغیجه سنه برعزم جهانگیرانه
ایله اوروپ نك هر طرفنه صالد بر دیغی دوره
تصادف ایلا یکندن ایضاحاتی فرانسه تاریخنده
وبرلمش اولدیغی وجهله فرانسزلر ایله زرده
قارشولشدی ایسه مغلوب اولدیغندن ۱۷۹۷ سنه سنده
عقد اولنان قامپو فورمیه معاهده سی موجبجه په بی با
الله نومبار دیا اوزریده کی حقوقندن قصرید ایتمه
مجبور اولدیغی کی مؤخرأ تکرار محاربه به قیام
ایلد که دخی مرانقوده هزیمت کلیده دوچار اولمش
و ۱۸۰۱ تاریخنده عقد اولنان لونه ویل معاهده سی
موجبجه رین نهر نك اوتنه طرفنده بولنان المان
ممالکیندن ال چکمشدر .

۱۸۰۵ تاریخنده ایکنجی لئوپولد اوچنجی دفعه
اوله رق سائر متغیرلیله برابر ناپولیون بو ناپارط
علیهنه لدی التیام الشن ژن واولم وبالخصوص
اوسترایچ (فرانسه ص ۲۷۵ مر) هزیمت لرینی
کورمسیله عقد اولنان پرزبورغ معاهده سی همان

آوسٹریا دن ماعدا بتون المانیایی کندی حکم
ایمپراطور یسندن چیقارمش و بناء علیه لئوپولد دخی
المانیایا ایمپراطور لغی ارتق معنامنر قالدیغنی کورهرک
بو عنواندن و بونک مقتضاسی بولسان ایکنجیلاکدن
بالاستعفا برنجیلاک صرہ سبلہ آوسٹریا ایمپراطور لغی
عنواننی المشر •

ایشہ قدیم المانیایا ایمپراطور لغنک حکمی بوتاریخده
ختامہ ایروب فرانسوانک بوندن صکر کی صورت
حکومتی آوسٹریا بختندہ کوریلہ جک و المانیانک احوال
آتیہ می ایسہ اشاغیدہ کی اوچنجی فصلده ذکر
اولنہ جقدر •

— اوچنجی فصل —

﴿ رین هیئت اجتماعیہ سی ﴾

عن ۱۸۰۶ الی ۱۸۱۵

— تفصیل — ایکنجی فرانسوانک برمنوال
محرر ایمپراطور لق عنواندن استعفا ایتسی اوزرینہ
المانیایا ایچون بر ایمپراطور دها بولمنسی وبا خصوص

فتوحات جهانگیرانه سیله اوروپایی تتره تان ناپولیون
 بونا پارٹک انتخاب قلمسی صورتلری وارد خاطر
 اولمش ایسه ده المانیاده قرال عنوانی حائر اولان
 حکمدار لر وینه قرالار قدر مستقل بولسان دوقه لر
 وسائر پرنس لر ناپولیونک نه قدر فکر استبداد ده اولدیغنی
 بیلدکلری ومومی الیه طور رایکن بشقه برسنی
 ایمپراطور لغه چاغرمق ممکن اولدیغنی دخی کوردکلری
 جهتله آوستریا وپروسه یادن ماعدات تکمیل المانیا
 حکومتلری رین هیئت اجتماعیه سی نامیله بر حکومت
 متحده تشکیل ایلدی لر و بونک حایه لفظیه سنی ناپولیونه
 تودیع ایتدی لر .

اشبو هیئت اجتماعیه المانیانک کره زرین فرمانی کی
 نه قدر قوانین وتنسیقات قدیمه سی وارا ایسه جله سنی
 منسوخ عدا یدرک یکیدن بر قانون اساسی قویمشی دی .
 بواساس موجب بنجه شمدی به قدر داخله علی الاطلاق
 مستقل عد اولانان و حال بو که دائماً بر ایمپراطورک تسلط
 و تشکمی التندن چیمه میان حکومتلر داخله یکان یکان
 مستقل اولدکلری کی دول متجاوره الیه اولان معاملات
 سیاسیه و حربیه ده جله سنک هیئت مجتمعه سی بر دولت

طائش و عموم المانیا پارلامنتوسی دخی بو دولتک
حکمداری اولق اوزره قبول ایدلمشدر .

— در دنجی فصل —

✽ جرمانیا هیئت اجتماعیہ سی ✽

عن ۱۸۱۵ الی ۱۸۷۱

— تفصیل — ۱۸۱۵ سنہ سندہ بتون اور ویا

دول معظمہ سی ناپولیون بونا پارٹک علیہنہ قیام ایلہ
اول آفت جنک وجدالی خلع واسیر آسنت الن جزیرہ سنہ
فنی ایلدکاری زمان المانیہ جہ کوریلان انقلاب یالکز
« رین ہیئت اجتماعیہ سی » عنواننک « جرمانیا
هیئت اجتماعیہ سی » عنواننہ تحوّلندن ویرده
یو اجتماعک آوستریا خاندان ایمپراطوریسی حایہ سی
التہ ویرلمسندن عبارت قالدی .

شو قدر و ار که وستفالی ایلیری کی المانیادن
آیریلوب فرانسه ضبطنه انسا ویاخود من القدم
حکومت ایدن پرنسلسری ناپولیونک بازوی قهری ایلہ
طرد اولنه رق برطاقم یکی توره مش پرنسلره

تمليك ايديلان يرلر بويىكى هيئت اجتماعيه
 طرفندن استرداد وينه اسكى پرنسلىرينه احواله
 قلندىغى مثللو پومرانى وره نان ايله ساقسونيا دن
 بر خيلى يرلر وسيايه ولون برغ دانمارقه به
 ولو كسمبورغ په بى بايه ربط ايدلك كى بعض
 تعديلات اجر اقلمشدر . بوقسه تنظيمات وتنسيقاتيجه
 رين هيئت اجتماعيه سى مودلى بوزلماشيدى .
 بوتار يخذن صكره المانيا ايچنده محبت وطن وسوداى
 استقلال سائقه سيله افكار عموميه نك بعض مرتبه
 غليانلرى كوراش ايسه ده بونلر هر حالده وقوعات
 خصوصيه دن عبارت او اوب انشا الله تعالى ايلروده
 المانيانك بعض حكومات منفرد سنده دائر ويره جگمز
 معلومات خصوصيه صره سنده ذكرايديله جكندن
 خصوصيات مذكوره نك بوراده المانيا احوال
 عموميه سى صره سنده ذكرى مناسب كورنماشدر .
 المانيا هيئت عموميه سنده تعلق ايدن وقايع جسميه
 ومهمه نك صره سى قوللاشدير يلور ايسه تا ۱۸۶۶
 سنده سنده قدر طريق تحري اوزرنده بوقعه جسميه

تصادف اولنه هنر • بو اوزون مدت ایچنده پروسیا
دولتی غایت عاقلانه و ترقی جویانه حرکتله قوتنک
دائرة وسعتنی بر قاندها توسیع ایلد کدن صکره
اوستریا خانداننک المانیا اوزرنده یالکیز بر لفظدن
عبارت قالان حایه ایمپراطورانه سنی دخی چکه مامکه
باشلایوب بو نقطه اوزرنده بیودکجه بیویان اغراض
سائر بر طاقم آمال ایله برلشه رک ۱۸۶۶ سنه
میلادیه سنهده صادوا محاربه سنک وقوعه سببیت
کوستر مشمر •

بو محاربه ده ایتالیا دولتی پروسیا ایله متفقاً
اوستریا اوزرینه حرکت ایدرک المانیا هیئت عمومی
همان بالیکلیه بی طرف کبی بر حالده بولمیشیدی • واقعا
اوستریا دولتی برأ پروسیا وهم برأ هم بخرأ ایتالیا
اوزرینه مهاجمه دن چکشماعش ایسه ده پروسیا
عسکرینک استعمال ایلد کیری دقیقه ده اون سکر
یکرمی قورشون آتارایکنلی تفنکر قارشو طورلق
ممکن اولمادیغی جهتله مغلوبیت اوستریا طرفنده
قالجه اوستریا خانداننک جرمانیا هیئت مجتمعه سی

اوزرنده کی حايه لفظيه سی بتش وحتی هیت
اجتماعيه دخی ختامه ایرمشدر • بوندن صکره
شمديکی المانيا ايمر اطور لغنک صورت تشکلی اشاغیکی
فصلده کور یاور •

- بشنجی فصل -

المانيا نك شمديکی ايمر اطوانی

عن ۱۸۶۶ الى ۰۰۰۰

- تفصيل - اوروپا تشریفات دوليه سی
صره سنده هنوز چو جق دنيله جک مرتبه ده یکی
اولان پروسیا دولتک صادوا ده آوستریا علیهته
وقوعبولان غابه سی وخاندان مشارالیهک المانيا
اوزرنده کی حايه لفظيه سنک دخی انفساخی اوزمان
ایچون اوروپا جه نه قدر اهمیت قزانمش ایسه
المانیا جه اواهمیتک نسبت مربعه سنی قزانمش
اولدیغندن وروسیا دولتک بو درجه غالبیتی مولتی
کبی صنایع حربیه اربانتک تنظیمات عسکریه جه
عسمل اولان همتلرندن قطع نظر پرنس بسمارکک مهارت

دیپلوماتیکہ سندھ جل اولند یغندن صادوا محاربہ سنک
 عقینده ام دنیا پروسیا دولت جدیدہ سنک بوغایتدن
 نہ بولده استفادہ یہ چایشہ جغنه منتظر قالشیدی .
 بعد المحاربہ پروسیا دوائی المانیایی کنتدی
 نظارتی تحتہ بر اتفاق عمومی التہ المقدن بشقہ
 بر شیدہ نصب نظر اہمیت ایتدیکی کورنچہ اوروپا
 دیپلوماتلری بر درجہ یہ قدر مستریح اولمشلر ایسہ ده
 صوک اتحادلرینی دخی غیب ایدن المانیا حکومتلری
 پروسیانک بواملی اوزرینہ خلیجہ تلاش کوستریشلر
 ایدی . لکن پرفس بسمارق المانیایی بردن برہ توحیش
 ایتامک ایچون ذاتاً برقاج حکومتی پروسیایہ التحاق
 ایتمش اولان المانیایی شمالی قسمنی کرک طوعاً و کرک
 کرہاً اتحاد شمالی نامندہ بر اتفاق شمالی یہ ادخال
 ایلش و بوکا مقابل باویرا وورتمبرغ کبی المانیانک
 حکومت جنوبیہ سی دخی بر اتفاق جنوبی عقد
 ایلشلر ایدی . المانیانک بو صورتلہ ایکی ہیئت
 متفقہ حالنہ کیرمسی اورویادن پک آز کیمسہ لک نظر
 دقت و اہمیتلرینی قرانہ ییلش ایدیسہ ده پروسیا اولرک

کجه وکوندوز دوام ایلدکری تدارک و تنظیمات
عسکریه یالکز فرانسه دولتک نظر اهمیتنی آچتمده
ایدی . زیرا او کسمبورغک اتحاد بهانه سیله پروسیا
استیلاسی التنه ادخال ایدلمسنه فرانسه دواتی قطعاً
اعتراض ایلدیکی مثالو دولت مشار الیها الدن کلان
همتی دریغ ایتمک اوزره المانیای شمالی ایله جنوبینک
برلشلمرینه دخی اعتراض ومانعت ایلر ایدی .

چند سنه صکره اسپانیه دعایت اهمیتلی براخیلال
ظهوری ایله قرالچیه ایزابللا مقام حکومتدن طرد
اولنوب اسپانیاده بر حکومت ووقته تشکل ایتسی
و بر زمان اسپانیایی نصلمسه اداره ایده بیلدکدن
صکره برقرال انتخابنه لزوم کوره رک پروسیانک
هو هنرولرن خانداندن بر پر نسی اسپانیاتخته دعوت
ایتسی ذاتاً حدود شرقیه سنجه پروسیانک کوندن کونه
آرتان نفوذ و قوتندن اندیشناک اولان فرانسه دولتک
منافعنه طوقنه رق بر منوال محرر انتخاب خصوصنه
اعتراض ایتمکله ۱۸۷۰ سنه سنده پروسیایه اعلان
حرب ایلش وابتدای اعلان حربده یالکز پروسیا

ایله فرانسه نك جنك ایدہ جہ کی حسابیلہ هر كس
 یومسئله ده پروسیا دولت جدیدہ سنك صادوا مظفریتی
 شاننی دخی غیب ایدہ جکنہ منتظر قالش ایدی .
 مکر اتحاد شمالی ایله اتحاد جنوبی اراسنده براتفاق
 خفی موجود ایمش کہ محاربہ آتشی پارلار پازلامز
 المانیہ ای جنوبی دخی پروسیا نك سوق وادارہ سی
 التندہ اوله رق میدان حربہ یورودی کی جہتله فرانسه
 دولتی هزیمت کلیہ یه دوچار اولمش وایشته بو
 محاربہ نك عقببنده تکمیل المانیا حکمدارلی پروسیا
 قرالی ویلهلمی عموم المانیا ایمراطوری طانیہ رق
 المانیانك اسکی حکومت ایمراطوریسنی ایجاد
 ایلشدر .

المانیادہ الحالہ هذه موجود اولان حکومت ایشته
 شو ایکنجی حکومت ایمراطوریه اولوب بونک ایسه
 منافع و محسناتی هنوز افکار عمومیہ طرفدن اتفاق
 ایله حکم اولماشدر . فقط پرنس بسمارق کی
 حکومت مذکورہ یی التزام ایدنلر بو منافع و محسناتی
 حکم ایله بعد از بن المانیانك بیودکجه یومسنی استنتاج

ایدیورلر • واقعا بو کون المانیانک صورت حرکتیه
برابر کوستردیکی نمونه موفقیات دخی بو نتیجه بی
تأیید ایدیور •

❖ افاده عمومی ❖

المانیانک هیئت عمومی سه دأر بوجلدده ذاتاً مجمل
اوله رق و یردی کمز معلومات برده نظر موازنه و محاکمه ده
خلاصه ایدیور ایسه کوریاور که بو ملت کندی
نعمت استقلاله پک کچ و کوچ دسترس اوله بیلدیکی
کبی تاصوک زمانلره کلنجیه قدره ب برانپراطورک
تحکم و تسلطندن یقایی قور تاراماش ایسه ده ایشه
برده ایچ یوزندن باقلنجیه المانیانک هیچ بر وقتده
استقلالنی غیب ایتماش اولدیغی دخی کوریلور •
زیرا روما اولر کبی جهانکی بر دوات عصر لرجه
محار بهلر ایتش اولدقلری حالده المانیانک جنوب و غرب
طرفلرینی کوچ حال ایله هم ده موقه اله کچور مشلدر •
بو مدت تسلطنده شمال طرفلری ینه کندی اسکی
حریت بدویهلرینی محافظه ایتکله برابر روما اسارتی

التنه کیرن همشهر یلرینی قورتارمق همتندن دخی
کیرو طور مامشدر . یعنی فرانسزلر کی روما رعایای
اولوب قالمامشدر .

واقعا شارلمان بو قطعہ بی تمامیلہ ضبط ایدرک
تشکیل ایلمیکی غرب ایمپراطورلغنه قاتمیش و شو صورت
المانیا ایچون بر محکومیت عد اولنه بیلہ جکی درکار
بولمش اولوب انجق شارلمان المانلرک استقلال و حریت
اصلیه سنه اصلا مداخله ایتدکن ماعد ملت
مذکورہ نک اسکی بکرینه مملکتی بالتقسیم دیانت و مدنیت
دخی تعلیم ایلمشدر . بناء علیه شارلمانندن صکره حکومتلری
دوام ایدن قارلو و نیرثین پرنسلرینک ده المانلری رعایا
کی فوالانه جق بر اداره لری کور یله مامشدر .

مؤخرأ برر حکومت مستقله صور تیله تشکل
ایدن المانیا حکومتلری هنوز برر دره بکندن عبارت
ایکن انتخاب اولنان ایمپراطورلر بر زمانه قدر المانیا
ایچننه مستقلانه فرمان فرما اولمشلر ايسه ده بونلر
هز حالده برر جرمن حکمداری اولدقلری جهتله
المانیا هیئت عمومیه سنک استقلال ملیسی مغلوب

وہمغصوب ایداش اولدیغی مثللو بو ہیئت عمومیہ یی
 تشکیل ایدن قوملک استقلال خصوصیلری دخی
 کندی سنورلری طرفدن محافظہ اولنه بیلشدر .
 شو تفصیلانی ویرمکدن غرض المان ملتیک سائر
 ملتار مثللو نجابت اصلیه سنی غیب ایتماش اولدیغی
 آکلا تمقدر . زیرا بر ملتیک نجابت اصلیه سی ایکی
 شیلہ مبدل اولہ بیلوب بونک برنجیسی ملت مر قومہ نک
 بر ملت دیگر رعیتی انتہ کیرہسی وایکنجیسی ملل سائرہ
 ایلہ آخر صورتلہ اختلاط ایتسیدر . المانیانک ملل سائرہ رعیتی
 انتہ کیرماش اولدیغی موازنہ سابقہ دن اکلا شیلہ
 بیلوب اختلاط بحثنہ کلنجہ واقعا اورو پانک یوک یوک بر
 قاج ملتیلہ المانلرا اختلاط ایتشلر ایسہ ده بو اختلاط ملل
 مر قومہ نک المانیایہ کلہ رک قار شملری صورتیلہ وقوع
 یولیبوب باعکس المانلرک مثلا انکلترہ و فرانسہ یہ
 کیدرک اورالر خلغیلہ اختلاط ایتسندن و بو صورتلہ
 المانلقدن چیقمش اولسندن عبارتدر . سلاو
 خلقنک شرق طرفدن المانیایہ کیرمش اولسی بر امتراج
 حصولہ صکتورہ میوب بونلر الیوم دخی سلاو
 قالمشلردر .

ایسته اصلارینی شوصورتله محافظه ایدن المانلر
 لسانلرینی و اخلاقلرینی دخی محافظه ایدوب واقعا بونلر
 دخی لاتین و یونان لساندن برطاقم اصطلاحات ایله
 کندی لسانلرینی تزیین ایتشلر ایسه ده اکر بو کون
 المان لساندن اصطلاحات اجنبیه بی چیقاراجق اولسه لر
 المانجه نك ینه بر المانجه اوله رق باقی قاله جغنی تسلیم
 ایتلیدر . هله وقار و ناموس و صدق و خلوص و صبر
 و تحمل و سائر خصائل مقبوله جهتیه المانلر ملل
 مقمده نك همان هیچ بر یسنه قیاس ایدیه مز . زیرا
 مللر بو خصائل جلیله بی تا عالم بدویتدن کتورمش
 و صکره مدیتک نیجه زائلی ایله مبادله ایتمش اولدقلری
 اتوغراقی فنیجه مواد مسیله دن اولدیغنه کوره المانلر
 شو ایلاک خصائل مقبوله بدوویه بی اول قدر محافظه
 ایشلر لدر که البوم مدیتله بدویتی یان یانه قویوب ده
 المانلخی هر برینه آبری آبری تطبیق ایده جک
 اولسه لر بدویتله اولان مناسبتلری دها بیوک کوریلور
 ایدی .

ینه یو مناسبتدن نشئت ایشلر که المانلر بو عالم

وجودده يالكز كندى موجوديتلىرى ايچون ياشامشلىر
وهرنه ياپديلر ايسه محضا المانلق ايچون ياپوب
يوقسه مدنيت وسعادت عموميه يه فرانسىزلر قدر
نه همت ايدى بيلمشلىر نه ده مضرتده بولمشلردىر .

المانيآ ايچون تاريخك تعيين ايلديكى تذللكلر يالكز
پروتستانلق مسئله سندن ماعداسى عادتا تماميله
بى اساس شيلردىر . فقط بويروتستانلق مسئله بى
اول قدر بيوك وتهلكلى برم مسئله ايدى كه المانيآيى
بالكليه محوايدى بىلىسى دىخى حسابى قولملى ايدى .
مع مافيه بويلىه المانيانك نفوسنى ياريدىن اشاغى يه
ايندىر مكله ختام بولدىقن ويروتستانلىق لايقيه
ميدان الدقن صكره المانلىرى خرىستيانلىق ناميله
دوچار اولمش بولدىقلىرى پاللىق اسارت ماديه
ومعنويه سندن قوزتارمش وحرىت افكاره نائل
ايلمش اولدىغدىن بلاحد ذاتنده بلا ايكنى من جهة
نعمت يرينه نكمشدىر .

واقعا عثمانلورك بلغارستان اوزرىدن المانيآيه
تجاوزلى المانيآ ايچون بريوك تهلكه ايدى . فقط

اصل المانیا ایچنه طوغری بوهمایه قدر کیدوب
 مرزاق سیلکن یالکز آقجیلرمن ایدیلر . یوقسه
 اصل اردوی همایونک صدمات قهرمانیسی مجارستان
 ایچنده کوریلوب ایکی دفعه ویانه محاصره سنده ده
 اشغی اوستریایی وولهیه ویرمش وهر حالده المانیانک
 ایچرولری صوات عثمانیه دن محفوظ قالشدر .

بیوک اختلالدن صکره واقعا ناپولیون بوناپارط
 المانیایی هرج و مرج ایدرجه سنه برچالقاییش چانقدی
 ایسه ده بونجه مجادلانک نتیجه سی المانیایی بر المانیا
 ایمپراطور انخی نقطه سنده اجتماع وانحاددن آیروب
 بر رین هیئت مجتمعه سی اتفاقنه صوققدن و برده
 کنارندن کوشه سندن بعض یرلری قرقوب بر طاقم
 یکی تورودی پر نسلره ویر مسندن عبارت قالدی .
 یعنی ناپولیونک شدتی و سرعتی بر ششخانه قورشونی
 کبی ایدی . انجیق المانیانک متانتی دخی بر قلعه دیواری
 کبی اولدیغندن قورشون کل شدتیه برابر دیواردن
 انجیق طرناق قدر یر قوپارد بیلیشیدی . هله ده
 صکره دول متفقہ فرانسه یی کرچکدن هرج و مرج

ایتدکری زمان فرانسه ملیتک رضاسی خلافتنه
دوچار اولدیغی انقلاب کبی بر بلیه یه الماتیا عالتا
هیچ بروقده دوچار اولدی .

اوروپا ایچنده فنون و معارفک ترقیاتی ایچون
احتیاج کوریلان معلوماتی هولاندز و انکلیز
و پورتیکز کمپجیری عالمک اقطار بعیده سندن
طوپلایوب کنورمش اولدقلری منکر دکدر . فقط
بو یابده المانلر دخی آنلره بیرو اولمدن کیرو قلمدقلری
مثلاو مباحث فنونی تألیف و تصنیف همتی دخی آنلرده
کورلمشدر . هله اخلاق و عقاید و شعر و انشاجه
الحق ید دولارینی کیمسه انکار ایدمز . شیلر
و شیلانغ و کوت و بوفون و الکساندر هومبولد
و سائر بونلر کبی قرقی اللی بی تجاوز ایدن اعظمک
اسامیسی فنون حکیمه و ادبیه و طبیعیه تاریخلرنده پارل
پارل پارلا مقدهدر . انجق المانلر معارفجه اولان
بو ترقیه کندی حدودلری داخلنده بروسعت و یره ییلوب
فرانسزلرایسه فرانسزلک یابدقلری هب تقلید و المانلرک
و انکلیزک یابدقلری هب تحقیق اولسنی دعوا ایدنلرک

ادعای زدن قطع نظر - حکمت و معرفت لرینی بتون
دنیا به نشر ایتمک غیرتندن هیچ بر زمان کیرو
قالا مشلردر .

حب وطن فرانسز زده انکلیز زده والحاصل
عصیت و ناموس صاحبی اولان هر ملتده بولندیغی
قدر المانیاده دخی واردر و ملت غیرتی دخی ینه
بونسبتده در . انجق « ملتیم نوع بشردر وطنم
روی زمین » فکری عالمده همان فرانسز زده مخصوص
کبی برشی اولوب جهان بر مصیته مبتلا اولسه المانلر
واقعا اول مصیته آغلارلر ایسه ده کندی حدودلری
اوزرینه کلوب اورادن آغلارلر وانکلیز اورایه
خزینهلرینی دوکرلر فرانسز زده ایسه قانلرینی !
المانلرده تجارت انکلیزیه فرانسه یه نسبتله اوچنجی
درجه ده بیلله قالیز . جناب حق برملتی مسعود ایتمک
ایچون لازم اولان شیلرک اغلبنی المانیایه و یرمش
اولدیغی جهتله بوملتک مال متجاوره یه احتیاجی پک
آزدر . ملل متجاوره نک المانیایه احتیاجی اوله بیلسه
دخی اولکا ایشلک اسکله لردن محروم اولدیغی جهتله

اوطرفدن حوایج جلبی صیبا دوشر • البته آوستریانک
تجارتی المانیان دها رواجلیدر • مملکت مذ کوره نك
صنایعی دخی بونستنده در •

المانلریالکز بوصول محاربه لریله ده دکل اوتهدنبرو
عسکرلکده نام و شهرت قزانمشلرایسه ده بو شهرت
یانکزان نظام و صنایع حریه به مخصوص بر شهرت اولوب
یوقسه شجاعت فطریه جه فرانسه زافرادی المان افرادندن
مقدمدر • شویله تعبیرایدلم که جنکه کیتک المانلرایچون
بر مذبحه کیتک قدر دهشتلی اولوب فرانسه زلرایچون
ایسه دو کونه کیتک قدر ذوقدر • فقط المانلر
شجاعت خصوصنده انکلیزله مر جحدرلر •
(انتهای)

(المانیاتاریخک فہرستی)

۳ ۰۰ مقدمہ ۰۰ المانیاتک خلاصہ احوال

• جغرافیہ سی

۱۱ المانیاتاریخک تقسیمات اساسیہ سی •

✽ برنجی باب ✽

۱۴ تاریخک اطلاعی بتدیکی برزماندن بدآیلہ

• قاراوونیرتہن خاندانک انقراضنہ قدر •

(برنجی فصل)

۱۵ المانیاتک بدایت احوالی •

(ایکنجی فصل)

۲۴ رومالورک تسلطی •

(اوچنجی فصل)

۳۵ رومانک اضمحلالی •

(دردنجی فصل)

۴۱ شارلمان وقارلوانیرتہ نلر •

✽ باب ثانی ✽


۴۹ قاراونیرتہ نلردن فترت جسیہ یہ قدر •


(برنجی فصل)	
فرانتونی خاندانیه سا قس خانداندن	۴۹
ایمپراطور ائک تأسسنه قدر .	
(ایکنجی فصل)	
ساقس خاندانک بقیدسی .	۶۰
(اوچنجی فصل)	
فرانتونی خاندانی .	۶۵
(دردیجی فصل)	
صواب نام دیگر هوهنستوفن خاندانی .	۷۶
* باب ثالث *	
بیوک فترتن او کسمبورغ و باویرا خاندانلری	۸۳
ختمانیه قدر .	
(برنجی فصل)	
مدت انقلاب .	۸۳
(ایکنجی فصل)	
هایسبورغ خاندانی .	۹۰
(اوچنجی فصل)	
لوکسمبورغ و باویرا خاندانی .	۹۷

* باب رابع *

- ۱۰۷ اوستریا خاندانك ابتدا سندن بوزمانه قدر .
 (برنجی فصل)
- ۱۰۷ اوستریا خاندانی .
 (ایکنجی فصل)
- ۱۴۷ اوستریا لورن خاندانی .
 (اوچنجی فصل)
- ۱۵۶ رین هیئت اجتماعی سی .
 (دردنجی فصل)
- ۱۵۸ جرمانیا هیئت اجتماعی سی .
 (بشنجی فصل)
- ۱۶۱ شمذیکی امپراطورلق ۰۰ افاده عمومی .
-







3 1761 08129724 4